

西土聖賢撰集(三)

第 108 册

一四·一三三五	禪法要解經二卷	姚秦三藏鳩摩羅什譯	一
卷上(集九)	二	二一
一四·一三三六	阿育王經一〇卷(一至一〇)	梁扶南三藏僧伽婆羅譯	三七
(墳一—墳六)		
卷一(墳一)	卷二(墳一)	五〇
卷三(墳二)	卷四(墳三)	七五
卷五(墳三)	卷六(墳四)	九〇
卷七(墳四)	卷八(墳五)	一二
卷九(墳五)	卷一〇(墳六)	一三六
一四·一三三七	阿育王譬喻經一卷	失譯人名今附東晉錄	一四九
卷一(墳七)	一五〇	
一四·一三三八	三慧經一卷	僧祐錄云安公涼土異經今附北涼錄	一五七
卷一(墳七)	一五七	
一四·一三三九	阿毗曇五法行經一卷	安息三藏安世高譯	一六八
卷一(墳七)	一六八	
一四·一三四〇	寶頭盧突羅圍爲優陀延王說法緣經一卷	宋天竺三藏求那跋陀羅譯	一七九
卷一(墳八)	一八〇	

一四·一三四一 請寶頭盧經一卷

宋三藏慧簡譯……………一八八

卷一(墳八)……………一八八

一四·一三四二 大勇菩薩分別業報略經一卷

宋天竺三藏僧伽跋摩譯……………一九〇

卷一(墳八)……………一九〇

一四·一三四三 坐禪三昧法門經二卷

姚秦法師羅什譯……………一九九

卷上(墳九)……………二〇〇

卷下(墳十)……………二二二

一四·一三四四 佛所行讚經五卷(一至五)

馬鳴菩薩撰 北涼天竺三藏 曇無讖譯……………二四七

(典一—典五)

卷一(典一)……………二四八

卷二(典二)……………二六八

卷三(典三)……………二八五

卷四(典四)……………三〇八

卷五(典五)……………三三一

一四·一三四五 僧伽羅刹所集佛行經五卷(一至五) 苻秦沙門僧伽跋澄譯……………三五五

(典六—典十)

序(典六)……………三五六

卷一(典六)……………三五八

卷二(典七)……………三八一

卷三(典八)……………三九七

卷四(典九)……………四一一

卷五(典十)……………四二八

一四·一三四六 法句譬喻經四卷(一至四)

西晉沙門 法炬共法立譯……………四四三

卷一(亦一)	四四四	卷二(亦二)	四六九
卷三(亦三)	四九二	卷四(亦四)	五一一
一四·一三四七	菩提行經四卷(一至四)	聖龍樹菩薩集頌	
	宋西天中印度惹爛駄羅國三藏明教大師	天息災奉詔譯	五三七
卷一(亦五)	五三八	卷二(亦五)	五四七
卷三(亦六)	五五八	卷四(亦六)	五六七
一四·一三四八	金剛頂一切如來真實攝大乘現證大教王經二卷		
	唐特進試鴻臚卿三藏沙門	不空奉詔譯	五七九
卷上(亦七)	五八〇	卷下(亦八)	五八九
一四·一三四九	文殊師利菩薩及諸仙所說吉凶時日善惡宿曜經二卷		
	宋內供奉三藏沙門	不空奉詔譯	六一三
	弟子上都草澤	楊景風修註	六一三
卷上(亦九)	六一四	卷下(亦十)	六三四
一四·一三五〇	僧伽斯那所撰菩薩本緣經四卷(一至四)		
	吳月支優婆塞支謙譯		六五一
卷一(聚一)	六五二	卷二(聚二)	六六八
卷三(聚三)	六八三	卷四(聚四)	六九四
一四·一三五二	那先比丘經三卷		
	(聚五—聚七)	失譯人名附東晉錄	七〇五
卷上(聚五)	七〇六	卷中(聚六)	七二五
卷下(聚七)	七四二		



禪法要解經

姚秦三藏鳩摩羅什譯

禪法要解經



清刻龍藏佛說法變相圖

禪法要解經卷上

集九

姚秦三藏鳩摩羅什譯

行者初來欲受法時師問五衆戒淨已若姪
 欲多者應教觀不淨不淨有二種一者惡獸
 不淨二者非惡獸不淨何以故衆生有六種
 欲一者著色二者著形容三者著威儀四者
 著言聲五者著細滑六者著人相著五種欲
 者令觀惡獸不淨著人相者令觀白骨人相
 又觀死屍若壞若不壞觀不壞斷二種欲威
 儀言聲觀已壞悉斷六種欲習不淨有二種
 一者觀死屍臭爛不淨我身不淨亦復如是
 如是觀已心生惡獸取是相已至閑靜處若
 樹下若空舍以所取相自觀不淨處處遍察
 繫心身中不令外出若心馳散還攝緣中二
 者雖眼不見從師受法憶想分別自觀身中

三十六物不淨充滿髮毛爪齒涕淚涎唾汗垢肪腠皮膜肌肉筋脉髓腦心肝脾腎肺胃腸肚胞膽痰癢生臟膿血屎尿諸蟲如是等種種不淨聚假名為身自觀如是所著外身亦如是觀若心惡獸婬欲心息則已若心不息當勤精進訶責其心作是念言老病死苦甚為至近命如電逝人身難得善師難遇佛法欲滅如曉時燈有破定法眾患甚多內諸煩惱外有魔民國土飢荒內外老病死賊其力甚大壞習禪定我身可畏於諸煩惱賊中未有微損於禪定法中未有所得雖服法衣內實空虛俗人無異諸惡趣門一切皆開諸善法中未入正定於諸惡法未必不作我今云何著是屎囊而生懈怠不能精勤制伏其心如此弊身賢聖所訶不淨可惡九孔流出

卷九

二

而貪著此身與畜生同死俱投黑闇其所不應如是硬心思惟自責還攝本處又時亦復應令心悅作是念言佛是一切智人直說道教易解易行是我大師如是不應憂畏如依大王無有怖畏諸羅漢所作已辦是我同伴已能伏心如奴畏主心已調伏具種種果六通自在我亦應自調伏其心求得此事唯有此道無復異路如是思惟已還觀不淨復自欣歡作是念言初習道時諸煩惱風吹破我心我若得道上妙五欲尚不能壞何況弊者如長老摩訶目捷連得阿羅漢道本婦將從妓樂盛自莊飾欲壞目連目連爾時即說偈言

汝身骨幹立 皮肉相纏裹 不淨內充滿
無一是好物 皮囊盛屎尿 九孔常流出

如鬼無所直	何足以自貴	汝身如行廁
薄皮以自覆	智者所棄遠	如人捨廁去
若人知汝身	如我所惡厭	一切皆遠離
如人避屎坑	汝身自嚴飾	華香以瓔珞
凡夫所貪愛	智者所不感	汝是不淨聚
集諸穢惡物	如莊嚴廁舍	愚者以為好
汝脅肋著脊	如椽依梁棟	五臟在腹內
不淨如屎筐	汝身如糞舍	愚夫所保愛
飾以珠瓔珞	外好如畫瓶	若人欲染空
終始不可著	汝欲來燒我	如蛾自投火
一切諸欲毒	我今已滅盡	五欲已遠離
魔網已壞裂	我心如虛空	一切無所著
正使天欲來	不能染我心	
淨觀者三品或初習行或已習行或久習行		
若初習行當教言破皮却不淨當觀白骨人		

繫意在觀不令外意外念諸緣攝之令還若已習行當教言心却皮肉具觀頭骨不令外念外念諸緣攝之令還若人習行却身中一寸皮肉繫意五處頂上額上眉間鼻端心處如是等處住意在骨不令外念外念諸緣攝之令還當復觀心若心疲極捨諸外想注念在緣譬如獼猴被繫在柱終日馳走鎖常攝還極乃休息所緣如柱念則如鎖心喻獼猴亦如乳母常觀小兒不令墮落行者觀心亦復如是漸漸制心令住緣處若心久住是應禪法若得禪定即有三相身悉和悅柔輕輕便白骨流光猶如白珂心得靜住是為淨觀是時便得色界中心是名初學禪法門若定得勝心則不如制之令住是名一心若能一寸中住便得遍却不得但觀赤骨人得此觀

已棄赤骨人觀白骨人不令外念外念諸緣攝之令還心若清淨住於骨觀骨邊白光遍身中出如天清明日光極淨此光既出以心目觀了了見之因光力故見骨人中相似諸心心相應法生滅如毗瑠璃甯中水流是時心息得樂姪人欲樂不足喻也外身觀亦復如是如是一身觀次第轉多乃至閻浮提復從一閻浮提還至一寸心得自住是爲不淨中淨三昧門復次此身空骨以薄皮覆有何可樂甚可患也行者如是思惟決定堅固住心本緣不畏衆欲若利根者一心精勤遠至七日心得定住中根者乃至三七日鈍根者久久乃得如鑽酪成酥必可得也若不任習行是身雖復久習種種方喻空無所得譬如鑽水終不成酥問曰何事不中答曰若犯禁

戒不可懺者若邪見不捨若斷善根及三覆鄣所謂厚利煩惱五無間罪三惡道報如是等罪不應習行又摩訶衍中菩薩利根有實智慧福德因緣不同其事若不任習行當誦經修福起塔供養說法教化行十善道問曰云何當知得一心相答曰心住相者身輕樂瞋恚愁憂諸惱心法皆以止息心得快樂未曾所得勝於五欲心淨不濁故身有光明如清淨鏡光現於外如明珠在清淨水中光明顯照行者見是根已心安喜悅譬如渴人掘地求水已見濕泥得水不久行者如是初習行時如掘乾土久而不止得見濕相自知不久當得禪定一心信樂精勤攝心轉入深定作是念已毀皆五欲見求欲者甚爲可惡如人見狗散糞而生惡心如是種種因緣訶

欲爲過已心生憐愍受五欲者自心有樂而不知求反更外求不淨罪樂行者常應精進晝夜集諸善法助成禪定諸障禪法令心遠離集諸善法者觀欲界無常苦空無我如病如瘡如癰如箭入心三毒熾燃起諸鬪諍嫉妬之烟甚可惡厭如是觀者是名初習禪法若習法時中間或有五蓋覆心即應除滅如黑雲翳日風力破散若姪欲蓋起心念五欲即應思惟我今在道自捨五欲云何復念如人還食其吐此是世間罪法我今清淨學道除剃鬚髮披著法服盡其形壽五欲情願求離永斷云何還復生著甚非所宜即令除滅如賊毒蛇不令入室以其爲禍甚深重故復次五欲之法衆惡住處無有反復初時尚可久後欺誑受諸苦毒嫉妬恚怒無惡不作如

囊盛衆刀以手抱觸左右傷壞復次設得五欲猶不厭足若無厭足則無有樂如渴飲漿未及除渴不得有樂猶如搔疥其患未瘥不可爲樂復次欲染其心不見好醜不畏今世後世罪報以是之故應除姪欲已却姪欲或生瞋惱瞋惱心生即應除却衆生可念處胎已來無時不苦衆苦備具云何更增其惱如人臨欲刑戮何有善人重增其苦又復行道之人應捨吾我愛慢等結雖不障生天而行道之人尚不應念何況瞋恚拔樂根本復次如水沸動不見面像瞋恚心盛不識尊卑父母師長乃至不受佛教瞋爲大病殘害無道猶如羅刹當以思惟慈心消滅瞋恚欲瞋恚既止若得禪定則爲快樂若未得禪樂情散愁憤心轉沉重憂鬱不了即知睡眠害心

之賊尚破世利何況道事睡眠法者與死無異氣息為別如水衣覆水不覩面像睡眠覆心不見好醜諸法之實亦復如是即時除却應作是念諸煩惱賊皆欲危害何可睡眠如對賊陣鋒刃之間不應睡眠未離老病死患未脫三惡道苦於道法中乃至煖法未有所得不應睡眠作是念已若睡眠不止者即應起行冷水洗面瞻視四方仰觀星宿念於三事除滅睡眠不令覆心一者怖畏當自思惟死王大力常欲為害念死甚近如賊疾來無可恃怙又如拔刀臨項睡則斬首二者欣慰當作是念佛為大師所有妙法未曾有也我已受學自幸欣慶睡心即滅三者愁憂當復念言後世展轉受身經歷苦痛毒害無邊無量如是種種因緣訶睡眠法如是思惟睡眠

則止若掉悔蓋起應作是念世人欲除憂求歡喜故而生掉戲今我苦行坐禪求道云何自恣放心掉戲甚所不應佛法所重攝心為本不應輕躁縱心自放如水波動不見面像掉戲動心不見好醜悔如禪度中說問曰貪欲瞋恚各別為蓋何故睡眠掉悔二合為蓋答曰睡雖煩惱勢力微薄眠不助成則不覆心掉戲無悔不能成蓋以是故二合為蓋譬如以繩繫物單則無力合而能繫復次睡眠心法因睡心重以心重故身亦俱重因睡微覆眠覆轉增遮壞道法是故二合為蓋眠既覺已心不專一馳念五欲行諸煩惱是名為掉譬如獼猴得出羈閉自恣跳躑戲諸林木掉亦如是已念五欲行諸結使身口意失而生憂悔作是念言不應作而作應作而不作

是故掉悔相因二合為蓋問曰作惡能悔不應為蓋答曰如犯戒自悔從今以往不復更作如是非蓋若心作非常念不息憂惱亂心故名為蓋如是種種因緣訶掉悔蓋繫心緣中若心生疑即應令滅所以者何疑之為法非如愛慢今世不生懽心後世令墮地獄又疑遮諸善法如歧路猶豫不知那進便自止息行者如是本所習法疑不復進即知疑患遮覆正道當疾除却復作是念佛為一切智人分別諸法是世間法是出世間法是善是不善是利是害了了分明今但受行不應生疑當隨教法不應拒違復次佛法妙者修定智慧如實知法我無是智云何自心籌量諸法如人手執利器乃可與賊相禦若無所執而對強敵反以為害我今未得修定智慧云

何欲籌量諸法實相是不應爾復次外道非佛弟子故應生疑我是佛弟子云何於佛而復生疑佛常毀些疑患是覆是蓋是遮是礙自誑之法如人既知刺害即應除避疑亦如是誑惑行者欲與疑慧而破實智譬如病疥搔之轉多身壞增劇良醫授藥疥痒自止行者如是種種諸法而生疑想隨事欲解疑心轉多是以佛教直令斷疑疑生即滅如是種種訶疑當疾除却行者如是思惟除捨五蓋集諸善法深入一心斷欲界煩惱得初禪定如佛經說行者離欲惡不善法有覺有觀離生喜樂入初禪問曰得初禪相云何答曰先以正念訶止五欲得未到地身心快樂柔和輕濡身有光明得初禪相轉復增勝色界四大遍滿身故柔和輕軟離欲惡不善及一心

定故能令快樂色界造色有光明相是故行者見妙光明照身內外行者如是心意轉異瞋處不瞋喜處不喜世間八法所不能動信敬慚愧轉復增倍於衣服飲食等心不貪著但以諸善功德爲貴餘者爲賤於天五欲尚不繫心何況世間不淨五欲得初禪人有如是等相復次得初禪時心大驚喜譬如貧者卒得寶藏心大歡喜作是念言初夜中夜後夜精勤苦行習初禪道今得果報如實不虛妙樂如是而諸衆生狂惑頑愚沒於五欲不淨罪樂甚可憐愍初禪快樂內外遍身如水漬乾土中外沾洽欲界身分受樂不能普遍欲界姪恚諸火熱身入初禪池涼樂第一除諸熱惱如大熱極入清涼池既得初禪念本所習修行道門或有異緣所謂念佛三昧或

念不淨慈心觀等所以者何是行思力令得禪定轉復深入本觀倍增清淨明了行者得初禪已進求二禪若有漏道於二禪邊地獸患覺觀如欲界五欲五蓋令心散亂初禪覺觀惱亂定心亦復如是若無漏道離初禪欲即用無漏初禪訶責覺觀問曰如初禪結使亦能亂心何故但說覺觀答曰初禪結使名爲覺觀所以者何因善覺觀而生愛著是故結使亦名覺觀始得初禪味有餘著故是以覺觀滅結使亦滅復次本未曾得覺觀大喜以大喜故壞破定心以破定故應當除捨復次欲入甚深二禪定故除却覺觀爲大利故而捨小利如捨欲界小樂而得大樂問曰但說覺觀應滅不說初禪煩惱耶答曰初禪覺觀有二種一者善法相應覺觀二者愛等結

使相應覺觀以惡覺觀障二禪道是故宜滅以善覺觀能留行者令心樂住是故皆應當滅尋復思惟知惡覺觀是爲真賊善覺觀者雖似親善亦復是賊奪我大利故應當進求滅二覺觀覺觀惱亂如人疲極安眠衆音惱亂是故行者滅此覺觀以求二禪譬如風土能動濁清水不見面像欲界五欲濁心如土濁水覺觀亂心如風動水以覺觀滅故內得清淨無覺無觀定生喜樂入於二禪問曰云何是二禪相答曰經中說言滅諸覺觀若善集九若無記以無覺觀動故內心清淨如水澄靜無有風波星月諸山悉皆照見如是內心清淨故名賢聖默然三禪四禪雖皆默然以二禪初得爲名有覺觀語言因緣因緣初滅故得名默然定生喜樂妙勝初禪初禪喜樂從

離欲生此中喜樂從初禪定生問曰二禪亦離初禪結使何以不言離生答曰雖復離結使但住定力多故以定爲名復次言離欲者則離欲界言離初禪未離色界是故不名離生如是等是二禪相行者既得二禪更求深定二禪定有煩惱覆心所謂愛慢邪見疑等壞破定心是二禪賊遮三禪門是故當求斷滅此患以求三禪問曰若爾者佛何以故說離喜行捨得入三禪答曰得二禪大喜喜心過差心變著喜生諸結使以是故喜爲煩惱之本又復諸結使無有利益不應生著喜見悅樂甚爲利益滯著難捨以是故佛說捨喜得入三禪問曰五欲不淨罪喜則應當捨是喜淨妙衆生所樂云何言捨答曰先以答生著因緣則是罪門復次若不捨喜則不能得

上妙功德以是故捨小得大有何過也行者
進求三禪觀喜知患憂苦因緣所可喜樂無
常事變則生憂苦復次喜爲麤樂今欲捨麤
而求細樂故言離喜更入深定求異定樂云
何三禪相滅喜捨此妙喜心不悔念知喜爲
害譬如人知婦是羅刹則能捨離心不悔念
喜爲狂惑麤法非妙第三禪身受樂世間最
樂無有過者聖所經由能受能捨無喜之樂
以念巧慧身則遍入於三禪問曰此說一心
念巧慧初禪二禪何故不說答曰第三禪者
身遍受樂心行捨法不令心著分別好醜是
故言一心念慧復次三禪中有三過一者心
轉細沒二者心大發動三者心生迷悶行者
常應一心念此三過若心沒時以精進智慧
力還令心起若大發動則應攝止若心迷悶

應念佛妙法還令心喜常當守護治此三心
是名一念巧慧行樂入第三禪問曰如經說
第三禪中二時說樂何等爲二樂答曰前說
受樂後說快樂問曰有三種樂受樂快樂無
惱樂以何樂故三禪名爲第一之樂答曰三
禪樂上妙皆勝下地但以受樂第一說名樂
地究竟盡故餘二樂者上地猶有此中不以
爲名問曰喜樂無喜樂有何差別答曰樂受
有二種一者喜根二者樂根喜根喜樂初禪
二禪所攝樂根無喜樂三禪所攝復次欲界
初禪樂受麤者名爲樂根細者名爲喜根二
禪三禪樂受麤者爲喜根細者爲樂根譬如
熱極得清冷水持洗手面是名爲喜入大涼
池舉身沐浴是名受樂行者如是初禪覺觀
動故樂不遍身二禪大喜驚故不能遍身三

禪無障礙故樂遍其身是名差別復次樂受有四種欲界六識相應樂名為喜根亦名樂根初禪四識相應樂名為樂根亦名喜根二禪意識相應樂名為喜根三禪離喜故意識相應樂受名為樂根行者既得三禪知上三樂一心守護常恐退失則為是惱是故樂復為患當求離樂譬如人求富貴之樂求時既苦得時無厭則復為苦得已守護亦復為苦有人以求樂為苦故捨或有得樂無厭覺苦故捨或有既得守護為苦故捨行者患樂亦復如是求初禪樂以覺觀惱亂故捨二禪大喜動故捨三禪知樂無常難守故捨以是故當捨此樂求於四禪安隱之地問曰行者依禪定樂捨於欲樂今依何等而捨禪樂若捨禪樂得何利益答曰行者依涅槃樂能捨禪

樂而得三利所謂羅漢辟支佛佛道是故捨禪定樂行於四禪安隱快樂以三乘道隨意而入涅槃問曰云何知是第四禪相答曰如佛說四禪相若比丘斷樂斷苦先滅憂喜不苦不樂護念清淨入第四禪問曰斷三禪樂應爾離欲時以斷苦今何以復言斷苦答曰有人言斷有二種一別相斷二總相斷如須陀洹以道比智總斷一切見諦結使是事不然何以故佛說斷苦斷樂先滅憂喜若欲界苦應說先斷苦憂喜而不說者以是故知非欲界苦以三禪樂無常相故則能生苦是故說斷苦又如佛說樂受時當觀是苦於三禪樂生時住時為樂滅時為苦以是故言斷樂斷苦先滅憂喜者欲界中憂初二禪喜問曰欲界中有苦有憂離欲時滅何以但說斷憂

不說斷苦答曰離欲時雖斷二事憂根不復成就苦根成就以成就故不得言滅問曰若三禪中樂生住時樂滅時爲苦今說初禪二禪中喜何獨不爾答曰佛經所說離三禪時斷樂斷苦先滅憂喜初禪二禪不作是說問曰佛何因緣不作是說答曰三禪中樂於三界中受樂最妙心所著處以其著故無常生苦以喜麤故不能遍身雖復有失不大生憂以是故佛經不說也不苦不樂者第四禪中唯有不苦不樂受捨者捨三禪樂行不苦不樂受不憶不悔念清淨者以滅憂喜苦樂四事故念清淨問曰上三禪中不說清淨此中何以獨說答曰初禪覺觀亂故念不清淨譬如露地風中然燈雖有脂炷以風吹故明不得照二禪中雖一識攝以喜大發動故定心

散亂是故不名念清淨三禪中著樂心多亂此禪定故不說念清淨四禪中都無此事故言念清淨復次下地雖有定心出入息故令心難攝是中無出入息故心則易攝易攝故念清淨復次第四禪名爲真禪餘三禪者方便階梯是第四禪譬如山頂餘三禪定如上山道是故第四禪佛說爲不動處無有定所動處故又名安隱調順之處是第四禪相譬如善御調馬隨意所至行者得此第四禪欲行四無量心隨意易得欲修四念處修之則易欲得四諦疾得不難欲入四無色定易可得入欲得六通求之亦易何以故第四禪中不苦不樂捨念清淨調柔隨意如佛說喻金師調金融鍊如法隨意作器無不成就問曰行者云何得慈心無量答曰行者依第四禪

已念一城衆生願令得樂如是一國土一間
浮提四天下小千國土二千國土三千大千
國土乃至十方恒河沙等無量無邊衆生慈
心遍覆皆願得樂譬如水劫至時消水火珠
滅不復現大海龍王心大發動從念生水出
海溢漫及天注雨遍滿天下是時天地彌漫
無不充溢行者亦爾以大慈水滅瞋恚消慈
火珠慈水發溢漸漸廣大遍至無量無邊衆
生悉蒙潤澤常出不斷或聽說法增益慈心
譬如大雨無不周普行者慈念衆生令得世
間清淨之樂亦以所得禪定快樂持與衆生
亦以涅槃苦盡之樂乃至諸佛第一實樂願
與衆生以慈力故悉見十方六道衆生無不
受樂問曰如阿毗曇說何等是慈三昧觀一
切衆生悉見受樂又經中說慈心三昧遍滿

十方皆見受樂云何但言願令衆生得樂答
曰初習慈心願令得樂深入慈心三昧已悉
見衆生無不受樂如鑽燧出火初然細軟乾
草火勢轉大濕木生林一時俱然慈亦如是
初入觀時見人受樂願與苦者慈力轉成悉
見得樂問曰衆生實無得者云何皆見得樂
而不顛倒答曰定有二種一者觀諸法實相
二者觀法利用譬如真珠師一者善知珠相
貴賤好醜二者善能治用或有知相不能治
用或有治用而不知相或有知相亦能治用
行者如是賢聖未離欲者能觀法相四真諦
等而不能利用不行四無量故如凡夫離欲行
諸功德能有用生四無量心不能觀實相
故如俱解脫阿羅漢等能觀實相具禪定故
生四無量四無量者得解之法以利用故非

爲顛倒復次佛法之實無有衆生云何觀苦者爲實樂者爲倒所謂顛倒無衆生中而著我相若常若無常若邊若無邊等是爲顛倒行慈之人知衆生假名如輪等和合名之爲車是故行者慈心清淨則非顛倒復次若無衆生以爲實者衆生受樂應是顛倒而有衆生無衆生皆爲是邊不應但有衆生以爲顛倒復次慈三昧力故行者皆見衆生無不得樂如一切入觀禪定力故於緣境界轉青作赤何況衆生皆有樂相而不見也如貴賤貧富禽獸之屬谷自有樂互相憐愍貴者之患貧者所無貧者之患貴者所無問曰餘道可爾地獄云何答曰地獄衆生亦有樂分遠見刀山灰河皆謂林水而生樂想見樹上女人亦生樂想又我心顛倒故愛樂其身若欲殺

時逃避啼哭請求獄卒願見放捨若語赦汝得脫此苦者心亦可樂如是之等皆有樂分又復神通力故行慈之人種種教化令衆生得樂或隨所用而能與之及身口行助成利益如諸佛菩薩深心愛念壞諸惡趣實令衆生得種種樂以是故不但與願亦實令得樂問曰行慈者得何功德答曰行慈者諸惡不能加如好守備外賊不害若欲惱害反自受患如人以掌拍鉞掌自傷壞鉞無所害五種邪語不能壞心五種者一妄語說過二惡口說過三非時說過四惡心說過五不利益說過譬如大地不可破壞種種瞋惱讒謗等不能毀也譬如虛空不受加害心和柔輒猶若天衣復次行者入慈虎狼毒獸蛇虺之屬皆不能害如入牢城無能傷害得如是等無量

集九

十六

集九

十七

功德問曰慈德如是何者名慈法答曰愛念衆生皆見受樂是心相應法行陰所攝名爲慈法或色界繫或不繫心繫法心共生隨心行非色法非是業業相應業共生隨業行非報生是應修得修行修應證身證慧證或思惟斷或不斷或有覺有觀或無覺有觀或無覺無觀或有喜或無喜或有出入息或無出入息或賢聖或凡夫或樂受相應或不苦不樂受相應非道品先緣相後緣法在四禪亦餘地緣無量衆生故名爲無量清淨故慈念故憐愍利益故名爲梵行梵乘能到梵世名爲梵道是過去諸佛常所行道問曰云何修習慈心答曰若出家行者作是念我除剃鬚髮不存飾好破憍慢相若稱此者宜應行慈今著染衣當應行慈令心不染食他之食不

虛受施如經所說若有比丘漸修慈心則隨佛教如是不虛食人信施復次若出家在家行者作是念慈心力故於惡世中安隱無患於破法衆中獨隨法行於熱煩惱令心清冷如近聚落有清涼池復次行慈力故怨家毒患不能傷害如著革屣刺不能傷行者處於欲界多瞋怒害鬪諍怨毒種種諸害慈心力故無能傷害譬如力士著金剛鎧執持利器雖入大陣不能傷壞復次是慈能利益三種人凡夫行慈除諸瞋恚得無量福德生於淨界世間福德無過是者求聲聞辟支佛者欲界多瞋慈力能破及餘煩惱則亦隨滅得離欲界漸出三界如佛所說慈心共俱近脩七覺大乘發心爲度衆生以慈爲本如是慈心於三種人無量利益

又習慈初門有十六行令速得慈又使牢固亦常修行一者持戒清淨二者心不悔三者善法中生喜四者快樂五者攝護五情六者念巧便慧七者身離心離八者同行共住九者若聽若說隨順慈法十者不惱亂他人十一者食知自節十二者少於睡卧十三者省於言說十四者身四威儀安隱適意十五者所須之物隨意無乏十六者不戲論諸法行是十六法助慈三昧悲者觀衆生苦如地獄餓鬼畜生世間刑屠飢寒病苦等取其苦相故悲心轉增乃至樂人皆見其苦問曰云何以樂爲苦答曰樂是無常樂無厭足從因緣生念念生滅無有住時以是故苦復次如欲天受樂如狂如醉無所別知死時乃覺色無色界衆生於深禪定受味心著命終隨業因

緣還復受報如是衆生當有何樂於地獄三惡道是舊住處天上人中猶如客住暫得止息以是因緣故佛但說苦諦無有樂諦是故一切衆生無不是苦衆生可愍不知實苦於顛倒中而生樂想今世後世受種種憂惱而無厭心雖暫得離苦還復求樂作諸苦事如是思惟見諸衆生悉皆受苦是爲悲心餘悲心義如摩訶衍論四無量中說喜者行人知諸法實相觀苦衆生皆爲樂相觀樂衆生皆爲苦相如是諸法無有定相隨心力轉若諸法無有一定相者成阿耨多羅三藐三菩提尚無有難何況餘道以隨意可得故心生歡喜復次行者作是念我因少持戒精進等便得離欲逮諸禪定無量功德念諸善功德故心生歡喜譬如賈客賈持少物百千倍利心

大歡喜復作是念如此法利皆由佛恩佛自然得道與人演說隨教修行得如是利益是時心念十方諸佛身有金色相好莊嚴及十力等無量功德法身因是念佛心生歡喜復次佛法於九十六種道中最為第一能滅諸苦能趣常樂心生歡喜又復分別三種佛法一者涅槃無量相常相是究竟不壞法二者涅槃方便八直聖道三者十一部經宣示八道如是念法心生歡喜復次能知如是實相行於正道離諸邪徑是為正人所謂佛弟子衆於一切衆中最為第一自思惟言我以此衆中是我真伴彼能益我以是因緣故心生歡喜願令衆生悉皆歡喜定力轉成故悉見衆生皆得是喜捨者行人如小懈極心暫止息但觀衆生一相不觀苦樂喜相猶如小

兒若常愛念憍恣敗壞若常苦切怖畏羸瘦是故有時放捨不愛不憎行者如是若常行慈喜心則放逸以喜樂多故若常行悲心則生憂惱以念苦多故是以行捨莫令苦樂有過復次行者入道得禪定味分別衆生好醜是善是不善集九善者恭敬愛念不善者則生輕慢如人得大珍寶輕慢貧者見有寶者恭敬愛念破是二相故而行捨心如經中說修行慈心除破瞋恚修行悲心除惱衆生心修行喜心除破憂愁修行捨心除破憎愛但觀衆生得解脫故隨心所作如人觀林不觀樹也又如世人寒時得溫熱時得涼資生隨意者是名為樂若得安位寶藏歌舞戲笑者是名為喜若失此衆事者是名憂苦若無此三事是名為捨行者亦如是具有四心自身受樂

願及衆生心既柔軟見一切衆生悉得是樂
又復見諸天上世間豪貴取其樂相願及衆
生心既柔軟見一切衆生悉得是樂修行慈
時心生大喜以此大喜願與衆生或從定起
禮佛法衆讚嘆供養亦得心喜願與衆生及
取外喜願與衆生或時自見其苦老病憂惱
飢寒困苦欲令衆生離是苦惱我能分別籌
量心忍猶尚苦惱何況衆生無有智慧忍受
衆苦何得不惱則生悲心復見外人刑戮鞭
撻又聞經說惡道苦痛取是苦相觀一切皆
苦而生悲心捨自捨憎愛亦觀衆生無有憎
愛及取外衆生受不苦不樂者從第四禪乃
至非有想非無想處及欲界無苦無樂時取
是相已觀一切衆生亦都如是無苦無樂復
次如貴人唯有一子愛念甚重心常慈愍世

間諸樂願令悉得自能得者亦皆與之其子
或時遭諸惱患父甚悲念若子從困得免其
父大喜心生喜已即便放捨任子自長父得
休息行者如是於四無量心中觀諸衆生亦
如子想隨已所有樂事及取世間種種諸樂
願令得之慈定力故悉見一切皆是樂者行
人從慈心起若見衆生受諸苦痛取是相已
而生悲心悲心力故見諸衆生悉皆受苦見
受苦已願令衆生皆離是苦從悲三昧起若
見衆生受樂得道入涅槃者取是相已而生
喜心欲令彼得而彼自得心識柔軟悉見衆
生皆得歡喜從此定起見衆生不苦不樂者
不憂不喜者取是相已而生捨心願令衆生
不苦不樂不憂不喜以善修捨定力故悉見
衆生不苦不樂不憂不喜得離煩惱熱復次

若衆生有諸過疊捨而不問若恭敬愛著不
以爲喜是爲捨心如是等四無量義如摩訶
衍中說

禪法要解經卷上

音釋

助 歷德切 脇幹也 筓 音箇 祖官切
 鄧切 膏莫切 鄧切 跳 跳他切 躑 躑直切
 躑 躑直切 躑 躑直切 躑 躑直切
 鏗 莫侯切 兵也

集九

三二

禪法要解經卷下

集十

姚秦三藏鳩摩羅什譯

若行者欲求虛空當作是念色是種種眾苦具如鞭杖割截殺害飢寒老病苦等皆由色故思惟如是則捨離色得虛空處問曰行者今以色爲身云何便得捨離答曰諸煩惱是色因緣又復繫色是煩惱滅故則名離色復次習行破色虛空觀法則得離色復次如佛所說比丘觀第四禪五陰如病如癰如瘡如刺無常苦空無我如此等觀則離第四禪五陰以餘陰隨色故但言離色所以者何色究竟盡故復次行者觀色分分破裂則無有色如身有分頭足肩臂等各各異分則無有身如頭眼耳鼻舌鬚髮皮肉等分分令異則無有頭如眼者四大四塵身根眼根十事和合

白黑等肉團名爲眼各各分別則無有眼地等諸分各亦如是問曰眼根四大所造不可見色云何分別答曰四大及四大造淨色和合故名爲眼若除是色則無有眼又此淨色雖不可見以有對故有分有分故無眼復次能見色者是名爲眼若除四大及四大造色則無有眼若無眼能見色者耳亦應爲眼若眼是色法一切色法有處有分故應可分別若可分別則爲多眼若言四大所造眾微塵爲眼者不應一眼若都非眼亦無一眼若言微塵爲眼者是亦不然何以故若微塵有色則有十方不名爲微塵若非色者則不名爲眼復次微塵體定有四分色香味觸是眼非四事何以故眼是內入攝四大爲外入攝以是故不得以諸微塵爲眼如佛說眾事和合

見色假名爲眼無有定實耳鼻舌皮肉骨等亦如是破是爲破內身相外色宮殿財物妻子等亦皆如是分別破如佛告羅陀從今日當破散色壞裂色令無有色能如是分別名離色復次如佛說若比丘欲離色度一切色相滅一切對相不念一切異相入無量虛空處度一切色相者是可見色滅一切對相者是有對不可見色不念一切異相者不可見無對色復次度一切色相者青黃赤白紅紫等種種色相滅有對者聲香味觸等不念一切異相者大小長短方圓遠近等如是離一切色相得入虛空處復次行者繫心身內虛空所謂口鼻咽喉眼耳鼻腹等既知色爲衆惱空爲無患是故心樂虛空若心在色攝令在空心轉柔軟令身中虛空漸漸廣大自

見色身如藕根孔習之轉利見身盡空無復有色外色亦爾內外虛空同爲一空是時心緣虛空無量無邊便離色想安隱快樂如鳥在瓶瓶破得出翱翔虛空無所觸礙是名初無色定行者知虛空中受想行識如病如癰如瘡如刺無常苦空無我更求妙定則離空緣所以者何知是心所想虛空欺誑虛妄先無今有已有還無既知其患是虛空從識而有謂識爲真但觀於識捨虛空緣習於識觀時漸見識相相續而生如流水燈焰未來現在過去識識相續無邊無量問曰何以故佛說識處無邊無量答曰識能遠緣故無邊無邊法緣故無邊復次先緣虛空無邊若破無邊虛空識應無邊行者心柔軟故能令識大乃至無邊是名無邊識處問曰是識處具有

四陰何以故但說識處答曰一切內法識爲其主諸心數法皆隨屬識若說識者則說餘事復次欲界中色陰爲主色界中受陰爲主虛空處識處識陰爲主無所有處想陰爲主非想非非想處行陰爲主復次三法身心心數法欲界色界以身爲主心隨身故若無身已心力獨用心有二分一分緣空一分自緣是故應有二處空處識處但初破色故虛空受名破虛空故獨識爲名心數法亦有二分一分想一分行是故亦應有二處想無所有處行非想非非想處復次緣識故得離虛空處以是故雖有餘陰但識受名行者得識處已更求妙定觀識爲幻如上說復次觀識如幻虛誑屬諸因緣而不自在有緣則生無緣則滅識不住情亦不住緣亦不

住中間非有住處非無住處識相如是世尊說言識如幻也行者如是思惟已得離識處復次行者作是念如五欲虛誑色亦如是如色虛誑虛空亦爾虛空虛誑識相亦爾是皆虛誑而衆生惑著即謂諸法空無所有是安隱處作是念已即入無所有處問曰虛空處無所有處有何差別答曰前者心想虛空爲緣此中心想無所有爲緣是爲差別行者入無所有處已利根者覺是中猶有受想行識獸患如先說鈍根者則不能覺復次離無所有處因緣有三見有見無見非有見非無見有見從欲界乃至識處無見即是無所有處非有非無見非想非非想處是無見應當捨離何以故非想非非想雖細尚應捨離何況無所有處作是念已離無所有處問曰如佛

法中亦有空無所有若是為實云何言邪見
應當捨離答曰佛法中為用破著故說不以
為實無所有處謂為是實亦見愛著故是中
衆生為定果報已隨業因緣復受諸報以是
故應捨名雖相似其實各異

復次行者作是念一切想地皆麤可患如病
如癰如瘡如箭無想地則是癡處今寂滅微
妙第一處所謂非想非無想處如是觀已則
離無所有處想地即入非有想非無想處問
曰是中為有想為無想答曰是有想問曰
若有想者何以但下七地名為想定耶答曰
此地中想微細不利想用不了故不名為想
行者心謂是處非有想非無想是故佛隨其
本名說是名非有想非無想處鈍根者不覺
是中有四陰便謂涅槃安隱之處生增上慢

壽八萬劫已還墮諸趣是中四陰雖微深妙
利根者則能覺知覺知已患厭作是念此亦
和合作法因緣生法虛誑不實如病如癰如
瘡如箭無常苦空無我亦是後生因緣應當
捨離以其患故當學四諦問曰捨餘地時何
以不言學四諦答曰前以說如病如癰如瘡
如箭無常苦空無我便為略說四諦但未廣
說復次餘地無遮無難凡夫有漏道亦能過
故而此世間之頂唯有聖人學無漏道乃能
得過譬如繩繫鳥脚初雖得去繩盡攝還若
當繩斷鳥便求去凡夫人亦如是雖過餘地
魔王不以為驚若過有頂之地魔王大驚如
繩斷鳥去以是故離餘地時不說四諦有頂
地是三界之要門欲出要門當學四諦
問曰云何為四諦答曰苦諦集諦滅諦道諦

苦有二種一者身苦二者心苦集亦二種一者使二者惱纏滅亦二種一者有餘涅槃二者無餘涅槃道亦二種一者定二者慧復次苦諦有二種一者苦諦二者苦聖諦苦諦者惱相故所謂五受陰名為苦諦苦聖諦者以知見故修道是名苦聖諦集諦有二種一者集諦二者集聖諦集諦者出生相所謂愛等諸煩惱名為集諦集聖諦者以斷故修道是為集聖諦滅諦有二種一者滅諦二者滅聖諦滅諦者寂滅相所謂四沙門果是名滅諦滅聖諦者以證故行道是為滅聖諦道諦有二種一者道諦二者道聖諦道諦者出到相所謂八正道是為道諦道聖諦者以修故行道是為道聖諦復次諦有二種總相別相總相苦者五受陰別相苦者廣分別色陰受想

行識陰總相集者能生後身受別相集者廣分別愛等諸煩惱及有漏業五受陰因緣總相滅者能生後身愛盡別相滅者廣分別八十九種盡總相道者八聖道別相道者廣分別從苦法忍乃至無學道若不通達四諦者則輪轉五道往來生死無休息時以是因緣故行者應念老病死等一切苦惱皆由有身譬如一切草木皆從地出如經中說十方眾生所以有身皆為受苦故生譬如毒食若好若醜皆為殺人若無身心者老病死苦則無所寄如惡風摧折大樹若無樹者則無所壞如是略說身心受苦之本如虛空是風之本木是火之本地是水之本身是苦之本復次如地常是堅相水常為濕相火常為熱相風常為動相身心常為苦相所以者何以有身

故則老病死飢渴寒熱風雨等苦常隨逐之
以有心故憂愁怖畏瞋惱嫉妬等苦常隨逐
之若知現在身苦過去苦亦爾如現在過去
身苦未來亦爾譬如見今穀種生榮比知過
去未來亦皆如是又如現在火熱相比知過
去未來火亦熱如是若無身心前則無苦今
亦無苦後亦無苦當知三世苦痛皆從身心
而有是故應觀苦諦如是心生厭患是苦因
緣唯從愛等諸煩惱生非天非時非自然亦
非無因緣若離煩惱則不有生當知世間皆
從愛等煩惱生如人造事皆以欲爲先是
故諸煩惱是苦因緣復次由愛水故受身若
無愛水則不受身如乾土不能著壁如水和
之則有所著復次因諸煩惱異故受身種種
不同如多欲者受多欲形多瞋恚者受多瞋

恚形多癡者受多癡形煩惱薄者受薄煩惱
形見今果報異故知昔因緣各別來世隨煩
惱受身差別亦如是隨受身若不爲瞋恚則
不受毒蛇形一切餘形亦如是以是故當知
愛等諸煩惱一切苦因緣苦因緣盡故則苦
盡得涅槃涅槃名離欲斷諸煩惱常不變異
是中無生無老無病無死無愛別離苦怨憎
會苦常樂不退行者得涅槃滅度時都無所
去名爲寂滅譬如然燈膏盡則滅不至諸方
是名滅諦得涅槃方便道定分有三種慧分
有二種戒分有三種住是戒中修行定慧所
謂於四諦中慧能決了是名正見隨正見覺
法發起是爲正思惟是名慧分二種正定正
念正精進是名定分三種正語正業正命是
名戒分三種住淨戒故諸煩惱芽不令增長

勢力衰薄如非時種芽不增長諸煩惱力來
定分能遮如大山堰水水不能壞譬如呪術
能禁毒蛇雖復有毒不能害人定分亦如是
慧能拔諸煩惱根本如夏水暴長岸上諸樹
無不灑拔行此三分八道真直正路能滅苦
因畢竟安隱常樂無爲若方便初習其門則
有十事一者心專正種種外事來壞不能移
轉如四邊風起山不傾動二者質直聞師說
法不見長短心無增減隨教無疑譬如入稠
林採木直者易出曲者難出如三界稠林
直者易出曲者難出佛法中唯直是用曲者
遺棄三者慙愧是第一上服最妙莊嚴慙愧
爲鈎制諸惡心有慙有愧直爲是人若無慙
愧畜生無異四者不放逸一切善法之根本
如世間放逸失諸利事行者放逸失涅槃利

當知放逸如怨如賊心常遠離當知不放逸
如君父師長應傳承不捨五者遠離因此遠
離成不放逸若近五欲諸情開發先當身離
聚落次心遠離不念世事六者少欲資生之
物心不多求多求故則墮眾惱七者知足有
人雖復少欲樂著好物則敗道心是故智者
趣足而已八者心不繫著若弟子檀越知識
親里若問訊迎送多營多事如是等者毀敗
道故不應繫著九者不樂世樂若歌舞妓樂
良時好日選擇吉凶一切世事悉不喜樂十
者忍辱行者求道時當忍十事一蚊蚋侵害
二蛇虺毒螫三毒獸四罵詈誹謗五打擲加
害六者病痛七飢八渴九寒十熱如是等惱
事行者忍之莫令有勝當勝此事復次如人
識知病相知病因緣知除病藥得看病入隨

意所須不久當瘥行者如是知實苦相知苦
因緣知苦盡道知得善師同學如是不久得
安隱寂滅問曰已得非想非非想處入深禪
定唯有上地結使微薄心已柔軟不應種種
因緣種種譬喻觀是四諦似若不信答曰非
但爲有頂者說總爲一切有頂之人但觀無
色界四陰無常苦空無我如病如瘡如箭入
心無常苦空無我皆是因緣虛誑作法觀涅
槃上妙安隱快樂非爲作法真實不虛滅三
毒三衰身心苦滅常訶四陰及其因緣則名
苦諦集諦常讚嘆涅槃及涅槃道是名滅諦
道諦

觀亂定故二禪喜多故三禪樂多故與定相
違四如意分皆是定相唯第四禪無苦無樂
無憂無喜無出入息諸聖所住快樂安隱是
故行者當依第四禪修四如意分所謂欲定
行法成就如意精進定心定思惟定行法成
就如意依是住者無事不得問曰云何欲定
行法成就如意答曰欲名欲於所求之事定
名一心無有增減行法名信念巧慧喜樂等
助成欲定因欲爲主得定故名爲欲定精進
定心定思惟定亦如是行者觀欲莫令有增
有減莫令內多攝外多散柔軟平等調和堪
用猶如彈琴調其緩急隨作歌曲精進心思
惟亦爾如行者學飛欲飛是名欲攝諸散心
集助行法是名精進心能舉身離身麤重睡
掉等心則輕便以心輕故能舉其身是名心

籌量欲精進心多少能舉身未能壞內外諸色未是名思惟依四如意分能具足一切功德何況五通問曰五神通何者先生答曰隨所樂者爲先問曰若爾者何以變化神通在初答曰五神通多爲衆生所以者何如慧解脫阿羅漢作是念言有衆生多鈍根者不信道事輕慢佛法我得難事漏盡神通如何不起神通教化衆生而令墮罪又佛大悲利益衆生我爲弟子應以神力助益衆生然諸衆生多以現事而得利益神變感動貴賤大衆無不傾伏餘通無有是者以是故變化神通在初問曰天身火大多故身有光明亦能昇虛疾去鬼神風大多故身則輕疾無所觸礙龍身水大多故心念生水亦能變動人身地大多故輕動相少云何能飛答曰以人身地

第十

十一

種輕動相少故求學神通如天如神何用通爲如地雖重以水力故地則爲動如是心力故能舉其身譬如獼猴從高墮落而不傷身人墮則傷以獼猴心力輕疾強故無損當知身通如是心力強故又如人能浮雖在深水而不沉沒心方便力故能持其身以是故當知人身雖重心力強故身飛虛空問曰如是可信云何當學答曰若行者住於第四禪依四如意分一心攝念觀身處處虛空如藕根孔取身輕疾相習之不已身與心合如鐵與火合滅身羸重相但有輕疾身與欲精進思惟及助行法合欲等善行力故身則隨逐如火在鐵輕軟中用又復色界四大造色在此身中與身和合令身輕便隨意能去如人服藥令心了了身則輕便譬如色界

四大造色明淨在此身故眼則明淨如人學
跳久習轉工絕於餘人如鳥子學飛漸轉
遠身通如是初得之時或一丈二丈漸能遠
飛是變化神通力四種一者身飛虛空如鳥
飛行二者遠能令近三者此滅彼出四者猶
如意疾彈指之頃有六十念一念中間能越
無量阿僧祇恒河沙國土隨念即至用是神
通身得自在一身能為多身多身能為一身
大能為小小能為大重若須彌輕如鴻毛如
是等所作如意復次若菩薩得是身通一念
之頃度恒河沙國土然衆生見菩薩到彼而
菩薩不動於本處於彼說法教化此亦不廢
或有天人著常顛倒可以神通度者現燒三
千大千國土而衆生見三千大千國土焚燒
破壞而國土無損有衆生心生憍慢現作手

第七

十二

執金剛杵從金剛中出火見者怖畏歸依禮
敬有人樂著轉輪聖王身即現轉輪聖王而
為說法或現釋提桓因或現魔王或現聲聞
辟支佛或現佛身隨所樂身而為說法菩薩
或復在虛空中結跏趺坐從身四邊悉放種
種光明而為說法或時衆生樂雜色莊嚴即
為現三千大千國土七寶莊嚴幢幡華蓋百
種妓樂處中說法或令三千大千國土為一
海水青蓮紅華覆蓋水上於上說法或坐須
彌山上以梵音聲說法普聞諸國或時衆生
不見其形但聞說法之聲或作乾闥婆身妓
樂音聲令其心悅然後說法或現龍王雷電
霹靂而以說法如是種種因緣方便而現神
變開引衆生問曰是神通變化諸物云何而
不虛妄答曰行者先知諸法虛妄如幻如化

譬如調泥隨意所作如福德之人尚能夏有
雪冬生華河不流又如仙人嗔怒令虎狼師
子變爲石身何況神通定力而不變物復次
一切物中各有氣分取其分相神力廣之餘
者隱沒如經說有比丘神力心得自在見有
大木欲令爲地即皆是地所以者何木有地
分故若水火風亦如是若作金銀種種寶物
隨意悉作何以故木有淨分故問曰物變如
是化無本末其事云何答曰有言虛空中四
大所造微塵心力故令諸微塵合成化人譬
如人死或生天上或生地獄罪福因緣故和
合微塵爲身化亦如是如是等是初變化神
通相

種種聲相所聞之聲常當想念若心餘緣攝
之令還常當一心修念即於耳中得色界四
大所造清淨之色是名修習天耳以是天耳
聞十方無量國土音聲所謂天聲人聲龍聲
阿脩羅聲乾闥婆聲旃陀羅聲摩睺勒聲及
畜生餓鬼之聲地獄苦痛麤細大小音聲等
皆悉聽聞菩薩定心轉深乃聞十方諸佛音
聲從佛聞法而不取相以法爲真法爲最上
而依深義不依於語云何深義所謂知諸法
空無相無作不生邪見於義亦不得義不可
得中亦無得相是依深義不依語言復次行
者依了義經不依非了義經了義經者若能
依義一切諸經皆是了義義畢竟空不可說
相故是以諸經皆是了義若不依義是人於
諸經皆不了義所以者何以無深智隨逐音

聲故是音聲實相亦入深義俱不可說是名分別了義經不非了義經復次行者依智而不依識何以故行者知者識相從因緣和合生無有自性無色無對不可見無知無識虛誑如幻如是知識相識即爲智是故依智而

第十

十四

不依識行者雖復生識若識若智而不生著知識如相識即爲智相以是智相爲衆生說復次行者依法不依人何以故若佛法中實有人者無有清淨得解脫者而一切法無我無人但隨俗故說有人有我以是故行者依法不依人所謂法者諸法之性法性者無生性は無生性者畢竟空是畢竟空者不可說者是何以故以語說法法中無語語中無法語則是無語相一切語言非語言相以是故經說無示無說是名佛法行者以天耳聞諸

佛法若人若法不生著見若分別二相非爲佛法若無二相則是佛法行者依止天耳力故聞甚深之法以教化衆生是名天耳神通若行者欲得他心智先自觀心取心生相住相滅相亦知心垢相淨相定相亂相等復觀

心所緣垢淨近遠多少等自取內外心相已然後觀衆生色取欲相心瞋相心慢相心慳相心嫉相心憂相心畏相心語言音聲種種所作相心等作是念時如我心生時住時滅時彼亦如是自知心所緣他亦如是我心有集十如是色相語言所作相他亦如是常修學心十五相如是習已得他心通是時但緣他心心數法如明眼者觀淨水中魚有大小好醜悉皆見之雖有水覆以水淨故不以爲礙行者如是知他心通力故衆生雖身覆心而能見之

既得心通或時在大眾說法先知其心知是
衆生以何深心行何法何因緣有何相喜何
事知自心清淨故知衆生心亦可清淨如淨
鏡中隨所有色若長若短方圓麤細等如本
相現不增不減所以者何鏡清淨故鏡雖不
分別而顯其相行者亦如是自心清淨故諸
法無一定相常清淨故衆生心心數法皆悉
知之若衆中多婬欲者即知其心爲說離婬
欲法恚癡亦如是何以故心實相無染無瞋
無癡若衆中求聲聞乘者亦知其心而爲說
法雖爲說法知法性亦無有小求辟支佛道
者亦知其心而爲說法雖爲說法知法性亦
無有中若求大乘者亦知其心而爲說法雖
爲說法知法性亦無有大行者如是等隨衆
生心而爲說法亦不分別心相雖分別三乘

說法而不壞法性不壞法性故悉知一切衆
生心所行雖自用心知他心於彼此心無逆
無順亦知一切衆生心心相續如水流如知
心性法性亦如是以他心智知衆生心而爲
說法則不虛也是名知他心智神通

若行者欲知宿命先自覺知今所經事向所
經事轉至昨夜昨日如是一月從今歲
乃至孩童譬如行道到所至處思惟憶念所
經由處如是習已善修定力故憶念生時處
胎時知某處死此胎生知是一世二世三世
乃至百世千萬集十無量億世以宿命智自知已
身及他恒河沙劫所經由事悉皆念知以宿
命處教化衆生作如是言我某處如是姓字
如是生如是壽命所經苦樂亦說彼所經之
事行者以宿命力故知是衆生先世罪福因

緣所謂種聲聞因緣辟支佛因緣佛因緣隨其因緣而爲說法復次行者宿命智力故自知從諸佛種善根不迴向阿耨多羅三藐三菩提今當迴向阿耨多羅三藐三菩提行者亦知過去諸法滅時無所去知未來世諸法生時無所從來雖知過去世無始不生無始不見雖觀未來世衆生滅入涅槃亦不生邊見行者念宿命時增益諸善根及滅無量世罪因緣何以故知一切法無新相無故相得如是智慧已觀一切有爲法及所經生死苦樂如夢中所見以是故於生死中心不生厭於一切衆生而起悲心知一切法皆是作相作是念如我千萬億無量劫往來生死皆爲虛妄非實一切衆生來往生死皆亦如是若無四大四陰者是則爲實四大四陰亦畢竟

第十

十七

不生復次行者以宿命智憶念曾爲轉輪聖王所受之樂無常磨滅釋提桓因樂亦無常磨滅有諸佛國土清淨莊嚴及諸菩薩諸佛上妙之色轉於法輪皆悉無常何況餘事念如是已心厭遠離行者依宿命智入無常空觀一切諸法皆空無常而衆生顛倒故著爲是衆生故而生悲心行是悲心漸漸得成大悲得大悲已十方諸佛念是菩薩讚嘆其德是名宿命神通

若行者欲求天眼者初取光明相所謂燈火明珠日月星宿等取是明相已若晝日則閉目夜則無在念上明相如眼所見常修習明念繫心在明不令他念若去攝還心得一處是時色界四大所造清淨之色在此眼中是名天眼以天四大造故名爲天眼又諸賢聖

清淨眼故名爲天眼行者得是天眼已諸山樹木鐵圍須彌及諸國土都無障蔽以無礙眼能見十方無量阿僧祇諸佛及莊嚴國土爾時行者能知一切佛爲一佛又見一佛爲一切佛以法性不壞故如見佛相自見身相亦如是自身相淨故一切法相亦如是如見佛清淨弟子亦爾無有二相及十方無量國土衆生若地獄畜生餓鬼人天除無色者生死好醜皆悉見之皆知十方六道衆生業因緣及果報是衆生以善業因緣故生天人中是衆生以不善業因緣故生三惡道中行者於天眼中得智慧力故雖見衆生不生衆生想一切法無衆生想故雖見業及果報相續亦入一切法無業無果報中雖天眼見一切色以智慧力故亦不取色相是色悉皆空故

第十

十八

復次若障若不障近遠上下有無不悉見行者見色界諸天清淨微形者而彼不見乃至大天亦復不見如是等種種神通義如摩訶衍神通義中廣說
禪法要解經卷下

音釋

磔 音澌 疋昭切 浮也 虺 虎委切 虺也 擲 直(隻)切 投也

阿育王經



阿育王經

梁扶南三藏僧伽婆羅譯



清刻龍藏佛說法變相圖

阿育王經卷第一 第二同卷

墳一

梁扶南三藏僧伽婆羅譯

生因緣品第一

佛住王舍城竹林迦蘭陀精舍於彼早起著
衣持鉢與比丘眾圍遶入王舍城乞食是時
空中而說頌曰 墳

佛身如金山 行步如象王 面貌甚端嚴
猶若於滿月 與比丘圍繞 俱行入於城
爾時世尊將欲入城足履門間有種種不思
議事盲者得視聾者能聽啞者能語跛者能
行牢獄繫閉皆得解脫有怨憎者悉生慈悲
犢子繫縛自然解脫往其母所一切諸獸象
馬牛等心大歡喜悉皆鳴吼一切飛鳥鸚鵡
舍利俱翅羅孔雀等鳥鳴聲相和諸莊嚴具
鏝釧釵璫種種寶物在篋笥中自然出聲甚

可愛樂一切妓樂自然俱作是時此地自然
清淨無諸穢惡沙磧瓦石荆棘毒草六種震
動東涌西沒西涌東沒南涌北沒北涌南沒
中央涌四邊沒四邊涌中央沒周迴旋轉現
此種種奇特之事爾時空中復說偈言

一切大地四海為依國城諸山以為莊嚴
世尊蹈地六種震動如海中舶為風所吹
時佛入城以神力故令一切人悉生喜踊如
大海水為風所吹一切人民而說偈言

世間可愛樂 無過佛入國 大地六種動
沙磧無遺餘 諸根不具者 悉皆得具足
一切眾樂器 自然出妙聲 佛光照諸國
如千日照世 以香水灑地 及栴檀末香
是時此國城 莊嚴中第一
爾時世尊行至大路於大路中有二小兒一

是何伽羅久履^翻兒勝姓一是久履^翻兒勝姓
此二小兒在沙中戲第一小兒名闍耶翻第
二小兒名毗闍耶翻不勝此二小兒見世尊身
三十二相第一小兒以沙為糗捧內佛鉢第
二小兒合掌隨喜即說偈言

自然大慈悲填一 圓光莊嚴身二 已遠離生死
我今一心念 以心念佛故 捧沙以供養
是時闍耶供養已而發願言以此善根當令
我為一繖地王於佛法中廣作供養佛知其
心見其正願未來之世有勝妙果由佛如來
為福田故以慈悲心而受此沙即便含笑身
出諸光青黃赤白或從頂出或膝下出膝下
出光照八地獄寒者得煖熱者清涼光照其
身苦惱皆除彼諸眾生心生疑惑我已脫苦
為即住此為餘處生爾時世尊為起善念復

作化人令至其處彼衆生見而生心言我等
今者非異處生但以此人力故令我脫苦復
於化人更生心念地獄報業悉皆消滅從彼
命終生人天中有見諦處從頂出光照四天
王乃至阿迦尼吒於光明中說苦無常空無
我法復說偈言

當精進出家 相應於佛法 滅除生死軍
如象破宅舍 若人於佛法 勤行不放逸
捨一切生死 得一切苦滅

佛之光明能照三千大千世界照已還入佛
身若佛欲記過去業報光從背入若佛欲記
未來業報光從前入若佛欲記地獄生者光
從足入若佛欲記畜生生者光從踝入若佛
欲記餓鬼生者光從脚趾入若佛欲記人生
者光從膝入若佛欲記鐵輪王生光從左掌

入若佛欲記金輪王生光從右掌入若佛欲
記天生光從齋入若佛欲記聲聞菩提光從
口入若佛欲記緣覺菩提光從白毫相處入
若佛欲記菩薩菩提光從肉髻入光從三千
世界還者先繞佛三匝然後各隨所入今佛
含笑身出光明繞佛三匝從左掌入不無因
緣是時阿難見已合掌而說偈言

佛除掉慢等 滅惡成勝因 不無因而笑
齒白如珂雪 以智慧能知 他所樂聞事
以最勝光明 能令彼疑滅 佛聲如雷震
眼猶如牛王 人天勝福田 當記施沙報
佛言阿難我於今者不無因笑有因緣故如
來應正遍知現此含笑阿難汝見小兒以手
捧沙置鉢中不阿難白佛唯然已見世尊又
言此兒者我入涅槃百年後當生波吒利弗

多城名阿育為四分轉輪王信樂正法當廣
供養舍利起八萬四千塔饒益多人於是如
來復說偈言

我入涅槃後 當生孔雀姓 名阿育人王
樂法廣名聞 以我舍利塔 莊嚴閻浮提

是其功德報 施沙奉於佛

佛時取沙授與阿難而語之言汝取牛糞用
和此沙塗佛經行地阿難受教即用塗地乃

至波吒利弗多城有王名旃那羅笈多翻時

王有子名頻頭娑羅翻遍頻頭娑羅長子名

修私摩翻善填一是時有詹波城婆羅門生一女

色貌端正國中第一相師記曰是女人當作

王后應生二子第一子作四分轉輪王第二

子出家得道婆羅門聞是語已生大歡喜欲

樂富貴將其女往波吒利弗多國以一切莊

嚴之具莊嚴其身而白頻頭娑羅王言我女

端正國中第一與王作婦王即納之以置宮

內一切內人皆作是念此女端正彼國最勝

若王見者必當樂著不愛我等諸內人等思

惟是已即便令其作剃毛師為王剃毛又於

一時王令剃毛當剃毛時王便得眠王眠既

覺心生歡喜即語其言汝有所須隨意所說

即白王言我願與王共相娛樂時王語言汝

是剃毛師我是國王云何同汝復白王言我

是婆羅門女非剃毛師彼婆羅門本欲以我

為王夫人王又問言誰令汝作剃毛師耶答

言內人王又語言汝今勿復更為此事即便

取之以為夫人少時有娠十月生子時王念

言我今無憂即名此兒為阿輸柯翻無憂

乃至生第二兒除心憂故即名此兒為毗多

填一

五

輸柯翻除憂其體羸溢父不愛念時頻頭娑羅王欲相諸子誰堪紹繼即命外道相師名賓伽羅跋娑翻積語言和尚我欲相諸王子若我滅後誰堪為王賓伽羅跋娑答言大王欲相王子當入金殿乃至頻頭娑羅王將至金殿時阿育母語阿育言大王今日欲相諸子汝可往彼阿育答言王不喜我云何得往其母語言汝今但去阿育答言今當如命願母遣人將食至彼乃至阿育從波吒利弗多城出時有大臣名曰成護遇見阿育問言今者欲何處去阿育答言今日大王於金殿上欲相諸子我今往彼成護即以最勝舊象與阿育乘阿育乘象至金殿所至已於諸王中而便坐地諸王皆有種種飲食金銀為器時阿育母即便遣人辦飯與酪盛以瓦器送與阿

育是時頻頭娑羅王語相師言汝當次第相諸王子於我滅後誰堪為王相師思惟若言阿育堪為王者王不重之必當殺我思惟是已便白王言我今以因緣相不出其名王答言好相師即言若王子中有好乘者便堪為王大王復言汝可更相相師復言若勝坐處是堪為王大王復言汝可更相相師復言有好飲食及以好器則堪為王時諸王子聞其此言各各思惟若有好乘坐處飲食器者我當作王阿育思惟今此相師不出其名以相故說若好乘等堪為王者我乘最勝又坐大地飯酪第一我器地造以水為飲如我所見我當作王是時相師問訊其母其母問言大王滅後誰當作王答言阿育復語相師王或更問堪作王者汝可遠去不須住此若阿育

道

六

得王汝當更來是時相師遠至餘國時頻頭
娑羅王所領國名德叉尸羅欲為反逆不從
王化頻頭娑羅王語阿育言汝可集四種兵
往至彼國器仗資物悉不與之乃至阿育領
四兵衆從波吒利弗多國出衆人白阿育言
我等今者無有器仗及以資物云何當能征
伐彼國阿育答言若有功德應為王者器仗
資物自然而出作此語已應時地開器仗資
物一時而出是時阿育領四種兵伐德叉尸
羅時德叉尸羅人民聞阿育來出半由旬莊
嚴道路香水灑地奉迎阿育而說言我等迎
王不為鬪諍亦不與彼大王相嫌但王所遣
大臣在我國者為治無道願欲廢之是時人
民以諸供具供養阿育迎至國中如是乃至
廣說時阿育王遣使往佉師國佉師國中有

二健兒白其王言我等二人力能平山彼阿
育來不足臣事是時諸天而發聲言阿育當
為四分轉輪王領閻浮提不可逆也時頻頭
娑羅王長子修私摩從苑中還入波吒利弗
多城是時頻頭娑羅王第一大^七臣頂上無髮
從城內出中路相逢修私摩戲以手拍其頭
是時大臣思惟說言其今尚以手拍我若作
王時汝當以刀害我宜作方便令其後時不
得為王是時大臣令五百臣離修私摩又言
阿育當為四分轉輪王我等應當悉共事之
乃至令德叉羅人民反此大王不復臣屬頻
頭娑羅王遣修私摩往征伐之時修私摩雖
復到彼而不能伐是時阿育自還本國頻頭
娑羅王身遇重病命將欲絕勅語使人可遣
阿育更往德叉尸羅國速令修私摩還我今

欲以國事付之爾時諸臣以黃薑汁塗阿育身示作病相復煮落叉汁以鉢盛之置在一處唱阿育病是時頻頭婆羅王未終之頃諸大臣等莊嚴阿育至大王所白大王言此是王子大王應當授之王位若修私摩還我復當以王位與之是時大王聞是語已心大瞋忿時阿育言若我如法得爲王者天當即時與我天冠作是言已諸天即以天冠著其頭上大王見已倍生瞋恚遂有熱血從其口出即便命終阿育於是即登王位登王位已即拜成護爲第一臣是時修私摩聞大王終阿育就位生大瞋恚即與兵衆欲伐阿育時阿育王於其城中出多兵衆守城四門令二勇猛大力之將領諸兵衆守南西二門復令大臣成護領諸兵衆守城北門時阿育王自領

兵衆守城東門大臣成護以諸方便於城東門作諸機關刻木以爲阿育王身及諸軍衆掘地作坑與無煙火以物覆之復以燥土用置其上時修私摩領諸兵衆欲攻北門成護語言汝莫攻我當攻東門汝若得殺阿育王者我自降伏時修私摩便從其語即迴軍衆往攻東門見機關人悉皆不動於是直前即墮火坑自燒而死修私摩死已彼有軍主名跋陀羅翻由他伏翻大力勇健領諸軍衆其數過千於佛法中出家修道即得阿羅漢果時阿育王領理國事有五百大臣於阿育王起輕慢心阿育王語諸大臣汝可折取華果樹以護棘刺樹諸臣答言大王不爾當折取棘刺樹以護華果樹阿育王復言不如是當折取華果樹護棘刺樹如是至三時諸大臣不

受其教阿育王瞋即自拔刀斬五百臣首乃至阿育王復於一時將五百嫫女入於後園園中有樹名阿輸柯樹生華葉阿輸柯王見而悅言此樹與我同名是故歡喜時阿育王身體麤澁諸女人等不欲近之王園中眠諸女人等爲欲令王不歡喜故折樹華葉乃至令盡阿育王覺見無華葉而問諸女樹華脫盡誰之所作諸女答言我等所爲阿育王瞋即以竹箔裹諸女人以火燒之以其惡故時人謂爲旃陀阿輸柯王翻可大臣成護白旃陀阿輸柯王如是所作若打若殺當付餘人不應自作王即募覓能行殺者是時山中有村村中有人善織衣業而生一子其父字之名耆利柯翻山其人可畏能行不仁恒罵父母家中男女悉皆打拍乃至一切衆生無不殺

害常以網捕爲業以其殺害多故人復謂之旃陀耆利柯翻可王覓惡人而值遇之使者語言王今欲以殺害治人汝能爲不其人答言闍浮提中悉令殺盡我亦能爲使者以其所說還白大王王即語言將此人來使者受教往彼語之王令汝來其答使言且待少時須見父母即白父母阿育大王欲以一切殺害治人令我爲之我今欲去父母不許其人恚故便害父母還使人處使人語言汝來何遲其人答言父母不聽我來我已害之後至王處白大王言欲治人者當作牢獄莊嚴獄門極令華麗令見之者無不愛樂復白王言請王嚴教有入獄者悉不得出王言甚善是時旃陀耆利柯往至鷄寺寺中有一比丘誦修多羅修多羅中說地獄事謂鑊湯鑪炭刀

山劔樹等種種苦事若有人生地獄者隨罪治之乃至廣說如五天使修多羅中說地獄事是時旃陀耆利柯聞此語已一切隨之造地獄具時舍衛國有一商主共婦入海至海生兒仍名兒爲海乃至十二年海中往返遇五百賊害此商主奪其財物唯兒得免後於佛法出家次第遊行至波吒利弗多國至已早起著衣持鉢入國乞食以不悉故見地獄門種種莊嚴便入其中爲欲乞食入已見諸苦具即便欲出旃陀耆利柯見而執之語言汝今受死不得出也是時比丘填一心懷怖懼啼泣流淚旃陀耆利柯語言汝今何事啼泣猶如小兒比丘答言我不惜此身但爲值遇解脫難故出家難得我今已得釋迦難值我已得值法中真法我猶未得是故憂惱旃陀

耆利柯語比丘言我已受大王命有入此獄者悉不得出是時比丘啼泣而言汝當伸我一月答言一月不可聽至七日比丘思惟死近勤修精進至滿七日時有王子共內人語阿育王見而生瞋忿即令將此二人付獄治罪旃陀耆利柯即以二人置鐵臼中以杵搗之比丘見已深生怖畏即說偈言
大師佛慈悲 第一仙正說 此色如泡聚
不實不常住 此身色端嚴 滅爲何所趣
是故應捨離 癡人不樂法 此緣我當知
解脫在此獄 依此當得度 三有之海岸
爾時比丘於一夜中精進思惟斷除煩惱即得阿羅漢果旃陀耆利柯語比丘言是夜已過明相已現受苦時至汝應知之比丘答言我今不知汝之所說是夜已過明相已現惟

填一

十一

能自知無明夜過智慧日現我以智慧日光
見一切世間皆無有實是故我今欲以佛法
攝諸世間語旃陀者利柯言我今此身隨汝
意作是時獄主無慈悲心不見世間即大瞋
怒以此比丘置鐵鑊中盛以膿血屎尿雜穢
多以薪火煑此比丘乃至薪盡身不爛壞是
時獄主見其不異即生瞋忿打罵獄卒汝今
何故不多與火獄主即便自與薪火而火不
燃既見不燃便看鑊中見此比丘坐蓮華上
結跏趺坐見是事已即往白王時王聞已與
一切人民共往看之是時比丘即以神力於
一念頃從鐵鑊出身升虛空譬如鵝王飛騰
空中現十八變時阿育王見此比丘猶如破
山林於空中心生歡喜而說偈言
汝身同人身 神力過人力 我不知此事

汝今爲是誰 是故當正說 應令我知之
若我知此事 當爲汝弟子
爾時比丘心自思惟此王今能堪受佛語當
廣作塔供養舍利爲一切人受法饒益作是
思惟已欲顯其功德而說偈言
佛滅一切漏 無比大慈悲 最勝論議師
我是彼弟子 無盡正法力 不著一切有
佛人中牛王 自調復調他 令我今得脫
三有之牢獄
復次大王如佛所記我入涅槃百年後於波
吒利弗城當有王名阿輸柯作四分轉輪王
於我舍利廣作供養起八萬四千塔復次大
王王所起獄與地獄等於此獄中殺害無數
王當除之於一切衆生施與無畏大王今應
滿世尊意即說偈言

是故大人王 於一切衆生 當起慈悲心
施與無怖畏 當滿世尊意 廣起舍利塔
爾時阿育王生念佛心合掌懺悔而說偈言
我歸依佛法 及世尊弟子 汝今十力子
當起忍辱心 我所作衆惡 悉懺悔於汝
今當修精進 深生恭敬心 我莊嚴此地
以種種佛塔 其白如珂雪 如佛之所記
比丘答言善哉即以神力還其所住時阿育
王欲從獄出旃陀耆利柯合掌說言大王當
知我已受命入此獄者皆不得出時王語言
汝今欲殺我耶答言如是王言我等誰最前
入旃陀耆利柯答言我最前入時王語諸獄
卒捉旃陀耆利柯置落可屋以火焚之又復
令人破壞此獄於一切衆生施與無畏時王
生心欲廣造佛塔莊嚴四兵往阿闍世王所

起塔處名頭樓那翻至已令人壞塔取佛舍
利如是次第乃至七塔皆取舍利復往一村
名曰羅摩翻於此村中復有一塔最初起者
復欲破之以取舍利時有龍王即將阿育入
於龍宮而白王言此塔是我供養王當留之
王即聽許是龍王復將阿育至羅摩村時王
思惟此塔第一是故龍王倍加守護我於是
塔不得舍利思惟既竟還其本國時阿育王
作八萬四千寶函分布舍利遍此國中復作
八萬四千瓶及諸幡蓋付與夜叉令於一切
大地乃至大海處處起塔又言國有三種小
中大若國出千萬兩金者是處應起一王塔
是時德叉尸羅國出三十六千萬兩金彼國
人民白阿育王言王當與我三十六函王聞
是語即便思惟我欲處處廣造佛塔云何此

國頓得多耶時王以善方便語彼人民今當
除汝三十五千萬兩金又言若國有多塔若
國有少塔從今已去悉聽不復輸金與我乃
至阿育王往耶舍大德阿羅漢處說言我欲
於一日一念中起八萬四千塔一時俱成而
說偈言

於先七塔中 取世尊舍利 我孔雀姓王
一日中造作 八萬四千塔 光明如白雲
乃至阿育王起八萬四千塔已守護佛法時
諸人民謂爲阿育法王一切世人而說偈言
大聖孔雀王 知法大饒益 以塔印世間
捨惡名於地 得善名法王 依法得安樂

阿育王經卷第一

阿育王經卷第二

梁扶南三藏僧伽婆羅譯

見優波笈多因緣品第二

爾時阿育王起八萬四千舍利塔已生大歡

喜與諸大臣共往鷄寺到已於上座前合掌

禮拜而作是言佛一切見者記我十四以沙施佛

今得是報更復有人佛所記不彼時上座比

丘名耶舍翻名答阿育王言亦有世尊未涅

槃時有龍王名阿波羅囉翻復有陶師及

旃陀羅翻龍王佛化是等竟至摩偷羅國於

摩偷羅國告長老阿難言此摩偷羅國如來

涅槃百年之後當有賣香商主名曰笈多其

後生兒名優波笈多最勝教化為無相佛我

涅槃後當作佛事復告阿難汝今見彼遠青

林不阿難答言已見佛言彼有山名優樓漫

陀如來涅槃百年之後當於彼山起寺名那
哆婆哆最勝坐禪處於時世尊而說偈言

教化弟子中 智慧最第一 世尊之所記

名優波笈多 大德於此世 當廣作佛事

爾時阿育王復問上座耶舍優波笈多為生

已未大德耶舍答言已生在優樓漫陀山除

一切煩惱諸阿羅漢悉隨從之攝受世間故

如一切智於天人阿脩羅及諸龍神等而為

說法是時長老優波笈多為一萬八千阿羅

漢之所圍遶在那哆婆哆寺時阿育王為諸

大臣而說偈言十五

汝當速莊嚴 象馬車步兵 我欲往彼國

優樓漫陀山 為欲見大德 名優波笈多

勤精進盡漏 乃至阿羅漢

時諸大臣白阿育王言王應遣使報彼諸人

令優波笈多來至王門王答諸臣阿羅漢者不可輕屈我等今應自往禮拜而說偈言
處世同如來 名優波笈多 若不受其教 其心金剛造
乃至阿育王遣使往優波笈多所白優波笈多言我欲至大德處優波笈多聞使語已即便思惟若乃阿育王來必多人隨從當損此國思惟已即語使言我當至彼不須王來王即造船迎優波笈多處處道路無不修治至摩偷羅國是時優波笈多將一萬八千阿羅漢為攝受阿育王故一切入船乃至往波吒利弗多國時阿育王民白大王言優波笈多為攝受王故已至此國大王當知佛法如舟王今修善由之得正渡三有海至無為岸優波笈多至明清旦當步至王所王聞歡喜即

解瓔珞價直千萬以賞此人復令此人擊鼓宣令使波吒利弗多國一切聞知優波笈多明當入國復令此人說此偈言
若人樂富樂 及天解脫因 一切應當見 彼優波笈多 若人不見佛 兩足中最尊 自然大慈悲 無漏大師等 彼見當供養 名優波笈多
乃至阿育王令一切人民聞此偈言又復令其嚴治道路時王出城至半由旬共諸臣民賫持香華種種妓樂迎優波笈多時阿育王遙見優波笈多已在岸上與一萬八千阿羅漢如半月形而自圍遶即便下象步至優波笈多處時阿育王一足在船一足在岸以兩手捧優波笈多以置船中五體投地敬禮其足猶如大樹摧折墮地又復以舌舐其兩足

長跪合掌瞻仰無厭而說偈言

大地海爲衣 山莊嚴一繖 除怨得此地

令我生歡喜 不如於今日 與大德相見

我今見大德 倍生於心念 是故我生喜

謂已見世尊 佛已入涅槃 大德作佛事

世間爲無明 汝如日月光 以智慧莊嚴

猶如大師等 第一教化人 衆生所歸依

應當見教化 我當如說行

爾時大德優波笈多以右手摩阿育王頂而

說偈言

王今得自在 當修不放逸 三寶值遇難

王應常供養 世尊付法藏 於王及我等

當守護佛法 爲攝受衆生

阿育王答言如世尊記我今已作而說偈言

我今已供養 世尊舍利像 處處廣起塔

十一

十七

以珍寶莊嚴 唯不能出家 修行於梵行

優波笈多言大王善哉善哉如此之事は王

應作何以故

王於身命財 應當修真實 王若於異世

不受異世苦

時阿育王以大供養將優波笈多入城手捧

大德以置高座優波笈多其身軟滑如兜羅

綿阿育王既觸其身合掌而言

大德身軟滑 如綿迦尸等 今我體羸澁

而觸大德身

時優波笈多復說偈言

我以勝供養 供養佛世尊 不及王以沙

奉施於如來

時阿育王復以偈答

我先小兒意 以沙奉世尊 值遇功德田

是故今為王

時優波笈多為令阿育王生歡喜故而說偈言

王值功德田 而生布施種 是故得此報 不可思議樂

王聞是已心大歡喜復說偈言

昔以沙布施 世尊大福田 今得無比樂

四分轉輪王 誰聞如此事 不供養如來

是時阿育王禮優波笈多足白言大德我欲

於佛行住坐卧處悉皆供養又欲作相令未

來眾生知佛如來行住坐卧所在之處為攝

受故即說偈言

我欲於如來 行住坐卧處 悉皆修供養

為離生死苦 又欲作如來 行住坐卧相

使未來眾生 起見佛因緣

贊一

十八

優波笈多答言大王善哉善哉王今此心最

為難及今欲現王如來世尊四威儀處令王

作相為欲攝受諸眾生故是時阿育王即嚴

四兵香華伎樂與優波笈多即往彼處時優

波笈多將阿育王至佛生處入嵐毗尼林

翻

脫舉右手指言阿育王此是佛生處而說偈

言

世尊第一處 生便行七步 淨眼觀四方

而作師子吼 是我最後生 處胎住亦然

時阿育王五體投地頂禮如來初生之處合

掌說偈

有人見佛者 彼具大功德 若聞師子吼

功德亦如是

優波笈多為阿育王生大信心而問王言有

天見佛初生行七步及聞師子吼王欲見耶

王答言大德我今欲見優波笈多言如來初
生摩耶夫人所攀樹枝天在其中即便以手
指示其處而說偈言

若有諸天人 住在此林中 得見世尊生

復聞師子吼 當現其自身 為阿育生信

是時天人便現其身於優波笈多前立合掌

說言

大德令我欲何所作

時優波笈多語阿育王此天見佛生時阿育

王合掌向天而說偈言

汝見佛初生 百福莊嚴身 佛面如蓮華

世間所愛樂 復聞師子吼 依此大林中

是時天人復以偈答

我已見佛身 光明如金色 七步行虛空

二足中最勝 亦聞師子吼 為天人中尊

時王問言如來生時有何瑞相天人答言我
今不能廣說妙事略說少分即說偈言

放金色光明 照於盲世間 人天所愛樂

及山海地動

乃至阿育王以十萬兩金供養如來初生之

處即便起塔復往餘處時優波笈多將阿育

王入迦比羅婆修斗仙人住處也翻蒼色舉手示王此

處人以菩薩與白飯王三十二相可愛之色

莊嚴其身王見已立五體投地向彼作禮釋

迦生人跋陀那翻正當是天神處菩薩至彼欲禮

天神是時天神不受其禮而禮菩薩時白飯

王見是事已即便說言我今此兒為天之天

即為立名謂之天天又言此是相師婆羅門

相菩薩處又言此是仙人記菩薩處云此兒

生已當應作佛又言此是摩訶波闍波提養

菩薩處又言此是菩薩學書之處又言此是菩薩乘象車馬等種種技術之處又言此是菩薩究竟諸道滿足之處又言此是菩薩轉法輪處又言此是共六萬姝女娛樂之處又言此是菩薩見老病死生悲心處又言此是菩薩閻浮樹下修諸禪定離欲惡法有覺有觀離生喜樂入初禪處菩薩坐禪日已過中陰菩薩樹其影不移其餘諸樹影隨日轉時白飯王見如此事五體投地禮菩薩足又此間有一萬天人隨侍菩薩從迦毗羅城中夜而出又言此是菩薩脫寶冠并遣馬與車匿還處而說偈言

捨寶冠瓔珞 并馬與車匿 令其還本國
 一身無侍衛 為修精進行 便入山學道
 菩薩於此處以迦尸衣易獵師袈裟而便出

家此是娑羅伽婆姓翻請菩薩處此處頻毗娑羅翻王與菩薩半國是處問鬱頭藍弗復說偈言

此處有仙人 名鬱頭藍弗 聞其法捨去
 人王無餘師

此處六年苦行復說偈言

六年中苦行 難行我已行 知苦行非道
 捨仙人所行

此處是菩薩受難陀難陀波羅二女奉十六轉乳糜受已食之復說偈言

菩薩在此處 食難陀乳糜 大勇最勝語
 往菩提樹間

此處迦黎龍王讚歎菩薩如偈所說

龍王名迦黎 讚歎而說言 以此道當往
 於菩提樹間

是時阿育王禮優波笈多足合掌說言我欲見龍王其先見如來行如象王從於此路往菩提樹時優波笈多往迦黎住處以手指而說偈言

龍王中最勝 汝當起現身 汝見菩薩行 往詣菩提樹

是時迦黎龍王即現其身於優波笈多前合掌說言大德教我欲何所作優波笈多語阿育王言此迦黎龍王菩薩從此路往菩提樹時是其讚歎時阿育王合掌向迦黎龍王而說偈言

汝見佛世尊 光明如金色 於世間無等 面如秋滿月 十力大功德 汝當說一分 云何從此行 佛神力具足 迦黎龍王答言我今不能廣說當略說之王

當諦聽而說偈言

菩薩履地時 六種大震動 及大海諸山 放光過日月

乃至阿育王於龍王處起塔已便去時優波笈多將阿育王往菩提樹舉手指言大王此處菩薩以慈悲為伴勝魔王軍學得阿耨多羅三藐三菩提而說偈言

滿足王於此 勝種種魔軍 得無比醍醐 無上正遍知

時阿育王以十萬金供養菩提樹及起塔已填二便去優波笈多復白王言此是佛受王三四天王

四鉢合為一鉢處又此處受二商主提謂波利所奉之食佛從此處往波羅柰國時有外道名優波祇歎如來處優波笈多復將阿育王往仙面處舉手指言此是世尊三轉十二

行法輪處即說偈言

是此處三轉 十二行法輪 眞實法所造

爲度生死苦

此是一千外道出家之處又此是佛爲頻婆娑羅王說法得見諦處及八萬諸天摩伽陀國婆羅門長者無數人等說法得見諦處此是佛爲帝釋天王說法及八萬諸天得見諦處此是世尊爲母說法夏安居竟與無數諸天從彼來處乃至廣說優波笈多將阿育王至拘尸那城佛涅槃處舉手示言大王此是如來所作已辦入無餘涅槃處而說偈言

天人阿脩羅 夜叉龍神等 及一切世間教化彼已竟 大慈悲精進 是故入涅槃時阿育王聞是語已悶絕躡地乃至以冷水灑面尋得醒寤從地而起以十萬金供養如

第一

三

來涅槃之處及起塔已禮優波笈多足而說

言我是世尊所記大弟子我欲供養舍利優波笈多答言善哉善哉王心極善是時優波笈多將阿育王入祇洹林舉右手指言大王此是舍利弗塔自當供養阿育王問優波笈多言舍利弗功德智慧其事云何答言是第二佛爲法之將能隨如來而轉法輪佛弟子中智慧第一一切世間所有智慧十六分中不及其一唯除如來而說偈言

無等正法輪 佛爲世間轉 舍利弗隨轉以利益世間 誰能說其人 功德智慧海時阿育王心大歡喜以十萬金供養舍利弗塔合掌說偈言

我禮舍利弗 以恭敬心念 大慧離煩惱爲世間光明

優波笈多復示阿育王目捷連塔說言大王
此是目捷連塔王當供養王問言其人功德
神力云何長老答言佛說其神力弟子之中
最為第一能以足指動天帝釋最勝法堂亦
能降伏難陀優波難陀龍王即說偈言

目捷連神力 佛說為第一 能以足指動

帝釋最勝殿 降伏二龍王 難陀波難陀

神力功德海 無有能稱量

時阿育王以十萬金供養目捷連塔合掌說

偈

最勝之神力 離生死苦惱 我今已頂禮

名聞目捷連

優波笈多復指示言此是摩訶迦葉塔應當

供養阿育王問言其人功德云何長老答言

於少欲知足乃至八種及頭陀苦行佛說其

第一

第五

人最為第一佛以半座與其令坐又以自身
袈裟覆之攝受苦人受持法藏復說偈言

最勝大福田 行少欲知足 受持佛法藏

能攝苦衆生 佛與其半座 及以衣覆身

無有人能說 其大功德海

時阿育王復以十萬金供養大迦葉塔合掌

說偈

常在山石窟 具少欲知足 除諸煩惱怨

獲得解脫果 無比功德力 是故今頂禮

時優波笈多復示阿育王薄拘羅塔說言大

王此是薄拘羅塔應當供養阿育王問言其

人功德云何答言佛弟子中精進無病最為

第一不嘗為人說一二句法時王令人以二

十貝子供養其塔時有大臣問阿育王等是

羅漢何故餘塔皆以十萬金供養而薄拘羅

塔獨與二十貝子以爲供養阿育王言汝當聽說

以智慧爲燈 除於無明闇 住意爲舍宅 少利益世間 是故以貝子 供養於其塔

是時二十貝子從塔處來着阿育王足時大

臣見深生驚怪而說言此阿羅漢少欲之力

乃至已入涅槃而不受施時優波笈多復將

阿育王至阿難塔說言大王此阿難塔應當

供養其是如來給事弟子能持佛語佛說其

人弟子之中多聞第一而說偈言

是長老阿難 諸天人所貴 常護持佛鉢

具足念慧心 多聞爲大海 口說微妙語

方便正覺意 明了一切法 爲諸功德藏

世尊所讚歎

時阿育王以十萬金供養阿難塔大臣問言

何故於此最勝供養阿育王答言當聽我說

佛世尊法身 清淨無與等 其能攝受記

故我上供養 其燃佛法炬 除諸煩惱闇

其力故法住 故我上供養 如以牛跡水

不及於大海 阿難智慧水 不及佛智海

於修多羅中 佛與登王位 故我於今日

設最上供養

時阿育王供養已竟生大歡喜禮優波笈多

足而說偈言

我今生人中 不失善業果 以先功德力

得作自在王 以不真實法 獲得於真實

世尊舍利塔 莊嚴於世間 云何修苦行

於我所未作

時阿育王禮優波笈多足還其本國

阿育王經卷第二

音釋

跛補火切足也
 筇古旱切
 糗丘救切糧也
 踝戶瓦切兩旁切

阿育王經卷第三

墳二

梁扶南三藏僧伽婆羅譯

供養菩提樹因緣品第三

爾時阿育王於佛生處得道轉法輪入般涅槃於一一處各以十萬金供養於菩提樹倍

生信樂作是思惟此是世尊得阿耨多羅三

藐三菩提處日日之中最勝珍寶供養此樹

是時阿育王第一夫人名微妙落起多翻光

生瞋恚心大王既愛念我云何以好珍寶與

菩提樹即喚旃陀利女翻下而語言菩提樹

是我怨汝能殺不答言能汝當與我金夫人

語言如是時旃陀利女即便呪樹以縊縛之

是菩提樹漸漸枯死有人白王是菩提樹漸

漸枯死而說偈言

佛坐菩提樹 知一切世間 得一切種智

此樹今日死

時王聞是語已悶絕躡地諸臣以水灑王良

久乃醒即便啼泣而說偈言

我見此樹王 即是見如來 樹王若枯死

我命亦隨滅

時彼夫人見王憂惱便白王言若我不能令

菩提樹生者我亦不能令王歡喜王答言汝

若能令菩提樹生者汝非女人何以故佛住

此處得阿耨多羅三藐三菩提是時夫人喚

旃陀利女而語言汝能令樹更生如其先不

答言若菩提樹其根不死能令更生乃至旃

陀利女除所縛縊周而掘坑日日以千鬘乳

灌之坑中少日之間樹漸還生遂得如本時

人白王王於今者大生功德菩提之樹今得

生故王聞此言心大歡喜即便往至菩提樹

間瞻菩提樹目不能捨而說偈言

從於瓶沙王 及諸餘國王 無上二因緣

悉所不能作 當於菩提樹 灌以香色乳

復當修供養 聖眾五部僧

時阿育王以千金銀瑠璃鬘盛以香水復持

種種飲食及香華等千鬘香水浴菩提樹以

種種綵衣而以衣之王於是時復受八戒受

八戒竟手執香爐而登殿上請四方僧說言

世尊弟子在四方者為攝受我故悉應來此

而說偈言

正行善逝子 根寂靜離欲 應供大福田

天人所歸依 最勝善逝子 行禪離愛著

阿修羅所依 當來攝受我 於闍賓國處

大林及暗林 有諸阿羅漢 當來攝受我

如來子樂禪 住阿耨達池 及江山石窟

當來作慈悲 善言如來子 住舍利沙殿

無憂慈悲心 當來攝受我 大勇之神力

住於香醉山 我請阿羅漢 當悉來此處

時阿育王說此言已有三十萬比丘和合阿

羅漢十萬學人二十萬及精進凡夫無數於

眾僧中上座一處無有人坐時阿育王白六

通上座耶舍言第一坐處何故無人答言此

是第一上座之處王又白言除大德外更有

上座耶答言有佛說弟子中有能師子吼此

為第一姓頗羅墮名賓頭盧第一坐處是其

所坐時阿育王聞其此言身毛為豎如柯曇

婆華又說言大德有比丘見佛未入涅槃今

猶在者不長老答言有姓頗羅墮名賓頭盧

其人見佛王又問言我於今者得見其人不

長老答言王尋當見其今應來時王聞已大

生歡喜而說偈言

我今得大利 及無比攝受 以得見大德

名曰賓頭盧

時阿育王合掌仰看空中目不暫捨時賓頭

盧與無數阿羅漢隨從圍繞如半月形猶若

鴈王從空中下於第一處坐是時阿育王見

頗羅墮賓頭盧來及見十萬比丘皆從座起

又見賓頭盧頭鬢皓白額皮眉毛悉垂覆面

如緣覺身見已五體投地禮賓頭盧足如大

樹倒舌舐其足長跪合掌瞻仰啼泣而說偈

言

大地海為衣 山莊嚴一織 除怨得此地

今我生歡喜 不如於今日 與大德相見

我今見大德 倍生於心念

復次大德見世尊不是時賓頭盧以兩手舉

其眉毛視阿育王便說偈言

我數見如來 無等無譬類 有三十二相

面如秋滿月 梵音除煩惱 入無諍三昧

阿育王復問大德於何處云何見長老答言

大王世尊與五百漏盡阿羅漢隨從最初於

王舍城安居是時在此眾中得具足見佛便

說偈言

無欲無欲從 摩訶牟尼尊 是時此安居

我具足見佛 如汝今見我 如是我見佛

復次大王世尊又於舍衛國為勝外道故現

種種神力作無數化佛相好莊嚴次第而上

至阿迦膩吒天我於爾時亦在其中見佛種

種神變而說偈言

時有諸外道 行種種邪道 世尊以神力

示現除伏之 是時我見佛 令世間歡喜

復次大王世尊於三十三天上安居為母說法竟與諸天眾圍繞下僧柯奢翻光明國我於爾時在大眾中見諸天眾復見比丘尼名鬱波羅翻青華色槃尼柯翻色見其化作轉輪聖王具足七寶而說偈言

天上安居竟 佛便從彼下 我時在眾中 是故得見佛

復次大王修摩陀伽翻不解孤獨女兒請佛及

五百阿羅漢佛以神力至分陀跋陀國翻不解

我以神力舉山從虛空中亦至彼國是時如

來戒勅於我汝不得入涅槃至我法住而說

偈言

修摩伽陀請 佛神力至彼 我以力舉山

隨至分陀國 是時佛戒勅 令我至法住

以是因緣故 得具足見佛

復次大王汝先小時以小兒意佛入王舍城乞食我奉佛麩汝奉佛沙成護爾時起隨喜心如佛所記此小兒於我涅槃百年後當生波吒利弗多城名阿輸柯為四分轉輪主領法王當廣供養舍利起八萬四千法王塔我

於是時亦在其中而說偈言

王昔為小兒 合掌以沙施 我亦於是時

具足見此事

阿育王復問賓頭盧大德何處住以偈答言

北方阿耨池 於香醉山中 我住於彼處

及諸同學眾

阿育王復問賓頭盧大德幾人隨從以偈答

言

六萬阿羅漢 圍繞隨於我 我及諸大眾

悉盡煩惱毒

復次大王何事此疑當速施僧食衆僧食竟當更共語王答言爾如大德教以念佛教我當觀菩提樹觀菩提樹竟當與僧食以種種飲食當以供養時阿育王語比丘名一切友我當施僧十萬金及一千金銀瑠璃鬘於大衆中當說我名供養五部僧時阿育王見名鳩那羅鳥名不往王右邊是時王子畏其父故不敢發言便舉二指示唱導比丘表其修福倍多其父時大衆見鳩那羅一倍作福悉皆大笑時王見大衆笑語大臣成護汝所作非是故人笑成護答言多人欲作功德若作功德必以一倍是爲正當阿育王答言我當以三十萬金供養衆僧以三千寶鬘盛以香水灌菩提樹當以我名在大衆說供養五衆乃至鳩那羅復舉四指以示比丘時大王瞋

六

六

語成護大臣我修功德誰今與我而欲諍作不識世法成護見大王瞋禮大王足誰敢與王諍作功德而說偈言
誰敢與王諍修功德 是拘摩羅與王諍作
是時阿育王轉身右邊見拘摩羅王子向賓頭盧說言大德我今唯除七寶庫藏一切大地宮人大臣并以我身及鳩那羅悉施衆僧當以我名在大衆說供養五衆復說偈言
一切宮內唯除珍寶宮人大臣悉施衆僧
大衆之僧爲福田處我及王子具足功德
是時阿育王於賓頭盧等大衆中布施竟於菩提樹周匝起牆時阿育王自登牆上以四千鬘盛以香水灌菩提樹其菩提樹還生如本而說偈言
已灌菩提樹 菩提樹還生 枝葉極茂盛

功德亦增長

大王灌菩提樹竟還生如本枝葉青軟新芽更出王及大臣一切人民心大歡喜復以飲食供養衆僧於大衆中有一大德名耶舍語王言今此大衆實可愛重王今供養勿起異

增三

七

心時阿育王自手行食從上座爲始盡於一衆於衆僧末有二沙彌以麩相塗歡喜丸等共戲相擲阿育王見笑而思惟此二沙彌爲小兒戲乃至阿育王復往上座所次第行食至耶舍所時大德耶舍復語王言大王於衆僧中不得起不信心王答言爾復白上座耶舍言有二沙彌以麩等相戲耶舍答言此二沙彌其心解脫及慧解脫皆阿羅漢王聞是已心大歡喜復生心言我已供養衆僧復覓好衣施二沙彌時二沙彌即知王意便現功

德之力一沙彌化作鐵器以置其前一沙彌化作捷陀水等王見問曰用此何爲答言大王我見王心供養僧竟別施我衣我欲染之時王聞已即便生意我本在心未發言說云何此人已知我心即以五體投地敬禮其足向二沙彌而說偈言

我孔雀大王 及大臣人民 功德我已作一切得大利 精進處生信 可施我已施乃至阿育王語二沙彌我以汝故於一切僧悉施三衣時阿育王於五衆中已作功德復於一人悉施三衣又以四十萬金布施衆僧復以無數金銀贖此大地宮人大臣并以我身及拘那羅毗多輸柯因緣是時阿育王於佛法生大信心起八萬四千

塔已作五眾大會以飲食供養有三十萬阿羅漢學人一倍精進凡夫無數阿育王倍生信心時阿育王弟毗多輸柯信外道法言釋迦牟尼弟子無有解脫何以故常樂樂行畏苦行故乃至阿育王語其弟言汝於非處莫起信心於佛法處當生信心時阿育王於異時中欲爲捕獵阿育王弟於彼山中見一人五熱炙身其於苦道而起實意往其所禮其足說言大德住此幾時仙人答言經十二年復更問言汝食何食答言常食樹木果根復問汝衣何衣答言結茅爲衣復問卧處云何答言以草鋪地又問汝因何事而起煩惱答言見鹿行欲起我欲心以欲心火燒於我心時阿育王弟心便生疑如此苦行尚起欲心佛之弟子常修樂行云何見欲而不起心

既起欲心何得於欲而起厭離即說偈言
仙人住苦林 食樹華果根 服氣除穢食
不能滅欲愛 釋迦牟尼子 食酥酪乳味
於種種衣服 悉皆不能捨 若伏諸根者
頻陀山能浮

阿育王弟復更說言釋迦弟子誑阿育王令作功德時阿育王聞其此言即設方便語大臣言我弟於外道生信當以方便令其得入佛法時大臣答阿育王言大王云何教我所作王語大臣我今欲洗入彼浴室應脫天冠及衣服等汝當以我服飾莊嚴我弟令登王座臣答言爾及至阿育王將入浴室脫莊嚴具入浴室已是時大臣語阿育王弟若無阿育汝當作王是故今者試著天冠被天衣服及登王座大臣語已即便與著令登王座時

大臣即白阿育王言王所勅使臣已作竟阿育王出觀其弟著天冠及登王座而語言我今未滅汝已作王阿育王瞋即命行殺之人身著青衣被髮執鈴至已禮王白言今者欲何所作王語言我捨此弟汝可殺之王語已竟便有多人執諸器仗而圍繞之是時大臣禮阿育王足而白王言此是王弟願王忍辱莫起瞋心時阿育王答大臣言我當忍辱至於七日為我弟故於七日中暫與其國令其作王種種伎樂及諸婁女以供給之一切臣民皆往問訊行殺之人執刀門立日日白王今一日已過餘六日在如是乃至六日已過餘一日在至第七日王莊嚴具天冠衣服還阿育王大臣諸人將毗多輸柯共往問訊阿育大王時王問言汝七日為王種種伎樂好

聞見不弟以偈答

若人見色及聞音聲食種種味此能答王
 王復語言我與汝國七日為王百種伎樂皆
 恣汝意無數眾人日日問訊願於汝云何
 而言不見不聞不得好味復以偈答

我於七日中 不見不聞聲 不嗅不嘗味

亦不覺諸觸 我身莊嚴具 及諸婁女等

思惟懼死故 不知如此事 伎女歌舞聲

宮殿及卧具 大地諸珍寶 初無懽喜心

以見行殺者 執刀在門立 又聞搖鈴聲

令我懷死畏 死槩釘我心 不知妙五欲

既著畏死病 不得安隱眠 思惟死將至

不覺夜已過

是時阿育王語其弟言毗多輸柯汝於一日
 中思惟死苦雖得上妙五欲而不生愛出家

比丘於十二入思惟無量生死無常云何而
 得起煩惱耶又復思惟地獄之苦及諸畜生
 更相殘害餓鬼飢渴衆苦所逼思惟人中四
 方馳求初無安樂思惟天上壞敗之苦如是
 五道身心之苦無有樂處觀此五陰無常苦
 空無我不實譬如空村無有居民如是五陰
 皆空無我以無常火燒諸世間佛諸弟子常
 作此觀云何而起煩惱耶復說偈言
 汝於一日中 思量生死畏 而無有歡喜
 不起貪愛心 佛諸弟子等 日日觀生死
 云何生歡喜 而起煩惱心 於飲食衣服
 及以卧具等 思惟解脫法 而不起著心
 觀身如冤家 三有如火宅 思惟何方便
 而得解脫之 深樂解脫法 不貪於五欲
 其心如蓮華 處水而不著

增二

十一

時阿育王以善方便佛法教化毗多輸柯時
 毗多輸柯合掌向王而說言大王我於今者
 歸依如來及以法僧而說偈言
 我今歸依佛 佛面如蓮華 天人所歸依
 無漏法及僧

時阿育王以兩手抱其弟頸而語言我不捨
 汝爲欲令汝信佛法故是故爲汝現此方便
 時毗多輸柯以種種華香及諸伎樂供養佛
 塔以種種飲食供養衆僧復往鷄寺耶舍上
 座六通羅漢所至已對耶舍坐爲欲聞法時
 耶舍以神通力見其前世已造善業今於此
 生是最後身得阿羅漢爲其說法讚歎出家
 既得聞法便樂出家即起合掌白耶舍言善
 說法律我得出家受具足不於佛法中欲修
 梵行耶舍答言善男子汝可還白阿育王聽

出家不時毗多輸柯即還阿育王處至已合掌白言大王今當聽我出家我於佛法欲修梵行復說偈言

我心亂不住 猶如象無鈎 王意如鐵鈎
勿制我出家 王爲地中王 當聽我出家
佛作世間光 今欲修其行

阿育王聞其言手抱其頸悲泣落淚而語言毗多輸柯勿作此意何以故出家之人形服麤弊飲食假人眠卧樹下汝今制心勿欲出家毗多輸柯答言大王我於今者不爲瞋故而欲出家亦不爲貪欲不爲貧苦亦不爲脫怨家但見世間種種諸苦生死相隨無有脫處唯見佛法正路能脫生死終無所畏是故我今樂欲出家阿育王聞之更增悲泣時毗多輸柯復說偈言

三

十二

生死爲懸繩 有人則恒動 在上必復墮
和合必分離

時阿育王復語之言汝當先習乞食然後乃得出家時王後園有一大樹以草布地令住其下與一瓦鉢令入宮乞食毗多輸柯即便持鉢行入宮內種種上食而便得之時阿育王瞋宮內人汝於今者云何乃與乞者上食從今已去當以麤食施之乃至以麥爲飯經宿臭壤乃可施與時毗多輸柯得而食之不以爲惡阿育王見而語之言汝今勿食此食聽汝出家出家之後恒來見我乃至毗多輸柯往至鷄寺至已思惟我若於此出家人物亂我不得修道當於遠處而出家也便往毗提國於彼出家思惟精進得阿羅漢果是時長老毗多輸柯得阿羅漢已受解脫樂復思

惟言昔與王約出家之後常來見王我於今者應滿本約乃至次第行至波吒利弗多國是時長老毗多輸柯早起著衣持鉢入國乞食次第行至阿育王城語門人言汝入白王云毗多輸柯今在門外欲見大王時守門人即入白王今毗多輸柯至欲見大王時阿育王而語之言汝可將入今至宮中毗多輸柯即便入宮阿育王見即從座起爲其作禮如大樹倒起而合掌視之無厭悲泣而言一切諸衆生當樂於和合汝今除和合而味寂靜心我今知汝心以慧無厭足時阿育大臣名曰善護見毗多輸柯著糞掃衣執持瓦鉢次第乞食麤好俱受心無分別見已白阿育王言毗多輸柯少欲知足所作已辦王當生歡喜心何以故

常行乞食著糞掃衣住於樹下心常在定心廣無漏其體無病正命自活常生歡喜時阿育王聞是語已心大歡喜便說偈言捨於孔雀姓及摩伽陀國種種諸珍寶上妙之五欲樂於四聖種除憍慢煩惱行於大精進名聞顯我國最勝十力法而汝能受持時阿育王以手捧之置好座上種種飲食自手與之食竟洗鉢置之一處阿育大王於其前坐聽其說法是時毗多輸柯爲王說法而說偈言王今得自在當修不放逸三寶甚難值王應勤供養時阿育王與五百大臣及國人民以自圍遶合掌恭敬送毗多輸柯大臣人民而說偈言

大兄阿育王 今恭敬送弟 出家有勝果

於今為現證

是時長老毗多輸柯欲顯其功德身昇虛空
一切人民皆見其去時阿育王與諸大眾合
掌觀之目不暫捨復說偈言

無復親友愛 如鳥飛虛空 我以貪愛鎖

不能自在去 禪定有勝果 於身得自在

隨意之所行 一切無罣礙 為欲愛所盲

不能見此法 汝今以神力 輕我起欲愛

我本有慧慢 今汝為最勝 我等著世法

見聖始知畏 今我等啼泣 由汝今捨我

時長老毗多輸柯往至邊地至已得病以病

重故頭皆發瘡時王聞之即遣給事醫藥療

治後得小瘡醫師給事悉遣令還其體所資

惟食牛乳為乞食故往多牛處復有一國名

分那婆陀那 增正 彼國一切信受外道復有

一人受外道法事裸形神畫作如來禮其神

足有一佛弟子見此事白阿育王王時聞已

語駛將來阿育所領於虛空中半由旬上一

切夜又悉繫屬王地下一由旬一切諸龍悉

繫屬王是時夜又聞王語已於一念頃即將

外道弟子并畫像來時阿育王見已生大瞋

心於分那婆陀那國一切外道悉皆殺之於

一日中殺十萬八千外道復有一外道弟子

受外道法事裸形神畫作如來禮其神足時

阿育王復聞是事即勅餘人令取此人及其

親屬置一屋中以火焚之時王復勅若有人

能得一尼捷首者我當與其金錢一枚是時

長老毗多輸柯入養牛處一日停住毗多輸

柯病來多日頭髮髮爪悉皆長利衣服弊惡

無有光色時養牛女竊生是念今此尼捷來入我舍便語其夫汝當殺此尼捷取頭與阿育王必當得金其夫聞已即便拔刀往毗多輸柯所欲斬其頭時此長老即自思惟見其業報無得脫處即便受死而將頭至阿育王所欲求覓金王即觀之見其頭髮駁奪心中生疑即問其醫師及給事人時醫師給事人即白王言此是毗多輸柯頭王聞是已悶絕躡地以水灑之良久乃起時有大臣白王無漏之人不滅此苦大王當施衆生無畏乃至阿育即隨其言宣令一切不得復殺尼捷時諸比丘生疑問優波笈多毗多輸柯昔造何業今受此報爲人所殺優波笈多答言長老當聽過去世時有一獵師多殺羣鹿於大林中有一泉水時此獵師張施羅網以其繩罾

置於水邊日日之中多殺諸鹿是時佛未出世有一緣覺於水邊食食竟澡洗還樹下坐時彼羣鹿聞緣覺香不住水邊時獵師至不見鹿來即尋其迹徃辟支佛所見已作是念言坐是人故令鹿不來即便以刀殺辟支佛長老當知昔獵師者即是毗多輸柯以其日口多殺諸鹿是故今者多諸病苦復以昔殺辟支佛故以此業緣於無數年常在地獄受諸苦報於五百世在入道中生之處常爲他殺今是最後果報雖得羅漢猶爲他害諸比丘復問優波笈多此人云何復生大姓又得阿羅漢果優波笈多答言先於迦葉佛法出家樂行布施常教檀越種種飲食供養衆僧有一佛髮爪塔以香華旛蓋種種伎樂而供養之以是業報生於大姓十萬年中常修

梵行復發正願以是業緣得阿羅漢

阿育王經卷第三

音釋

縱私箭切 躡毗益切 覓烏耕切 繳蘇旱切
與線同 倒也 嬰也 蓋也
 楸其月切 駮北角切

阿育王經卷第四

第五同卷

墳三

梁扶南三藏僧伽婆羅譯

鳩那羅因緣品第四

是時阿育王於一日中起八萬四千塔於是

日中王夫人名鉢摩婆底翻有美生一男兒

形色端正眼為第一一切人見無不愛樂時

有內人即白大王王有功德夫人生兒王聞

歡喜而說偈言

我於今日大生歡喜我孔雀姓名聞一切

宮人以法由之增長

故名此兒名達磨翻法婆陀那翻增即抱此兒

示阿育王時王見已歡喜說偈

我兒自端嚴為功德所造光明甚輝耀

如優波羅華以此功德眼莊嚴於一面

其面貌端正譬如秋滿月

乃至阿育王命諸大臣而語之言汝等嘗見

此兒眼不諸臣答言臣於人中實所未見於

雪山有鳥名鳩那羅此鳥之眼與其相似即

說偈言

於雪山頂有寶華處鳩那羅鳥而住其上

此兒二眼類彼鳥眼

王便發言將此鳥來虛空上半由旬夜叉神

聞其語下一由旬神聞其語一念之頃夜叉

之神即得鳥來時阿育王以鳥眼比兒眼見

此二眼無有異相即以鳥名而以名兒復說

偈言

大地人王以可愛眼鳩那羅名以為兒名

是故大地其名遠聞

乃至鳩那羅長大為其納妃妃名干遮那翻

摩羅翻時阿育王將鳩那羅往至鷄寺

有上座六通羅漢名耶舍是時耶舍見鳩那
 羅未經幾時應當失其眼即白王言何故不
 令鳩那羅作其自業時阿育王語鳩那羅大
 德令汝所作汝當隨之時鳩那羅禮耶舍足
 說言大德教我所作耶舍答言眼非是常汝
 當思惟即說偈言

汝鳩那羅當思惟眼無常痛苦衆患所集
 九夫顛倒由之起過

時鳩那羅於宮中靜處獨坐思惟眼等諸入
 為苦無常時阿育王第一夫人名微妙落起
 多徃鳩那羅處見其獨坐觀其眼故而起欲
 心以手抱之而說偈言
 以大力愛火 今來燒我心 譬如火燒藤
 汝當遂我意
 鳩那羅聞其言以手掩耳而說偈言

汝今於我所 不應說此言 汝今為我母
 我則為汝子 今此非法愛 應當捨離之
 何故為此事 開諸惡道門
 時微妙落起多不遂意故心生瞋忿即說偈
 言

愛心徃汝處 而汝無愛心 汝心既有惡
 不久須臾滅

鳩那羅答言

我今寧當死 以法而清淨 不願於生中
 而起不淨心 若有惡心者 失人天善法

善法既不全 依何而得生

微妙落起多恒伺其過而欲殺之於北有國
 名德叉尸羅拒逆不從阿育王領時王聞之
 意欲自徃大臣白王王今當令鳩那羅徃不
 須自去時阿育王命鳩那羅而語之言汝徃

彼國答王言唯爾時阿育王復說偈言

我於今者聞其此言 雖為是兒而是我心
以心念故 倍加莊嚴

是時阿育王即便令人嚴治道路老病死等
悉令不現時阿育王與鳩那羅同載一車送
之近路將欲分別手抱兒頸見鳩那羅眼啼
泣而言

若有人見 鳩那羅眼 心歡喜故 有病皆除
是時有一相師婆羅門見鳩那羅不久失眼
見阿育王唯觀兒眼不緣餘事見已說偈

王子眼清淨 王觀之歡喜 眼光明莊嚴
云何而當失 此國諸人民 見鳩那羅眼
一切皆歡喜 猶如天上樂 若見其失眼
一切當苦惱

乃至鳩那羅次第行至德叉尸羅國彼國人

聞出半由旬嚴治諸道處處置水以待來衆
時諸人民即便說偈

德叉尸羅人 執寶鬘盛水 及諸供養具
迎鳩那羅王

時王至已人民合掌而作是言我等迎王不
為鬪諍亦不與彼大王相嫌但王所遣大臣
在我國者為治無道願欲廢之是時人民以
諸供具供養鳩那羅王迎至國中時阿育王
身遇重病糞從口出諸不淨汁從毛孔出一
切良醫所不能治時阿育王即語諸臣召鳩

那羅還我當灌頂授以王位我於今者不貪
身命時微沙落起多即便思惟若鳩那羅得
作王者我必當死思惟已白阿育王言我能
令王病得除愈一切醫師不須令進時阿育
王即受其語斷諸醫師時微沙落起多語諸

醫師外聞男女病如王者可將其入時阿毗羅國有一人病如王不異時病人婦爲覓醫師說其病狀醫師答言將此人來我欲見之當爲處藥乃至婦人將此病者送與醫師醫師復送與王夫人時王夫人將此病者置無人處令破其腹出生熟二藏於熟藏中有一大蟲蟲若上行糞從口出蟲若下行便從下出若左右行諸不淨汁從毛孔出時王夫人磨摩黎遮以置蟲邊而蟲不死復以葦茛以置蟲邊蟲亦不死復以干薑以置蟲邊蟲亦不死乃至以大蒜置於蟲邊蟲即便死時王夫人以如此事具以白王王於今者應當食蒜病即除愈王答言我是利利不得食蒜夫人復言爲身命故作藥意食之乃至阿育王遂便食之蟲死病除便利如本時阿育王清

三

五

淨洗浴語夫人言汝於今者當何所求隨意與之夫人白王願王七日聽我爲王王語夫人若汝爲王必當殺我夫人又言過七日已我當還王時阿育王遂便許之夫人思惟我欲治鳩那羅今正是時是時夫人即便假作阿育王書與德叉尸羅人令取鳩那羅眼書中說偈

我今有大力 威名甚可畏 鳩那羅王子
於彼爲罪過 今勅彼人民 挑取其二眼
今爲此一事 汝等速爲之

時王夫人作書已竟須齒牙印之阿育王眠夫人欲印書故便近王邊王即驚覺夫人白王何故驚怖王答夫人我夢不祥見有鷲鳥欲取鳩那羅眼是故驚懼夫人答言王不須憂鳩那羅子今甚安隱第二更夢王復驚起

語夫人言我今更夢如本不祥夫人問言夢復云何王答言我見鳩那羅頭髮髮爪悉皆長利而不能言夫人答言其今安隱願勿憂之乃至後時阿育王眠夫人即便以大王齒竊取印之遣使送之與德又尸羅人時阿育王又夢自齒悉皆墮落至明清且澡洗已畢爲身命故召相師來以夢所見具向其說語言汝當爲我解釋夢意相師答言若人有此夢者兒當失眠不異失兒而說偈言
若人夢齒落 必當失兒眼 兒眼既已失 不異失於兒
時阿育王聞其此言即便起立合掌向四方神而呪願言
今一心歸佛 清淨法及僧 世間諸仙人 於世爲最勝 一切諸聖衆 皆護鳩那羅

三

六

使者執書至德又尸羅國是時彼國人民見此書至念鳩那羅故共隱此書而不與之不欲令其起於惡心彼諸人民復更思惟阿育大王其甚可畏心不敬信於其自兒尚欲取眼況於我等而不起惡復說偈言

今此鳩那羅 如大仙不異 於一切衆生 皆能作饒益 彼阿育大王 而不起慈念 況於餘衆生 而能不殘害

乃至彼人以書與鳩那羅鳩那羅得書已語諸人言若能取我眼者今隨汝意時諸人即喚旃陀羅汝當挑取鳩那羅眼旃陀羅合掌說言我今不能何以故

若人於滿月 能除其光明 是人當能除 汝面明月眼 是時鳩那羅即脫寶冠語旃陀羅言汝挑我

眼我當與汝復有一人形貌可憎十八種醜
語鳩那羅言我能挑眼時鳩那羅尋憶大德
耶舍所說便說偈言

合會有離 是真實說 思惟此義 知眼無常

我善知識 能饒益者 是人說法 皆苦因緣

我常思念 一切無常 是師之教 深自憶持

我不畏苦 見法不住 當依王教 汝取我眼

我已攝受 無常真實

是時鳩那羅語醜人言汝當取我一眼置我
手中我欲觀之時此醜人欲取其眼無數諸
人相與瞋罵而說偈言

眼清淨無垢 如月在空中 汝今挑此眼

如拔池蓮華

是無數人悲號啼哭是時醜人即出其眼置
鳩那羅手中時鳩那羅以手受之向眼說偈

汝於本時能見諸色而於今者何故不見
本令見者生於愛心今觀不實但為虛誑
譬如水沫空無有實汝無有力無有自在
若人見此則不受苦

是時鳩那羅思惟一切諸法悉皆無常得須
陀洹果既得果已語醜人言所餘一眼隨汝
取之時彼醜人復更挑之置鳩那羅手中既
失肉眼而得慧眼而說偈言

我於今者捨此肉眼 慧眼難得我今已得
王今捨我 我非王子 我今得法為法王子
今從自在 苦宮殿墮 復登自在 法王宮殿
乃至鳩那羅知其眼是微沙落起多而說
偈言

願王夫人 長受富樂 壽命長存 無有盡滅
由其方便 我得所作

是時鳩那羅婦干遮那摩羅聞鳩那羅失眼
以念夫故至其夫所入多人處見鳩那羅失
眼流血悶絕躡地傍人以水灑之令得醒寤
啼泣說偈

眼光明可愛 昔見生歡喜 今見其離身

心生大瞋惱

續三

鳩那羅語其婦言汝勿啼泣我自起業自受
此報復說偈言

一切世間以業受身 衆苦爲身汝應當知
一切和合無不別離 當知此事不應啼泣
是時鳩那羅共其婦從德叉尸羅國還阿育
王所二人生來未曾履地其身軟弱不堪作
業時鳩那羅善於鼓琴復能歌吹隨其本路
乞食濟命漸漸遊行至於本國欲入宮門時
守門人不聽其前既不得前而復還出住車

馬廐於後夜中鼓琴而歌歌曰我眼已失四
諦已見復說偈言

若人有智慧 見十二入等 以智慧爲燈
得解脫生死 三有中之苦 悉爲自心苦
三有中之過 今應當知之 若欲求勝樂

當思十二入

時阿育王聞其歌聲心大歡喜而說偈言

今此說偈及聞鼓琴 似是我子鳩那羅聲
若是其至何不見我

時阿育王命一人來我所聞聲似鳩那羅而

續三

九

聲清妙復兼悲怨聞此聲故令我心亂如象
失子而聞子聲其心迴遑不安其所汝可往
看是鳩那羅不若是鳩那羅汝可將來乃至
此人受教至車馬廐至已見其無有二眼皮
膚曝露不復可識還白大王王所今看是孤

獨盲人共其婦俱住車馬廐非鳩那羅時阿育王聞其此言懊惱思惟而說偈言

如昔所夢見 鳩那羅失眠 今此盲人者
鳩那羅不疑 汝可更至彼 但將此人來
以思惟子故 其心不安隱

乃至此人受教更至其所語鳩那羅言汝是誰兒何所名姓鳩那羅復以偈答

父名阿輸柯 增長姓孔雀 一切諸大地
悉爲其所領 我是彼王子 名爲鳩那羅
姓曰法王佛 今爲法王子

是時使人將鳩那羅及其婦至宮中時阿育王見鳩那羅風日曝露以草幣帛雜爲衣裳形容改易不復可識時阿育王生心疑惑而語之言汝是鳩那羅不答言我是阿育王聞悶絕墮地傍人見王而說偈言

王見鳩那羅 有面無有眼 以苦惱燒心
從牀墮於地

傍人以水灑王今其得醒還至坐處抱鳩那羅置其膝上復抱其頸啼哭落淚手拂頭面憶其昔容而說偈言

汝端嚴眼今何所在 失眠因緣汝今當說
汝今無眼如空無月 形容改易誰之所作
汝昔容貌猶如仙人 誰無慈悲壞汝眼目
汝於世間誰爲怨讎 我苦惱根由之而起
汝身妙色誰之所壞 懊惱心火今燒我身
譬如霹靂摧折樹木 懊惱之雷以破我心
如此因緣汝今速說
時鳩那羅以偈答言

王不聞佛言 果報不可說 乃至辟支佛
亦所不能免 一切諸凡夫 悉由業所造

善惡之業緣 時至必應受 一切諸衆生
自作自受報 我知此緣故 不說壞眼人
此苦我自作 無有他作者 如此眼因緣
不由於人作 一切衆生苦 皆亦復如是
悉由業所生 王當知此事

時阿育王爲懊惱火以燒其心復說偈言
汝但說其人 我不生瞋心 汝若不說者
我心亂不安

時阿育王知是微沙落起多所作喚微沙落
起多而說偈言

汝今爲大惡 如何不陷地 今汝不爲法
於我爲大過 汝今旣爲惡 從今捨於汝
猶如行善人 捨不如法利
時阿育王瞋火燒心見微沙落起多復說偈
言

續三

十一

我於今者 欲出其眼 欲以鐵鋸以解其身
以斧破身 以刀割舌 以刀截頸 以火燒身
令飲毒藥 以除其命
阿育王說如此事欲治微沙落起多鳩那羅
聞深生慈心復說偈言

微沙落起多 所爲諸惡業 大王於今者
不應便殺之 一切諸大力 無過於忍辱
世尊之所說 其最爲第一

時阿育王不受兒語以微沙落起多置落可
屋以火焚之又復令殺德叉尸羅人是時比
丘生疑問大德優波笈多鳩那羅先造何業
今受此報大德答言長老當聽過去久遠於
波羅捺國有一獵師至雪山中多殺羣鹿又
於一時復往雪山時雷電霹靂有五百鹿以
怖畏故入石窟中時此獵師見諸羣鹿即便

捕之一切皆得得已復作是念若皆殺者肉當臭爛無如之何我當挑其兩眼使其不死而不知去後漸殺之作是念已一切挑眼長老於意云何先獵師者鳩那羅是以其挑鹿眼故無數年中常在地獄從地獄出生於人中五百世中常被挑眼今是最後餘殘果報比丘又問以何因緣生於大姓得端嚴眼復得羅漢答言諸長老聽過去久遠人壽四萬歲時有佛正覺名迦羅鳩村馱出現於世是時如來於一切世間所應作者皆已作訖入無餘涅槃時有一王名曰輸頗翻莊嚴為佛世尊起四寶塔時王命過弟不信佛起塔珍寶悉皆密取唯土木在一切人民見塔毀壞懊惱發聲時有長者子問彼諸人汝等何事懊惱發聲諸人答言世尊之塔本有四寶不謂

十三

十三

於今悉皆毀散是故我見懊惱發聲時長者子即以四寶如本莊嚴復令高廣有勝於初又起金像以置塔中所作已訖復發願言迦羅鳩村馱為世間師願我後師亦如今日比丘當知昔長者子即鳩那羅是以其修治迦羅鳩村馱如來塔故今得生於大姓之中以其造作如來像故今所得身端嚴第一以其發願值善師故今得釋迦牟尼為師及見四諦

阿育王經卷第四

阿育王經卷第五

梁扶南三藏僧伽婆羅譯

半菴摩勒施僧因緣品第五

爾時阿育王得堅固信問諸比丘誰已能於佛法之中最大布施諸比丘答言孤獨長者已大布施王復問言其能幾許佛法中施比丘答言用百千萬金阿育王聞即便思惟孤獨長者用百千萬金我於今者亦以百千萬金以用布施阿育大王已起八萬四千塔又於佛初生得道轉法輪入涅槃及諸羅漢涅槃之處各以十萬金施十三四部大會亦已作訖又三十萬衆僧一分阿羅漢二分學人及精進凡夫於一日中一時施食又阿育王唯留珍寶一切大地宮人大臣鳩那羅及以自身悉施衆僧復以四十萬金布施衆僧又以無

數之金贖此大地乃至自身後以九十六千萬金布施衆僧時阿育王得病困篤生大憂惱大臣成護是其先世隨喜施沙知識聞大王病便往王所而禮王足即說偈言
昔面如蓮華 塵垢不能汙 大力諸冤家 不得見大王 猶如日炎盛 人所不能視 何故於今日 悲泣而流淚
阿育王以偈答言
我今生憂惱 不為身命財 別離聖衆故 是以我憂惱 世尊諸弟子 成就諸功德 以種種飲食 日日當供養 常思如此事 是故我流淚
復次成護我昔欲以百千萬金供養三寶而意未滿我今欲以四十千萬金布施滿我本心思惟已便欲遣四十千萬金送與鷄寺是

時鳩那羅兒名三波地

翻具是

為太子大臣語

太子言阿育大王須臾應終而今欲遣四十

千萬金送與鷄寺一切國王以物為力太子

應當勒守物人勿令金出於是太子即便勒

之阿育王勅不復施行唯有金器供王食用

王食訖已便令送此金器與彼鷄寺復斷金

器聽以銀器王食竟已復令送此銀器與彼

鷄寺復斷銀器乃至以鐵器供王王食已復

令送與鷄寺復斷鐵器聽用瓦器時阿育王

無復有物唯半菴羅果在其手中時阿育王

實三

心大悲惱召諸大臣及以人民一切和合而

十四

語之言誰於今日為此地主大臣起而作禮

合掌說言唯天為主更無異人時阿育王淚

落如雨而說偈言

今我阿育王 無復自在力 唯半阿摩勒

於我得自在 何用是富貴 如恒河流水

先所領國土 豪貴最第一 今忽貧窮王

不復得自在 一切諸合會 皆悉當分離

如來正法言 無有能知者 我先所勅令

一切無障礙 猶如心意識 於緣得自在

我今所教勅 如水礙於石 一切諸怨賊

我悉先降伏 王領一切地 攝一切貧苦

今者無光明 如雲障於月 如阿輸迦樹

華葉悉枯落 是我阿輸迦 貧悴亦如是

是時阿育王即呼傍臣名曰跋陀羅目

翻賢

面而語之言我失自在汝今於我為最後使

唯此一事汝應當作此半阿摩勒果送與鷄

寺宣我語曰阿育王禮眾僧足昔領一切閻

浮提地今者唯有半阿摩勒果是我最後所

行布施願僧受之此物雖小以施眾僧福德

實三

十五

廣大而說偈言

我本爲人王 於官得自在 無常爲自相
不久而磨滅 能爲療治者 唯有聖福田
今我無醫藥 願今見濟度 此半阿摩勒
是我最後施 小施而福廣 是故應攝受
時此使人受王勅已將半阿摩勒果往至鷄
寺於上座前以阿摩勒果供養衆僧合掌說
偈

一切地一繖 王領無障礙 猶如日光明
遍照一切處 以自欺誑業 功德於今盡
譬如日入時 無復有光明 以恭敬頂禮
施半阿摩勒 顯其福德盡 今爲最後施
是時上座集諸比丘而語之言汝等今當起
怖畏心如佛所說見他無常是處可畏誰能
於此不生厭離何以故

勇猛能布施 孔雀阿育王 王領於大地
閻浮提自在 今日果報盡 唯有阿摩勒
大地諸珍寶 悉爲他所護 今此阿育王
捨半阿摩勒 諸有凡夫人 福德力生慢
當爲說無常 令其生厭離

時諸衆僧得阿育王半阿摩勒果碎以爲末
以置羹中遍行衆僧時阿育王語成護言誰
今爲王成護禮足合掌說言天爲地主更無
有人時阿育王以人扶起遍觀四方向衆僧
處合掌而言今留珍寶此外大地乃至大海
一切施僧又說偈言

水爲大地衣 七寶嚴地面 持一切衆生
及以諸山等 我今以捨此 布施諸衆僧
於衆僧得果 是故我今施 以此布施福
不求帝釋處 亦不樂梵天 及諸大地主

噴三

十六

唯欲以此福 願求心自在 得共聖人法 人所不能奪

乃至阿育王以多羅葉書此偈語以齒印之 執書合掌向彼僧處而作是言以此大地一切施僧說已便終乃至大臣用五色綵以莊嚴與供養王身供養已便以海水欲以灌太子頂以授王位成護語諸臣言一切大地阿育大王已施衆僧諸臣答言我等今者當作云何成護答言先阿育王作意我用百千萬金施佛法僧已與九十六千萬金欲更滿之而諸臣不聽王意不滿故以一切大地布施衆僧諸臣即便取四十千萬金以贖大地即以海水灌太子三波地頂令登王位三波地見名毗黎訶鉢底翻太太白有兒名毗黎沙斯那翻牛牛軍有兒名弗沙跋摩翻星尾鎧

有兒名弗沙密多羅翻差乃至弗沙密多羅得登王位集諸大臣以何方便能令我名恒住不失諸臣答言大王之姓從阿育王來是阿育王起八萬四千塔乃至佛法未滅阿育大王名聞亦在王今應當起八萬四千塔時王答言阿育大王有大神力人無及者更有方便得流名不是時有婆羅門呪願第一而是凡夫不信佛法白王言有二種因名得常住一者作惡二者作善阿育大王起八萬四千塔王今壞之名則常在乃至弗沙密多羅王嚴駕四兵欲壞佛法往至鷄寺至已於寺門聞有師子吼王大怖畏復還波吒利弗國如是三返往至鷄寺亦復如是還於本國集彼衆僧而作是言我於今者欲壞佛法諸衆僧中於塔及寺各有所護宜各說之諸僧皆

言我等護塔王於是時即殺上座次及諸僧
 時有沙柯羅國是其所領語彼國人若有能
 得一比丘首與其金錢彼國有寺名曰法王
 時彼寺中有一羅漢人欲取頭而白王言彼
 有比丘今欲取頭送與大王時王聞已自欲
 取之是時比丘入滅盡定以定力故刀仗火
 毒不能侵害既不得殺復往餘處至拘瑟他
 歌翻庫藏國彼國有一夜又神守護佛牙是夜
 又思惟佛法當滅我既受戒不復殺生我有
 女兒已利履夜又本欲求之以其先常作惡
 業故而我不許為護佛法今應與之復有一
 大力夜又常護弗沙密多羅王以其力故人
 無侵害是護佛牙神將護王夜又至於南海
 是時已利履夜又取太山壓弗沙密多羅王
 及其四兵一時皆死是故此山名修尼喜多

弗沙密多羅王既被殺已孔雀大姓從此而
 滅

阿育王經卷第五

音釋

曝蒲木切 懊於到切 陷于監切 墜居御切
 斫可力切 鎧可亥切 已利履履語力几切 鋸居御切

阿育王經卷第六 第七同卷

墳四

梁扶南三藏僧伽婆羅譯

佛記優波笈多因緣品第六

是時佛欲涅槃化阿波羅囉龍王及瞿波囉旃陀利龍王竟至摩偷羅國於彼國告阿難言於此摩偷羅國我入涅槃百年後當有賣香商主名笈多有兒名優波笈多無相佛當作佛事教化多人證阿羅漢果此處石窟長十八肘廣十二肘令其弟子人捉一四寸籌投石窟中使滿石窟阿難當知我後教化弟子優波笈多最為第一阿難汝今見彼遠青林不阿難答言已見世尊佛言彼山名優樓漫陀如來入涅槃百年後當有舍那婆私比丘於彼山起寺又說法教化優波笈多令其出家於摩偷羅國有長者子兄弟二人名那

哆婆哆其當於優樓漫陀山為起寺檀越故名此寺為那哆婆哆阿難當知此寺最為第一禪處阿難驚惋優波笈多饒益多人佛語阿難汝今不應驚惋此事過去久遠其生惡道已益多人又過去世於此優樓漫陀山三邊一邊有五百緣覺一邊有五百仙人一邊有五百獼猴獼猴之中而有一主是獼猴主往緣覺處見諸緣覺生歡喜心取樹華果供養緣覺時諸緣覺結跏趺坐是時獼猴次第作禮作禮已畢於僧坐末而自端坐乃至日亦復如是時諸緣覺皆入涅槃獼猴不知恒修供養如本不異見諸緣覺悉不受之是時獼猴執緣覺衣及以牽脚緣覺不動獼猴思惟是諸緣覺悉皆已死啼哭懊惱復至仙人處是五百仙人皆卧棘刺是時獼猴復學

仙人卧棘刺上又學仙人卧灰土上復學仙人五熱炙身炙身去後是時獼猴以水滅火取灰藏之所卧棘刺拔取擲去所卧之灰復取除之仙人以手攀樹自懸獼猴復撥其手令其墮地是獼猴四威儀中常教化諸仙二教化已於諸仙前端坐修定語仙人言汝等一切當如是坐時五百仙人隨其坐禪是諸仙人無師說法於三十七助菩提法思惟證得緣覺之道既得道已復作是念我得聖道由此獼猴即以香華飲食供養獼猴乃至獼猴命終時諸緣覺即以香木用燒其身佛語阿難是獼猴者即優波笈多是優波笈多於惡道中為多衆生作大饒益我入涅槃百年後復於優樓漫陀山作大饒益爾時世尊語阿難言汝當捉我衣角時世尊將阿難身升

虛空往罽賓國至已語阿難言汝見此處多山林不阿難答言已見世尊復告阿難此罽賓國我入涅槃百年後當有末田地比丘於此土立罽賓國乃至佛次第行到拘尸那城涅槃時至告長老摩訶迦葉我今欲入涅槃汝當聚集法藏令住千年為攝受衆生故摩訶迦葉白佛言世尊如世尊教我當奉行乃至佛念天帝釋時天帝釋知佛心已即至佛所爾時世尊告帝釋言憍尸迦汝當護持法藏帝釋白佛言世尊我當如是世尊復念三四天王時四天王知佛心故即至佛所佛復告四天王我涅槃後汝等當護持法藏乃至未來三賊國王汝皆應共其護持法藏四天王白佛言如是世尊是時世尊以法藏付摩訶迦葉及天帝釋四天王等竟復往摩偷羅

國如是次第至拘尸那城娑羅雙樹間告阿
難言涅槃時至是娑羅雙樹北面汝當安置
眠處我於今日中夜當入無餘涅槃即說偈
言

生死海無底 波浪洄復深 老病以為岸

我今已得度 欲入無憂國 棄捨身之棧

更生以為海 老可畏為水 牟尼為牛王

渡彼生死海 如人依於棧 安隱至彼岸

乃至廣說佛入涅槃起八舍利塔第九覺塔

第十炭塔而說偈言

八塔高於山 舍利在其下 次第九覺塔

第十者炭塔

乃至天帝釋及四天王一切香華種種伎

樂供養舍利說言世尊付我等法藏入涅槃

今我等依佛法守護是時帝釋語持黎哆呵

囉哆翻治國言汝於東方當護佛法復語毗留

多翻增言汝於南方當護佛法復語毗留博

又翻不言汝於西方當護佛法復語鳩鞞羅

好翻不言汝於北方當護佛法世尊言我滅後

有三賊王當來與汝同處若壞佛法汝當擁

護是時佛入涅槃無數羅漢亦入涅槃是時

空中悲聲說偈

苦哉佛弟子 一切皆涅槃 今日此世間

一切皆虛空

無明為闇覆正法燈 大德羅漢悉皆涅槃

無復守護 三藏法者三藏正法不得久住

是時帝釋及四天王無數諸天一切徃至大

迦葉所至已禮迦葉足而說言世尊付法藏

與大德及我等大德今當與我共護佛法一

切佛法當共聚集勿令分散今此佛法天人

攝受住世千年爲攝受一切衆生故乃至迦
葉鳴磬以神通力從口出聲告閻浮提一切
令知有五百阿羅漢住拘尸那伽是時迦葉
語阿菟樓駄長老見阿羅漢誰今未來阿菟
樓駄答言伽梵波提翻牛今在天上尸利沙

翻樹殿其今未來大德迦葉問諸比丘今此

衆中誰爲最小富那羅漢答言我爲最小摩
訶迦葉語言長老衆僧法教汝能受不富那
答言能受迦葉又言善男子汝今能受衆僧
教法善哉善哉汝今當往天上尸利沙殿伽
梵波提所而語之言大迦葉及諸衆僧喚汝
來下今有衆事汝可速來而說偈言

善男子當往 尸利沙之林 捨此衆往彼
伽梵波提所

乃至富那往至尸利沙殿語伽梵波提言迦

續四

五

葉及諸衆僧於閻浮提一切和合今有僧事
汝宜速下伽梵波提答言善男子汝當說佛
及衆僧勿道迦葉及衆僧何以故佛已涅槃
諸外道等當輕佛法復次有惡比丘起破僧
事外道當言佛旣涅槃法亦滅盡諸比丘等
皆無所知佛昔在世以智慧光明令諸世間
悉亦光明今旣滅度世間皆闇我於今者何
事至彼復說偈言

一切世間空 無復歡喜處 無如來說法
閻浮提無事 我今欲住此 而入於涅槃
汝今還彼以宣我心伽梵波提禮大迦葉及
諸衆僧而說此言

一切世間空 無復歡喜處 無如來說法
閻浮提無事 我今欲住此 而入於涅槃
伽梵波提說此語已即入涅槃是時富那還

閻浮提而說偈言

大德勝衆 伽梵波提 禮敬而言 佛已涅槃
我於今日 亦入涅槃 如大象滅 子亦隨滅
是時大迦葉 即便立制 從今已去 衆僧和合
結集法藏 其事未畢 諸比丘等 不得涅槃 即
說偈言

從今日已去 一切僧和合 未結集法藏
皆不得涅槃

乃至五百阿羅漢 皆和合竟 大迦葉白僧言
此長老阿難 恒隨如來 其今已老 一切衆僧

當恭敬之 復說偈言

此長老阿難 受持佛所說 利根有智慧
常隨如來行 淨心解佛法 應當恭敬之
饒益諸衆僧 十力所讚歎
是時大迦葉 語諸比丘 我等若於此地 結集

續四

六

法藏大衆雲聚 必當悲泣 妨於法事 我等欲
於佛得道處 摩伽陀國 結集法藏 乃至迦葉
及五百羅漢 至王舍城 是時長老毗梨時弗
多供給阿難 行毗梨時弗 至已 彼國四衆 聞
佛涅槃 心生悲惱 是時阿難 思惟四衆 懊惱
云何 說法長老毗梨時弗 思惟我觀和尚心
爲是聖人 爲是凡夫 即見和尚 猶是學心 未
厭欲界 見已 往阿難處 至已 說此偈言

汝當往樹下 於涅槃作心 瞿曇當坐禪
不久證涅槃

是時長老阿難 以毗梨時弗 教化故 盡日行
坐洗五蓋 心如是一更 乃至五更 明星出時
出外洗足 洗竟 還寺 欲右脅卧 頭未至枕 離
諸煩惱 得羅漢果 往王舍城 乃至迦葉 及五
百羅漢 亦來此城 是時阿闍世 鞞提希子 聞

迦葉及五百羅漢至莊嚴道路種種供具迎
大迦葉時阿闍世王以無根心成就故悉見
佛來從高樓墮佛以神力而接取之今於象
上見大迦葉復欲投下時大迦葉亦以神力
而接取之是時迦葉語阿闍世王如來神力
不假思惟聲聞神力必須作意若不作意而
汝墮者命則不全從今以去不應復爾時王
答言我當如是時阿闍世王禮迦葉足合掌
說言大德世尊涅槃我遂不見若大德作意
欲入涅槃當來看我迦葉答言如是復語大
王我等欲於此城結集佛法時王答言我從
今去未至終滅當以衣服飲食醫藥卧具供
養衆僧願諸衆僧在竹林中是時迦葉思惟
此寺廣大諸比丘等妨亂我事當作是言如
是可說如是不可說有石窟處名畢波羅延

名樹我等當於彼處結集法藏乃至迦葉共五
百羅漢往畢波羅延石窟至已莊嚴住處語
諸比丘於未來世諸比丘等當失正心我等
未中之前當共集優陀那伽陀中後集一切
法乃至五百阿羅漢次第坐於其坐處鋪尼
師壇一切衆僧心念於三藏中先集何藏大
德迦葉言當先集修多羅藏諸衆僧復言誰
能誦修多羅迦葉答言長老阿難多聞中第
一一切修多羅皆是阿難受持我等當問阿
難集修多羅是迦葉語阿難言汝今當說修
多羅我等大眾當共結集而說偈言
汝長老阿難 當知此法藏 是如來所造
汝力故能任 汝持佛法藏 如牛負重擔
如來持十力 取勝大勇猛 能令三有滅
佛法如醍醐 一切持法藏 皆悉已涅槃

唯今汝一人 受持佛法藏

是時長老阿難答言如是即從座起於上座
前立觀一切衆僧而說偈言

此大吉衆僧 離世尊一人 淨心不莊嚴

如虛空無月

乃至長老阿難廣四從上座次第作禮禮已即登

高座而便思惟有修多羅我親從佛聞有修

多羅不親從佛聞我於今者悉說如是我聞

乃至大德迦葉語阿難言長老應說修多羅

在何處說而說偈言

大智皆勸請 佛子汝當說 佛初修多羅

在於何處說

時阿難答言波羅奈國爲五比丘初說修多

羅如是我聞一時世尊住波羅奈國仙面鹿

園佛語諸比丘此苦聖諦乃至廣說是時長

老阿若憍陳如思惟我此衆中聞爲我等說

修多羅如是至佛法不斷皆是初所聞法便

生懊惱是時阿難見是事故亦生懊惱便下

高座而在地坐復說偈言

三有無有力 猶如水中月 幻化芭蕉樹

復以智慧力 能知諸世間 是故捨生死

而入於涅槃 如大風倒樹

時五百阿羅漢皆除牀座露地而坐是時迦

葉語諸比丘阿難所說是何修多羅乃至五

百阿羅漢入三摩提從三摩提起而說言如

是修多羅如是修多羅乃至廣說九四種修多

羅結集已竟衆僧復言我今欲集毗尼藏應

當問誰大德迦葉答言長老優波離持一切

律最爲第一我當問其欲結毗尼是時迦葉

語優波離長老汝當說毗尼我欲結集答言

如是佛於何處說波羅夷優波離答言於毗
時國爲何人說爲須提那迦蘭陀子如是廣
說乃至第二法藏已竟摩訶迦葉復思惟我
等自說智母是時迦葉語諸比丘云何說智
母謂四念處四正勤四如意足五根五力七
覺八正道四辯無諍智願智悉皆結集法身
制說寂靜見等是說智母乃至大德迦葉已
結集法藏而說偈言

已結經法竟 爲世間饒益 佛十力所說
是事不可量 世間無明闇 法燈能除之
是時長老阿難思惟佛世尊涅槃時有犯小
罪教令除滅我今當白衆僧即於上座前合
掌而言我親聞受佛說從今有犯小戒悉令
放捨不復假持若衆僧同今便共捨旣無細
罪諸衆僧等則安樂住是時大德迦葉語阿

難言汝問世尊何者是細戒應捨何者非細
戒不應捨於五篇中爲是第五爲是第四阿
難答言我實不問何以故于時佛邊諸大比
丘悉皆不問我時最小心無慚愧是故不問
復次爲佛涅槃我時懊惱是故不問時大迦
葉語阿難言汝有罪過犯突吉羅如來臨欲
涅槃從汝索水而汝以濁水上佛阿難答言
我旣最小心無慚愧是時柯掘他翻不江有
五百乘車而從江過車去未久我便取水是
故水濁迦葉又言如來須水汝何故不以鉢
向天天自降水何爲取此濁水十上佛是故汝
今得突吉羅復次世尊有新袈裟色黃如金
汝何故以足蹋之阿難答言非我無慚愧是
時我處更無異人是故足蹋迦葉又言汝何
故不執衣向天天當來捉是故汝今犯突吉

羅復次佛時語汝若人能修四如意足能住壽一劫若減一劫令汝知之而佛如來常成就四如意足汝何故不請佛住世一劫若減一劫阿難答言大德迦葉不無慚愧時魔王迷惑我心是故不能請如來住迦葉語言此亦得突吉羅罪復次汝何故以如來陰藏相示諸女人阿難答言大德非我無慚愧以陰藏相示諸女人時諸女人多諸愛欲若見如來陰藏之相便厭女身願求男身是故示之迦葉語言汝得突吉羅罪汝應當懺悔是時迦葉語諸比丘我等今當說七滅諍法及諸細罪諸比丘中或言衆學法是小或言四法是小或言九十事是小或言三十事是小或言乃至二不定是小或言若留四重及十三僧殘餘一切捨外道當說沙門瞿曇其法斑

填四

十一

駁若佛在世法則和合佛滅度後法亦散滅佛涅槃後諸弟子等各隨其意欲受便受欲捨便捨佛說此言若有比丘不一心受者當正心受戒若已受戒不得捨之依佛所說悉皆受持若比丘如說受持善法增長無復退轉是故依佛說一切諸戒悉皆受持

阿育王經卷第六

阿育王經卷第七

梁扶南三藏僧伽婆羅譯

佛弟子五人傳授法藏因緣品第七之一

世尊付法藏與摩訶迦葉翻入涅槃摩訶迦

葉付阿難翻歡喜入涅槃阿難付末田地翻入

涅槃末田地付舍那婆私翻紆入涅槃舍那

婆私付優波笈多翻大入涅槃優波笈多付

締徵柯翻女優波笈多在摩偷羅國教化弟子

有成阿羅漢者輒令投一四寸籌於石室中

室廣十二肘長十八肘自作誓言籌若滿室

當入涅槃籌既滿已乃入涅槃以法付囑弟

子締徵柯締徵柯是滿室籌中最後弟子優

波笈多語締徵柯言昔佛以法藏付囑迦葉

迦葉以付囑阿難阿難以付囑末田地末田

地以付囑和尚我今以此法藏付囑於汝付

囑既竟却後七日而入涅槃天人展轉相告

滿閻浮提阿羅漢十萬人和合共來供養學

人及優婆塞優婆夷不可勝數乃至涅槃時

至身騰虛空行住坐卧身上出水身下出火

現十八變諸天世人莫不歡喜然後以籌而

自闍維爾時一千羅漢同入涅槃乃至締徵

柯受護法藏迦葉因緣長老摩訶迦葉涅槃

因緣爾時梯毗黎迦葉修多羅毗尼阿毗曇

一切皆誦以願智令知三藏受身證滅盡三

昧得總持四辯與五百阿羅漢結集法藏佛

所說法次第付囑與諸勝人處處流布常視

讀誦勿令遺失於一切眾而為饒益常自思

惟我年已大老死無常作此思惟依佛所說

依力已受善友受經法子已生以現佛恩少

報佛恩誰能一切悉報佛恩一切同學於法

和合多時持身以攝世間多時擔身已大疲
極以臭身疲極涅槃時至而說偈曰

已結修多羅 以修治道路 世尊之法語

處處廣宣說

復說偈曰

無慚愧已除 已攝有慚愧 已作自饒益

我涅槃時至

是時摩訶迦葉往至阿難處語長老阿難言

世尊付我法藏付已而入涅槃我今欲涅槃

以法藏付汝汝當受持爾時王舍城當有商

塊四

十三

主兒生以舍那衣覆是故名舍那婆私舍那

婆私入大海後歸於世尊法當修供養汝當

教化令其出家汝當以佛法藏以付與之爾

時摩訶迦葉以佛法藏付長老阿難付法藏

竟作是思惟是我世尊大慈悲難作已作教

化周遍無邊功德以造此身世尊舍利處處
供養我應入涅槃汝當自知是我可作無有
別事復說偈言

是我世尊摩訶慈悲世尊舍利我已供養
菩提三昧之所出生難作已作最後供養

摩訶迦葉以神通力往四支徵音知荷切生處成道處轉

法輪處以第一恭敬禮拜供養八舍利塔亦

復如是復入於龍宮以修供養譬如師子王

入於池湖湖無有怖畏深大不動清淨無垢

於彼佛牙供養已竟譬如龍王出於虛空一

瞬眼頃至忉利天宮與帝釋及諸天歡喜供

養供養既竟意欲從彼而入涅槃是時帝釋

見此事相語迦葉言念於淨行常住山中以

何意故而來至此此處孤獨無有歸依是時

梯毗黎摩訶迦葉語帝釋言憍尸迦我樂看

佛牙及佛天冠摩尼寶珠鉢多羅等是我最後應為供養復說偈言

為說苦盡是故我來為看佛相是故我來帝釋及諸天聞迦葉語一切懊惱恭敬彼故而以兩手捧持佛牙以授迦葉迦葉頂受目

不暫瞬以漫陀羅華翻圓華薄拘羅華翻曲華牛

頭旃檀周流那翻末香以此供養摩訶迦葉語

帝釋及一千諸天汝當修不放逸是時迦葉於須彌山頂忽然不現還王舍城爾時長老

迦葉以佛法藏付囑阿難是時阿難十四日日隨

從迦葉後行阿難語迦葉言莫入涅槃是時

迦葉告阿難言我今與汝各隨所入爾時阿難早起著衣持鉢入城乞食是阿難以三可

愛和合一者名可愛二者聞可愛三者色可愛彼人見色不厭聞說法不厭迦葉亦早起

著衣持鉢入城乞食迦葉思惟我本有約入

涅槃時當往見阿闍世王是時迦葉入王宮

內語看門人我今住此欲見大王汝可入宮

白王今知門人答言王今正眠須王眠覺當

為啓聞迦葉語言汝可覺王門人答言王不

可覺覺必大瞋瞋必治我長老迦葉語門人

言王若覺時汝當白王迦葉今來欲入涅槃

故須見王是時迦葉入城乞食乞食竟入鷄

足山破山三分於山中鋪草布地即自思惟

而語身言昔如來以糞掃之衣覆蔽於汝乃

至於彌勒法藏應住復說偈言

我以神通力當持於此身以糞掃衣覆

至彌勒佛出以此故彌勒教化諸弟子

爾時迦葉起三三昧一者如入涅槃竟被糞

掃衣以三山覆身如子入腹而不失壞乃至

彌勒法藏應住二者若阿闍世王來山應開
迦葉思惟若阿闍世王不見我身當吐熱血
死三者若阿難來山當開是時從三昧起捨
命入涅槃入涅槃竟地六種動帝釋等無數
天人以天諸華供養迦葉身三山還合以覆
其身帝釋及諸天遠離故生懊惱即說偈言
我等今日 遠離迦葉 心生懊惱 不能自勝
畢鉢窟天眾難法生摩伽陀人 生貧孤獨
一切世間 無有歸依 今此迦葉 第二佛滅
正法山墮 正法船動 正法樹落 正法海涌
魔王歡喜 攝受法亂

作如是語已忽然不現是時阿難入王舍城
未出迦葉入涅槃長老阿難王舍城乞食竟
思惟無常乃至阿闍世王眠中夢見其母姓
滅驚此夢故怖畏起覺門人白王迦葉向來

欲見王當入涅槃王聞其言悶亂墮地傍人
以水灑王王得少醒往竹林中禮阿難足禮
已復起懊惱啼哭說言我今聞長老摩訶迦
葉入涅槃阿難答言大精進已入涅槃爾時
阿闍世王語阿難言看迦葉身我欲供養阿
難將王至鷄足山上是時阿難見諸羅刹護
迦葉身阿闍世王亦如是見又見天華覆迦
葉身見已舉手拍頭以一切身接足作禮如
象觸樹倒禮已便欲覓薪以闍維之是時阿
難語言大王今何所作王答言我欲燒迦葉
身阿難答言莫燒莫燒此身神力所持乃至
正覺彌勒佛九十六千萬弟子圍遶來至此
處取迦葉身現諸弟子時彌勒說言此迦葉
是釋迦牟尼弟子少欲知足最為第一又結
集釋迦牟尼法藏復說偈言

此仙比丘迦葉氏 釋迦牟尼大弟子

最勝善見益世間 是其受持彼法藏

是時彌勒弟子生念彼時人身小釋迦牟尼
身為如是為當大是時彌勒佛見其弟子而
語言摩訶迦葉身糞掃僧伽黎是釋迦牟尼
世尊僧伽黎衣彼弟子聞已憂愁故九十六
千萬弟子當得證阿羅漢果復得受持戒行
功德復次於山頂當起塔阿闍世王還其城
內是時三山還合更覆其身阿闍世王即於
山上更復起塔以種種香華供養

阿難因緣

爾時長老迦葉入涅槃時阿闍世王禮阿難
足說言長老佛入涅槃我不見長老摩訶迦
葉入涅槃亦不見若長老欲入涅槃願來見
我阿難答言如是乃至舍那婆私商主從海

而還舍那婆私以其寶物安置室內往竹林
中是時長老阿難於講堂門立爾時舍那婆
私往阿難所到已禮足於一處坐舍那婆私
語阿難言長老當知我從海中安隱得還今
欲於佛寺一切眾僧作五年功德大會今佛
何處阿難答言世尊已入涅槃舍那婆私聞
已悶絕躄地傍人以水灑之少時得醒乃說
言長老舍利弗何處入涅槃如是摩訶目捷
連摩訶迦葉等何處入涅槃問已復言長老
我欲作五年功德大會阿難言隨汝意作乃
至廣說作大會已阿難語言汝已於世尊法
藏作五年功德竟今日當作以法攝受舍那
婆私答言長老云何教我是時阿難語舍那
婆私汝當於佛法藏出家舍那婆私答言如
是長老阿難為其出家受具足戒乃至究竟

第四羯磨舍那婆私復受大受我當至死著舍那衣長老阿難受持八萬四千法門乃至佛所說諸羅漢所說舍那婆私悉能受持具足三明通達三藏爾時長老阿難住於竹林是時有一比丘誦斯伽陀翻不

若人百年生 不見水白鷺 若人一日生

能見水白鷺 是人智慧 名勝彼百年

是時阿難將其遊行聞彼所說而語言汝誦

此偈非佛所說當言若百年生不見生滅若

一日生能見生滅是人智慧勝彼百年復次

二人謗佛一者不信瞋恚故謗二者雖信不

如法受持修多羅義亦名謗佛如人無足無

口此人無用娑底翻無阿栗多翻此二人不

能善受修多羅義亦如是復說偈言

癡人不聰慧 其為無可用 聰慧不受法

其慧則為毒 正智聞可說 則得解脫果

是時彼誦偈比丘還其師所說阿難言世尊

所說若百年生不見生滅若一日生能見生

滅勝彼百年彼師語弟子言阿難已老其念

無力復說偈言

若人老至 失其念力 智慧身力 一切皆老

復語弟子依汝所誦莫從彼語乃至阿難復

往其所聞說本偈長老阿難語言我已語汝

此非佛說彼答阿難我師說言阿難已老其

念無力阿難思惟欲往其師所為說此義復

觀其心受我語不即見其心不受此義復更

思惟有餘比丘能為說不亦不見人能為其

說阿難念言若佛在世我當白佛及舍利弗

目捷連迦葉等今佛等悉入涅槃我今亦欲

隨入涅槃以佛力故法住千年復說偈言

如彼諸仙人 悉皆已過去 我今與彼等
無有差別相 今我自思惟 猶如鳥隨風
彼已入涅槃 能除諸垢結 於世間爲燈
爲除無明闇 除彼大精進 無量律儀者
今唯我一人 如林餘一樹

是時阿難付囑舍那婆私復說世尊付法藏
摩訶迦葉竟入涅槃摩訶迦葉付囑我竟入
涅槃今我欲入涅槃此佛法藏應當受持守
護於摩倫羅國有山名優流漫陀翻大摩倫
羅國有長者生二子一名那多翻無二名婆哆翻十九
翻是佛所說於彼山中應當起寺復有摩倫
羅國賣香商主名笈多笈多當生兒名優波
笈多汝當教化令其出家其是世尊所記無
相佛我涅槃百年後當作佛事是時舍那婆
私答言如是長老阿難已付法藏於舍那婆

私竟早起著衣持鉢入王舍城乞食阿難思
惟我有約入涅槃時當往見阿闍世王是時
阿難即入王宮語看門人我今住此欲見大
王汝可入宮白王令知門人答言王今正眠
須王眠覺當爲啓聞阿難語言汝可覺王門
人答言王不可覺覺必大瞋瞋必治我長老
阿難語門人言王若覺時汝當白王阿難今
者欲入涅槃故來見王是時阿難入城乞食
乞食竟即自思惟若我於此入涅槃阿闍世
王不以我身分與毗舍離人毗舍離人於阿
闍世王必當相瞋若我於毗舍離國入涅槃
毗舍離人必不以我身分與阿闍世王阿闍
世王於毗舍離人必復相瞋是故於恒河中
我入涅槃是時長老阿難往恒河處阿闍世
王於眠中夢見繖柄折而繖不墮驚此夢故

怖畏起覺門人白王阿難向來欲見大王當
 入涅槃王聞其言悶亂墮地傍人以水起王
 是時王得少醒即自思惟長老阿難欲於何
 處當入涅槃是時有林中天語阿闍世王言
 長老阿難佛法王子守護法藏其以作心令
 三有滅以寂靜意往毗舍離國為涅槃故是
 時阿闍世王集四種兵象馬車步往恒河岸
 毗舍離國復有天人說偈語毗舍離人言
 此仙阿難陀 以除無明闇 於世間多人
 等起慈悲心 入毗舍離國 為欲入涅槃
 是時毗舍離人離車毗填四不解復集四種兵象
 馬車步往恒河岸是時阿難上船往恒河中
 阿闍世王來揖阿難合掌說偈
 佛子入涅槃 於三世間等 佛面如蓮華
 今已入涅槃 汝是我等歸 不應捨離我

是時毗舍離人禮阿難足合掌說言汝於比
 處人天所念而今欲滅瞿曇於此世間最勝
 自在眼如蓮華為饒益孤獨故應當攝世間
 長老阿難作是思惟若我入摩伽陀國離車
 毗人當懊惱若我入毗黎時國摩伽陀王復
 當懊惱我於今日當思所宜既已知時即說
 偈曰
 以半功德法 與摩伽陀王 復以半功德
 與離車毗眾 如是此二人 當正修供養
 長老阿難於涅槃時大地六種震動爾時於
 雪山有一仙人五通具足共五百弟子彼仙
 思惟何故地動其見阿難欲入涅槃乃至共
 五百弟子往阿難所到已禮足合掌說言我
 於長老當得佛所說法及出家具足修清淨
 梵行長老阿難生念我一切弟子應當來生

填四

三

此念時五百弟子阿羅漢一切來集長老阿難即以神力轉此大地乃至仙人及五百弟子出家受具足於第一羯磨仙人及五百弟子得須陀洹果於第二羯磨得斯陀含果於第三羯磨得阿那含果於第四羯磨除一切煩惱得阿羅漢果仙人及弟子於恒河中出家是故名末田地是時末田地作所作已禮阿難足說此言如世尊最後與須跋陀出家須跋陀前入涅槃我不樂見和尚涅槃和尚亦當聽我前入涅槃長老阿難語末田地言世尊付摩訶迦葉法藏入涅槃摩訶迦葉付我入涅槃我今欲涅槃此法藏汝應受持佛已說罽賓國第一坐禪寺我入涅槃百年後當有比丘名末田地是其應持法藏入罽賓國是故汝應將法藏入彼國末田地答言爾

長老阿難付法藏與末田地竟現神通力作十八變於虛空中行住坐卧入火三昧入三昧竟從其身中出種種色青黃赤白或身上出火身下出水或身上出水身下出火是時阿難其身端正譬如名山出清流水及種種華阿難思惟欲分此身半與摩伽陀王半與離車毗衆是時以神通力遂檀越心以智慧金剛破其身山半與摩伽陀國半與毗舍離衆乃至阿難入涅槃阿闍世王與諸天人供養半身毗舍離人復供養半身有二塔一在王舍城一在毗舍離末田地因緣是時長老阿難入涅槃末田地思惟我和尚教我將佛法藏入罽賓國時末田地往罽賓國坐於繩牀更復思惟此罽賓國龍王所領

若不伏之不來我界應入如是三昧以三昧力令罽賓國六種震動乃至龍王不能自安於是龍王至末田地所時末田地入慈三昧龍王興風吹袈裟角不能令動復起雷雨末田地神力變其雷雨皆成天華優鉢羅拘牟頭分陀利華等悉皆墮地乃至復以種種器仗欲害末田地復以神力變其器仗亦成天華復以大山壓末田地復變大山而成天華即時空中而說偈言

大風吹動 不移衣角 雷雨器仗 變爲天華 譬如雪山 日光所照 悉皆融消 無有遺餘 入慈三昧 火不能燒 器仗毒害 不近其身 於是龍王 驚恐徃末田地 所說言 聖人教我 何作末田地 言此處與我龍王 答言 不可得也 末田地 言此處佛所記 當起最勝坐禪處

名罽賓國龍王復言此是佛所記耶末田地 答言如是龍王復言欲得大小地耶末田地 言欲得如牀處龍王言如是我與是時末田地以神通力廣其坐處如究塗盧那茂_解 翻覆此大地龍王復言幾人相隨末田地言 有五百阿羅漢_贊龍王復言若五百阿羅漢少 一人者當奪住是時末田地自思惟乃至法 藏當有五百阿羅漢不其見不減乃至過數 答龍王言如是長老復言若有受施應有檀 越我欲將白衣入罽賓國龍王答言如是是 時末田地將衆多白衣入罽賓國立聚落城 邑諸白衣語末田地言我今於此云何自活 時末田地以神通力將諸白衣入捷陀摩陀 那_翻山_香至已諸白衣掘取宮又摩_翻鬱_還 罽賓種是時香醉山中諸龍王瞋末田地教

化降伏諸龍王問末田地世尊法藏住當幾
時末田地答言經一千年諸龍王作約至佛
法住聽住彼國末田地答言如是時末田地
取鬱金香至罽賓國種乃至世尊法藏住是
時末田地廣布法藏現種種神力與諸檀越
共學佛法令其解悟然後涅槃如水滅火以
牛頭栴檀種種香木闍維其身收其舍利爲
之起塔

舍那婆私因緣

爾時長老阿難入涅槃時舍那婆私往摩偷

羅國於中路有寺名貧陀婆那

翻叢林

舍那婆

私住寺一宿寺有二老比丘論議說偈

無犯第一戒 擇法第一聞 是比丘謂是

舍那婆私說

時舍那婆私語二比丘汝所說義非我所說

正法和合是我所說長老先過去世於波羅
奈國有一商主與五百估客欲入大海於其
中路見辟支佛病商主留諸估客看辟支佛
以醫所說藥商主親自料理時辟支佛病得
小瘥爾時商主取舍那衣衣本麤澁更浣染
治令其軟滑浴辟支佛以衣施之贊四白言世尊
此衣麤澁世尊浴竟願納受之辟支佛答言
善男子我老隨舍那婆私出家以此衣覆我
身得聖法今著此衣至入涅槃商主白言莫
入涅槃乃至我入海還當以衣服飲食卧具
醫藥供養世尊至未入涅槃我今入海不得
住此辟支佛言我今不得不入涅槃汝已大
作功德當生歡喜時辟支佛即爲商主現十
八變現神變已即入涅槃商主供養其身作
此誓願我於此比丘修諸功德以此善根如

其所得我當得之時商主者我身是也是故我今值最勝師今我得道我著舍那婆私衣於世尊法藏出家以舍那婆私覆身得道以舍那婆私覆身入涅槃我當著舍那婆私於白衣處亦著此衣是故我名舍那婆私我受具足第四羯磨竟復受大受乃至未入涅槃恒著舍那婆私是故復名舍那婆私是時長老舍那婆私次第行至摩偷羅國往優流漫陀山坐於繩牀優流漫陀山有二龍王兄弟與五百諸龍相隨舍那婆私思惟我不伏之不得教化即以神力動山二龍王于五瞋往舍那婆私處起疾風雨及以出火舍那婆私入慈三昧能令風雨及火不近其身變其水火悉為天華謂優鉢羅華拘牟頭分陀利華等悉皆墮地復起雷電亦以神力變其雷電皆成

天華復以種種器仗欲擲舍那婆私亦以神力變為天華復以大山欲壓舍那婆私亦變大山而為天華即時空中而說偈言
暴風疾雨不能為害 雷電器仗變為天華
譬如雪山日光所照 悉皆融消無有遺餘
入慈三昧 火不能燒 器仗毒害不近其身
於是二龍王往舍那婆私處白言聖人教我何作舍那婆私答言我欲於此山中起寺汝當聽我龍王答言不可得也長老言世尊已說我入涅槃百年後於大醍醐山寂靜最勝處當起寺名那哆婆哆龍王復言世尊已記耶長老答言如是龍王言若世尊已記我聽是時長老思惟觀察那哆婆哆寺檀越為生已未見其已生時舍那婆私早起著衣持鉢入偷羅國乞食乞食已往那哆婆哆檀越處

至已語檀越言善男子汝當與我金錢我欲
於醍醐山起寺那哆婆哆兄弟二人語舍那
婆私我不能也長老語言佛已記汝二人於
大醍醐山當起寺二人答言若佛所記我當
起寺乃至二人於山起寺服飾等物悉皆具
足故名此寺為那哆婆哆

阿育王經卷第七

續四

二十六

音釋

鞞頻眉切 菟奴侯切 掘其月切 躡達合切 瞬輪閏切
也動

阿育王經卷第八第九同卷

墳五

梁扶南三藏僧伽婆羅譯

佛弟子五人傳授法藏因緣品第七之二

優波笈多因緣

爾時舍那婆私於大醜駟山起寺已即便思

惟賣香商主名笈多生已未生見其已生其

兒名優波笈多世尊所記無相佛我入涅槃

百年後能作佛事生已未生見其未生舍那

婆私以方便力教化賣香商主令其精進時

舍那婆私一日多將弟子入其家別日與一

弟子入其家復於一日獨入其家笈多當作

佛事見舍那婆私獨來其家問言聖人何故

獨無弟子隨從長者語言我是老人何得有人

隨從於我若有人樂精進出家則有隨從

笈多語言我樂在家受王欲樂不能出家若

我生兒當隨長老長老言如是如是恒作此

願勿令退失乃至笈多生兒名阿波笈多翻

正護至其長大舍那婆私徃至笈多所語言汝

先有願若我生兒當與長老今兒已生此兒

有德汝當聽其隨我出家笈多言我今唯有

一兒若第二兒生當與長老時舍那婆私思

惟此兒是優波笈多不見其非是語笈多言

如是乃至第二兒生名陀那笈多翻實至其

長大舍那婆私徃笈多處語言汝先願第二

兒生當與我今兒已生汝當聽其隨我出家

笈多答言長老勿瞋我有二兒共治家業一

令覓物一令守護若第三兒生當與長老舍

那婆私復更思惟此是優波笈多不見其非

是語笈多言如是乃至第三兒生端正好色甚

可愛樂過人之色不及天色是故名爲優波

笈多是見長大其父留之以法治生多獲其利時舍那婆私往笈多處語言善男子汝先願第三兒生當以與我今兒已生汝當聽其隨我出家笈多答言我當作誓令其治生若長若退不得出家不長不退乃聽出家是時魔王令摩偷羅國一切人眾悉買其物令其得利乃至舍那婆私往笈多所時優波笈多正在賣香長老語言汝心心法生云何為善云何為惡優波笈多答言我今不知心心法云何為善云何為惡長老語言若心心法與貪瞋癡相應是名為惡與不貪不瞋不癡相應是名為善乃至長老復於異時更往優波笈多所語言善男子汝云何心心法生為善為惡答言我今不知心心法云何為善云何為惡長老言汝今欲知心心法為善惡者若

能受道除心心法惡我當作事時長老以黑白土為丸而語之言若汝黑心起取黑丸若白心起取白丸當作不淨觀如所說念佛應當思惟是時優波笈多欲作善心心法而取多黑丸乃至不得一白丸復更思惟取二分黑丸一分白丸復更思惟取半黑丸半白丸復更思惟取二分白丸一分黑丸復更思惟乃至一切白心起悉取白丸是時摩偷羅國有婬女名婆娑婆達多翻天其有一婢往優波笈多處買香多得香還其主問言汝於何處得此多香將不於估客偷此香來婢答言有賈客名優波笈多形色具足言語微妙以法賣物其主聞已於優波笈多起婬欲心復令其婢至優波笈多處汝當語彼云我欲與汝共相娛樂乃至其婢白優波笈多優波笈

多言汝可答彼我今相見未是其時婢還白
 其主其主云彼不能以五百銀錢與我是故
 不來復令婢往而語之言我不須錢但須汝
 來共相娛樂其婢復往優波笈多所說其此
 言優波笈多猶答言我今相見未是其時乃
 至別有長者子往婆娑婆達多所復有一商
 主從北天竺來將五百疋馬及種種物至摩
 偷羅國至已問摩偷羅國人此國何處有第
 一端正女人國人答言有姪女第一端正名
 婆娑婆達多商主又言我今欲以五百銀錢
 及種種寶物往至其處是時姪女貪其物故
 殺長者子取其身骸置不淨處與後商主共
 相娛樂是長者子親善知識於不淨處覓得
 身骸往白國王國王語言汝可取彼婆娑婆
 達多截其手脚及以耳鼻散置野外乃至如

王教令截其手脚散置野外是時優波笈多
 聞婆娑婆達多手脚被截散在野外即便思
 惟我於本時不樂見之共受五欲今時欲見
 觀其手脚及其耳鼻復說偈曰
 昔以最勝衣 及種種寶飾 如是等眾具
 莊嚴於其身 若人樂解脫 欲厭離於世
 是時不當見 寶飾莊嚴身 今時應往觀
 無慢無歡喜 其色還本相 視之生厭離
 爾時優波笈多將一小兒捉繖隨從行至野
 外是時其婢憶念其恩住其身邊驅逐烏鳥
 不令侵啄乃至其婢語之先數遣喚優波笈
 多其人今來起欲心耶其主聞之即便說言
 我好形容今已毀壞實為大苦於此地上為
 血所汗舉身皆赤我身如是云何見之而起
 欲心語其婢言我手脚耳鼻集之一處無令

得見乃至其婢集在一處以衣覆之是時優波笈多至已對婆婆達多立而觀之婆婆達多見優波笈多語言聖善至昔時我身堪受五欲于時遣使而言非時今手脚被截在血泥中何故而來復說偈言

前時之身猶如蓮華大價寶衣以為莊嚴而無功德故不見汝

我今如此汝何故來即身離莊嚴離歡喜血為塗香見之驚惋優波笈多答言我今非是起欲心來為見貪欲想及不淨想是故我來復說偈曰

以諸寶衣及種種華莊嚴汝身見者心亂一切衆人有欲見者以無物故而不得見今汝此身散在諸處一切衆人無不見者色還本相離於莊嚴臭處如是屍骸共住

增五

五

身薄皮覆以血灌之薄皮覆身以肉泥之千脉纏縛處處周遍此身如是云何起愛復說姊妹外可愛色世間人見起於欲心若知其內即得解脫貴賤尊卑皆有臭屍愚者見之起於淨見智者見之起不淨見此身臭穢是不淨處以種種香用以熏身此身可惡垢膩膿血種種衣服以自莊嚴身不淨篋以水淨之愚夫罪人愛著此身若有人聞佛說善法隨從受持厭離五欲樂解脫心入寂靜林依道為筏渡有彼岸婆婆達多聞其言深畏生死聞佛功德轉變其意樂於涅槃即便說偈答優波笈多如是如是如汝所說汝實智慧有大慈悲今當更說如來妙法乃至優波笈多次第說法所謂四諦優波笈

多更觀其身觀其身竟得厭欲界以自說法
故通達四諦得阿那含果婆娑婆達多得須
陀洹果是時婆娑婆達多語優波笈多言善
哉善哉摩訶薩埵以汝力故覆三惡道大苦
惱處開發天堂涅槃之道復次如來應等正
覺及以法僧我今歸依復說偈曰

我往歸依佛 兩足第一尊 佛眼若青蓮
天人中可貴 清淨離欲法 無上應真僧
乃至優波笈多以說法故令其歡喜還歸本
處去已未久婆娑婆達多即便命終生於天
上是時諸天爲摩偷羅國人說其生天諸人
聞已供養其身是時長老舍那婆私往笈多
所語言汝當聽優波笈多隨我出家笈多答
言我先有約令其治生不利不銳乃聽出家
乃至長老舍那婆私以神通力令其治生不

增五

六

利不銳是時優波笈多即自思惟稱量筭計
不利不銳舍那婆私更至笈多所而語言汝
此兒是佛所記我入涅槃百年後當作佛事
汝當聽其隨我出家乃至笈多聽其出家是
時長老舍那婆私將優波笈多往那哆婆哆
寺與其出家受具足戒至第四羯磨除一切
結得羅漢果是時舍那婆私語優波笈多言
善男子汝佛所記我入涅槃百年後有比丘
名優波笈多無相佛當作佛事如是再說佛
弟子中教化第一善男子汝當作佛法饒益
優波笈多答言如是舍那婆私教其說法摩
偷羅國一切人民聞有比丘名優波笈多無
相佛當說法無量千人皆欲往聽乃至長老
優波笈多入三昧思惟見佛說法處四眾圍
繞如半月形復更思惟世尊說法次第云何

即見次第謂欲味欲過欲出及四信等如是
次第乃至涅槃優波笈多亦如是說法是時
魔王於大眾中兩於真珠以亂人心眾人亂
故無有一人能見四諦優波笈多見眾心亂
即自念言誰作此事以亂眾心即見知是魔
王所作至第二日倍多人來優波笈多更次
第說四諦真法是時魔王復更兩金以亂眾
心無有一人能見四諦優波笈多見眾心亂
即自念言誰作此事以亂眾心即見知是魔
王所作至第三日復倍多人來優波笈多復
更說法是時魔王更雜兩珠金及作天妓樂
是時眾人未得離欲見色聞聲其心變動不
復聽法是時魔王即以華鬘繫優波笈多項
乃至優波笈多思惟誰作此事即知是魔又
所作優波笈多生意此魔王於世尊法藏常

作亂事何故世尊不教化之即自思惟是我
可化佛記於我爲無相佛教化人攝受故乃
至思惟今欲化之是其時不即見魔王受化
時至是時優波笈多取三死屍一者死蛇二
者死狗三者死人以神通力變三死屍以作
華鬘往魔王處魔王見優波笈多生大歡喜
優波笈多已受我化即便以身欲受華鬘優
波笈多自手縛之即以死蛇繫其頂上死狗
死人繫其頸下優波笈多語魔王言如汝先
以非法之華以辱於我如是我今還以死屍
繫縛於汝汝今已與佛子和合若有神力可
以現我譬如大風能動海水以爲波浪而不
能動摩羅耶山翻雜是時魔王欲脫死屍用
力極多而不能脫譬如蚘子不能移山魔王
瞋忿上昇虛空而說偈曰

若我自不能 從頸脫死屍 有餘天能脫
其力則大我

長老優波笈多復以偈言

汝往歸依梵 及日月帝釋 入火及大海

不燦爛不脫 我以此死屍 繫著於汝頸

神力之所作續五 無有能脫者

爾時魔王往摩醯首羅及帝釋等三十三天

四天王爲脫死屍而不能得復往入梵天處

大梵語言善男子十力弟子神力所作誰能

脫之如大海岸水不能破復說偈曰

如蓮華絲縛於雪山 有能稱舉此不爲難

神通之力 死屍繫身 我今不能爲汝脫之

若我諸天 所有之力 不及如來弟子之力

譬如餘光 不及火光 如此火光 不及日光

魔王說言云何教我所作我於今者當歸依

誰大梵語言汝今速往歸依優波笈多如人
於此地墮即於是地得起汝今從其神力墮
還從其神力起是時魔王方知佛子神力爲
大即便思惟復說偈言

若梵王歸依 佛弟子法藏 誰復能思量

如來之神力 如來之神力 實能降伏我

但以慈悲故 是故不降伏

我今已知佛力不復廣說復說偈言

今我已知世尊慈悲心離煩惱譬如金山

我無明故續五處處亂佛處處作惡而不降伏

爾時欲界主魔王無逃避處離優波笈多而

思惟即捨慢心往優波笈多處禮其足說言

長老我從菩提樹間乃至今日於世尊所起

種種惡無量無數復於娑羅國婆羅門舍佛

往彼處令不得食是我所作我所作惡佛亦

不瞋我或時化作龍蛇惡鬼種種可畏以怖
世尊亦不瞋我長老今日無有慈悲令一切
世間天人阿修羅皆見恠笑令我羞愧優波
笈多言汝無智慧不能思惟欲以如來慈悲
功德比於比丘譬如芥子比須彌山無異螢
火等彼日光取一掬水同於大海如是沙門
慈悲不得比十力慈悲佛以是因緣汝所作
罪佛忍受之魔王言佛斷一切惑除一切疑
有大忍辱我以煩惱惡故常欲惱佛世尊以
慈悲覆護於我以是故佛不伏我長老當說
優波笈多答言善男子汝今當聽汝於佛所
多作衆惡種不善法除於如來生敬信心無
以除滅是故佛見當來久遠不伏於汝復說
偈言
汝心少敬重 如來則發起 從小增長大

當得涅槃果 汝所作衆罪 今但略說之
當以念慧水 洗除煩惱垢
爾時魔王念佛舉身毛豎如歌曇婆華
復說偈言
我多種種苦惱世尊 世尊不瞋我願相應
如兒罪過父不責之
爾時魔王多時思惟佛恩以念佛故令其心
冷禮長老足而說偈言
長老今日已攝受我能令於我恭敬世尊
今以死屍繫縛我頸以為莊嚴唯願大仙
以慈悲力為我脫之
長老優波笈多言若能約當為汝脫之魔
王問言云何為約優波笈多言汝從今去莫
惱比丘魔王答言如是如是復當云何教我
所作長老答言世尊法藏當廣流布是我所

作是時魔王驚而復說教我所作長老答言
汝今當知如來入涅槃百年後我時出家世
尊法身我已得見世尊色身我所未見汝今
爲我所攝受故如來色身汝當現我我於今
者更無所樂唯樂見佛身魔王偈答

當共作約 若見我作 如來身色 不得見禮
此是一切 智恭敬故 長老禮我 我當自滅
今無有力 擔聖人禮 如伊蘭芽 不能勝持
象牙所擔 故先共約

長老優波笈多答言如是我禮汝魔王復
言小待須臾乃至我入林中猶如往昔有一
長者名曰首羅我於爾時欲亂彼故作佛
身金色晃耀圓光一尋猶如日光如是色身
不可思議我今故作令人見者悉生信樂是
時長老優波笈多答言如是即爲除三種死

增五

十一

屍爲欲見於如來色故是時魔王即入林中
化作佛身作佛身竟從林而出譬如女人入
屏帳裏種種莊嚴莊嚴既竟然後乃出如來
色相無有譬喻令人見者無不歡喜譬如采
畫有種種色爾時魔王以變化色莊嚴林竟
又復化作舍利弗以置右邊作目捷連以置
左邊復作阿難持鉢在後摩訶迦葉阿菟樓
駄須菩提等一千二百五十諸大聲聞圍遶
化佛如半月形作是化已往至優波笈多所
優波笈多見佛身色生歡喜心即從座起觀
佛色身目不暫捨即說偈言
無常無慈悲 破壞如來色 如來無常故
滅色入涅槃
優波笈多緣念佛故心不能捨我今見此化
身見真佛無異一心合掌略以偈讚

面勝於蓮華 眼勝優波羅 色勝眾華林
亦勝於真金 可愛過於月 光明過於日
智深過於海 不動過須彌 行勝師子王
眼瞬勝牛王
復次歡喜滿心大聲而說

以心清淨業 今得此妙果 以自業所造
不由他所作 無量無數劫 修淨身口業
具足行六度 莊嚴不障身 見者皆歡喜
冤家亦生愛 我今見如來 云何不歡喜
是時優波笈多思惟念佛故不覺是魔以一切
身禮魔王足譬如大樹根折躄地爾時魔
王驚而說言長老今者不應乖約長老答言
云何為約魔王言先共作約若我作佛不應
作禮云何於今而見禮耶長老從地起小聲
答言我非不知如來涅槃如水滅火但見如

續五

十二

來其色微妙是故作禮不禮汝也魔王問言
汝一切身分頂禮我足云何而言不禮我耶
優波笈多言我不禮汝亦不乖約汝今當聽
譬如以土為佛若敬禮者但作佛想不作土
想我今見汝但作佛想不作魔想爾時魔王
即捨佛形供養優波笈多還歸本處尅後四
日魔王即自打鐘令一切人悉皆聞知若欲
生天及得涅槃皆應往優波笈多所諮受正
法若有人未見佛者當往觀優波笈多於是
魔王說偈言

若人欲富貴 不樂於貧窮 若樂天上樂
及大涅槃樂 悉當聽受法 思惟其義趣
若人未曾見 最勝兩足尊 大師有慈悲
自然得聖法 悉皆應當往 優波笈多所
此人為世間 而作於燈明

爾時此聲遍滿摩偷羅國優波笈多降伏魔王已摩偷羅國諸婆羅門等一切人民皆往優波笈多所時優波笈多坐師子座為眾說法心無所畏猶如師子即說偈言

若人無有智 不登師子座 山狗登高座

深生大怖畏 如師子無畏 摧伏外道論

若能如是者 堪登師子座

是時優波笈多初所說法已次第說所謂四

諦是時無數人有得須陀洹果斯陀舍果阿

那舍果乃至一萬八千人出家思惟坐禪精

進修道得阿羅漢果於大醜黠山有石窟長

十八肘廣十二肘是時諸弟子已作所作竟

長老優波笈多語諸弟子諸弟子中我已教

化證阿羅漢果得阿羅漢者取四寸籌置石

窟中乃至一日中有萬八千阿羅漢取籌置

石窟中是時乃至海邊大地廣聞名聲知摩偷羅國有優波笈多教化第一佛之所記舍那婆私得道因緣

爾時舍那婆私與優波笈多出家竟優波笈多教化降伏魔王已為攝受眾生成舍那婆私思惟攝受正法已竟我今欲向罽賓國受三昧樂世尊所記罽賓國是第一坐禪處是時舍那婆私即往彼處入於石窟受三昧樂有清淨涼風以吹其身即得阿羅漢果受解脫樂而說偈言

著舍那婆衣 觸五種三昧 於最勝山中

端坐入禪定 令風中出聲 遍告罽賓國

是舍那婆私 今已得道樂 以清淨自誓

得無漏解脫 今舍那婆私 自說如是偈

阿育王經卷第八

阿育王經卷第九

梁扶南三藏僧伽婆羅譯

優波笈多弟子因緣品第八之一

虎子因緣

是時優波笈多住摩偷羅國大醍醐山那哆

婆哆寺去寺不遠有一虎生子不能覓食飢

餓困苦即便命終優波笈多以精進慈悲與

虎子食優波笈多有五百弟子未得道果白

其師言云何乃與難眾生食其師答言善男

子為解脫因故彼弟子聞心生疑恠難處眾

生云何而得解脫因緣彼諸虎子壽命短促

將欲近死優波笈多語虎子言一切行無常

一切法無我涅槃寂靜爾於我所當生信心

於畜生道應生厭離時彼虎子於長老所心

生信敬生信敬已即便命終於摩偷羅國生

於人中乃至七歲優波笈多教化令其出家

於七年中得羅漢果以神通力採種種華供

養優波笈多是時優波笈多與諸弟子而自

圍遶羅漢弟子從空中來即住其前彼未得

道五百弟子白其師言此我同學其年尚少

云何已得神通功德時師答言此是先虎子

汝先所問云何與此眾生食者為見我聞法

故今得此果時優波笈多即為五百弟子說

法於是五百弟子深生慙愧斷除煩惱得阿

羅漢果

牛味因緣

南天竺國有一男子於佛法出家常畏生死

而不得涅槃生心念言誰能說法教化於我

若有人能說法教我當得涅槃其聞摩偷羅

國世尊所記教化最勝弟子名優波笈多聞

已往摩偷羅國至優波笈多處到已禮足合掌白言長老佛已涅槃長老今者應作佛事爲我說法是時優波笈多見其後身畏生死苦復見其身從遠處來羸瘦疲極語言善男子消息汝身其本所食唯冷乳酪摩偷羅國有種種飲食而無乳酪優波笈多教其從別路行彼路中遇見衆多女人持乳酪漿酥等欲從他國入此國彼諸女人即問長老何故羸瘦答言姊妹我生南天竺恒食乳酪此摩偷羅國有種種飲食無有乳酪是故羸瘦時彼女人於數日中人人各與乳酪酥等令其肥壯時優波笈多爲其說法彼勤精進即得阿羅漢果優波笈多語言汝取一籌著石窟中即便受教

南天竺人因緣

南天竺國有一人姓他婦恒往他家其母不聽而語之言若人爲此惡行則無惡不作其人生瞋即害其母害已往至他國至彼國已不得具足五欲以不得故深生憂惱即於佛法出家通達三藏成就多聞與諸弟子圍繞共至摩偷羅國那哆婆哆寺優波笈多處是時優波笈多思惟觀之見其害母以罪重故不能見諦不得道果雖復遠來不相慰問時彼比丘心懷羞愧從此遠去優波笈多五百弟子未得道者見是事故於其師所不生歡喜作是思惟十五和尚少智見老比丘其心闇鈍而爲說法今此比丘聰明智慧善通三藏眷屬隨從而十六不爲說是時優波笈多見弟子意於其起瞋又見其心應爲和尚舍那婆私教化降伏是時舍那婆私往罽賓國觀優波笈

多其今教化作佛事不即見其五百弟子心生瞋惱不敬其師見已思惟優波笈多何故不教化之又復深觀見其非是優波笈多之所能化應是我化時舍那婆私以神通力往至彼寺優波笈多遊行出外舍那婆私即入其寺鬢髮皆長其衣麤弊優波笈多諸弟子等見已說言無知老人從何所來入我師寺前聰明比丘通達三藏和尚尚不爲其說法汝今老鈍豈當爲說是時舍那婆私入寺已於優波笈多眠處坐優波笈多弟子見已而瞋以手曳之而不能動猶如須彌即欲罵之而聲不出乃至白優波笈多言有一貧老比丘入和尚寺坐和尚牀優波笈多答弟子言除我和尚無有能坐我牀是時優波笈多還寺已以最勝恭敬供養和尚舍那婆私自取

增五

十七

小牀於師邊坐乃至優波笈多弟子思惟若此比丘是和尚師然其智慧猶不及我和尚時舍那婆私見其意即便思惟云何方便爲彼除慢見已自舉右臂手出牛乳告優波笈多善男子此三昧云何優波笈多答和尚言我今不識此三昧名和尚語言名龍頻呻三昧第二時復更出乳復問言此三昧云何優波笈多答言我今不識此三昧名和尚語言此名青和合覺支三昧乃至廣說諸三昧優波笈多語和尚言是我智慧境界和尚則說非我境界則不說之乃至舍那婆私語優波笈多善男子是三昧佛智受持辟支佛不聞其名是三昧辟支佛智慧受持舍利弗不聞其名是三昧舍利弗智受持目犍連不聞其名是三昧目犍連智受持摩訶迦葉不聞其

名是三昧我和尚智受持我不聞名舍那婆私又言善男子我涅槃時此三昧法一切皆失又世尊本生有七萬七千名亦復皆失一萬阿毗曇法亦復皆失是時優波笈多諸弟子聞此懊惱即便思惟此比丘智慧勝我和尚即滅憍慢舍那婆私教化說法彼諸弟子悉得阿羅漢果爾時長老舍那婆私語優波笈多善男子世尊付法藏與摩訶迦葉入涅槃摩訶迦葉付和尚入涅槃和尚付我入涅槃我今付汝當入涅槃此法藏汝當守護於此摩偷羅國有人當生名絺徵柯其當出家此法藏當付之乃至長老舍那婆私付優波笈多法藏竟以神通力身昇虛空現四威儀入火三昧入三昧竟有種種華青黃赤白從其身出身上出水身下出火身上出火身下

續五

十八

出水其身端嚴譬如山一邊出水一邊出火舍那婆私以種種神力令諸比丘及諸檀越心得開解作是化已即入涅槃如水滅火是時優波笈多及一萬八千阿羅漢弟子供養其身爲作塔廟

北天竺人因緣

是時優波笈多住摩偷羅國那哆婆哆寺北天竺有一善男子於世尊法中出家多聞智慧通達三藏說法美妙在在至處一切諸人請其說法即爲諸人三種說法常自思惟誰能爲我說法令我得道其聞摩偷羅國有比丘名優波笈多無相佛教化第一佛之所記聞已往彼國至那哆婆哆寺到優波笈多所說言世尊已涅槃長老今作佛事爲我說法即說偈言

佛有大慈悲 已入於涅槃 汝今作佛事
世間癡盲冥 汝作智慧光 如日明照世
世間無餘師 唯汝以爲師 化弟子最勝
長老應化我

是時優波笈多思惟觀其心見其最後身深

續五

十九

畏生死何故前身而不得聖法即見其緣未
具足故優波笈多爲其作緣令得具足又見
其心樂欲坐禪不欲說法優波笈多語言善
男子若汝能受我教我當爲說彼答言我當
如是優波笈多言汝今當說三種法彼又問
云何修多羅我應當說優波笈多言於多聞
五功德一者陰方便二者界方便三者入方
便四者因緣方便五者說法化人不待他教
我已教汝說三種法乃至次第說法說法竟
得阿羅漢果乃至取籌投石窟中

提婆落起多翻天因緣

是時天護商主住陸求那國常樂布施於佛
生信欲往入海而作師子吼若我從海安隱
得還我當於佛法中作五年大會乃至一切
諸天聞其語而受持之其國一切無不聞知
說言天護商主作師子吼我從海還當於佛
法作五年大會是時有一阿羅漢比丘尼住
彼國思惟觀察天護從海安隱還不即見其
人安隱得還復見其還已於佛法作五年大
會又見會時幾僧和合即見其數一萬八千
皆阿羅漢學人倍多凡夫無數於彼衆中誰
爲上座即見上座名阿娑陀星名復觀阿娑陀
上座爲是阿羅漢爲是阿那含爲是斯陀舍
爲是須陀洹即見上座是凡夫人又觀其人
爲精進爲懈怠見其精進即便思惟欲往問

之爲欲自益爲欲益他見其自作利益乃至羅漢比丘尼至彼僧伽藍至已次第從上座禮而說言大德汝不端嚴上座心自思惟云何以我爲不端嚴即自觀身見鬚髮長即喚年少比丘剃除鬚髮乃至剃竟比丘尼復更思惟此大德解我語不即見大德不解語意復至僧伽藍次第禮拜說言大德汝不端嚴上座思惟我已剃鬚髮竟云何猶不端嚴復更觀身見其衣服麤弊喚年少弟子更浣染之染治既竟著已端坐比丘尼復更思惟大德解我語不即見大德不解其意乃至三過羅漢比丘尼復至僧伽藍次第禮拜說言大德不端嚴乃至大德生瞋我已剃鬚髮及浣染衣竟云何謂我不端嚴耶比丘尼白大德言云何以此爲佛法莊嚴若得四果此爲佛

法莊嚴復次大德聞商主天護作師子吼我從海中安隱得還當於佛法作五年大會不大德答言聞復問大德知彼會時衆僧數不答言不知比丘尼自說會時僧數有一萬八千阿羅漢學人復倍凡夫無數大德是凡夫爲第一上座在羅漢衆中先受供養是莊嚴不大德聞此語啼泣懊惱比丘尼言何故啼泣答言姊妹我今已老無可堪任比丘尼而說偈言
如來法可見 無有於時節 欲得於解脫
一切時與果 填五
復次大德當往那哆婆寺彼有比丘名優波笈多佛之所記我弟子中教化第一是時長老比丘次第往至摩偷羅國那哆婆寺優波笈多見長老來即出迎之語言大德洗

足消息比丘答言我未洗足欲見優波笈多時優波笈多弟子語言大德此即是優波笈多來迎大德比丘聞已心生歡喜即便洗足優波笈多即教化之爲覓檀越洗浴飲食種種供養語維那言今有得二解脫比丘入坐禪處乃至一萬八千阿羅漢悉入禪處是時比丘入第一禪座處坐而便睡眠時維那取燈以置其前而復彈指比丘覺悟便欲捉燈時優波笈多入火三昧如是一萬八千阿羅漢悉入火三昧比丘見已心生歡喜而說偈言

一切諸比丘 跏趺坐於地 譬若於盤龍
光明如燈樹

乃至優波笈多教化說法是時比丘精進思惟得阿羅漢果已作所作還其本國阿羅漢

比丘尼見比丘已至往僧伽藍禮拜說言今日大德莊嚴比丘答言姊妹以汝力故乃至商主天護安隱海還作五年大會是時會中一萬八千阿羅漢和合學人一倍精進凡夫無數大德上座爲天護呪願多跋多柯提跋多柯鷄婆跋多柯鷄跋耽婆鼻娑底乃至五年功德究竟亦如是呪願商主天護問上座世尊種種說法上座所說多跋多柯提跋多柯鷄婆跋多柯鷄跋耽婆鼻娑底而無有異上座答言善男子我思惟汝功德呪願於過去世九十一劫我等爲商主經營大舶入海取寶令滿此舶還闔浮提是時海中遇大風吹舶令墮沙海我等爲毗婆尸佛正覺聚沙爲塔以珍寶物供養此塔是時諸天及諸帝釋示我道路我等即復裝揀大舶天人語言

七日有大水來當將汝舶入閻浮提乃至七日有大水來將我大舶入閻浮提以我作此沙塔因緣經九十一劫不墮惡道以是因緣我今得阿羅漢果汝今能供養一萬八千阿羅漢學人一倍精進凡夫無數於三寶所已作供養是故我說呪願多跋多柯翻從是跋多柯時是鷲婆跋多柯此翻從時是跋鼻娑底生復次善男子生死苦無窮汝當於佛法出家乃至天護出家得阿羅漢果

我見婆羅門因緣

優波笈多住摩偷羅國那哆婆哆寺摩偷羅國有一婆羅門常起我見問佛弟子言有人可造生死不佛弟子答言婆羅門當往那哆婆哆寺彼有比丘名優波笈多常說法無我時婆羅門往彼寺優波笈多為四眾說法優

廣五

三三

波笈多見婆羅門說無我偈
世間無有我 亦復無我所 無人無壽命
唯有生死心

是時婆羅門聞說無我法我見即斷於優波笈多所出家優波笈多為其說法婆羅門精進思惟即得阿羅漢果婆羅門已作所作乃至取籌置石室中

睡眠因緣

優波笈多住摩偷羅國那哆婆哆寺有一善男子依優波笈多出家常好睡眠優波笈多說法亦復睡眠時優波笈多教其往坐禪處至已樹下跏趺而坐猶故睡眠乃至優波笈多以神通力於其四邊化作深坑深一千肘以驚怖之是時比丘見此深坑即便驚覺時優波笈多復化作路令其得行是時比丘隨

路而出往優波笈多處優波笈多復令其往
至彼住處比丘答言和尚彼有深坑深一千
肘優波笈多答言此深坑小生死深坑最爲
廣大所謂生老病死憂悲苦惱若人不知四
諦則墮其中是時比丘復往彼樹下踟躕而
坐其心思惟恐有深坑不復睡眠以怖畏故
思惟精進除諸煩惱得阿羅漢果乃至取籌
置石室中

給事人因緣

優波笈多住摩偷羅國那哆婆哆寺有一善
男子東國人於佛法中出家能爲給事所至
寺處諸比丘等令其作給事諸比丘言若有
檀越至汝處者汝當教化令其作功德乃至
給事教化疲極思惟言誰能爲我說法教化
聞摩偷羅國有比丘名優波笈多佛所記教

續五

五

化弟子中最爲第一即往其處至已禮足合
掌說言大德佛已涅槃大德今作佛事爲我
說法時優波笈多思惟見其最後身能畏生
死復思惟言何故不得聖道見其因緣未足
云何方便令其滿足若使更爲給事因緣當
足復見疲極不作給事優波笈多言善男子
若隨我教當爲說法答言如是優波笈多言
汝當於衆僧更作給事答言大德我於摩偷
羅國人不知誰精進誰不精進大德語言汝
能早起入國不答言能入比丘又問此寺衆
僧其數有幾大德答言有一萬八千阿羅漢
學人一倍精進凡夫無數是時彼比丘即爲
一切衆僧而作給事令一切僧專修道業時
給事比丘早起著衣持鉢入摩偷羅國是時
有一長者從摩偷羅國出逢此比丘所未曾

見而今見之見已禮足禮已問言大德從遠
近來比丘答言從東國來長者問言爲何事
來比丘答言我來至優波笈多處爲欲聞法
而優波笈多令我爲僧給事我今不知摩偷
羅國人誰精進誰不精進長者語言汝今不
須思惟是事我當代汝給事衆僧一切飲食
衣服醫藥我悉給與乃至比丘與長者共取
飲食等供養衆僧三月安居時比丘思惟所
作功德得阿羅漢果乃至取籌置石室中
工巧因緣

爾時東國有一善男子於佛法中出家善能
工巧在所至處一切衆僧令其造作寺舍屋
宇日日不息生大疲極即自念言我欲坐禪
思惟佛先已說一切比丘應坐禪修道不得
放逸即自生心誰能爲我說法教化聞摩偷

羅國有比丘名優波笈多佛之所記教化弟
子中最爲第一即往其處禮拜合掌說言大
德佛已涅槃大德今作佛事爲我說法時優
波笈多見其最後身畏生死復思惟言何故
不得聖道見因緣未足云何方便令其滿足
見其更爲工巧因緣當足復見其疲極不能
作工巧優波笈多言善男子若隨我教當爲
說法答言如是優波笈多言若地未起寺者
汝當於彼起寺佛已說此言若有地未起寺
處若人於彼能起寺者當得梵功德答言大
德我於摩偷羅國不知誰精進誰不精進大
德語言善男子汝能早起著衣持鉢入國不
答言如是乃至早起持鉢入國是時有一長
者從摩偷羅國出逢此比丘所未曾見而今
見之見已禮足問言大德從遠近來比丘答

言從東國來長者問言爲何事來比丘答言
我來至優波笈多處爲欲聞法而優波笈多
語我若有地未起寺處汝當起寺我今不知
摩偷羅國誰精進誰不精進長者言大德今
不須思惟是事我當爲比丘種種辦具是時
比丘與長者有未起寺處欲爲起寺共長者
捉繩量度繩未至地即於其中思惟所作功
德除一切煩惱即得阿羅漢果乃至取籌投
石室中

飲食因緣

爾時摩偷羅國有一善男子於優波笈多所
出家爲貪食故不得聖道時優波笈多言我
明日當與汝食至明日以一器盛滿糜一是
空器屏置其前而語言汝當取食令此器空
又語言使此糜冷稍稍食之此比丘以貪食

故而欲多食又以口吹令冷如是一過二過
白和尚言我已冷竟優波笈多復言汝雖能
令乳糜冷而汝心有欲愛火熱汝復令冷汝
貪欲熱以不淨觀爲水除此心熱若愛飲食
當如服藥時此比丘食此糜竟即便吐出滿
於空器優波笈多言汝當食之比丘白和尚
此吐不淨云何可食優波笈多復語言汝今
當觀一切法不淨猶如涕吐時優波笈多即
爲說法聞法竟精進思惟得阿羅漢果乃至
取籌置石室中

少欲知足因緣

時南天竺有一善男子於佛法中出家少欲
知足不樂榮華不以酥油摩身不湯水浴不
食酥油常畏生死爲四大無力故不得聖道
即生心念誰能爲我說法聞摩偷羅國有比

丘名優波笈多佛之所記教化弟子中最為第一即往其處合掌禮敬說言大德佛已涅槃大德今作佛事為我說法時優波笈多見其最後身畏生死復思惟言何故不得聖道即便見其四大無力故常樂羸惡不願榮華時優波笈多語言善男子當隨我教我當為說答言如是優波笈多為其教化令諸檀越設種種飲食洗浴眾僧又語年少比丘汝當為此比丘洗浴時年少比丘以酥油摩其身以湯水洗浴食時至以種種美食與之比丘食竟數日之中身有氣力是時優波笈多為其說法是比丘精進思惟即得阿羅漢果乃至取籌置石室中

羅刹因緣

摩偷羅國有一男子啓其父母求欲出家往

優波笈多處至已禮足白言大德我得佛法中出家作比丘受具足不我欲於世尊法中修行梵行優波笈多見其於身為愛所縛語言善來我當與汝出家其人聞已禮長老足欲還其家即於中路作是思惟我若至家或有留難不得出家於其路中有一神廟便在中宿優波笈多即以神力作二羅刹一持死屍入於廟中一則空往既入廟已共諍死屍一言我得此屍一人言我得此屍於是二羅刹互共相諍贊五即不自決而問此人誰將此屍來入廟耶此人思惟若我實言彼空來者必天當殺我若不實語將屍來者復應殺我乃可受死不得妄語即語鬼言是彼將來時空來鬼即牽其臂而欲食之將屍鬼者助其牽掣令得免脫又牽其脚而欲食之將屍鬼者復

助牽掣令得免脫如此良久遂至日出經二
日後往優波笈多處至已爲其出家精進修
道即得阿羅漢果乃至取籌置石室中

阿育王經卷第九

音釋

銳俞芮切 利也 爇參來切 與燥同 屬居例切 鷲烏可切 船陌博切
大船也 揀所玉切 裝也 糜性皮切 掣昌列切 曳也

阿育王經卷第十

墳六

梁扶南 三藏僧 伽婆羅 譯

優波笈多弟子因緣品第八之二

樹因緣

南天竺國有一善男子於佛法中出家而於其身爲愛所縛填以酥油摩身又用湯水以浴其身以種種飲食供養其身以其於身愛所縛故不得聖道即便思惟誰能爲我說法聞摩偷羅國有一比丘名優波笈多佛之所記教化弟子中最爲第一乃至往摩偷羅國優波笈多處至已禮足而說言大德佛已涅槃大德應作佛事爲我說法時優波笈多見其最後身爲愛所縛又語言善男子能受我教當爲汝說答言如是時優波笈多將其入山於山中以神通力化作大樹語言汝當上此

大樹是時比丘即便上樹又於樹下化作大坑深廣一千肘又語比丘汝當次第放二脚比丘受教即便放脚又復語言今放一手亦便受教又語言復放一手比丘答言若復放手便墮坑死優波笈多言我先共約一切受教汝今云何不受我言是時比丘身愛即滅放手而墮不見樹坑是時優波笈多即爲說法精進思惟得阿羅漢果乃至取籌置石室中

慳因緣

摩偷羅國有善男子於優波笈多處出家而大慳以其慳故不得聖道優波笈多語言汝當布施汝今出家已得第一物不須復覓餘物又復以法得他供養乃至得飲食入鉢中者應當布施若不能廣施隨所得食當分施

比坐二人至一日二日以有慳故猶不肯與
時比坐二人皆阿羅漢至滿三日多得飲食
方分二人爾時優波笈多教化說法即便思
惟得阿羅漢果乃至取籌置石室中

鬼因緣

續六

爾時摩偷羅國有一善男子於優波笈多所
出家多喜睡眠優波笈多為其說法將至林
中在一樹下坐禪而復睡眠時優波笈多為
令其畏化作一鬼而有七頭當其前手捉樹
枝身懸空中比丘見已即便驚覺生大怖畏
即從座起還其本處優波笈多令還坐禪處
時彼比丘白言和尚彼林中有一鬼七頭當
我前手捉樹枝懸在空中此甚可畏優波笈
多言比丘此鬼不足畏睡眠之心是最可畏
若比丘為鬼所殺不入生死若為睡眠所殺

則生死無窮比丘即還坐禪之處復見此鬼
畏此鬼故不敢睡眠是時比丘精進思惟得
阿羅漢果乃至取籌置石室中

蟲食因緣

爾時摩偷羅國有一善男子於優波笈多所
出家優波笈多為其說法是時比丘精進思
惟意但為得須陀洹果不放逸故脫惡道怖
七生天上七生人中受人天樂當入涅槃時
優波笈多見其意共入摩偷羅國次第乞食
至旃陀羅舍有旃陀羅子得須陀洹果身有
惡病一切身體續六為蟲所食口氣臭穢優波笈
多語弟子言汝觀此小兒須陀洹受如此苦
而說偈言
生旃陀羅姓 樂著於三有 惡蟲食其體
為愛自在故 入於三有苦 汝當見佛子

此人已得道 能覆三惡道 以其放逸故
生旃陀羅姓 汝莫作此意 當觀三有苦
爲脫三有苦 我當爲汝說 汝當作精進
爲於解脫故 生死無有實 猶如芭蕉林
比丘問言此人以何業緣得須陀洹而受此
苦優波笈多答言是其先於釋迦牟尼法中
出家衆僧坐禪其爲維那是時僧中有一羅
漢有此惡病搔刮作聲維那語言蟲食汝體
耶而作此聲即牽臂出而語之言汝入旃陀
羅室是時阿羅漢語維那言善男子汝當精
進莫住生死受苦是維那即懺悔之懺悔竟
得須陀洹果便自念言我已得須陀洹果不
復精進昔維那者是今小兒以罵羅漢及牽
其出令入旃陀羅處今得此報是時比丘聞
此事深生怖畏勤修精進即得阿羅漢果時

優波笈多復化旃陀羅子旃陀羅子即厭欲
界得阿那含果即使命終生五淨居乃至取
籌置石室中
骨想因緣
摩偷羅國有一善男子於優波笈多所出家
優波笈多爲其說不淨觀等以不淨觀折伏
煩惱令不得起其意謂言已作所作不復精
進優波笈多言善男子汝當精進勿作放逸
答言我已作所作得阿羅漢優波笈多言善
男子汝見乾陀羅國翻地治下名爲鑿石有
酤酒女人不此女人自言得道如汝不異煩
惱未斷而自言斷是增上慢汝今觀此女人
爲得道不比丘答言我未能見欲向彼國師
即聽之是時比丘至乾陀羅國治下有寺名
爲土石即入彼寺消息早起著衣持鉢入聚

落乞食是時酤酒女人取食欲與而比丘見此女故姪慾變心便自取鉢中麩酪與此女人女人見之亦姪慾變心而露齒笑是比丘未觸其身又未共語已變其心時比丘見其笑露齒即入不淨觀乃至觀其身一切皆作白骨作是觀已得阿羅漢果作所作竟而說偈言

癡人無知見外好色便生貪著有智慧人見內惡色即得解脫若無明者爲色所縛若明智者於色解脫從今此身永捨不淨又於此身莫更莊嚴以實觀身即得解脫爾時比丘還摩偷羅國優波笈多處優波笈多問言汝見此女人不答言依法見乃至取籌置石室中

貪因緣

續六

五

爾時摩偷羅國有一長者初甚巨富後漸漸貧惟有五百銀錢生心念言欲於佛法出家修道若我出家之後須湯藥衣服當用買之乃至往優波笈多所出家日日令給使人守護銀錢時優波笈多言善男子出家之法應少欲知足汝何用是五百銀錢爲當以此物供養衆僧比丘答言此是我湯藥三衣直優波笈多令其入房化作一千銀錢而語言此是湯藥三衣直當以與汝是比丘聞已即捨其五百銀錢施與衆僧優波笈多爲其說法是時比丘精進思惟得阿羅漢果乃至取籌置石室中

箭刷因緣

爾時摩偷羅國有一善男子於優波笈多所出家修道時優波笈多爲其說法是比丘精

進思惟得須陀洹果即生心念我惡道已覆
應作已作優波笈多言善男子汝當精進莫
作放逸比丘答言我已得須陀洹果惡道已
覆不復放逸我當七生天上七生人中受人
天樂然後涅槃時優波笈多為欲令其生怖
畏故早起著衣持鉢共入摩偷羅國次第乞
食到旃陀羅舍有旃陀羅子得須陀洹身有
惡瘡醫師語言汝當取箭刷刷瘡令其血出
我當傅藥其人聞已日日常以箭刷刷身優
波笈多見已示其弟子語言善男子汝見須
陀洹受此苦不比丘答言和尚何業所造優
波笈多言此人於釋迦牟尼正覺法中出家
有一比丘作維那監視坐禪於眾僧中有一
阿羅漢入禪處坐禪身有瘡疥即便搔刮是
維那語言大德汝何不取箭刷刷身而令作

第六

六

聲又牽其手出坐禪處語言汝當往旃陀羅
舍莫亂眾僧時阿羅漢答言善男子汝當精
進莫作放逸受生死苦是時維那聞是語已
便向大德懺悔懺悔竟即得須陀洹果是比
丘即生心念我惡道已覆不復精進優波笈
多語弟子言先坐禪維那即此旃陀羅子以
其先世語阿羅漢汝何不取箭刷刷身是故
今日得此果報用箭刷刷身先世又語大德
汝往旃陀羅家是故今生旃陀羅姓時優波
笈多弟子聞此語已心生怖畏精進思惟即
得阿羅漢果優波笈多復為旃陀羅子說法
旃陀羅子厭離欲界得阿那含果即便命終
生五淨居乃至取籌置石室中
小兒因緣
爾時摩偷羅國有一長者生一兒一歲便死

復生一長者家二歲便死更生一長者家三歲便死如是四處五處六處七處於第七處生至年七歲時有劫抄將是小兒入於山中時優波笈多思惟見此衆生最後爲攝受故往至山中結跏趺坐化作四種兵象馬車步第六彼劫畏故往優波笈多所優波笈多即攝神通爲其說法彼劫聞法見四真諦於佛法中出家修道即以小兒與優波笈多時優波笈多令其出家說法教化小兒精進思惟得阿羅漢果既得果已即自思惟見其父母生大苦惱還父母處說言父母莫生苦惱是時父母見其兒還生大歡喜羅漢小兒即爲父母說法乃至令得須陀洹果復往第六父母處白言父母莫生憂惱我是汝子汝先所生汝所長養至六歲而死父母聞之心大歡喜即

爲父母說法得須陀洹果如是第五第四第三第二乃至第一父母悉爲說法教化得須陀洹果乃至取籌置石室中

江因緣

爾時摩偷羅國有一善男子於優波笈多所出家優波笈多爲其說法精進修行即得世間四禪得初禪定生須陀洹想得第二禪生斯陀舍想得第三禪生阿那舍想得第四禪生阿羅漢想不復精進優波笈多言善男子汝當精進莫作放逸弟子答言我所作已辦得阿羅漢果時優波笈多方便教化言善男子汝可往中天竺國比丘便往優波笈多於其中路化作五百賈客共遊山中復化作五百劫來殺賈客比丘見劫欲來殺之生大怖畏即自思惟我非羅漢若是羅漢不應怖畏

我當是阿那含於賈客中有一長者女失伴
無侶女人見比丘即禮其足便語比丘聖人
今者願將我去比丘語言世尊有制不得獨
與一女人同路行汝今去我如師子見遠以
隨我行優波笈多復化作大江是比丘入水
欲渡江而在水下女人亦渡江而在水上比
丘見此女人在江中將欲沒即便思惟世尊
已聽若見女人水中欲死牽出無罪思惟竟
即便牽出牽出之後便起欲心而復思惟我
非是阿那含阿那含者無有欲心我應是斯
陀舍須陀洹乃至將女人上岸便作思惟我
於今者欲捨一切戒與此女人為居時優波
笈多即攝神通在其前立語言善男子汝是
阿羅漢耶是時比丘即向優波笈多懺悔優
波笈多為其說法比丘精進思惟即得阿羅

漢果乃至取籌置石室中

覺因緣

爾時摩偷羅國有一長者見典領家業未經
幾時而白父母聽我出家乃至優波笈多與
其出家即為說法令入山坐禪比丘受教即
入山中在一樹下結跏趺坐是比丘未出家
時有婦端正及其坐禪思惟其婦時優波笈
多化作其婦以往其前比丘見已而語之言
汝何故來女人答言汝喚我來比丘語言我
在此坐未曾出言云何喚汝女人答言汝以
覺觀喚我非是發言時彼女人即說偈言^九
慙愧有二種 謂口及與心 於此二種中
心慙愧為最 若無有心覺 則無口言說
乃至優波笈多還攝神力復其本身在其前
住而說偈言

若汝不樂 觀彼女人 若不欲見 則不思惟
若汝捨欲 不應當樂 譬如人吐 不復欲食
優波笈多 更爲說法 精進思惟 得阿羅漢果
便說偈言

和尚見實 已教化我 我敬彼故 即得聖道
乃至取籌 置石室中

放牛因緣

爾時優波笈多 欲往中天竺國 於其中路 有
五百放牛人 時五百放牛人 見優波笈多 便
到其所 優波笈多 即爲說法 既聞法 已得見
四諦 便以牛施優波笈多 即於其所 出家修
道 優波笈多 爲其說法 即得阿羅漢果 乃至
取籌 置石室中

化人因緣

爾時摩偷羅國 有一善男子 於優波笈多所

出家修道 優波笈多 爲其說法 既聞法 已得
世間四禪 於初禪定 生須陀洹果 想於二禪
定 生斯陀含果 想於三禪定 生阿那含果 想
於四禪定 生阿羅漢果 想言 我已作所作 便
生懈怠 不復精進 優波笈多 言 汝當精進 莫
作放逸 比丘答言 我已作所作 乃至得阿羅
漢果 優波笈多 教其入山坐禪 復化作比丘
共其坐禪 令其諮受 時化比丘 教其禪法 又
問言 誰爲汝出家 和尚是誰 比丘答言 優波
笈多是我和尚 爲我出家 化比丘 言 汝大功
德 得優波笈多 無相佛 爲汝作師 復問 汝讀
誦何經 爲修多羅 毗尼 摩得勒伽 翻律 於佛
法 有所得 不比丘 答言 我得須陀洹果 乃至
阿羅漢果 化人 又問 汝以何道 得比丘 答言
以世道 得化人 言 汝所得者 是世諦道 汝未

得聖法比丘聞已深生憂惱便往優波笈多所白和尚言我故是凡夫和尚當爲我說法優波笈多即爲說法彼比丘精進思惟即得阿羅漢果乃至取籌置石室中不樂住處因緣

爾時摩偷羅國有一長者子典領家事未經幾時心念欲出家白其父母聽我出家修道父母答言我無有兒唯有汝耳我今未死云何捨我出家是兒聞父母言心生憂惱乃至六日不食是時父母聽其出家而語言汝出家已當數看我答言如是即便往至優波笈多所出家竟念言昔與父母有約出家之後當數看父母白和尚言往父母處是其先妻爲其懊惱不復嚴飾比丘見之語言我當捨戒還家又往優波笈多處至已禮足說

增六

十一

言和尚一心我欲捨戒還我本處優波笈多言善男子汝莫作此思惟且待少時我欲知汝意令汝意滿後可捨戒復令其往摩偷羅國化其婦死四人擔之從彼國出是時比丘還看父母而於中路見死屍出問擔屍者此是何人彼人答言有一長者兒某甲新出家是其婦爲其懊惱而死我今移之置尸陀林比丘聞之便隨其去欲見其身優波笈多化此死屍多出蟲血比丘見已入不淨觀思惟精進得阿羅漢果已作所作往優波笈多處頂禮其足優波笈多言汝見婦不答言依法而見乃至取籌置石室中

錫杖因緣
是時摩偷羅國有一善男子於優波笈多所出家時優波笈多爲其說法聞法已得世間

四禪比丘念言我所作已作不復精進優波笈多言善男子汝當精進莫作放逸答言和尚我已作所作得阿羅漢果時和尚令其執錫杖早起著衣持鉢往眾僧前然後入國是時有五百優婆塞皆持飲食隨其後行比丘見已知他重之謂言已是勝功德人便起我慢復更思惟我非羅漢阿羅漢者無有我我所慢乃至往和尚處白和尚言我未得聖道當爲說法優波笈多即爲說法比丘思惟即得阿羅漢果乃至取籌置石室中

善見因緣

爾時罽賓國有一比丘名善見得世間四禪龍王所貴時罽賓國炎旱無雨一切大眾請此比丘欲令降雨優波笈多思惟欲化善見今正是時優波笈多方便教化令十二年無

續六

十二

兩外道見相語大眾言過十二年乃當有雨大眾聞此言而生憂惱往優波笈多處請令降雨優波笈多言我不當請雨罽賓國有一比丘名善見汝可求之時摩偷羅國大眾遣使至善見所請其求雨善見得四禪神通以神通力往摩偷羅國乃至大眾請其求雨是時善見即爲降雨滿閻浮提地閻浮提人患此大水大眾心謂善見比丘降此大雨勝優波笈多是時善見多人隨從出摩偷羅國優波笈多少人隨從入摩偷羅國時善見比丘見其自身隨從者多見優波笈多隨從者少便生慢心復思惟言我非羅漢阿羅漢者無有慢心即往優波笈多所至已禮足而白言佛已涅槃大德今作佛事爲我說法優波笈多言佛所說戒汝不正守護自謂勝我而生

憍慢佛何處說聽比丘請雨乃至優波笈多
爲其說法比丘聞法思惟精進得阿羅漢果
乃至取籌置石室中

寺封因緣

爾時優波笈多於摩偷羅國起寺非一乃至

百數時摩偷羅國王名真多柯十三無有信心惱

亂眾僧及給事檀越時無量眾僧及給事檀

越徃至優波笈多所說如是事優波笈多思

惟若我遣使白阿育王恐阿育王瞋必當害

之我當自徃時優波笈多以神通力如瞬眼

頃於那哆婆哆寺忽然不現即到波多利弗

多翻重華城鷄寺時阿育王聞優波笈多來

修治國界香華伎樂種種莊嚴與諸大臣及

國人民悉皆徃迎優波笈多至已禮足恭敬

合掌說言大德何故來此答言故來王處王

復問言有何事故大德答言大王已弘廣佛
法於摩偷羅國起寺非一乃至百數彼國王
真多柯王領彼國無有信心惱亂佛法王當
令其守護佛法時阿育王即勅大臣名曰成
護汝可使人急殺彼王優波笈多即白王言
莫殺彼王王當教勅從今以去莫復惱亂佛
法時阿育王自手作書以牙印之授羅刹手
羅刹奉書一念之頃即至彼國時真多柯王
頂受讀誦既讀誦竟擊鼓宣令一切國人從
今以徃不得惱亂佛法時阿育王問優波笈
多彼何等寺爲偷劫所亂優波笈多答言那
哆婆哆寺時阿育王自手作書以牙印之與
優波笈多以一國封供給此寺時阿育王設
種種供養優波笈多受供養竟即於鷄寺忽
然不見還那哆婆哆寺

郝徵柯因緣

爾時優波笈多思惟郝徵柯為生已未見其
未生從此日日往其父母處一日與多比丘
往其家一日與二比丘往其家復別日獨往
是時長者見優波笈多獨來其舍問言聖人
今日何故無有弟子隨從長老答言我無弟
子長者白言我樂在家不樂出家若我生兒
當與大德為弟子是時長者生兒未久而便
命終第二兒生又復命終乃至第三兒生名
郝徵柯即與優波笈多令其出家優波笈多
為其出家與受具足於第一羯磨得須陀洹
果乃至第四羯磨得阿羅漢果時優波笈多
思惟我應化者悉已化竟此石室長十八肘
廣十二肘四寸籌已滿我今當入涅槃是時
優波笈多作是念已便以法藏付郝徵柯說

填六

十四

言善男子世尊法藏付摩訶迦葉入般涅槃
摩訶迦葉法藏付阿難入涅槃阿難以法藏
付末田地入涅槃末田地以法藏付和尚入
涅槃和尚以法藏付我我今欲入涅槃此法
藏汝當守護乃至却後七日優波笈多當入
涅槃時諸天人遍告一切閻浮提人令知有
十萬阿羅漢和合學人及精進凡夫比丘白
衣等無量無數優波笈多涅槃時至以神通
力身昇虛空現種種神變行住坐卧入火三
昧入三昧有種種色青黃赤白十五從其身出身
上出水身下出火身下出水身上出火乃至
以種種神力令諸同學及諸人天生大歡喜
心得開解即入涅槃如水滅火即以此籌闍
維其身乃至起塔種種供養優波笈多入涅
槃時復有一千羅漢捨命入涅槃乃至郝徵

填六

十五

柯守護法藏竟復入涅槃優波笈多因緣竟
正法常住多時不滅塔持舍利亦如是住
是人持法愛樂無窮常住不滅亦復如是
從阿育王因緣乃至優波笈多入涅槃外國
凡二千一百偈三十二字

弟子二十八人

阿育王經卷第十



阿育王譬喻經

失譯人名 今附東晉錄

三慧經

僧祐錄云安公涼土異經今附北涼錄

阿毗曇五法行經

安息 三藏 安世高 譯

阿育王譬喻經、三慧經、阿毗曇五法行經



清刻龍藏佛說法變相圖

三經同卷

阿育王譬喻經

三慧經

阿毗曇五法行經

墳七

阿育王譬喻經 贊

失譯人名 今附東晉錄

昔有大國王字名阿育統領諸國莫不臣屬
 大王聰明智慧無量教問諸臣天下頗有不
 屬我者不諸臣對曰天下盡屬大王無不靡
 伏中有一智臣對曰王界內不屬王者海中
 有龍王不屬大王初不遣信亦無貢獻是以
 知不屬大王王可試之千乘萬騎椎鐘鳴鼓
 旌旗護擁前後到海邊龍王靜然不出王便
 呼言汝在我界內所由不出亦寂然不對王

王便問智臣何由使龍王得出智臣對曰可
使出耳龍王福德甚大以是不肯歸伏大王
若不信臣語者等秤二斤金鑄作二像一作
王像一作龍王像復取秤之龍王像重大王
像輕是以知龍王福德多大王福德少王心
甚解歡喜無量普告天下侍養孤老周窮濟
乏所在郡縣興立天尊祠及置天尊舍利供
養衆僧三年之中復取龍像王像秤之龍像
便輕王像便重智臣白王龍可伏矣便設鹵
簿如前後復到海邊龍王化作年少婆羅門
於王前長跪問訊起居貢獻海中所有珍奇
好寶自稱臣妾率土之民無不歡喜別在經
文以示後世人天下多力無過福德人護經
法如母護子豈可不思之
昔天尊在世時將諸弟子教化羣生見地有

一帋弟子阿難輒便取之天尊告阿難放地
阿難即便放地手便大香小復前行見飄風
吹草在地阿難復取天尊語阿難放地手便
臭阿難未解須臾到精舍當問此意阿難
白天尊何緣捉帋而手香捉草令手臭天尊
語阿難帋本從香地來香著帋是以使汝手
香草從臭地來故是以使汝手臭與賢相近
如香著帋與惡人相近如臭著草是以經言
近賢成智近愚益惑損我者三益我者三此
之謂也不可不慎

昔天尊將諸弟子至江邊天尊語弟子取如
拳許石擲著水中爲浮爲沒弟子對曰石沒
在水底天尊言無有緣故復次有一石辟方
三尺著於水上經便度河石亦不濕云何得
爾諸弟子未解僉然怪之諸弟子長跪白佛

言何緣如此天尊言有善緣故耳何者爲緣
船是天尊借爲喻與善師相值者得免衆苦
與惡師相值者則習惡事不離衆禍示語後
世之人不可不慎

昔有窮寒孤獨老公無以自業遇市得一斧
是衆寶之英而不識之持行斫杖賣之以供
微命用斧欲盡見外國治生大賈客名曰薩
薄見斧識之便問老公賣此斧不老公言我
仰此斧斫杖生活不賣也薩薄復言與公綸
百匹何以不賣公謂調已亦不應和薩薄復
言何以不見應和與公二百匹公便悵然不
樂薩薄復言嫌少當益公何以不樂與公五
百匹公便大啼哭言我不恨綸少我愚癡此
斧長尺半斫地已盡餘有五寸猶得五百匹
是以爲恨耳薩薄復言勿復遺恨今與公千

匹即便破券持去此斧衆寶之英耳地博不
問多少以斧著上薪火燒之盡成貴寶天尊
借以爲喻以受人身六情完具聰智辯達當
就明師以求度世之道神通可及而俗著不
別真偽者耕犁因放時世取驅至於老死復
當受罪喻如老公用寶斧盡豈不悟哉昔隴
上一鳥字爲鸚鵡展轉及得在東太山諸禽
獸飛鳥莫不敬愛以其在遠來故比作親友
甚相愛樂春月野火所燒便行入水飛在火
上抖擻毛羽之水救親友難往返非一悲鳴
大呼鸚鵡之水豈能滅火至誠感天爲之降
兩火即時得滅天尊經借以爲喻賢者以道
士遠到研精行道滅割身口侵妻子分供養
衆僧雖無神通感動亦以至誠燒香求啓使
諸檀越獲福無量喻如天雨衆火悉滅昔有

大長者財富無量窖穀千斛後出之不見穀見一小兒可年三歲亦不知語長者亦不知字名何物舉門前大道邊陌上行人儻有識者舍東有一車來乘駕黃牛人著黃衣從人皆黃過見小兒便言穀賊何以坐此是兒五穀之神語長者持鋤斧來我語君一甕金處適始行過者是金神順陌面去得道南迴行二百步道西當有朽故樹其下有甕有十斛金君往掘取可以還君穀直長者即隨小兒教得此治家足成大富佛經借以爲喻供養衆僧廣設檀會交有所費喻以失穀道士講經說義教人遠惡就善後獲福無量乃可至道喻如得金甕示語後世人福德不可不作後悔無及

昔有國豐盛安樂無所渴乏便語大臣遣一

可使之臣至於他國市吾所無者市來即遣一人往至他國益將珍寶遍市肆觀看無有餘物盡是我國中所有耳最後見一賢者空坐肆上便問之言不見君有所賣何以空坐答言在此賣智慧耳問曰君智慧何像賣索幾許答言吾智慧直五百兩金前稱爾金吾當與汝說之耳遠人便自念我國中無賣智慧與人便秤五百兩金與其人即與說智慧之言二十一字言長慮諦思惟不當卒行怒今日雖不用會當有用時於是受誦令利各目還家臣買得智慧之言即便還國道徑其家夜入月明見婦牀前有兩色履疑有異人便生惡念其婦卒得疾病母往宿視長者故說智慧之言未休其母驚覺兒爾來歸耶兒便走出戶呼賤賤母問其言云何汝行爲得

何物何以呼賤兒言我母以婦萬兩金猶不
與人正顧五百兩金豈非賤耶天尊經借以
爲喻諺語一言之助勝千金之益此之謂也
昔天尊在恒水邊廣說經法時天龍鬼神帝
王之民飛鳥走獸皆來聽法時有放牛老公
拄杖而聽不覺杖下有蝦蟆蝦蟆聽經意美
亦不覺背上有杖遂久蝦蟆命終其神即生
天上用天眼觀其本從何道中來乃見故身
在蝦蟆中來天華散其故身上示語後世人
蝦蟆中聽經意美得生天上況於賢者至心
聽經豈不巍巍乎

昔有兄弟二人弟行追明師作沙門遂得羅
漢道數數來語兄可勤作福德兄言我今心
念忽務且須後耳數數非一兄後命終弟以
道眼觀兄神生何道看天道人道其中不見

其神復觀地獄餓鬼道中復不見乃在畜生
道中見兄神作大牛時賈客駕牛治生道惡
跌泥中不能自起賈客以杖打之猶復舒咽
不起弟見兄如此逕來在牛前語兄言今日
忽務何如本時牛便著慙感絕而死道人即
去衆賈人等便共議言道人何故來呪殺我
牛便追逐道人將還問其意狀道人如事爲
說牛是我兄不隨我語以致此罪道人便擲
鉢虛空飛隨其後衆賈人知是聖人乃更自
責爲牛燒香作福其福得生天上

昔有賢者居舍衛國東南三十里家門奉法
供養道人家公好喜殺猪賣肉道人漸漸知
之未及呵誡老公遂便命終在恒水中受鬼
神形有白鐵輪鋒刃如霜雪隨流刺之苦痛
不可言後日道人度恒水在正與鬼神相值

其鬼便出半身在水上捉船顧言捉道人著水中不者盡殺船上人時有一賢者便問鬼神何以故索是道人鬼神言我在世間時供養道人道人心知我殺猪賣肉而不呵誠我
是以殺道人耳賢者便言君坐殺猪乃致此罪今復欲殺道人罪豈不多乎鬼神思惟實如賢者之言便放令去道人得去還語其家子孫爲作追福神即得免苦示語後世人道人受供養不可不教誠

昔有人在道上行見道有一死人鬼神以杖鞭之行人問言此人已死何故鞭之鬼神言是我故身在生之日不孝父母事君不忠不敬三尊不隨師父之教令我墮罪苦痛難言悉我故身故來鞭耳稍稍前行復見一死人天神來下散華於死人屍上以手摩抄之行

人問言觀君似是天何故摩抄是死屍答曰是我故身生時之日孝順父母忠信事君奉敬三尊承受師父之教令我神得生天皆是故身之恩是以來報之耳行人一日見此二變便還家奉持五戒修行十善孝順父母忠信事君示語後世人罪福追人久而不置不可不慎

昔有道人在山中學道道人遣沙彌出舍分衛日日責一升米兼課一偈市中有一坐肆賢者見沙彌並語而行問沙彌言周行走索何以並語而行沙彌答言我師在山中學道日責我米一升兼課一偈是以並行誦一偈耳賢者復問若不輸米日可誦幾偈言可誦十偈賢者便言勿復分衛吾自代沙彌輸米沙彌歡喜即得靜坐學問賢者爲沙彌輸米

九斛然後試沙彌經皆自通利賢者後生世間爲天尊作弟子字名阿難天尊有十二部經典聰明之福報悉能誦持智不可量問一知十示語後世人福德隨身如影隨形隨人所種各獲其福不可不爲

昔有屠兒有千頭牛養令肥好日殺一牛賣肉已殺五百牛餘有五百頭方共跳騰誼戲共相舐觸天尊時入國見牛如此愍而捨去語諸弟子此牛愚癡伴侶欲盡方共戲誼人亦如是一日過去人命轉減不可不思惟勤求度世之道

阿育王譬喻經

三慧經

僧祐錄云安公涼土異經今附北涼錄

佛常欲得三人一者信二者問三者行或有人但信不喜已作為信不欲行為喜有三七一者不布施二者不行戒三者不定意當滅思想乃得道要在不念已滅思想色亦滅識亦滅心有所念是為四所有對是為想當有想當無想不離想當離不生想還就不出想當有想者謂道想當無想者謂無色想不離想者謂不離經行想當離想者當離生死想不出想謂無道想不出十二門還就者謂人生死便不得脫

身譬如地善意如禾惡意如草不去草穢禾實不成人不去惡意亦不得道人有瞋恚是為地生蒺藜善意如電來即明去便復冥邪

念如雲覆日時不見已惡意起不見道

學者有苦不學者無有苦學者有苦譬如人田種當先犁去草穢便多得收是為先苦不學者無有苦者譬如地不犁續自生蒺藜惡物是為不學無有苦

行道第一可禁苦第二可禁樂二者不可禁苦四者不可禁樂能樂得樂便行道能苦得苦便行道有人行道得苦便畏生死能行道如是不可與樂有人得樂能行道意不苦如是不可與苦有人得樂能行道得苦亦能行道如是可與樂不可與苦有人得苦不能行道得樂亦不能行道如是當與苦不可與樂都有四求一者用身故求二者用願故求三者用癡故求四者用行故求人欲保身長壽是為身求欲得豪貴妻子珍寶是為願求祠

祀鎮厭欲從得福是為癡求所行非法欲家
安隱得道是為行求

人有三不可保一者喜意二者財寶三者人
命身亦可念亦不可念計身諸惡露是為可
念意墮五樂是不可念善亦可念亦不可念
謂得道意是可念不可念者謂以得道意當
轉增上惡亦可念亦不可念有過自悔是可
念意起墮惡是不可捨念正念邪是為惑不
別是非是為癡惡有二事一為本二為利所
作行是為本受行福是為利除是便得道

貪護謂已得復貪念色為貪止為非一意滅
故護貪為得道貪護為墮生死已得復護故
為貪護

樂食者謂歡喜飽念食者謂念三十七品經
便飽識食者謂樂法已隨痛痒為裁求後復

念為識求

一切世俗事皆屬身一切名字皆屬意一切
不犯皆屬戒除是無所有為道一法復壞道
行謂不精進一法壞人謂慳貪

外惡因緣來向人不受為忍自身作惡不出
為辱已過去莫復念未來亦莫待

今見在當斷非人所有莫得憂一切有意皆
為結

有善意亦忘有惡意亦忘復用三因緣故一
者不習念二者不數念三者不著意倒是三
事不復忘

續七

十

從有可得無有不可得有是謂三十七品經
意生死意生死無有數所以覺者種忘故本
意欲坐行道十日不能竟十日前世福薄故
多福者欲十日坐行便得身不欲行用劣瘦

極故意不欲行不念死敗苦空故智慧有四
相一者聞善語便不轉二者已聽便受著意
三者已失常思惟念四者意已思惟念復重
問欲知其意倒是少慧

有五百人行道得定意恐復失之因取人令
殺人報言殺道人令我得重罪道人言如人
有怨家欲殺之不是身為是我怨家汝為我
殺佛言當殺意勿殺身

有道人得定意時野火燒之衣不燃人見之
謂是鬼便斫之刀斫不入用心一故不燒柔
軟故不入有道人得定意弟子呼之飯不覺
因前牽臂臂伸丈餘弟子大恐因取結之意
結不可復取解之師禪覺苦臂痛問弟子白
如是師言汝不解者誤折我臂人得定意柔
軟如綿在母腹中亦爾

續七

十一

有三因緣覺人無所知一者問不如對二者
不能問三者不能語

取要經要譬喻說人逢大水但當取珍寶去
人在世間但當取善意去

人所念不得道何以故不念道因緣有道因
緣能得道謂六波羅蜜安般守意三十七品
經是為道因緣

有五因緣可信一者信佛二者信法三者信
戒四者信經五者信善知識信是五事得道
語有四法一者直語二者分別語三者問語
四者止語直語者有默人隨道德因緣直說
分別語者為所以所受不諦當分別本末重
語說問語者人自意為是隨因緣問之即自
知止語者佛所不說亦不說

有四因緣問一者一切問二者分別問三者

問問四者止問一切世間非常苦空行道得安隱已說是爲應語是爲一切問若人來問眼事莫持耳往報是爲分別問若人持白物來言是黑物因持黑物問之見爲何等是爲問問若人來問道何類因報寒何等類若問意何等類因報風何等類若問無爲何等類因報空何等類是止問

有四顛倒一者非常人意已爲常二者已苦人謂樂三者萬物皆空人謂爲實四者非身貪已爲有身人墮顛倒如是非常計常以苦爲樂以空爲實非身已作身人如是意便得道人意墮四顛倒故計是爲我身諦校計身中無所有已無所有便墮空已墮空便爲無身已無身便墮無爲人有四癡常著四顛倒一者萬物非常自以爲常二者天下皆苦人

續七

十二

恃作樂三者天下空人以爲有四者身非身不可保人已爲身五者月始生時拜六者十五日盛明時反踞視之七者女小時從人抱八者女大不可得見有四貴亦有四賤一者道貴人賤二者珍寶貴人賤三者官位貴人賤四者黠貴癡賤

阿難言人得善知識爲得佛半佛言人得善知識爲得佛道善知識難得何謂爲道德信爲道制身口意爲德人當有三知識一者富家二者事貴三者事大尊者以布施是爲富家以持戒爲事貴者守意念道爲是事大尊者有內治生外治生索錢財諸珍寶是爲外治生守意念道是爲內治生人不能自伏意反欲伏他人意能自伏意他人意悉可伏有內力有外力有內色有外色有內識有外

識能制惡意是為內力力能有所作舉重瞋
恚是為外力痛痒思想生死識是為內色地
水火風空是為外色意念為內識眼見為外
識有四事大難一者與得道人共會大難謂
十二賢者二者聞經入心難謂在八難處三
者如本觀難謂墮四顛四者如法行難謂不
能持戒

有五事求道大難一者年老二者疾病三者
縣官四者盜賊五者飢渴是為五事求道大
難

有五事難一者值佛世難二者聞經難三者
得善師難四者得善人難五者得作人難
有五難一者貧能布施難二者豪貴能忍辱
者難三者有事對吏不欺者難四者與端正
女人同牀意不亂者難五者制人命不得傷

害者難

有七難一者受經能問難二者聞經解意難
三者與多智人對話能自解難四者自教復
能教人者難五者自安隱亦令人安隱難六
者已自定意亦令人定意難七者常不離法
至得佛道難

有十八事人於世間甚大難一者值佛世難
二者正使值佛成就得為人難三者正使成
得為人在中國生難四者正使在中國種姓
家難五者正使在種姓家四肢六情完具難
六者正使四肢六情完具有財產難七者正
使得財產得善知識難八者正使得善知識
智慧難九者正使智慧謹慎心難十者正使
謹慎心能布施難十一者正使能布施欲得
賢善有德人難十二者正使得賢善有德人

往至其所難十三者正使往至其所得宜適
難十四者正使得宜適聽問難十五者正使
受聽問說忠正難十六者正使忠正解智慧
難十七者正使得解智慧能受深經難十八
者正使能解深經復重難是爲十八事人於

世間大難

增七

十四

有八處人佛無那何一者瘖人二者聾人三
者地獄中人四者餓鬼中人五者畜生中人
六者邊地不知法義七者長生二十八天上
八者受不精進行是爲八處人佛無那何況
有五百人自說言我善佛言汝審善當隨我
後人言諾佛便行入火中五百人皆止住無
敢隨者言善人至難得

有人問佛佛教人作善何等益佛言天下人
惱我故教之耳人復言人有心當恣之佛言

坐天下人恣心故我止住百劫乃得佛道道
有七事一者意喜布施不欲餘二者但欲聞
三者但信四者但持戒五者但欲行六者欲
學慧七者但欲脫去佛在世時得脫轉後世
但學慧復轉後世但欲行復轉後世但持戒
復轉後世但信復轉後世但欲聞復轉後世
但欲布施不但布施當復聞不但聞當復信
不但信當復持戒不但持戒當復行不但行
當復慧不但慧當復脫去是七事當并行
有五叢殘世一者上世人長壽今世人短壽
二者上世人端正桃華色今世人醜惡三者
上世人多得道今世人不能得四者上世人
博達通知經要今世人不能通知五者上世
人安隱今世人多疾瘦是爲五叢殘世
有長壽者道人大富財產無數好作布施有

人言卿作布施大多道人報言我從佛聞人在世間往來生死其日不可數今我所有布施尚不能日用一錢何以爲多佛說人得一切天下珍寶不如聞佛一言何以故徒多財產不能離世間故山中揭鳥尾有長毛毛有所著便不敢復去愛之恐拔覆爲獵者所得身爲分散而爲一毛故人散意念財產財產不得脫苦用貪婬故人治生譬如蜂作蜜採取衆華勤苦積日已成人便竊取持去亦不得自食適自疲極人東走西走求是作是合聚財寶勤苦不可言已命盡他人得其財身反得重罪受苦不可量人在世間譬乘泥船渡河當浮渡船且壞人身如泥船不可久當疾行道

金有四試一者燒二者磨石三者鍛四者鍊

譬喻人亦有四試一者燒二者共從事三者色四爲制不止

欲得人相有四因緣一者與共居二者共居當久三者當共語言四者共可以知之

有四因緣知爲道人一者聞惡亂意即時轉念二者不說人惡三者自不墮論議四者能自護如是知爲道人自護

今世四因緣乃受福一者有處二者有時三者業四者師人有所止得安隱如意是爲處如人年三十十七當富十五時求不可得至三十乃得是爲時若人宜賈白珠亦餘物從得利是爲業十六遭得明人分別說經心即開解是爲師有兄弟三人各自謂高健無輩共更持夜二兄居前卧小弟便獨坐有一蟲名爲不吉來嚙其髀弟便以手指之蟲便長大復捶益

大其人嗔恚取蟲蹴蹋自致疲極蟲益大不止其人便止休一夜已竟便呼仲兄起蟲復啣之兄復如小弟與共鬪蟲更長大至屋如是疲極復止休二夜竟便呼大兄起坐蟲復啣之大兄便持手指摩娑蟲復起兄生意以糞覆之須臾極蟲便出糞去至明日二弟極不能復起兄知二弟與蟲共鬪便問何以不起二弟慚不敢語兄言與蟲共鬪劇耶弟言然兄語弟言後儻有不吉蟲來但以糞覆之不當指也譬喻如癡人得對便瞋恚從得罪如弟與蟲鬪自致疲劇黠人見對來便避之是得福譬如糞覆不吉蟲去

昔有道人爲國王說經王言佛在世多人得道今同說佛經人不得道佛爲持道法去耶道人言譬天下極美不過蒲桃酒飲一升便

十七

十七

可醉持一升水澆一升酒中飲之不能復醉佛在世時說經知人意態譬如人飲一升酒便得醉今我輩不知是佛說經知人意態應病與藥故人多得道

有國王飯諸比丘天來指示王言是人得阿羅漢是人得菩薩是人得道迹是人不持戒王悉覺知持心正等無有異意諸天代其歡喜有國王與人共爭高價浴佛王輒舉高價不止人言今我悉持所有財物妻子自身爲奴婢以浴佛王便不得

阿育王作八萬塔臨死欲絕時菩薩阿羅漢有五百人共守護更爲說經不使諸夫人得近與相見欲令王上天故

有小國王常起征伐大國王思惟言亡身得惡皆從貪愛故我不如以國與之大國王捨

國去作白衣在他國久後歸故國有人白言
王便勅左右往捕取殺之臨當死時呼其子
囑一言慎勿忘也汝勿念怨家惡當慈心
有國王治行不平冤枉人民受取非法天為
雨不時節有女人言天雨不時節王治行不
十正故王已聞知便呼女人令請雨以三器
著地女人願令雨隨中央器中復令從一頭
起則如其願王問何因緣得是女人自言我
至誠故佛言有地乃有萬物人有至誠乃有
道有國王出行見一女人端正無比王意欲
殺其夫取是女人傍臣言不當殺當享之國
王享其夫以金指鐲與之語言忘鐲者殺汝
王私呼婦令盜取鐲已後王呼問其夫鐲所
在夫求不知處便勅臣殺之令美飲食夫恐
不敢食人言卿當死何不食夫適欲噉魚因

續七

人

於魚腹中得鐲是至誠所致

有道人貧窮舉十萬錢用治生便先持三萬
布施持餘錢行賈途中為賊所抄王便以珍
寶物凶與之有大囊小囊餘人各取大囊去
道人自念言我錢少不宜取大囊便取小囊
去其中悉有白珠賣得六千萬用至誠不貪
故得是珍寶

昔有國王徵國中諸盲人令於象廐中觀象
中有持象足者中有持象鼻者中有持象耳
者中有持象尾者去後共相問象何等類持
象足者言象大如柱持象鼻者言象如繩索
持象耳者言象如簸箕持象尾者言象如大
箒皆共諍之盲人各自信其意譬如人各見
少所經不達其法自謂大解亦如是
有國王於城外大作伎樂戲舉國中人民皆

出行觀城中有一家其父有疾不能行步家室共扶將令行言出城便止樹下不能自致語家中言汝自行觀來還乃持我歸時天帝釋化作一道人過其邊便呼病人汝隨我去我能令汝病愈人聞之大喜便起隨行釋將上天至宮見金銀好物甚衆多欲從求之人言勿得可求積七十九匱病人因前到釋所言我欲去願持此瓶匱我釋即與之語病人言中有物在汝所願病人持歸室家相對探之轉得心中所願金銀珍寶恣意皆得大會宗親諸家內外共相娛樂醉飽已後因取瓶跳之我受汝恩令我富饒跳踴不止便墮地破之所求不復得

世間有黠人多無數未有如彌勒者彌勒尚復行學不厭何況餘乎佛已得道坐行安般

守意佛言我從無數世以來學不厭乃得佛後世人學當那得佛道

以持戒不復作惡有不信意故復犯戒便墮地獄閻王問之便對言我不作惡閻王復問汝不作惡何爲是中

有尊者爲賊人所折辱有人言何以不殺之尊者言我人客未具故人復言我爲卿屈人客尊者言不也我兵今自具如是二十餘歲殺賊人彼病死入復言卿不殺之今反自死尊者言我兵馬已具何故癡人當入地獄是爲兵馬具

問曰何等爲能知一萬事畢報曰一者謂無意無念萬事自畢意有百念萬事皆失

有道人夜行前未得道人隨其後後人有疑悔前人舉手五指頭出火復以鑰開戶後人

乃覺悟知爲道人

說經有六衰有人言七衰屋舍衰獨非衰耶
佛謂人言我復饒汝一衰癡爲大衰何以故
人說身事反說屋舍是爲癡

有人墮海中有人教食水盡可得步出人言

我已飲後水復來世俗如是前後相趣不可
極

人欲相見有四緣一者其人端正故二者宿命相愛三者名聞四者欲聞深經安爲知是
隱爲自藏自藏者不見惡態

世間凡有千八道佛一切已知前世皆已學
從是不得道故索知

問人語時聲先生耶意先生乎報意先生何
以意覺聲聲不能覺意故

有人持珠度海失其珠人便持木斗盥水

棄岸上海神言汝當何時盡是水人言生死
棄之不置海神知其意出珠還之

三慧經

阿毗曇五法行經

安息 三藏 安世高 譯

苦法黠可苦法黠習法黠可習法黠盡法黠
 可盡法黠道法黠可道法黠苦法者謂形體
 萬物皆當衰老死亡是為苦癡人謂可常保
 持是為樂黠可知是為苦便不復向生死是
 為苦法黠可習法者謂習欲習得習婬習怒
 習癡習好習美黠可者如是為習從習得盡
 便不欲是為習法黠可盡法者謂人物會當
 消散滅盡便得亦不喜失亦不憂是為盡法
 黠可道法者行道得道作善上天作惡入惡
 道黠可者知去惡就善是為道法黠可黠者
 覺可者知本不知是為苦苦為一意知為苦
 是為二意習為一意知為習是為二意盡為
 一意知為盡是為二意道為一意知為道是

為二意此八意在外

非常苦空非身本習生因緣盡止如意惡道
 處受觀盡苦空非身何緣得盡盡從苦來從
 苦得盡因盡便得空得空便知非我身是四
 意為隨苦諦何等為苦一切在生死皆為苦
 會欲亦不欲會欲謂人諸所欲得亦不欲謂
 人意諸所不欲是皆為苦貪從習出隨非常
 意求滅苦從習得何等為法謂因緣作是得
 是是為法當為識已識為却意當為斷從四
 諦中苦諦集諦為證有道見苦知從集起見
 集知苦見盡諦知非常
 何等為可謂喜道不忘道常求道以道為可
 何等為黠常問道為黠已問能受能行是為
 黠集亦如是盡滅亦如是道亦如是
 苦為罪法為行結黠為三十七品經可為行

行者爲行道如是爲集如是爲盡如是爲道
皆爲增上

第一爲苦何等爲苦一切惡不可意爲苦已
識苦不欲者便行道不離爲可苦生有本苦
爲何等本從萬物萬物無有亦不盡已不盡

人亦不憂已不憂人亦無有苦

第二爲集何等爲集意隨愛爲集斷愛無有
集持何等行爲斷愛萬物皆從因緣生斷因
緣不復生當那得斷因緣持意念道已持意
念道意不得兩念便在道是爲集

第三爲盡苦法爲萬物以敗便得憂已得憂
便老已老便得病瘦死是名爲外盡苦法何
以故爲外盡苦法爲自罪未除何以故爲自
罪未除爲生死未滅何以故生死未滅爲非
一意何以故非一意爲不墮禪棄故何以故

不墮禪棄不受行如佛語是名爲外盡內盡
爲何等意墮守已墮守餘意不得生已餘意
不得生便滅結已滅結便罪盡已罪盡便盡
無有名爲內盡

第四爲道何等爲道苦可意道名爲八種何
等爲八種如是安般守意說八行意不墮生
死但有隨道已隨道便斷上頭三事何等三
事苦集盡已斷苦集盡便定已定所向便得
道何等爲得道已苦滅不復生是爲得有五
法行何等五一者色二者意三者所念四者
別離意行五者無爲

色爲何等所色一切在四行亦從四行所四
行行爲何等地種水種火種風種亦從四行
因所色爲何等眼根耳根鼻根舌根身根色
聲香味細滑亦一處不更

意爲何等所意心識是爲何等六識身六識
爲何等眼識耳識鼻識舌識身識心識

所念法爲何等若所念法意共俱是爲何等
痛想行痒念欲是意定黯信進計念貪不貪
善本惡本不分別本一切結縛傳勞從起所
點所見所要亦所有如是法意共俱是名爲
意所念法

別離意行爲何等所別離意不共是爲何等
得不思想正盡正不思想念想下輩苦得處
得種得入生老死非常名字絕具如應亦餘
如是法分別意行是名分別意行

無爲何等空滅未離滅不須受

地種爲何等堅者水種何等濕者火種何等
熱者風種何等起者眼根何等眼識相著可
色耳根何等耳識相著可色鼻根何等鼻識

相著可色舌根何等舌識相著可色身根何
等身識相著可色色爲何等若色端正不端
正等色俱中央色想像上頭一識更眼識色
更爲心識更是色兩識更知何等兩眼識心
識聲爲何等從受行出聲亦不從受行出聲
從受行本聲亦不從受行本受聲若上頭一
識更知耳識已更心識便知是聲兩識更知
耳識心識香爲何等若根香若莖香若華香
若實香若香香若臭香等香所香是名爲香
若上頭一識一識更知鼻識已更心識便知
是香兩識更知鼻識心識味爲何等若酢味
甜味鹽味苦味鹹味辛味澀味亦所嗽覺味
若上頭一識知舌識舌識已更心識便知是
味兩識更知舌識心識細滑更爲何等若滑
若麤若輕若重若寒若熱若飢若渴爲上頭

一識知身識已更心識便知是一處樂為兩識更知身識心識一處不更色為何等若色法識想著是為何等若身善者不善者不更若常一識知心識

眼識為何等眼根相依色因知耳識為何等故耳根相依聲因知鼻為何等鼻根相依香因知舌識為何等舌根相依味因知身識為何等身根相依樂著因知心識為何等心根相依法因知痛為何等為樂是亦為三輩少多無有量想為何等所對行為何等所作是亦為三輩善惡不分別福殃度願樂為何等三會是亦為三輩善樂惡樂亦不善亦不惡樂意念何等為意念是亦為三輩善惡不分別欲為何等欲作是為何等意可意為何等念思惟何等為一意點為何等為觀法信為何

增七

五

等可意進為何等觀念計為何等所念使求增望念願願是名為計分別念為何等所觀觀隨不絕相隨是名為念計念為何等異意大為計意微為念計念是為異貪為何等不隨善法不信至誠不行不應行是名為貪不貪為何等隨善法信至誠行應行是名為不貪善本何等有善本無有貪善本無有瞋善本無有愚癡善本是名為善本不善本為何等不善本有三貪為不善本瞋恚為不善本愚癡為不善本是名為不善本不分別本為何等有五不分別愛不分別憍慢不分別癡不分別疑不分別行是名為不分別本結為何等有九結一為持念結二為增結三為憍慢結四為癡結五為邪結六為失願結七為疑結八為嫉結九為慳結

持念結爲何等三界中貪憎結爲何等爲人間不可息憍慢結爲何等憍慢結名爲士輩何等七一爲憍慢二爲憍三爲自慢四爲自計慢五爲欺慢六爲不如慢七爲邪慢憍慢爲何等不如我者我爲勝如者等從是憍慢自計意起意識合意是名爲憍慢憍慢慢爲何等輩中勝勝中等從是所慢亦自計自計勝者勝是名爲自慢亦說者憍慢慢當爲一切合會是名爲自慢自計慢爲何等爲五陰自身是我身計自念從是慢慢自知意生意起合意是名爲自計慢慢欺慢爲何等未得計得未知計知未盡計盡從是憍慢自計意觀意起合意是名欺慢不如慢爲何等遠不如自計少不如若豪若業若業若何若罪若病不及十倍百倍自計如是爲不如從自憍慢

續七

二十六

自計自見意生意起合念自爲是名爲不如慢邪慢爲何等不賢者自計賢者從是有憍慢自念自計意生意起合念是名爲邪慢是爲七慢慢名爲憍慢結癡結爲何等三界中所有疑是名爲癡結邪結爲何等邪結有三輩名爲邪結一爲身邪二爲邊邪三爲邪邪身邪爲何等是身是我身是名爲身邪邊邪爲何等一者斷滅二者常在是名爲邊邪邪邪爲何等邪邪爲諍本壞福是爲三邪失願結爲何等失本不受功校恩是名失願結是兩失名爲失願結盜結爲何等兩盜名盜結一爲受盜二爲戒盜受盜爲何等爲五陰念尊大最無有極從是所欲所意所可所用是名爲盜結盜戒爲何等從是淨從是離從是解從是要出用是故所人所意所可所願是

名為戒盜是兩盜名為盜結疑結為何等為
疑四諦是名為疑結嫉結為何等亂意為嫉
結慳結為何等不能制意是名為慳結故一
切結縛結為何等所結者名為縛故說縛
使者為何等使者為七何等為七一為欲使
二為不可使增七三為欲世間使四為憍慢使五
為癡使六為邪使七為疑使
欲使為何等欲使名為五使何等為五者欲
從苦見斷欲著欲從習見斷欲著欲從盡見
斷欲著欲從道見斷欲著欲從思惟見斷欲
是名為五使名為欲使不可使名為何等五
使名為不可使何等為五從苦見不可斷從
習見不可斷從盡見不可斷從道見不可斷
從思惟見不可斷是五使名為不可使世間
欲可使為何等十使名為世間欲使何等

為十著色見苦斷欲著色見習斷欲著色見
盡斷欲著色見行道斷欲從色因著思惟斷
欲從無有色因著見苦斷欲從無有色因著
見習斷欲從無有色因著見盡斷欲從無有
色因著見道斷欲從無有色因著思惟斷欲
是十使名欲世間使憍慢使為何等憍慢使
有十五何等為十五著欲見苦憍慢斷著欲
見習憍慢斷著欲見盡憍慢斷著欲見道憍
慢斷著欲思惟見憍慢斷著色見苦憍慢斷
著色見習憍慢斷著色見盡憍慢斷著色見
道憍慢斷著色見思惟憍慢斷著無有色見苦
憍慢斷著無有色見習憍慢斷著無有色見
盡憍慢斷著無有色見道憍慢斷著無有色
思惟憍慢斷是十五使名為憍慢使癡使為
何等十五使名為癡使何等為十五著欲見

苦癡斷著欲見習癡斷著欲見盡癡斷著欲
 見道癡斷著欲思惟癡斷著色見苦癡斷著
 色見習癡斷著色見盡癡斷著色見道癡斷
 著色思惟癡斷著無有色見苦癡斷著無有
 色見習癡斷著無有色見盡癡斷著無有色
 見道癡斷著無有色思惟癡斷是十五使名
 為癡使邪使為何等三十六使為邪使何等
 為三十六十二使著欲十二使著色十二使
 著無有色是名為三十六使十二使著欲為
 何等著欲見苦斷身邪著欲見苦斷要邪著
 欲見苦斷邪邪著欲見習斷邪邪著欲見盡
 斷邪邪著欲見道斷邪邪著欲見苦斷見盜
 著欲見習斷見盜著欲見盡斷見盜著欲見
 道斷見盜著欲見苦斷戒盜著欲見道斷戒
 盜是名為十二使著欲使十二使著色為何

等著色見苦斷身邪著色見苦斷要邪著色
 見苦斷邪邪著色見習斷邪邪著色見盡斷
 邪邪著色見道斷邪邪著色見苦斷見盜著
 色見習斷見盜著色見盡斷見盜著色見道
 斷見盜著色見苦斷戒盜著色見道斷戒盜
 是名為十二使著色使十二使著無有色為
 何等著無有色見苦斷身邪著無有色見苦
 斷要邪著無有色見苦斷邪邪著無有色見
 習斷邪邪著無有色見盡斷邪邪著無有色
 見道斷邪邪著無有色見苦斷見盜著無有
 色見習斷見盜著無有色見盡斷見盜著無
 有色見盜斷見盜著無有色見苦斷戒盜著
 無有色見道斷戒盜是名為十二使著無有
 色使是為三十六使名為三十六邪使疑使
 為何等十二使名為疑使何等十二著欲見

苦斷疑著欲見習斷疑著欲見盡斷疑著欲見道斷疑著色見苦斷疑著色見習斷疑著色見盡斷疑著色見道斷疑著無有色見苦斷疑著無有色見習斷疑著無有色見盡斷疑著無有色見道斷疑是名為十二疑使是為塵是為塵惱有時塵無有惱者除塵所餘亂意念法是為惱非塵從起為八一為睡二為瞋三為樂四為疑五為猗六為盜態七為不愧八為不慙是故說從起八

所黠為何等十黠何等為十一為法黠二為比黠三為知人心黠四為巧黠五為苦黠六為習黠七為滅黠八為道黠九為盡黠十為無為黠

法黠為何等在生死欲所無有結黠在生死欲本所無有結黠在生死欲滅無有結黠在

生死欲壞道行無有結黠亦在法黠亦在法地所無有結黠是名為法黠比黠為何等在色無有色行無有結黠在色無有色本無有結黠在色無有色行滅無有結黠在色無有色行斷為道無有結黠亦在比黠亦在比地無有結黠是名為比黠知人心黠為何等所黠行所黠福所黠合已得不捨常在前常念不妄為人故為他眾故思行是故意念如是名為知人心黠巧黠為何等世間所行黠名為巧黠苦黠為何等受五陰非常苦空非身念所無有結黠是名為苦黠集黠為何等世間本亦本集生因緣思念無有結黠是名為集黠滅黠為何等滅滅為黠最要念不結黠是名為滅黠道黠為何等道為道如應受觀者欲出念無有結黠是名為道黠盡黠為何

等已識苦已捨習盡以有證道已行從是黠見知意得應是名為盡黠無為黠為何等苦已更不復更習已畢不復畢盡已有證不復用證道已行不復行從是所黠所見所知所意得是名為無為黠故說所黠

所有見為何等所有黠見為見有時見非黠為何等八更者可八更者可為何等苦法黠可苦譬黠可習法黠可習譬黠可盡法黠可盡譬黠可道法黠可道譬黠可故說所見若得是為黠不有時得非黠八更可如上說故說所更

德為何等得法為得無有思想思惟為何等天上一處名為一切淨在有無有欲前有思想出所意念法滅不隨是名為不思想思惟滅思惟為何等二十八天上名為不欲中得

實七

三

道者上頭行要出所意念法滅到是名為滅思惟

不思想為何等無有思想人化生天上上頭意亦墮天上時意除是中間乃從是若意念法滅倒是名為不思想

念根為何等三界中命會為何等人同居得處為何等同郡縣種得為何等為五陰入得為何等所內外得入是名為入得生為何等得陰老為何等陰熟止何等宿命行來望非常為何等已生復亡名字為何等知分別絕為何等字為具政用為何等字會

空為何等虛空無所有無所著無所色是名為空盡尚未離為何等已盡不復更不復著盡為何等度世無為是名為五法五行行說具

阿毗曇五法行經

音釋

糜忙皮切 抖當口切 撒當口切 蘇後秋切
 也徒結切 跌與大切 舐典禮切 就舉之貌 鈇此切
 也居大切 跳躡也 躡他弔切 躡子六切 登於浪切
 也乞與也 跳踴也 躡浪切 躡也 登盆浪切



賓頭盧突羅閣爲優陀延王說法緣經

請賓頭盧經

大勇菩薩分別業報略經

宋天竺三藏求那跋陀羅譯
宋三藏慧簡譯
宋天竺三藏僧伽跋摩譯

賓頭盧突羅閣爲優陀延王說法緣經、請賓頭盧經、大勇菩薩分別業報略經



清刻龍藏佛說法變相圖

三經同卷

墳八

賓頭盧突羅闍為優陀延王說法緣經

請賓頭盧經

大勇菩薩分別業報略經

賓頭盧突羅闍為優陀延王說法緣經

墳八

宋天竺三藏求那跋陀羅譯

欲樂味甚少憂苦患甚多是以智者應修方便速離眾欲勤行淨行我昔曾聞千福王子名優陀延紹父王位住拘舍彌城其城殊妙寬博嚴淨晃爛宮觀映飾綺麗牕牖通疎交絡珠網樓觀千萬莊校此城街巷相當阡陌齊整市肆充盈多諸珍寶其城周布有好林苑樹木翠蔚華果茂盛泉流清潔生眾蓮華青黃赤白文色相映鴻鴈鴛鴦孔雀鸚鵡迦

陵頻伽命命之鳥其聲相和猶如樂音莊嚴之盛如寄羅婆山王崇巖峻嶽而自莊嚴又像帝釋所居喜見之城優陀延王形貌端正威相具足聰明點慧武勇絕倫才技兼修靡所不知善能呪象令諸山象咸來赴集又能控御皆令調順又善彈琴和雅中節宮商相應鳥獸率舞合衆香丸用降怨敵香氣所及盡來歸順善能刻畫曲得相貌其所圖像真形無異六十二藝悉皆備具衣服飲食不尚豐奢矜窮敬老存恤民庶正法治國日夕忘倦禮儀法律一依古典如昔哲王什奢之等國富民殷庫藏盈溢福德之人集生其國受王風化咸皆修善博通經學明解諸論世間典籍無不綜練勇健雄武如羅摩延阿純之等由王先身辟支佛所種諸善根獲報如是

王之威德隣國畏伏道化光被聲聞天下時輔相子名賓頭盧突羅闍姿容豐美世所希有聰明智慧博聞廣識仁慈汎愛志存濟苦勸化國民盡修十善信樂三寶出家學道得具足果遊行教化還拘舍彌城欲度親黨徧行乞食乞食已訖於林樹下結跏趺坐思惟入定時有一人識賓頭盧來白王言昔輔相子賓頭盧者今近在此林中樹下王聞歡喜心懷敬仰便勅嚴駕將諸官人眷屬僕從詣尊者所問訊既竟命王就坐王即思惟所有疑事今當問之而作是言賓頭盧今我與爾少小知舊汝之祖先世爲輔相聰明智達常爲國師今既相造欲問疑事非相惱觸爲我說不尊者答言恣今所問我當爲王分別解說王以偈問曰

一切世人貪著五欲縱情放逸以自娛樂
如汝今者獨處空閑捨離恩愛有何榮樂
尊者答言我觀因緣皆悉無常是故出家以
割情愛樂於林藪猶如野鹿專心勤修未斷
煩惱以智慧斧破愛樹枝心無戀著毒果消
滅諸結駛流生死暴河我已得渡更無憂患
譬如飛鳥得免羅網凌虛遠逝名曰解脫王
聞斯語語賓頭盧今我勢力能伏諸國威德
暉赫有如盛日首戴天冠瓔珞盛服姝女侍
衛如天帝釋汝今獨處頗羨我不尊者答言
我無羨心王復問言何故於我而不願羨尊
者答言我於今日欲泥已乾諸有結縛今已
解脫乃至帝釋諸妙天女不生羨尚況汝人
間鄙穢者乎誰有智者得離魔縛渡生死岸
得淨慧眼壞無明闇而羨王耶何有明眼羨

於盲者何有強健而羨病患何有無罪而羨
獄囚何有巨富羨於貧窮何有高貴而羨奴
僕何有智者羨於愚癡何有勇健羨於懦弱
王聞是已心懷懊惱而作是言汝作方喻一
何苦劇我寧困劣乃是乎尊者答言王無
慧眼煩惱所病四取駛流之所漂沒失於勇
健不能精勤如斯嬰愚不識真諦沉淪苦海
是王之分於五欲中生希有想如此之想實
違淨行王復問言有何等過而言違失尊者
答言此五欲者衆苦之本害於衆生所有善
根如電害苗螫惱衆生甚於毒蛇亦如熾火
能燒功德亦如野馬誑惑凡夫亦如幻化迷
亂惑者欲詐親善過於怨家欲如老牛沒溺
淤泥欲如大網纏裹三界欲如劍道難可履
蹈欲能繫閉殺害衆生一切過患皆從欲起

如往古時有婆須天由欲因緣爲婆利阿脩羅之所繫縛擲沸湯中婆勒天壞阿修羅城郭殄滅其民惱觸苦婆羅王種八純提王及彼百子悉皆誅滅鼻多羅阿脩羅害於千眼羅摩害十頭羅刹及數千億羅刹之衆羅漫害因陀羅具翼又王摩羅支王滅多摩羅質種族迦帝毗爲閻摩尼婆羅門所殺毗那悉那害提頭賴吒眷屬班紉五子殺十八億人彌匿安毒多羅躡伽王種俱羅王種彌絺羅檀特伽王種是等人王皆爲欲故更相殘滅

即說偈言

第八

王位雖尊嚴 代謝不暫停 輕疾如電光
 須臾歸磨滅 王位極富逸 愚者情愛樂
 衰滅死時至 苦劇過下賤 王者居高位
 名聞滿四方 端正甚可愛 種種自嚴身

譬如臨死者 著華鬘瓔珞 餘命未幾時
 王位亦如是 王者譬如鳥 常懷諸恐怖
 行住及坐卧 乃至一切時 於其親踈中
 恒有疑懼心 臣民官妃后 象馬及珍寶
 國土諸所有 一切是王物 諸王捨命時
 皆棄無隨者 人王及天王 阿脩羅王等
 威力逼人民 斧鉞相殘害 不識無常苦
 橫增貪疾惱 譬如妙華林 金蛇睡在中
 愚人謂珍寶 盛衰賈歸家 蛇覺縱毒火
 焚燒其屋宅 王位如華林 災患如金蛇
 愚人以爲貴 智者所不樂 譬如以搏肉
 置四衢道頭 狐狼鵙鷲等 競來爭食之
 王位亦如是 衆共爭取之 鳥獸以紫爪
 爪獸共鬪諍 王者以刀矛 相害諍榮位
 亦如彼鳥獸 愚癡等無異 我寧食灰土

第八

五

果菜以自存	此身如癰瘡	會歸當潰爛
云何爲此故	造作衆惡業	如食菴婆果
香味悉具足	及其果消時	身體盡爛壞
王位如彼果	失滅生苦惱	譬如方土
災疫行疾病	有智諸勝人	宜應速遠離
若不遠離者	如逆風執炬	不捨必自燒
如渴飲鹹水	無有飽足時	如十頭羅刹
城郭及眷屬	爲欲因緣故	滅壞無遺餘
又如寄越王	兄弟有百人	爲欲因緣故
亦皆盡敗滅	日種祭趙王	及提頭賴吒
如是諸王等	盡爲欲所滅	

當知國土猶如羅網亦如罽絺如深淤泥亦如洄波又如海浪如林被燒亦如危岸猶如地獄誰有智者當樂貪著如是大苦誰有智者當生樂想如是大王嗚呼怪哉被欺乃爾

被誑乃爾猶如空拳誑於小兒速疾不停猶如幻化五欲欺誑亦復如是猶如猿猴在高山頂見雲彌布以爲堅實謂爲是地便以身投墮百丈巖喪其身命一切碎滅亦如野干見甄叔迦樹其果似肉見落地時便往欲食知其非肉更復生念今此非肉彼樹上者必當是肉遂便守之爲其所困五欲誑王亦復如是亦如商賈以僞珠誑人五欲誑王亦復如是又如嬰愚嗜味食歡喜九人以泥團而來誑之謂爲真實走逐疲苦乃得泥團如熱時焰誑渴愚夫猶如衆人前豎於幻楸能使時衆見種種事若拔幻楸色像即滅猶如畫匠及機關師如狗吠井自見形影怒眼豎毛謂井底影欲共已鬪橫生瞋忿投井而死大王宜善觀察何有五欲而得常者何有王位

填八

六

而得久停尊豪威勢無得住者何有國界而不遷壞何有珍寶而不散失何有欲樂常恒不變苦之封授必受衰滅何有合會而不別離一切五欲體性實苦皆從妄想而生於樂何有諸行不似芭蕉乾闥婆城大王云何處生老病死衰禍恐怖逼迫之中云何能為國土少樂生愛樂想如林中鹿四邊火起如鳥在籠如魚處網如龜吞鈎如師子毒箭入心如龍處呪場如人在屋中四邊火起如處危朽華堂速疾崩墜如好華池有水羅刹喻食於人重說偈言

生老病死患 於中未解脫 無明愛毒箭 猶未得拔出 人帝汝云何 而生樂著想 如象處林中 四邊大火起 處此急難處 云何有歡樂 大王應當知 榮位須臾間

智者深觀察 不應於此事 而生希有想 汝何故錯解 實是愛奴僕 而生高貴想 捨上妙財寶 而生大富想 不善解方便 橫生智慧想 為眾煩惱患 橫生無病想 未脫生死胎 橫生無畏想 處十二刺林 橫生無刺想 欲賊劫諸根 橫生無賊想 大王而此身者必歸敗壞尊豪榮貴必有衰滅財寶庫藏必有散失大王如佛言日榮位如寤恩愛暫有汝於五欲生於希有難遭之想賢德於此豈得名為能善觀察何以故榮位恩愛必有別離如眾飛鳥夜栖一樹晨則四散又如客舍夕則聚賓明各異路亦如乘船異人同載既至岸已各自殊道亦如駛流漂集眾木須臾之間隨流分散猶如浮雲須臾散滅作音樂處男女聚集作樂已訖各自

散去宮人姝女端正美妙無常理會會歸捨
棄譬如華樹蜂集其上華彫落盡諸蜂遠離
如華池枯涸特象不入如大池水鶴樂遊居
及其乾竭更不復近福盡之家榮利不近如
密雲聚集電光暫現如風吹雲電光不現彼
不捨汝汝必捨之如似夏盡孔雀毛羽悉皆
自落如寒既至鴻鶴遠池如阿輸伽樹華葉
盛時人所愛樂及其枯悴無有華葉人不顧
視猶如華幢貴者愛敬華萎縷絕而使棄之
即說偈言

無常不堅固 如芭蕉水沫 亦如浮雲散
天王尊勝位 危脆亦如是 人帝應當知
貪利極速駛 如水注深谷 嗜欲極輕疾
動轉如掉索 愚癡深爲谷 不覺致墮落
尊者言大王我今爲王略說譬喻諸有生死

苦味過患王至心聽昔日有人行在曠路逢
大惡象爲象所逐狂懼走突無所依怙見一
丘井即尋樹根入井中藏有白黑鼠牙齧樹
根此井四邊有四毒蛇欲螫其人而此井下
有大毒龍傍畏四蛇下畏毒龍所攀之樹其
根動搖樹上有蜜五滴墮其口中于時動樹
撐壞蜂巢衆蜂散飛咬螫其人有野火起復
來燒樹大王當知彼人苦惱不可稱計王愁
憂厭惡而言彼人得味甚少苦患甚多其所
味者如牛跡水其所苦患猶如大海味如芥
子苦如須彌味如螢火苦如日月如藕根孔
比於大虛亦如蚊子比金翅鳥其味苦惱多
少如是尊者言大王曠野者喻於生死彼男
子者喻於凡夫象喻無常丘井喻於人身樹
根喻人命白黑鼠者喻晝夜齧樹根者喻念

念滅四毒蛇喻四大蜜者喻五欲。經蜂喻惡
覺觀野火燒者喻老下毒龍者喻死。是故當
知欲味甚少苦患甚多。生老病死於一切人
皆得自在。世間之人身心勞苦無歸依處。眾
苦所逼。輕疾如電。是可憂愁。不應愛著。大王
今我語王言。雖麤惡實是利益。王聞是語。衣
毛皆豎。悲喜交集。涕泣流淚。即起合掌。五體
投地。白尊者言。我之嬰愚。無有智慧。我之下
賤。作斯狂言。如是狂言。聽我懺悔。尊者言。我
於今者。以忍出家。無不忍受。我心清淨。猶如
秋月。淨無雲翳。王今懺悔。願使大王猶如天
帝。得見道跡。王大歡喜。與諸眷屬。作禮還宮。

賓頭盧突羅闍為優陀延王說法緣經

請賓頭盧經

宋 三 藏 慧 簡 譯

天竺國有優婆塞國王長者共設一切會常請賓頭盧頗羅墮誓阿羅漢賓頭盧者字也頗羅墮誓者姓也其人爲樹提長者現神足故佛擯之不聽涅槃勅令爲末法四部衆作福田請時於靜處燒香禮拜向天竺摩犁山至心稱名言大德賓頭盧頗羅墮誓受佛教勅爲末法人作福田願受我請於此處食若新作屋舍亦應請之言願受我請於此舍牀敷上宿若普請衆僧洗浴時應請之言願受我請於此洗浴及未明前具香湯淨水澡豆楊枝香油調適冷暖如人浴法開戶請入然後閉戶如人浴訖頃衆僧乃入凡會食洗浴要須一切請僧至心求解脫不疑不昧信心

清淨然後可屈近世有長者聞說賓頭盧阿羅漢受佛教勅爲末法作福田即如法施設大會至心請賓頭盧毘毘下徧布華欲以驗之大衆食訖發毘毘華皆萎懊惱自責不知過所從來更復精竭審問法師重設大會如前華亦復萎復更傾竭盡家財產復作大會猶亦如前懊惱自責更請百餘法師求請所失懺謝罪過始向上座一人年老四布悔其愆咎上座告之汝三會請我我皆受請汝自使奴門中見遮以我年老衣服弊壞謂是被擯隸滯沙門不宜見前我以汝請欲強入汝奴以杖打我頭破額右角瘡是第二會亦來復不見前我又欲強入復打我頭額中瘡是第三會亦來如前被打額左角瘡是皆汝自爲之何所懊悅言已不現長者乃知是賓頭

盧自爾已來諸人請福皆不敢復遮門若得
賓頭盧其座華即不萎若新立房舍牀榻欲
請賓頭盧時皆當香湯灑地燃香油燈新牀
新褥奮綿敷之以白練覆綿上初夜如法請
之閉房慎勿輕慢闕看皆各至心信其必來
精誠感徹無不至也來則褥上現有卧處浴
室亦現用湯水處受大會請時或在上座或
在中座或在下座現作隨處僧形人求其異
終不可得去後見座華不萎乃知之也

請賓頭盧經

大勇菩薩分別業報略經

宋天竺三藏僧伽跋摩譯

最勝無上尊	知見悉具足	是故稽首禮
及法應真僧	我今撰安住	知見具足說
五趣所緣起	由淨不淨業	普為諸世間
開示契經義	隨智力所及	分別業果報
佛以法自覺	諸天咸勸請	即至波羅柰
演暢真諦義	謂苦及苦因	苦集究竟滅
八正悉具足	盡苦清淨道	無上人中尊
說苦業果報	從是轉相生	煩惱及諸業
種種相煩惱	無量諸業行	次第略分別
隨順大仙說	契經所顯示	不違諸法相
真實決定義	慧者當受持	非自在所作
果報非無因	亦非自性起	亦不從時生
自在天無因	自性及與時	以果有勝劣

當知彼非因	無知生煩惱	從是起諸業
因業開眾趣	今當說差別	造諸不善業
隨業入惡道	彼諸罪眾生	閻王慈悲說
生老病死苦	王法所拘執	汝見彼天使
何不生勝覺	惠施清淨戒	能調身口意
汝為何所求	而不發上願	不幸遇惡友
唯聞非法事	增我貪恚癡	何由起淨業
汝曾不修善	但作諸惡行	不覺罪報至
今來入地獄	爾時諸獄卒	即執罪眾生
驅向地獄門	恐怖身毛豎	等活若黑繩
眾合二叫呼	無擇大地獄	燒熱及大熱
土海及糞池	鋒利劒葉林	刀道劒枝樹
灰河鐵鑊獄	造諸惡業者	生此泥犁中
今當說彼業	苦報差別相	等活死復生
經歷億千劫	今聞結怨憎	互相傷害故

陷人以非道	兩舌離親友	讒謗及妄語
死墮黑繩獄	屠捕及餘殺	死入衆合獄
諸山所磨切	身碎血髓流	爲政無慈惻
峻法多因緣	廣設諸方便	種種加楚毒
亦入衆合獄	隨業受苦報	輪轉崩山芒
鐵石所磨擣	隨貪恚癡怖	聽訟違枉直
亦入衆合獄	鐵輪斷其身	自恃強力勢
嶮暴陵孤弱	亦生衆合獄	黑象競來踐
逼迫多人衆	令彼大號泣	死墮叫呼獄
舉身常洞燃	斗秤欺誑人	心惡而口善
言行無誠實	入大叫呼獄	呼哉大呼獄
見者身毛豎	於中受劇苦	寄付不還故
非法言是法	見法言非法	邪見無因果
悔傲謗賢聖	如是諸人等	死入無擇獄
父母賢善人	沙門婆羅門	犯忤令憂惱

死入熱地獄	父母賢善人	沙門婆羅門
惡心加苦痛	死入不熱獄	出家清淨行
虧犯律儀戒	展轉相形毀	死入熱土海
越禁捨正命	邪諂營穢生	死入熱糞池
毒蟲貫骨髓	畋獵焚林澤	燒害陸衆生
死入火劍獄	燒剝斷支節	誘取諸衆生
詐親害其命	烏鴉群餓狗	競來食其肉
毀壞正法橋	導人非法行	死經利刀道
截足斷肌骨	長身百足蟲	貌像端正女
纏身啞髓腦	由彼邪婬故	於他婦女身
摩觸深捺著	驅上劍枝樹	往還貫身體
種種設方便	殺諸水蟲類	死入沸灰河
舉身悉糜爛	吞食熱鐵丸	融銅灌其口
鐵釘釘其身	盜竊他財故	增上十不善
神逝入地獄	盜罪墮畜生	餘則入餓鬼

志僧不善行	心常樂惡法	見他苦隨喜
死作閻羅卒	已說諸業行	重者入地獄
今當說畜生	餓鬼業果報	身三口四過
及意三不善	此業若非增	死墮畜生趣
多欲生鵝鴿	孔雀鴛鴦鳥	愚癡業所生
蛆蟻飛蛾等	無智好打縛	報生象馬中
或復作牛羊	麋鹿諸野獸	瞋恨作蛇
蜂蠍毒蟲類	憍慢自矜高	惡心密懷害
報生舍羅婆	及作虎師子	虛傲踈峻報
猪狗驢狐狼	慳恡不惠施	嫉忌多憎惡
輕躁心不住	死墮猿猴中	強顏少羞耻
無節多言說	隨業獲果報	後受鳥鳥身
邪貪無厭足	兩舌離親友	後受猫狸身
或作熊羆等	修行大布施	急性多瞋怒
不依正憶念	後作大力龍	能修大布施

高心陵憐人	由斯業行生	大力金翅鳥
劫盜賢善人	飲食諸餽饈	墮富單那鬼
食糞及死屍	欺怖愚狂劣	疾病諸貧乞
後作富提鬼	常食諸胎網	顰蹙鄙陋行
慳惜多貪求	死作賤餓鬼	形體甚黑瘦
慳貪不布施	或施還自毀	死墮食吐鬼
唯膳膿涕唾	自不修福慧	毀他行布施
慳惜甘麤澀	樂習鄙穢行	居伏竇下流
恒食諸不淨	常希他人物	有財不食用
寧棄不行施	死墮瞋餓鬼	好發他陰私
害人取財物	餘罪墮餓鬼	常食人精氣
麤言觸惱人	好發他陰私	剛強難調伏
生欲口餓鬼	熾然他鬪訟	積財常恐盡
無慈性剛強	後作食蟲鬼	常噉諸蛾蟻
舉身皆火然	抑止他人施	有財不肯捨

生作巨身鬼	腹大咽如針	不施不自食
積聚為子孫	以此業緣故	復生輕餓鬼
子孫為修福	因是得信食	若為聚落主
逼取多財施	死作鳩槃荼	飲食常隨意
若多殺衆生	以肉為施惠	餘罪作羅刹
常得衆美食	微恚少憂感	常作修布施
香華自嚴身	好作諸妓樂	後作乳闍婆
為天執樂神	為利而行施	多瞋好兩舌
後作毗舍闍	其身甚醜陋	鬚髮而赤眼
利爪長牙齒	逼他取財物	而以廣行施
性樂心輕躁	生為負多鬼	多瞋性難滿
好樂修布施	嗜酒喜歌舞	後生作地神
輿乘獻父母	給施親善人	稟性多慳悛
生作遊空神	宅舍乘飲食	以此修惠施
生作虛空神	常與宮殿俱	我已略分別

填八

十五

畜生餓鬼趣	今當次第說	善道人天果
修種種淨行	後生善趣中	隨業受果報
今當如實說	天人阿脩羅	欲求長壽者
不害生為本	慧者應當知	慈愍不害生
樂修諸功德	堅固不傾動	所生離諸難
於諸群生類	不捶打繫縛	由斯不惱業
所生常無病	未曾修布施	亦不盜他財
所生常短乏	多求而少獲	能廣行布施
而復奪他物	所生常得財	隨得尋復失
常不盜他物	時復行少施	方便獲財利
所得恒不失	常不盜他物	兼復廣行施
所生輒大富	得財常不失	決定修齋戒
所生遇正法	衆見悉愛樂	名聞普流布
身心常安樂	易滿知止足	夷泰無憂惱
質直修正行	欲報所生恩	信心修福業

隨其所生處	常得父餘財	若以飲食施
長壽好色力	辯慧多財寶	無病心安樂
施衣得慚愧	神儀高勝尊	人相悉具足
覩者莫不欣	其身常安隱	心適恒喜歡
施屋得舍宅	宮殿極嚴麗	寶藏悉盈滿
眾具隨所欲	若施井浴池	及與淨水漿
生生無渴乏	所欲常隨意	橋船濟未度
履屐施徒跣	常得象馬車	是則人中天
若以園林施	常獲勝妙果	一切所依蔭
心安無熱惱	眾人所愛樂	眷屬悉具足
若人施醫藥	後生得無病	長壽常安樂
具足色力財	無量百千世	不經疫病劫
終遇法醫王	永拔生死根	造厠除眾穢
後無便利患	身心常清淨	見者莫不歡
緣是離諸垢	究竟獲大安	若為生天施

增八

十六

或復求名聞	酬恩及望報	恐怖故行施
獲果不清淨	所受多麤澀	祖先建立施
子孫續不絕	所生蒙遺慶	無量餘財寶
常歎施功德	有財而不捨	所生恒貧匱
欲施無財物	常歎布施德	愍念常周恤
所生得大富	不樂修福業	常樂修智慧
而不行布施	所生常聰哲	貧窶無財產
唯樂行布施	而不修智慧	所生得大財
愚闇無智見	施慧二俱修	所生具財智
二俱不修者	長夜處貧闇	布施無正信
後得饒財物	所受悉麤澀	其心常樂著
深信行施惠	生得上財寶	所受皆莊嚴
其心常愛樂	善知良福田	恭敬歡喜施
所生眷屬和	俱受安樂報	心常輕布施
慢意供福田	後生多財物	雖得不能用

瓦器無異聞	衆所不敬慕	心不輕布施
恭敬修福慧	生得殊勝財	親族悉宗敬
隨所應惠施	其心常歡喜	生得如意財
以道而受用	乘理獲財物	智慧修布施
財寶自然至	所得皆不失	時施無留難
明解修福慧	<small>境八</small> 少求多所獲	<small>十七</small> 常得應時物
若人修淨行	遠離他所愛	生得賢良妻
容德悉具足	慧者常遠離	非處非時行
心安身無過	具足丈夫法	清淨修梵行
賢聖所稱讚	受身常鮮潔	令聞遠流布
衆人所瞻仰	諸天咸供養	若人於此世
遠酒離迷亂	強志不忘誤	義辯得無異
若人不妄語	至誠不虛欺	受身悉具足
不染惡名稱	若人不兩舌	方便善和諍
生爲人中尊	眷屬常不壞	若人不惡口

美言悅衆聽	恒聞清淨音	宣揚勝妙法
若人於此世	遠離無義言	誠實及應時
知量饒益說	後生言常正	聞者樂信行
若不貪他物	未曾起求想	所生心安樂
常得天勝財	若不起瞋恚	打縛惱逼心
常好修慈忍	後生昇梵天	若人於今世
深信具正見	有無真實說	習近善知識
後生天中上	慧光踰日月	如上所宣說
無量清淨業	隨行各受生	世間種種報
若欲求大利	名稱生天樂	無常求堅固
當勤修德本	作淨不淨業	莊嚴種種果
若生人道中	雜受黑白報	童子及盛壯
中年衰老時	斯各隨本緣	迭受苦樂報
諸業作已增	是則次第受	雖作不增長
久乃獲果報	若人施不恒	中間致貧賈

若常修惠施	富樂無窮已	若人多瞋恚
後生恒醜陋	慈忍無忿怒	受身常端正
若人不修慧	所生常癡闇	好智習多聞
明哲遇賢聖	若能伏憍慢	轉身生勝族
愚惑自矜高	常生卑賤中	諂諛致身曲
訛言形矧陋	見聖心不喜	所生常愚癡
瘖瘂不能言	目盲無所見	尊長師善友
慈心安慰說	默捨不聽受	所生常聾聵
洗浴諸有德	供養妙香華	斯人所受生
身相悉端嚴	肌體極柔輒	淨如鍊真金
污所不應污	邪行犯非處	害形毀衆生
由斯受閻身	若人於今世	愛欲心熾然
身口及諸根	盡習婦人法	後常受女身
多欲不聰慧	若人施燈燭	演說清淨道
迷者示正路	等愛視衆生	後得清淨眼

明徹無障礙	子愛視衆生	哀愍諸貧病
所生多子孫	如月在衆星	慈母乳嬰兒
奉齋修淨行	懷妊他所愛	一切悉不犯
由斯淨業故	生得多姪女	圍遶自娛樂
猶如天帝釋	虔敬禮父母	恭肅諸所尊
後生常高貴	身體極柔輒	若人於今世
堅固持律行	後得不動財	猶如雪山王
若人於今世	常不越儀法	若彼求不求
等施令滿足	後生得妙相	師子方頰車
具足無盡財	如海珍寶渚	身口意清淨
兼復行布施	於他無嫉心	已財不守護
由斯業行報	後生鬱單越	若人慕名聞
及求生天樂	依憑善師學	身口意清淨
所有諸財物	愛樂加守護	由斯業緣故
後生四王家	若人於今世	志強不隨人

所行多幻偽	亦修諸善法	樂觀他闢訟
兼行好布施	由斯業緣故	後作阿脩羅
孝順淨供養	父母諸尊長	忍辱少瞋恨
不樂觀鬪訟	由斯業緣故	後生忉利天
若人自不闢	亦不觀他諍	精勤修善法
得作夜摩天	於身善觀察	好學集多聞
專精思惟義	樂修淨功德	由斯業緣故
後生兜率天	修習勝布施	樂誦諸經典
方便行善法	自力不由他	慇懃精進故
後生化樂天	修行勝布施	善攝護諸根
精勤不退轉	欣樂他功德	由斯業緣故
後生他化天	捨離熾然欲	修習四梵行
離生欣樂俱	轉身生梵宮	又離覺觀心
亦度離生喜	定生喜樂俱	上生光音天
離定生喜樂	一向與樂俱	捨念三摩提

生彼徧淨天	悉已度苦樂	不苦不樂俱
捨及清淨念	得生廣果天	覺知雜想過
及獸五種有	深愛著無想	生彼無想天
世俗及無漏	修習諸熏禪	熏禪正受力
生五淨居天	修習輒中品	無煩無熱天
修習上三品	次生三淨天	如是次第上
乃至色究竟	依色無常想	起修無量空
次觀無量識	捨至無所有	久離無所有
乃至非非想	我已說生死	有有果報等
於彼業果報	慧者當觀察	應修清淨業
離苦疾受樂	已說諸生死	種種業差別
非自在天生	亦非自然有	非時非無因
唯從煩惱起	觀彼有無常	慧者不染著
出離諸縛繫	永到安隱處	

音釋

停

弱女耕切

撐

斜丑庚切

也

弱也

也

愚也

策

即委同切

窠

與苦禾切

也

也

也

也

喻

許及同切

舍

與吸同切

窠

其矩切

也

也

婆

梵語此云

羅

與吸同切

窠

其矩切

也

也

寢

與莫同切

窠

其矩切

也

也

也

也

姓

與莫同切

窠

其矩切

也

也

也

也

阨

與莫同切

窠

其矩切

也

也

也

也



坐禪三昧法門經

姚秦法師羅什譯

坐禪三昧法門經



清刻龍藏佛說法變相圖

坐禪三昧法門經卷上

墳九

僧 伽 羅 刹 造
姚 秦 法 師 羅 什 譯

九孔常流惡	亦如怨初善	以此可悟意	此王天人中	共釋天王坐	如華鬘枯朽	愚惑為所欺	是身屬老死	法無有常者	常為恩愛奴	小人所惡聞	導師說難遇
亦如那利瘡	滅族禍在後	諸欲初軟樂	欲樂具為最	報利福弘多	毀敗無所直	汝常為老賊	眾病之所歸	一切不久留	處畏癡不懼	眾生可愍傷	聞者喜亦難
絕治於醫藥	是身為穢器	後皆成大苦	死時極苦痛	今日悉安在	頂生王功德	吞滅盛壯色	薄皮覆不淨	暫現如電光	世界若小大	墜老死險路	大人所樂聽

骨車力甚少	筋脉纏識轉	汝以為妙乘
忍著無羞恥	死人所聚處	委棄滿塚間
生時所保惜	死則皆棄捐	常當念如是
一心觀莫亂	破癡倒黑暝	執炬以明觀
若捨四念止	心無惡不造	如逸象無鈎
終不順調道	今日營此業	明日造彼事
樂著不觀苦	不覺死賊至	忽忽為已務
他事亦不開	死賊不待時	至則無脫緣
如鹿渴赴泉	以飲方向水	獵師無慈惠
不聽飲竟殺	癡人亦如是	勤修諸事務
死至不待時	誰當為汝護	人心期富貴
五欲情未滿	諸大國王輩	無得免此患
仙人持呪箭	亦不免死王	無常大象踏
蟻垤與地同	且置一切人	諸佛正真覺
越度生死流	亦復不常在	以是故當知

汝所可愛樂	悉應早捨離	一心求涅槃
後捨身死時	誰當證知我	復得遇法寶
及以不遇者	久久佛日出	破大無明冥
以放諸光明	示人道非道	我從何所來
從何處而去	何處得解脫	此疑誰當明
佛聖一切智	<small>境九</small> 久遠乃出世	一心莫放逸
能破汝疑結	彼不樂實利	好著弊惡心
汝為衆生長	當求實法相	誰能知死時
所趨從何道	譬如風中燈	不知滅時節
至道法不難	大聖指事說	說智及智處
此二不假外	汝若不放逸	一心常行道
不久得涅槃	第一常樂處	利智親善人
盡心敬佛法	猒穢不淨身	離苦得解脫
閑靜修寂志	結跏坐林間	檢心不放逸
悟意覺諸緣	若不猒有中	安睡不自寤

不念世非常	可畏而不懼	煩惱深無底
生死海無邊	度苦船未辦	安得樂睡眠
是以當覺悟	莫以睡覆心	於四供養中
知量知止足	大怖俱未免	當宜勤精進
一切苦至時	悔恨無所及	衲衣坐樹下
如所應得食	勿為貪味故	而自致毀敗
食過知味處	美惡都無異	愛好生憂苦
是以莫造愛	行業世界中	美惡無不更
一切已具受	當以是自抑	若在畜獸中
飼草為具味	地獄吞鐵丸	然熱劇迸鐵
若生薜荔中	膿吐火糞尿	洩唾諸不淨
以此為上味	若在天宮殿	七寶宮觀中
天食酥醃味	天女以娛心	人中豪貴處
七饌備眾味	一切曾所更	今復何以受
往返世界中	獸更苦樂事	雖未得涅槃

當勤求此利
 學禪之人初至師所師應問言汝持戒淨不
 非重罪惡邪不若言五眾戒淨無重罪惡邪
 次教道法若言破戒應重問言汝破何戒若
 言重戒師言如人被截耳鼻不須照鏡汝且
 還去精勤誦經勸化作福可種後世道法因
 緣此生永棄譬如枯樹雖加澆灌不生華葉
 及其果實若破餘戒是時應教如法懺悔若
 已清淨師若得天眼他心智即為隨病說趣
 道之法若未得通應當觀相或復問之三毒
 之中何者偏重婬欲多耶瞋恚多耶愚癡多
 耶云何觀相若多婬相為人輕便多畜妻妾
 多語多信顏色和悅言語便易少於瞋恨亦
 少愁憂多能技術好聞多識愛著文頌善能
 談論能察人情多諸畏怖心在房室好著薄

衣渴欲女色愛著卧具服飾香華心多柔軟
能有憐愍美於言語好修福業意樂生天處
眾無難別人好醜信任婦女欲火熾盛心多
悔變喜自莊飾好觀彩畫慳惜已物僥倖他
財好結親友不喜獨處樂著所止隨逐流俗
乍驚乍懼志如獼猴所見淺近作事無慮輕
志所為趣得適意喜啼喜哭身體細軟不堪
寒苦易沮易悅不能忍事少得大喜少失大
憂自發伏匿身温汗臭薄膚細髮多皺多白
剪爪治鬚白齒趨行喜潔淨衣學不專一好
遊林花多情多求意著常見附近有德先意
問訊喜用他語強顏耐辱聞事速解所為事
業分別好醜愍傷苦厄自大好勝不受侵陵
喜行施惠接引善人得美飲食與人共之不
在近細志在遠大眼著色欲事不究竟無有

遠慮知世方俗觀察顏色逆探人心美言辯
慧結友不固頭髮稀疎少於睡眠坐卧行立
不失容儀所有財物能速救急尋後悔惜愛
義疾得尋復喜忘惜於舉動難自改變難得
離欲作罪輕微如是種種是婬欲相瞋恚人
相多於憂惱卒暴懷忿身口麤穢能忍眾苦
觸事不可多愁少歡能作大惡無憐愍心喜
為鬪訟顏貌毀悴皺眉眄眦難語難悅難事
難可其心如瘡面宣人鬪義論強梁不可折
伏難可傾動難親難沮含毒難吐受誦不失
多能多巧心不懶惰造事疾成持望不語意
深難知受恩能報又能聚眾自伏事人不可
沮敗能究竟事難可干亂少所畏難譬如師
子不可屈伏一向不迴直造直進憶念不忘
多慮思惟誦習憶持能多施與小利不迴為

師利根離欲獨處少於婬欲心常懷勝愛著
斷見眼常惡視真實言語說事分了少於親
厚爲事堅著堅憶不忘多於筋力肩胛大
廣額齊髮心堅難伏疾得難忘能自離欲喜
作重罪如是種種是瞋恚相愚癡人相多疑
多悔嬾惰無見自滿難屈慢難受可信不
信非信而信不知恭敬處處信向多師輕躁
無羞搪揆作事無慮反教很戾不擇親友不
自修飾好師異道不別善惡難受易忘鈍根
懈怠訶謗行施心無憐愍破壞法橋觸事不
了瞋目不視無有智巧多求希望多疑少信
憎惡好人破罪福報不別善言不能解過不
受誨喻親離憎怨不知禮節喜作惡口鬚髮
爪長齒衣多垢爲人驅役畏處不畏樂處而
憂憂處而喜悲處反笑笑處反悲牽而後隨

能忍苦事不別諸味難得離欲爲罪深重如
是種種是愚癡相若多婬欲人不淨法門治
若多瞋恚人慈心法門治若多愚癡人思惟
觀因緣法門治若多思覺人念息法門治若
多等分人念佛法門治諸如是等種種病種
種法門治

第一治婬欲法門

婬欲多人習不淨觀從足至髮不淨充滿髮
毛爪齒薄皮厚皮血肉筋脉骨髓肝肺心脾
腎胃大腸小腸屎尿涕唾汗淚垢坵膿腦胞
膽痰水微膚脂肪腦膜身中如是種種不淨
復次不淨觀者觀青瘀胖脹破爛血流塗漫
臭膿噉食不盡骨散燒焦是謂不淨觀復次
多婬人有七種愛或著好色或著端正或著
儀容或著音聲或著細滑或著衆生或都愛

著若著好色當習青瘀觀法黃赤不淨色等亦復如是若著端正當習胖脹身散觀法若著儀容當觀新死血流塗骨觀法若著音聲當習噎塞命斷觀法若著細滑當習骨觀及乾枯病觀法若愛衆生當習六種觀若都愛著一切徧觀或時作種種更作異觀是名不淨觀問曰若身不淨如臭腐死者何從生著若著淨身臭腐爛身亦當應著若不著臭身淨身亦應不著二身等故答求二實淨俱不可得人心狂惑爲顛倒所覆非淨計淨若顛倒心破便得實相法觀便知不淨虛誑不眞復次死屍無火無命無識無有諸根人諦知心不生著以身有暖有命有識諸根完具心倒惑著復次心著色時謂以爲淨愛著心息即知不淨若是實淨應當常淨而今不然如

狗食糞謂之爲淨以人觀之甚爲不淨是身內外無一淨處若著身外身外薄皮舉身取之裁得如柰是亦不淨何況身內三十六物復次推身因緣種種不淨父母精血不淨合成既得爲身常出不淨衣服牀褥亦臭不淨何況死處以是當知生死內外都是不淨下此經本至二門初復次淨觀亦有三品或初習行或已習行或久習行若初習行當教言作破皮想除却不淨當觀赤骨人繫意觀行不令外念外念諸緣攝念令還若已習行當教言想却皮肉盡觀頭骨不令外念外念諸緣攝念令還若久習行當教言身中一寸心却皮肉繫意五處頂上額上眉間鼻端心處如是五處住意觀骨不令外念外念諸緣攝念令還常念觀心心出制持若心疲極住念所緣捨外

守住譬如獼猴被繫在柱極乃住息所緣如柱念如繩鎖心喻獼猴亦如乳母常觀嬰兒不令墮落行者觀心亦復如是漸漸制心令住緣處若心久住是應禪法若得禪定即有三相身體和悅柔輒輕便白骨流光猶如白珂心得靜住是爲淨觀是時便得色界中心是名初學禪法得色界心心應禪法即是色界法心得此法身在欲界四大極大柔和快樂色澤淨潔光潤和悅是謂悅樂二者向者骨觀白骨相中光明徧照淨白色三者心住一處是名淨觀除肉觀骨故名淨觀如上三相皆自知之他所不見上三品者初習行先未發意已習行三四身修久習行百年身學

第二治瞋恚法門

若瞋恚偏多當學三種慈心法門或初習行

或已習行或久習行若初習行者當教言慈及親愛云何及親願與親樂行者若得種種身心快樂寒時得衣熱時得涼飢渴得飲食貧賤得富貴行極時得止息如是種種樂願親愛得繫心在慈不令異念異念諸緣攝之令還若已習行當教言慈及中人云何及中人而願與樂行者若得種種身心快樂願中人得繫心在慈不令異念異念諸緣攝之令還若久習行當教言慈及怨憎云何及彼而與其樂行者若得種種身心快樂願怨憎得與與親同同得一心心大清淨親中怨等廣及世界無量衆生皆令得樂周徧十方靡不同等大心清淨見十方衆生皆如自見在目前了了見之受得快樂是時即得慈心三昧問曰親愛中人願令得樂怨憎惡人云何

憐愍復願與樂答曰應與彼樂所以者何其
 人更有種種好事清淨法因我今云何豈可
 以一怨故而沒其善復次思惟是人過去世
 時或是我親善豈以今瞋便生怨惡我當忍
 彼是我善利又念行法仁德含弘慈力無量
 此不可失復思惟言若無怨憎何因生忍生
 忍由怨怨則我之親善復次瞋報最重衆惡
 中上無有過是以瞋加物其毒難制雖欲燒
 他實是自害復自念言外被法服內習忍行
 是謂沙門豈可惡聲變色縱此蔽心復次五
 受陰者衆苦林藪受惡之的苦惱惡來何由
 可免如刺刺身刺有無量衆怨甚多不可悉
 除當自守護著忍革疑如佛言曰
 以瞋報瞋 瞋還著之 瞋恚不報 能破大軍
 能不瞋恚 是大人法 小人瞋恚 難動如山

瞋為重毒 多所殘害 不得害彼 自害乃滅
 瞋為大瞋 有目無覩 瞋為塵垢 染汙淨心
 如是瞋毒 當急除滅 毒蛇在室 不除害人
 如是種種 瞋恚無量 當習慈心 除滅瞋恚
 是為慈三昧門

第三治愚癡法門

若愚癡偏多當學三種思惟法門或初習行
 或已習行或久習行若初習行當教言生緣
 老死無明緣行如是思惟不令外念外念諸
 緣攝之令還若已習行當教言行緣識識緣
 名色名色緣六入六入緣觸觸緣受受緣愛
 愛緣取取緣有如是思惟不令外念外念諸
 緣攝之令還若久習行當教言無明緣行行
 緣識識緣名色名色緣六入六入緣觸觸緣
 受受緣愛愛緣取取緣有有緣生生緣老死

如是思惟不令外念外念諸緣攝之令還問
曰一切智人是有明一切愚人是無明是中
云何無明答曰無明名一切不知此中無明
能造後世有有者無無者有棄諸善取諸惡
破實相著虛妄如無明相品中說

不明自蓋法

續九

不知道德業

十

而作結使因

如火鑽燧生

惡法而心著

遠棄於善法

奪衆生明賊

去來明亦劫

常樂我淨想

計於五陰中

苦集盡道法

亦復不能知

種種惱險道

盲人入中行

煩惱故業集

業故苦流迴

不應取而取

應取而反棄

馳闇逐非道

蹴株而躡地

有目而無慧

其喻亦如是

是因緣滅故

智明如日出

如是畧說無明乃至老死亦如是問曰佛法

中因緣甚深云何癡多人能觀因緣答曰二

種癡人一如牛羊二種種邪見疑惑闇蔽邪
見癡人佛為此說當觀因緣以習三昧

第四治思覺法門

若思覺偏多當習阿那般那三昧法門有三
種學人或初習行或已習行或久習行若初
習行當教言一心念數入息出息若長若短
數一至十若已習行當教言數一至十隨息
入出息與息俱止心一處若久習行當教言
數隨止觀轉觀清淨阿那般那三昧六種門
十六分云何為數一心念入息入息至竟數
一出息至竟數二若未竟而數為非數若數
二至九而誤更從一數起譬如算人一一為
二二二為四三三為九問曰何以故數答曰
無常觀易得故亦斷諸思覺故得一心故身
心生滅無常相似相續難見入息出息生滅

續九

十一

無常易知易見故復次心繫在數斷諸思覺
思覺者欲思覺恚思覺惱思覺親里思覺國
土思覺不死思覺欲求淨心入正道者先當
除却三種麤病次除三種細病除六覺已當
得一切清淨法譬如採金沙先除麤石沙然
後除細石沙次第得細金沙問曰云何爲麤
病云何爲細病答曰欲瞋惱覺是三名麤病
親里國土及不死覺是三名細病除此覺已
得一切清淨法問曰未得道者結使未斷六
思覺強從心生亂云何能除答曰心猒世間
正觀能遮而未能拔後得無漏道能拔結使
根本何謂正觀

見多欲人求欲苦 得之守護是亦苦
失之憂惱亦大苦 心得欲時無滿苦
欲無常空憂惱因 衆共有此當覺棄

譬如毒蛇入人室 不急除之害必至
不定不實不貴重 種種欲求顛倒樂
如六神通阿羅漢 教誨欲覺弟子言
汝不破戒戒清淨 不共女人同室宿
欲結毒蛇滿心室 纏綿愛喜不相離
既知身戒不可毀 而心常共欲火宿
汝是出家求道人 何緣縱心乃如是
父母生養長育汝 宗親恩愛共成就
咸皆涕泣戀惜汝 汝能捨離不顧念
而心常在欲覺中 共欲嬉戲無猒心
常樂欲火共一處 歡喜愛樂不暫離
如是種種訶欲覺如是種種正觀除欲覺問
曰云何滅瞋恚覺答曰
從胎中來生常苦 是中衆生莫瞋惱
若念瞋惱慈悲滅 慈悲瞋惱不相比

續九

十二

汝念慈悲瞋惱滅	譬如明闇不同處
若持淨戒念瞋恚	是人自毀破法利
譬如諸象入水浴	復以泥土塗全身
一切常有老病死	種種鞭笞百千苦
云何善人念眾生	而復加益以瞋惱
若起瞋恚欲害彼	未及前人先自燒
是故常念行慈悲	瞋惱惡念內不生
若人常念行善法	是心常習佛所念
是故不應念不善	常念善法勸樂心
今世得樂後亦然	得道常樂是涅槃
若心積聚不善覺	自失已利并害他
既自心中善法失	他有淨心亦復沒
譬如阿蘭若道人	舉手哭言賊劫我
有人問言誰劫汝	答言財賊我不畏
我不聚財求世利	誰有財賊能侵我

我集善根諸法寶 覺觀賊來破我利
 財賊可避多藏處 劫善賊來無處避
 如是種種訶瞋恚如是種種正觀除瞋恚覺
 問曰云何除惱覺答曰

世間眾生百千種	諸病更互恆來惱
死賊捕伺常欲殺	無量眾苦自沉沒
云何善人復加惱	讒謗謀害無慈仁
未及傷彼被殃身	俗人起惱是可恕
此事世法惡業固	亦不自言我修善
求清淨道出家人	而生瞋恚懷嫉心
清冷雲中放毒火	當知此惡罪極深
阿蘭若人興嫉妬	有阿羅漢他心智
教誡苦責汝何愚	嫉妬自破功德本
若求供養當自集	諸功德本莊嚴身
若不持戒禪多聞	虛假染衣壞法身

實是乞兒幣惡人 云何而求供養利
飢渴寒熱百千苦 衆生常因此諸惱
身心苦厄無窮盡 云何善人加諸惱
譬如病瘡以針刺 亦如獄囚拷未決
苦厄纏身衆惱集 云何慈悲更令劇
如是種種訶惱覺如是種種正觀除惱覺問
曰云何除親里覺答曰應如是念世界生死
中自業緣牽何者是親何者非親但以愚癡
故橫生著心計爲我親過去世非親爲親未
來世非親爲親今世是親過去非親譬如鳥
栖暮集一樹晨則隨緣各自飛去家屬親里
亦復如是生世界中各各自異心緣會故親
緣散故踈無有定實因緣果報共相親近譬
如乾沙緣手團握緣捉故合緣放故散父母
養子老當得報子蒙懷抱養育故應報若順

其意則親若逆其意是賊有親不能益而反
害有非親無損而大益人以因緣故而生愛
愛因緣故而更斷譬如畫師作婦女像還自
愛著此亦如是自生染著染著於外過去世
中汝有親里今世於汝復何所作汝亦不能
益過去親過去親不益汝兩不相益空念之
爲是親非親世界中不定無邊如阿羅漢教
新出家戀親弟子言如惡人吐食更欲還噉
汝亦如是汝已得出家何以還欲愛著是剃
髮染衣是解脫相汝著親里不得解脫還爲
愛所繫三界無常流轉不定若親非親雖今
親里久久則滅如是十方衆生迴轉親里無
定是非我親人欲死時無心無識直視不轉
行氣命絕如墮闇坑是時親里家屬安在若
初生時先世非親今強和合作親若當死時

復非親里如是思惟不當著親如人兒死一時三處父母俱時啼哭天上父母妻子謂人中爲虛誑龍中父母亦以人中爲虛誑如是種種正觀除親里覺問曰云何除國土覺答曰行者若念是國土豐樂安隱多諸好人恒爲國土覺繩所牽將去罪處覺心如是有若智人不應念著何以故國土種種過罪所燒時節轉故亦有飢餓身疲極故一切國土無常安者復次老病死苦無國不有從是間身苦去得彼處身苦一切國土去無不苦假有國土安隱豐樂而有結惱心生苦患是非好國土能除雜惡國土能薄結使令心不惱是謂好國土一切衆生有二種苦身苦心苦常有苦惱無有國土無此二惱復次有國土大寒有國土大熱有國土飢餓有國土多病有

國土多賊有國土王法不理如是種種國土之惡心不應著如是正觀除國土覺問曰云何除不死覺答曰應教行者若好家生若種族才伎力勢勝人一切莫念何以故一切死時不觀老少貴賤才伎力勢是身是一切憂惱諸因緣本自見少多壽若得安隱是爲癡人何以故是謂憂惱本依是四大四大造色如四毒蛇共不相應誰得安隱者出息期入是不可信復次人睡時欲期必覺是事難信受胎至老死事恒來求死時節言常不死云何可信譬如殺賊拔刀注箭常求殺人無憐愍心人生世間死力最大一切無勝死力强者若過去世第一妙人無能勝此死者現在亦無大智人能勝死者亦非輒語求非巧言誑可得避脫亦非持戒精進能却此死以是

故當知人命危脆不可恃莫信計常我當
久活是諸死賊常將人去不待老竟然後當
殺如阿羅漢教諸覺所惱弟子言汝何以不
知獸世入道何以作此覺有人未生便死有
生時死者有乳哺時有斷乳時有小兒時有
盛壯時有老時一切時中間死法界譬如樹
有華時便墮有果時墮有未熟時墮是故應
當勤力精進求安隱道大力賊共住不可信
此賊如虎巧覆藏身如是死賊常求殺人世
界所有空如水泡云何當言待時入道阿誰
能證言汝必老可得行道譬如險岸大樹上
有大風下有大水崩其根土誰當信此樹得
久住者人命亦如是少時不可信父如穀子
母如好田先世因緣罪福如雨澤衆生如穀
生死如收刈種種諸天子人王智德如天王

佐天闢破諸阿須倫軍種種受樂極高大明
還沒在黑闇以是故莫信命活言我今日當
作此明後當作是如是種種正觀除不死覺
如是先除麤思覺却後除細思覺心清淨先
得正道一切結使盡從是得安隱處是謂出
家果心得自在三業第一清淨不復受胎讀
種種經多聞是時得果報如是得時不空破
魔王軍使得第一勇猛名稱世界中煩惱將
去是不名健能破煩惱賊滅三毒火涼樂清
淨涅槃林中安隱高枕種種禪定根力七覺
清風四起顧念衆生沒三毒海妙力如是乃
名爲健如是等散心當念阿那般那學六種
法斷諸思覺以是故念數息問曰若餘不淨
念佛等四觀中亦得斷思覺何以故獨數息
答曰餘觀法寬難失故數息法急易轉故譬

如放牛以牛難失故守之少事如放獼猴易失故守之多事此亦是數息心數不得少時他念少時他念則失數以是故初斷思覺應數息已得數法當行隨法斷諸思覺入息至竟當隨莫數一出息至竟當隨莫數二譬如負債人債主隨逐初不捨離如是思惟是入息是還出更有異出息是還入更有異是時知入息異出息異何以故出息暖入息冷問曰入出息是一息何以故出息還更入故譬如含水水煖吐水水冷者還煖煖者還冷故答曰不爾內心動故有息出出已即滅鼻口引外則有息入入故息滅亦無將出亦無將入復次少壯老人少者入息長壯者入出息等老者出息長是故非一息復次臍邊風發相似相續息出至口鼻邊出已便滅譬

如蒲囊中風開時即滅若以口鼻因緣引之則風入是從新因緣邊生譬如扇眾緣合故則有風是時知入出息因緣而有虛誑不真生滅無常如是思惟出息從口鼻因緣引之而有入息因緣心動令生而惑者不知以為我息息者是風與外風無異地水火空亦復如是是五大因緣合故生識識亦如是非我有也五陰十二入十八界亦復如是如是知之逐息入息出是以名隨已得隨法當行止法止法者數隨心極住意風門念入出息問曰何以故止答曰斷諸思覺故心不散故數隨息時心不定心多劇故止則心閑少事故心住一處故念息出入譬如守門人門邊住觀人入出止心亦爾知息出時從臍心胃咽至口鼻息入時從口鼻咽胃心至臍如是繫

心一處是名爲止復次心止法中住觀入息時五陰生滅異出息時五陰生滅異如是心亂便除却一心思惟令觀增長是名爲觀法捨風門住離羸觀法離羸觀法知息無常此名轉觀觀五陰無常亦念入息出息生滅無常見初頭息無所從來次觀後息亦無跡處因緣合故有因緣散故無是名轉觀法除滅五蓋及諸煩惱雖先得止觀煩惱不淨心雜今此淨法心獨得清淨復次前觀異學相似行道念息入出今無漏道相似行善有漏道是謂清淨復次初觀身念止分漸漸一切身念止次行痛心念止是中非清淨無漏道遠故今法念止中觀十六行念入出息得煖法頂法忍法世間第一法苦法忍乃至無學盡智是名清淨是十六分中初入息分六種安

那般那行出息分亦如是一心念息入出若長若短譬如人怖走上山若擔負重若上氣如是比是息短若人極時得安息歡喜又如得利從獄中出如是爲息長一切息墮二處若長若短處是故言息長息短是中亦行安

實九
那般那六事念諸息徧身亦念息出入悉觀身中諸出息入息覺知徧至身中乃至足指徧諸毛孔如水入沙息出覺知從足至髮徧諸毛孔亦如水入沙譬如鞞囊入出皆滿口鼻風入出亦爾觀身周徧見風行處如藕根孔亦如魚網復次非獨口鼻觀息入出一切毛孔及九孔中亦見息入息出是故知息徧諸身除諸身行亦念入出息初學息時若身懈怠睡眠體重悉除棄之身輕柔軟隨禪定心受喜亦念息入出除懈怠却睡眠心重得

心輕柔軟隨彈定心受喜復次入身念止中
竟次行痛念止已得身念止實今更得痛念
止實受喜復次已知身實相今欲知心心數
法實相是故受喜亦念息入出受樂亦念息
入出是喜增長名為樂復次初心中生悅是
名喜後徧身喜是名樂復次初禪二禪中樂
痛名喜三禪中樂痛名受樂受諸心行亦念
息入出諸心生滅法心染法心不染法心散
法心攝法心正法心邪法如是等諸心相名
為心行心作喜時亦念息入出先受喜自生
不故作念心故作喜問曰何以故故作喜答
曰欲治二種心或散心或攝心如是作心得
出煩惱是故念法心作喜復次若心不悅勸
勉令喜心作攝時亦念息入出設心不定強
伏令定如經中說心定是道心散非道心作

解脫時亦念息入出若意不解強伏令解譬
如羊入蒼耳蒼耳著身人為漸漸出之心作
解脫諸煩惱結亦復如是是名心念止作解
脫觀無常亦念息入出觀諸法無常生滅空
無吾我生時諸法空生滅時諸法空滅是中
無男無女無人第九無作無受是名隨無常觀
有為法出散亦念息入出無常是名出散諸
有為法現世中出從過去因緣和合故集因
緣壞故故散如隨觀是名出散觀離欲結
亦念息入出心離諸結是法第一是名隨離
欲觀觀盡亦念息入出諸結使苦在在處盡
是處安隱是名隨盡觀觀棄捨亦念息入出
諸染愛煩惱身心五陰諸有為法棄捨是第
一安隱如是觀是名隨棄捨觀息入出是名
數息十六分也第五法門治等分行及重罪

人求索佛如是人等當教一心念佛三昧念
佛三昧有三種人或初習行或已習行或久
習行若初習行人將至佛像所或教令自往
諦觀佛像相好相明了一心憶持還至靜
處心眼觀佛像令意不轉繫念在像不令他
念他念攝之令常在像若心不住師當教言
汝當責心由汝受罪不可稱計無際生死種
種苦惱無不更受若在地獄吞飲洋銅食燒
鐵丸若在畜生食糞噉草若在餓鬼受飢餓
苦若在人中貧窮困厄若若在天上失欲憂
惱常隨汝故令我受此種種身惱心惱無量
苦惱今當制汝汝當隨我今繫汝一處我
終不復爲汝所困更受苦毒也汝常困我我
今要當以事困汝如是不已心不散亂是時
便得心眼見佛像相光明如眼所見無有異

也如是心住是名初習行者思惟是時當更
念言是誰像相則是過去釋迦牟尼佛像相
如我今見佛形像像亦不來我亦不往如是
心想見過去佛初降神時震動天地有三十
二大人相一者足下安平二者足下千輻輪
三者指長好四者足跟廣五者手足指合纒
網六者足趺高平好七者伊泥延鹿躡八者
平住手過膝九者陰馬藏相十者尼俱盧陀
身十一者一一孔一毛生十二者毛生上向
而右旋十三者身色勝上金十四者身光面
一丈十五者皮薄好十六者七處滿十七者
兩腋下平好十八者上身如師子十九者身
大好端直二十者肩圓好二十一者四十齒
二十二者齒白齊密等而根深二十三
者四牙白而大二十四者頰方如師子二十五者

味中得上味二十六者舌大廣長而薄二十七者梵音深遠二十八者迦陵頻伽聲二十九者眼紺青色三十者眼睫如牛王三十一者頂髻肉骨成三十二者眉間白毫長好右旋復次八十種小相一者無見頂二者鼻直高好孔不現三者眉如初生月紺琉璃色四者耳好五者身如那羅延六者骨際如鉤鎖七者身一時迴如象王八者行時足去地四寸而印文現九者爪如赤銅色薄而潤澤十者膝圓好十一者身淨潔十二者身柔軟十三者身不曲十四者指長圓纖十五者指紋如畫雜色莊嚴十六者脉深不現十七者踝深不現十八者身光潤澤十九者身自持不透迤二十者身滿足五月受胎二月生二十一者容儀備足二十二者住處安如牛王立不動二十三

威震一切二十四者一切樂觀二十五者面不長二十六者正容貌不撓色二十七者脣如頻夫針反婆果色二十八者面圓滿二十九者響聲深三十者臍圓深不出三十一者毛處處右旋三十二者手足滿三十三者手足如意舊言內外握者是三十四者手足紋明直三十五者手紋長三十六者手紋不斷三十七者一切惡心衆生見者皆得和悅色三十八者面廣姝三十九者面如月四十者衆生見者不怖不懼四十一者毛孔出香風四十二者口出香氣衆生遇者樂法七日四十三者儀容如師子四十四者進止如象王四十五者行法如鵝王四十六者頭如磨陀羅果此果不圓四十七者聲分滿足聲有六十種分佛皆具足四十八者牙利四十九無漢名故不得出也五十者舌大而赤

續九

三

五十一者舌薄五十二者毛純紅色色淨潔
 五十三者廣長眼五十四者孔門滿九孔門相具足
 五十五者手足赤白如蓮華色五十六者
 腹不現不出五十七者不失腹五十八者不
 動身五十九者身重六十者大身身六十一
 者身長六十二者手足滿淨六十三者四邊
 徧丈光明自照而行六十四者等視衆生
 六十五者不著教化不貪弟子六十六者隨
 衆聲滿不減不過六十七者隨衆音聲而爲
 說法六十八者語言無礙六十九者次第相
 續說法七十者一切衆生目不能諦視相知
 盡七十一者視無厭足七十二者髮長好七
 十三者髮旋好七十四者髮不亂七十五者
 髮不破七十六者髮柔軟七十七者髮青毗
 琉璃色七十八者髮絞柔上七十九者髮不

稀八十者曾有德字手足有吉字光明徹照
 無量世界初生行七步發口演要言出家勤
 苦行菩提樹下降伏魔軍後夜初明成等正
 覺光相分明遠照十方靡不周徧諸天空中
 弦歌供養散華雨香一切衆生咸敬無量獨
 步三界還顧轉身如象王迴觀視道樹初轉
 法輪天人得悟以道自證得至涅槃佛身如
 是感發無量專心念佛不令外念外念諸緣
 攝之令還如是不亂是時便得見一佛二佛
 乃至十方無量世界諸佛色身以心想故皆
 得見之既得見佛又聞說法言或自請問佛
 爲說法解諸疑網既得佛念當復念佛功德
 法身無量深慧無崖底智不可計德多陀阿
 伽度多陀此言如阿伽度言解亦言實語又
 伽言諸餘聖人安隱道來佛如是來復次
 更不來阿黎阿黎此言賊呵言殺佛
 後有也阿黎實九呵以忍辱爲鎧精進爲堅

半禪定為弓智慧為箭殺
 三藐此言真實三佛陀言一切覺覺苦因習
 三藐因道正解見四實不可轉了盡無餘故
 言真實^覺一切^輒伽^除夜^遮羅^那
 也^行清淨之^行獨成^無三^般那^此善^行明^三明
 師大覺故言明善行也^三般^那此^言宿^伽陀
 此言善解亦名善因^路伽^億夫^拜切^路如^此
 得又善言說無患^路伽^億言^智者^知世^因
 知盡道故名阿耨多羅^示此^言無^上善^法聖^智
 世智知世也^阿耨^多羅^示此^言無^上善^法聖^智
 梵魔眾聖莫有及者何況能^富樓^沙曇^藐
 過佛善德大故言無上者^富樓^沙曇^藐
 沙此言大丈夫曇藐言可化言可化丈夫調
 御師佛以大慈大悲大福故有^輕美^語有^特
 苦切語或以親教以此^調御^令不^失
 道故名佛為可化丈夫^調御^令不^失
 郁餓^提婆^魔菟^舍誦^能解^脫此^言天^人煩^惱佛
 住不^佛婆^伽婆^盡去^未來^現在^行不^行知^行
 退也^佛婆^伽婆^盡去^未來^現在^行不^行知^行
 一切了了知故名佛婆伽婆言有^大名^聲復
 次婆伽名女根婆名吐永棄女根故女根吐
 也^爾時^復念^二佛^神德^三四^五佛^乃至^無量
 盡虛空界皆悉如是復還見一佛能見一佛
 作十方佛能見十方佛作一佛能令一色作

金銀水精毗瑠璃色隨人意樂悉令見之爾
 時唯觀三事虛空佛身及佛功德更無異念
 心得自在意不馳散是時得成念佛三昧若
 行者心馳散念在五塵及六思覺者當自勗
 勉剋勵其心强制伏之如是思惟人身難得
 佛法難遇故曰衆明日為最諸智佛為最所
 以者何佛興大悲常為一切故頭目髓腦救
 濟衆生何可放心不專念佛而辜負重恩若
 佛不出世則無人道天道涅槃之道若人香
 華供養以骨肉血髓起塔供養未若行人以
 法供養得至涅槃雖然猶負佛恩設當念佛
 空無所獲猶應勤心專念不忘以報佛恩何
 況念佛得諸三昧智慧成佛而不專念是故
 行者常當專心令意不散既得見佛請決所
 疑是名曰念佛三昧除滅等分及餘重罪

坐禪三昧法門經卷上

音釋

埵徒結切 迸必孟切 眇莫見切 眇力代切 邪邪視

搪徒唐切 換換音 很很胡切 瑩不聽切 郎郎計切 玠玠音

垢垢切 鑽鑽音 燧燧音 很很胡切 郎郎計切 玠玠音

市市充切 睫睫音 蹠蹠音 跟跟音 躡躡音

蒲蒲切 拜拜切 菟菟切 候候切 髀髀音 睫睫音 蹠蹠音 跟跟音 躡躡音

坐禪三昧法門經卷下

墳十

僧 伽 羅 刹 造

姚 秦 法 師 羅 什 譯

爾時行者雖得一心定力未成猶爲欲界煩惱所亂當作方便進學初禪訶棄愛欲云何訶棄觀欲界過欲爲不淨種種不善當念初禪安隱快樂觀欲云何知欲無常功德怨家如幻如化空無所得念之未得癡心已亂何況已得婬欲纏覆天上樂處猶不常安何況人中心著欲無有厭足如火得薪如海吞流如頂生王雖雨七寶王四天下帝釋分座猶不知足如那睺沙也姓轉金輪王爲欲所逼墮蟒蛇中又如仙人食果衣草隱居深山被髮求道猶復不免欲賊所壞欲樂甚少怨毒甚多著欲之人惡友相近善人踈遠欲爲毒

酒愚感醉死欲爲欺誑走使愚人疲苦萬端不得自在唯有離欲身心安隱快樂無極欲無所得如狗齧枯骨求欲勤勞極苦乃得得之甚難失之甚易如假借須臾勢不得久如夢所見恍惚即滅欲之爲患求時既苦得之亦苦多得多苦如火得薪多益多熾欲如段肉衆鳥競逐以要言之如蛾赴火如魚吞鉤如鹿逐聲如渴飲鹹水一切衆生爲欲致患無苦不至是故當知欲爲毒害當求初禪滅斷欲火行者一心精勤信樂令心增進意不散亂觀欲心厭除結惱盡得初禪定離欲盛火得清涼定如熱得陰如貧得富是時便得初禪喜覺思惟禪中種種功德觀分別好醜便得一心問曰修行禪人得一心相云何可知答曰面色悅澤徐行靖正不失一心目不

著色神德定力不貪名利擊破嬌慢其性柔
輒不懷毒害無復慳嫉直信心淨論議不諍
身無欺誑易可與語柔輒慚愧心常在法勤
修精進持戒完具誦經正憶念隨法行意常
喜悅瞋處不瞋四供養中不淨不受淨施則
受知量止足寤起輕利能行二施忍辱除邪
論議而不自滿言語少謙恪恭敬上中下
座善師善知識親近隨順飲食知節不著好
味樂獨靜處若苦若樂心忍不動無怨無競
不喜鬪訟如是種種相得知一心相如是得
入初禪觀分別好醜知此覺觀二事亂禪定
心如水澄靜波蕩則濁行者如是內以一心
覺觀所惱如極得息如睡得安是時次學無
覺無觀生清淨定內淨喜樂得入二禪心靜
默然本所不得今得此喜是時心觀以喜為

患如上覺觀行無喜法離捨喜地得賢聖樂
一心諦知念護得入三禪已棄喜故諦知憶
念樂護聖人言樂護餘人難捨樂中第一過
此以往無復樂也是故一切聖人於一切淨
地中說慈為第一樂樂則是患所以者何第
一禪中心不動轉以無事故有動則有轉有
轉則有苦是故三禪以樂為患欲以善妙捨
此苦樂先棄憂喜除苦樂意護念清淨入第
四禪不苦不樂護清淨念一心是故佛言護
最清淨名第四禪以第三禪樂動故名之為
苦是故四禪除滅苦樂名不動處漸觀空處
破内外色想滅有對想不念種種色想觀無
量空處常觀色過念空處定上妙功德習念
是法速得空定念無量識處觀空處過念無
量識處功德習念是法速得識定念無所有

處觀識處過念無所有處功德習念是法便得無所有處念非有想非無想處若一切想其患甚多若病若瘡若無想是愚癡處是故非有想非無想是第一安隱善處觀無所有處過念非有想非無想功德習念是法便得非有想非無想處或有行者先從初地乃至上地復於上地習行慈心先得樂破瞋恚毒次及十方無量衆生是時便得慈心三昧悲心憐愍衆生之苦能破衆惱廣及無量衆生是時便得悲心三昧能破不悅令無量衆生皆得喜悅是時便得喜心三昧能破苦樂直觀十方無量衆生是時便得護心三昧二禪亦復如是三禪四禪除喜次學五通身能飛行變化自在行者一心欲定精進定一心定慧定一心觀身常作輕想欲成飛行若大

若小以欲定過為大此二俱患精進翹勤常能一心思惟輕觀如能浮人心欲強故而不沉沒亦如猿猴從高上墮心力強故身無痛患此亦如是欲力精進力一心力慧力令其廣大而身更小便能運身復次觀身空界常習此觀欲力精進力一心力慧力極為廣大便能舉身如大風力致重達遠此亦如是初當自試離地一尺二尺漸至一丈還來本處如鳥子學飛小兒學行思惟自審知心力大必能至遠學觀四大除却地大但觀三境十大心念不散便得自在身無罣礙如鳥飛行當復學習遠作近想是故近滅遠出復能變化諸物如觀木地種除却餘種此木便變為地所以者何木有地種分故水火風空金銀寶物悉皆如是以故木有諸

種分故是初神通根本四禪有十四變化心
初禪二果一者初禪二者欲界二禪三果一
者二禪二者初禪三者欲界三禪四果一者
三禪二者二禪三者初禪四者欲界四禪五
果一者四禪二者三禪三者二禪四者初禪
五者欲界餘通摩訶衍論中說世尊弟子學
五法門志求涅槃有二種人或好定多以著
樂故或好智多畏苦患故定多者先學禪法
後學涅槃智多者直趣涅槃直趣涅槃者未
斷煩惱亦未得禪專心不散直求涅槃越愛
等煩惱是名涅槃身實無常苦不淨無我心
顛倒故常樂淨我以是故事事愛著其身是
則底下衆生行者欲破顛倒故習四念止觀
觀身種種多諸苦患從因緣生故無常種種
惱故苦身有三十六物故不淨以不得自在

十

五

故無我習如是觀觀內身觀外身觀內外身
習如是觀是謂身念止實相如是何故於此
而起顛倒愛著此身諦思惟念身邊樂痛以
愛樂痛故著此身當觀樂痛實不可得云何
不可得因衣食故致樂樂過則苦生非實樂
故如患瘡苦以藥塗治痛止爲樂以大苦故
謂小苦爲樂非實樂也復次以故苦爲苦新
苦爲樂如擔重易肩肩輕爲樂而以新重爲
樂實非樂也如火性熱無暫冷時若是實樂
不應有不樂時或曰外事是樂因緣不必是
樂或時樂因或時苦因若使心法與愛相應
爾時是樂與恚相應爾時是苦與癡相應不
苦不樂以此可知有樂無樂耶答曰無也淫
欲不應是樂何以故若淫欲在內不應外求
女色外求女色當知淫苦若淫是樂不應時

時棄若棄非樂也於大苦中小苦爲樂也如人應死全命受鞭以是爲樂欲心熾盛以欲爲樂老時厭欲知欲非樂若實樂相不應生厭種種因緣欲樂相實不可得失樂則苦佛言樂痛應觀苦苦痛應觀樂如箭在體不苦不樂應觀生滅無常是謂痛念止當知心受苦樂受不苦不樂云何心是心無常從因緣生故生滅不住相似生故但顛倒故謂是爲一本無今有已有還無是故無常觀知心空云何爲空從因緣生有眼有色有色可見憶念欲見如是等和合生眼識如日愛珠有日有珠乾草牛屎衆緣和合於是生火一一推求火不可得緣合有火眼識亦爾不住眼中亦非色中住不兩中間住無有住處亦復不無是故佛言如幻如化現在心觀過去心或

第十

六

苦或樂或不苦不樂心各各異各各滅有欲心無欲心亦如是各各異各各滅觀內心觀外心觀內外心亦如是是名心念止復次觀心屬誰觀想思憶念欲等諸心相應法不相應法諦觀其主主不可得何以故從因緣生故無常無常故苦苦故不自在不自在故無主無主故空前別觀身痛心法不可得今更總觀四念止中主不可得離此處求亦不可得若常不可得無常亦不可得若常應當常苦常樂亦不應忘若常有神者無殺惱罪亦無涅槃若身是神無常身滅神亦應滅亦無後世亦無罪福如是徧觀無主諸法皆空不自在因緣合故生因緣壞故滅如是緣合法是名法念止若行者得法念止厭世間空老病死法都無少許常樂我淨於我此空法復

何所求應當入涅槃最善法中住建精進力

得深舍摩陀故深舍摩陀者住心一處名也此土無是名是得深

舍摩陀住第四法念止中觀諸法相皆苦無

樂無樂是實餘者妄語是苦因愛等煩惱及

業是非天非時非塵等種種妄語中生是煩

惱及業出生此苦是苦入涅槃時一切滅盡

非色無色界及世界始外道謂一切有法之

謂涅槃以有始能化等種種妄語能滅此苦

正見等八直道是涅槃道非餘斷食等種種

苦行亦非種種空持戒空禪定空智慧何以

故佛法中戒定慧三法合行能入涅槃

譬如人立平地持好弓箭能射殺怨賊三法

合行亦如是戒為平地禪定為快弓智慧為

利箭三事備足能殺煩惱賊是故外道輩不

得涅槃行者是時作四法緣觀緣如射博觀

苦四種因緣生故無常身心惱故苦無一可

得故空無作無受故無我觀集四種煩惱有

漏業和合故集相似果生故因是中得一切

行故生非相似果相續故緣觀盡四種一切

煩惱覆故閉除煩惱火故滅一切法中第一

故妙世間過去故出觀道四種能到涅槃故

道不顛倒故正一切聖人去處故跡得脫世

愁惱故離如是觀者得無漏相似法名為煖

法云何名煖常勤精進故名煖法諸煩惱薪

無漏智火燒火欲出初相名為煖法譬如鑽

火初鑽煙出是名為煖是為涅槃道初相佛

弟子中有二種人一者多好一心求禪定是

人有漏道二者多除愛著好實智慧直趣涅

槃入煖法中有煖相者深得一心實法鏡到

無漏界邊鏡中像似面界邊行者是時大得

非中故以為喻

安隱自念我定當得涅槃以見此道故如人穿井得至濕泥知當得水不久如人擊賊賊已退散自知得勝意中安隱譬如病人怖死人欲知活不當先試之以杖打身若癩疥脉起知是有煖必可得活亦如聽法人思惟喜悅心著是時心熱行者如有煖法故名爲有煖亦名能得涅槃分善根是善根法有十六行四諦緣六地中一智慧一切無漏法基野人能行安隱於無漏跡故名爲野人是名有煖法增進轉上更名頂法如乳變爲酪是人觀諸法實相我當離苦得解脫門心愛是法是爲眞法能除種種苦患及老病死是時思惟此法誰說是佛世尊從是得佛寶中信心清淨大歡喜悅若無此法一切煩惱誰當能遮我當云何得實智慧少許明從是得法寶中信心

清淨大歡喜悅若我不得佛弟子輩好伴云何當得實智慧少許明從是得僧寶中信心清淨大歡喜悅是三寶中一心清淨合實智慧是頂善根亦名頂法亦名能得涅槃分善根亦如波羅延經中說

佛寶法僧寶 誰有少信淨 是名頂善根
汝曹一心持

云何爲少信於菩薩辟支佛阿羅漢邊爲少於野人邊爲多復次此可破可失是故名少如法句說

芭蕉生實死 壞十 竹生實亦然 騾妊子則死 九
小人得養死 破失非利故 小人得名譽
白淨分失盡 乃至頂法墮
復次未斷諸結使未得無漏無量慧心以是故名少復次勤精進一心入涅槃道中更了

了觀五陰四諦十六行是時心不縮不悔不退愛樂入忍是名忍善根忍何等隨四諦觀行是名爲忍是善根三種上中下三時云何名忍觀五陰無常苦空無我心忍不退是名忍復次觀諸世間盡空無有樂是苦因集愛等諸煩惱集智緣盡是名上法更無有上八直道能令行人得至涅槃更無有上信心如是不悔不疑忍是名忍是中更有忍種種結使種種煩惱疑悔來入心中不能令破譬如石山種種風水不能漂動是故名忍是事得名真好野人如佛說法句中
世界正見上 誰有得多者 乃至千萬歲終不墮惡道
是世間正見是名爲忍善相是人多增進一心極厭世界行欲了了四諦相作證趣涅槃

如是一心中是名世間第一法一時住四行無常苦空無我觀一諦苦法忍苦緣故何以故觀欲界五受陰無常苦空無我是中心忍入慧亦是心相應心心數法是名苦法忍身業口業及心不相應行現在未來世一切無漏法初門是名苦法忍法無漏法忍信受也次第生苦法智苦法忍斷結使苦法智作證譬如一人能刈一人能束如刀斫竹得風即偃忍智功夫故是事得辦欲界繫見苦斷十結得爾時異等智得以無漏智未得無漏慧得是時成就一等智等智未第二心中成就法智苦智等智過第三心第四心成就四智苦智法智比智等智集盡道法中一一智增離欲人知他心智成就增苦比忍苦比智斷十八結是四心苦諦能得集法忍集法智斷欲界繫七

結集比忍集比智斷色無色界繫十二結盡
 法忍盡法智斷欲界繫七結盡比忍盡比智
 斷色無色界繫十二結道法忍道法智斷欲
 界繫八結道比忍道比智斷色無色界繫十
 四結道比智是名須陀般那此言流入涅槃實知諸
 法相是十六心能十五心中利根名隨法行
 鈍根名隨信行是二人未離欲名初果向先
 未斷結得十六心名須陀般那若先斷六品
 結得十六心名息忌陀伽迷此言一來若先斷九
 品結得十六心名阿那伽迷此言一來先未離欲
 斷八十八結故名須陀般那復次無漏果善
 根得得故名須陀般那利根名見得鈍根名
 信愛思惟結未斷餘殘七世生若思惟結三
 種斷名家家三世生聖道八分三十七品名
 流向涅槃隨是流行故名須陀般那是佛初

第十

十二

功德子得脫惡道斷三結薄三毒名息忌陀
 伽迷復次欲界結九種上上上中上中上中中中中下下下中中
 下見諦斷思惟斷
 若凡夫人先以有漏道斷欲界繫六種結入
 見諦道十六心中得名息忌陀伽迷若八種
 斷入見諦道第十六心中一種名息忌陀伽
 迷果向阿那伽迷若佛弟子得須陀般那單
 斷三結欲得息忌陀伽迷是思惟斷欲界繫
 九種結六種斷是名息忌陀伽迷八種斷是
 名一種息忌陀伽迷果向阿那伽迷若凡夫
 人先斷欲界繫九種結入見諦道第十六心
 名阿那伽迷若得息忌陀伽迷進斷三種思
 惟結第九解脫道名阿那伽迷阿那伽迷有
 九種今世必入涅槃阿那伽迷中陰入涅槃
 阿那伽迷生已入涅槃阿那伽迷勤求入涅

槃阿那伽迷不勤求入涅槃阿那伽迷上行
入涅槃阿那伽迷至阿迦尼吒入涅槃阿那
伽迷到色無色定入涅槃阿那伽迷身證阿
那伽迷行向阿羅漢阿那伽迷色無色界九
種結以第九無礙道金剛三昧破一切結第
九解脫道盡智修一切善根是名阿羅漢果
是阿羅漢有九種退法不退法死法守法住
法必知法不壞法慧脫共脫更智更進行五
種法退是名退法利智利進行五種法不退
是名不退法更智更進利猷思惟自殺身是
名死法更智大進自護身是名守法中智中
進不增不減處中而住是名住法少利智勤
精進能得不壞心解脫是名必知法利智大
進初得不壞心解脫是名不壞法不能入諸
禪未到地中諸漏盡是名慧解脫得諸禪亦

續十

十二

得滅禪諸漏盡是名共解脫有阿羅漢一切
有爲法常厭滿足更不求功德待時入涅槃
有阿羅漢求四禪四無色定四等心八解脫
八勝處十一切入九次第六神通願智阿蘭
若那三昧此言無諍阿蘭若言無事或言空
寂舊言須菩提常行空寂行非也
自是無諍行無諍者將護衆生不令起諍於
我起諍如舍利弗目連入陶屋中宿致拘迦
離起諍超越三昧熏禪三解脫門及放捨三
者是也
門空無願無相更住利智勤精進入如是諸禪功德
是名得不退法不壞法若佛不出世無佛法
無弟子時是時離欲人辟支佛出辟支佛有
三種上中下下者本得須陀般那若息忌陀
伽迷是須陀般那於七世生人中是時無佛
法不得作弟子復不應八世生是時作辟支
佛若息忌陀伽迷二世生時是時無佛法不
得作弟子復不應三世生是時作辟支佛有

人願作辟支佛種辟支佛善根時無佛法善根熟爾時厭世出家得道名辟支佛是名中辟支佛有人求佛道智力進力少以因緣退如舍利弗退也是時佛不出世無佛法亦無弟子而善根行熟作辟支佛有相好若少若多厭世

十一

十三

出家得道是名上辟支佛於諸法中智慧淺入名阿羅漢中入名辟支佛深入名佛如遙見樹不能分別枝葉小近能分別枝葉不能分別華葉到樹下盡能別知樹枝華葉實聲聞能知一切諸行無常一切諸法無主惟涅槃善安隱聲聞能如是觀不能分別深入深知辟支佛少能分別不能深入深知佛知諸法分別究暢深入深知也如波羅柰國王夏熱時處高樓上坐七寶牀令青衣磨牛頭栴檀香塗身青衣臂多著釧摩王身時釧聲滿

耳王甚患之次第令脫釧少聲微唯獨一釧寂然無聲王時悟曰國家臣民宮人嫫女多事多惱亦復如是即時離欲獨處思惟得辟支佛鬚髮自落著自然衣從樓閣去以已神足力出家入山如是因緣中品辟支佛也若行者欲求佛道入禪先當繫心專念十方三世諸佛生身莫念地水火風山樹草木天地之中有形之類及諸餘法一切莫念但念諸佛生身處在虛空譬如大海清水中央金山王須彌如夜闇中然大火如大施祠中七寶幢佛身如是有三十二相八十種好常出無量清淨光明於虛空相青色中常念佛身相如是行者便得十方三世諸佛悉在心目目前一切悉見三昧若心餘處緣還攝令住念在佛身是時便身東方三百千萬億種無量諸

佛如是南方西方北方四維上下隨所念方見一切佛如人夜觀星宿百千無量種星宿悉見菩薩得是三昧除無量劫厚罪令薄薄者令滅得是三昧已當念佛種種無量功德一切智一切解一切見一切德得大慈大悲自在自初出無明翳四無畏五眼十力十八不共法能除無量苦救老死畏與常樂涅槃佛有如是等種種無量功德作是念已自發願言我何時當得佛身佛功德巍巍如是復作大誓過去一切福現在一切福盡持求佛道不用餘報復作是念一切衆生甚可憐愍諸佛身功德巍巍如是衆生云何更求餘業而不求佛譬如貴家盲子墮大深坑飢窮困苦食糞食泥父甚愍之爲求方便拯之於深坑飼之以上饌行者念言佛二種身功德甘

增十

十四

露如是而諸衆生墮生死深坑食諸不淨以大悲心我當拯濟一切衆生令得佛道度生死岸以佛種種功德法味悉令飽滿一切佛法願悉得之聞誦持問觀行得果爲作階梯立大要誓被三願鎧外破魔衆內擊結賊直入不迴如是三願比無量諸願願皆佳之爲度衆生得佛道故如是念如是願是爲菩薩念佛三昧行菩薩道者於三毒中若婬欲偏多先自觀身骨肉皮膚筋脉流血肝肺腸胃屎尿洩唾三十六物九想不淨專心內觀不令外念外念諸緣攝之令還如人執燭入雜穀倉種種分別豆麥黍粟無不識知復次觀身六分堅爲地分濕爲水分熱爲火分動爲風分孔爲空分知爲識分亦如屠牛分爲六分身首四肢各自異處身有九孔常流不淨

增十

十五

革囊盛屎常作是觀不令外念外念諸緣攝之令還若得一心意生厭患求離此身欲令速滅早入涅槃是時當發大慈大悲以大功德拔濟衆生與前三願以諸衆生不知不淨起諸罪垢我當拔置於甘露地復次欲界衆生樂著不淨如狗食糞我當度脫至清淨道復次我當學求諸法實相不有常不無常非淨非不淨我當云何著此不淨觀此不淨智從因緣生如我法者當求實相云何厭患身中不淨而取涅槃當如大象度駛流水窮盡源底得實法相而入涅槃豈可如獼猴諸兔畏怖駛流趣自度身我今當學如菩薩法行不淨觀除却婬欲廣化衆生令離欲患不爲不淨觀所厭沒復次既觀不淨則厭生死當觀淨門繫心三處鼻端眉間額上當於是中

開一寸皮淨除血肉繫心白骨不令外念外念諸緣攝之令還著三緣中恒與心鬪如二人相撲行者若勝心則不如制之令住是名一心若以厭患起大悲心愍念衆生爲此空骨遠離涅槃入三惡道我當勤力作諸功德教化衆生令解身相空骨以薄皮覆實聚不淨爲衆生故徐當分別此諸法相有少淨相心生愛著不淨相多心生厭患有出法相故生實法諸法相中無淨無不淨亦無閉亦無出觀諸法等不可壞不可動是名諸法實相

出過羅漢法也

十

十六

行菩薩道者若瞋恚偏多當行慈心念東方衆生慈心清淨無怨無恚廣大無量見諸衆生悉在目前南西北方四維上下亦復如是制心行慈不令外念外念異緣攝之令還持心目觀一切衆生悉見了了皆在目

前若得一心當發願言我以涅槃實清淨法
度脫衆生使得實樂行慈三昧心如此者是
菩薩道住慈三昧以觀諸法實相清淨不壞
不動願令衆生得此法利以此三昧慈念東
方一切衆生使得佛樂十方亦爾心不轉亂
是謂菩薩慈三昧門問曰何不一時總念十
方衆生答曰先念一方一心易得然後次第
周徧諸方問曰人有怨家恒欲相害云何行
慈欲令彼樂答曰慈是心法出生於心先從
所親所親轉增乃及怨家如火燒薪盛能然
濕問曰或時衆生遭種種苦或在人中或地
獄中菩薩雖慈彼那得樂答曰先從樂人取
其樂相令彼苦人得如彼樂如敗軍將怖懼
失瞻視彼敵人皆謂勇士問曰行慈三昧有
何善利答曰行者自念出家離俗應行慈心

第十

十七

又思惟言食人信施宜行利益如佛所言須
臾行慈是隨佛教則爲入道不空受施復次
身著染服心應不染慈三昧力能令不染復
次我心行慈於破法世我有法人非法衆中
我有法人知法無惱慈定力故菩薩行道趣
甘露門種種熱惱慈涼冷樂如佛所言人熱
極時入清涼池樂復次被大慈鎧遮煩惱箭
慈爲法藥消怨結毒煩惱燒心慈能除滅慈
爲法梯登解脫臺慈爲法船度生死海求善
法財慈爲上寶行趣涅槃慈爲道糧慈爲駿
足度入涅槃慈爲猛將越三惡道能行慈者
消伏衆惡諸天善神常隨擁護問曰若當行
人得慈三昧云何不失而復增益答曰學戒
清淨喜信倚樂學諸禪定一心智慧樂處閑
靜常不放逸少欲知足行順慈教節身少食

減損睡眠初夜後夜思惟不廢省煩言語默然守靜坐卧行住知時消息不令失度致疲苦極調和寒溫不令惱亂是謂益慈復次以佛道樂涅槃之樂與一切人是名大慈行者思惟現在未來大人行慈利益一切我亦蒙濟是我良祐我當行慈畢報施恩復更念言大德慈心愍念一切以此為樂我亦當爾念彼衆生令得佛樂涅槃之樂是為報恩復次慈力能令一切心得快樂身離熱惱得清涼樂持行慈福念安一切以報其恩復次慈有善利斷瞋恚法開名稱門施主良田生梵天因生離欲處除却怨對及鬪諍恨諸佛稱揚智人愛敬能持淨戒生智慧明能聞法利功德醍醐決定好人出家猛力消滅諸惡罵辱不善慈報能伏結集悅樂生精進法富貴根

增十

十八

因辨智慧府誠信庫藏諸善法門致稱譽法敬畏根本佛正真道若人持惡向之還自受其殃五種惡語非時語非實語非利語非慈語非軟語是五惡語不能傾動一切毒害亦不能傷譬如火不能熱大海此下應出優婆塞如毗羅經中優填王阿婆陀那說有二夫人一名無比二名舍迷婆帝無比誹謗舍迷婆帝舍迷婆帝有五百直人王以五百箭欲一一射殺之舍迷婆帝語諸直人在我後立是時舍迷婆帝入慈三昧王挽弓射之箭墮足下第二箭還向王脚下王大驚怖復欲放箭舍迷婆帝語王言止止夫婦之義是故相語若放此箭當直破汝心王時恐懼投弓捨射問言汝有何術答言我無異術我是佛弟子入慈三昧故也是慈三昧略說有三種緣

生緣法緣無緣諸未得道是名生緣阿羅漢
辟支佛是名法緣諸佛世尊是名無緣是畧
說慈三昧門行菩薩道者於三毒中若愚癡
偏多當觀十二分破二種癡內破身癡外破
衆生癡思惟念言我及衆生俱在厄難常生
常老常病常死常滅常出衆生可憐不知出
道從何得脫一心思惟生老病死從因緣生
當復思惟何因緣生一心思惟生因緣有有
因緣取取因緣愛愛因緣受受因緣觸觸因
緣六入六入因緣名色名色因緣識識因緣
行行因緣癡如是復思惟當何因緣滅生老
死一心思惟生滅故老死滅有滅故生滅取
滅故有滅愛滅故取滅受滅故愛滅觸滅故
受滅六入滅故觸滅名色滅故六入滅識滅
故名色滅行滅故識滅癡滅故行滅此中十

二分云何無明分不知前不知後不知前後
不知內不知外不知內外不知佛不知法不
知僧不知苦不知集不知盡不知道不知業
不知果不知業果不知因不知緣不知因緣
不知罪不知福不知罪福不知善不知不善
不知善不善不知有罪法不知無罪法不知
應近法不知應遠法不知有漏法不知無漏
法不知世間法不知出世間法不知過去法
不知未來法不知現在法不知黑法不知白
法不知分別因緣法不知六觸法不知實證
法如是種種不知不慧不見闇黑無明是名
無明無明緣行云何名行行有三種身行口
行意行云何身行入息出息是身行法所以
者何是法屬身故名身行云何口行有覺有
觀是作覺觀已然後口語若無覺觀則無言

說是謂口行云何意行痛想

痛名世界人所著三種痛痛應

為受受則隨界受苦樂上界所無故宜言受想出家所慮也

是意法繫屬

意故是名意行復次欲界繫行色界繫行無

色界繫行復次善行不善行不動行云何善

行欲界一切善行亦色界三地云何不善行

諸不善法云何不動行第四禪有漏善行及

無色定善有漏行是名行行因緣識云何名

識六種識界眼識乃至意識是名六識識因

緣名色云何為名無色四分痛想行識是謂

名云何為色一切色四大及造色是謂色云

何四大地水火風云何地堅重相者地軟濕

相者水熱相者火輕動相者風餘色可見有

對無對是名造色名色和合是謂名色名色

因緣六入云何六入內六入眼內入乃至意

內入是名六入六入因緣觸云何觸六種觸

界眼觸乃至意觸云何眼觸眼緣色生眼識

三法和合是名眼觸乃至意觸亦復如是觸

因緣受云何受三種受樂受苦受不苦不樂

受云何樂受愛使云何苦受恚使云何不苦

不樂受癡使復次樂受生樂住樂滅苦苦受

生苦住苦滅樂不苦不樂受不知苦不知樂

受因緣愛云何愛眼觸色生愛乃至意觸法

生愛愛因緣取云何取欲取見取戒取我語

取取因緣有云何有三種有欲有色有無色

有下從阿鼻大泥犁上至他化自在天是名

欲有及其能生業云何色有從下梵世上至

阿迦尼吒天是名色有云何無色有從虛空

乃至非有想非無想處是名無色有有因緣

生云何生種種眾生處處生出有受陰得持

得入得命是名生生因緣老死云何老齒落

髮白多皺根熟根破氣噎身僕拄杖行步陰
身朽故是名老云何死一切衆生處處退墮
滅斷死失壽命盡是名死先老後死故名老
死是中十二因緣一切世間非無因緣非天
邊非人邊非種種等邪緣邊出菩薩觀十二
因緣繫心不動不令外念外念諸緣攝之令
還觀十二分生三世中前生今生後生菩薩
若得心住當觀十二分空無有主癡不知我
作行行不知我從癡有但無明緣故行生如
草木種從子芽出子亦不知我生芽芽亦不
知從子出乃至老死亦復如是是十二分中
一一觀知無主無我如外草木無主但從倒
見計有吾我問曰若無吾我無主無作云何
去來言說死此生彼答曰雖無吾我六情作
因六塵作緣中生六識三事和合故觸法生

念知諸業出是去來言說從是有生死譬如
日愛珠日乾牛屎和合方便故火出五陰亦
爾因此五陰生後世五陰出非此五陰至後
世亦不離此五陰得後世五陰五陰但從因
緣出譬如穀子中芽出是子非芽亦非餘芽
邊生非異非一得後世身亦爾譬如樹未有
莖節枝葉花實得時節因緣花葉具足善惡
行報亦復如是種子壞故非常非一芽莖葉
等生故不斷不異死生相續亦復如是行者
知諸法無常苦空無我自生自滅知因愛等
有知因滅是盡知盡是道以四種知知十二
分是正見道衆生爲縛著所誑如人有無價
寶珠不別其真爲他欺誑是時菩薩發大悲
心我當作佛以正真法化彼衆生令見正道
問曰如摩訶衍般若波羅蜜中言諸法不生

不滅空無所有一相無相是名正見云何言無常等觀名爲正見答曰若摩訶衍中說諸法空無相云何言無常苦空等不實若言不生不滅空是實相者不應言無相汝言前後不相應復次佛說四顛倒無常中常顛倒亦有道理一切有爲無常何以故因緣生故無常因無常緣所生果云何常先無而今有已有便無一切衆生皆見無常內有老病死外見萬物彫落云何言無常不實問曰我不言有常爲實無常爲不實我言有常無常俱是不實何以故佛言空中有常無常二事不可得若著此二事是俱顛倒答曰汝言不與法相應何以故言無法云何復言二俱顛倒一切空無所有是爲實不顛倒若我破有常著無常我法應破而不實我有常顛倒破故觀

續十

五

無常何以故無常力能破有常如毒能破餘毒如藥除病藥亦俱去當知藥妙能除病故若藥不去後藥爲病此亦如是若無常法著應當破不實故我不受無常法云何破佛言四真諦中言實苦誰能使藥苦因是實因誰能令非因苦盡是實盡誰能令不盡盡道是實道誰能令非道如日或可令冷月或可令熱風可令不動是四真諦終不可動轉汝於摩訶衍中不能了但著言聲摩訶衍中諸法實相實相不可破無有作者若可破可作此非摩訶衍如月初生一日二日其生時甚微細有明眼人能見指視不見者此不見人但視其指而迷於月明者語言癡人何以但視我指指爲月緣指非彼月汝亦如是言音非實相但假言表實理汝更著言聲聞於實相

行者若得如是正見觀十二分和合為因果
二分果時十二分為苦諦因時十二分為集
諦因滅是盡諦見因果盡是道諦四種觀果
無常苦空無我四種觀因集因緣生問曰果
有四種但名苦諦餘者無諦名也答曰若言
無常諦復疑苦諦亦疑無我諦亦疑一種難
處復次若言無常諦無咎空非我諦亦無咎
若無常苦空無我諦於說為重故是故於四
說一問曰苦有何異相於三中獨得名答曰
苦是一切眾生所厭患眾生所怖畏無常不
爾或有人為苦所逼思得無常無有欲得苦
者問曰有人欲得捉刀自殺針灸苦藥入賊
如是種種非求苦也答曰非為欲得苦欲存
大樂畏大苦故取死苦為第一患樂為第一
利以是故離苦實得快樂是故佛以果分獨

實十

五

名苦諦非無常空無我諦是於四諦中了了
實智慧不疑不悔是名正見思惟是事種種
增益故是名正覺除邪命攝四種邪語離餘
四種邪語攝四種正語除邪命攝身三種業
除餘三種邪業名正業離餘種種邪命是名
正命如是觀時精進是正方便是事念不散
是名正念是事思惟不動是名正定正見如
王七事隨從是名道諦是事一心實信不動
是名信根一心精勤求道是名精進根一心
念不忘失是名念根心住一處亦不馳散是
名定根思惟分別無常等覺是名慧根是根
增長得力是名五力問曰八正道中皆說是
名定等根力中何以重說答曰隨入行時初
得小利是時名為根是五事增長得力是時
得名為力初入無漏見諦道中是功德名八

正道入思惟道時名七覺意初入道中觀念
 身痛心法常一心念是名四念止如是得善
 法味四種精勤是名四正勤如是欲精進定
 慧初門勤精進求如意自在是名四神足雖
 名四念止四正勤四神足五根等皆攝隨行
 時初後少多行地緣各各得名譬如四大各
 各有四大但多得名若地種多水火風少處
 名為地大水火風亦如是如是三十七品中
 各各有諸品如四念止中有四正勤四神足
 五根五力七覺八道等如是觀十二分四諦
 行四念止四正勤四神足五根五力七覺意
 八正道其心安樂復以此法度脫衆生一心
 誓願精進求佛是時心中思惟觀念我了了
 觀知此道不應取證有二事力故未入涅槃
 一者大悲不捨衆生二者深知諸法實相諸

心心數法從因緣生我今云何隨此不實當
 自思惟欲入深觀十二因緣知因緣是何法
 復更思惟是四種緣因緣次第緣緣緣增上
 緣五因為因緣除過去現在阿羅漢最後心
 除過去現在心心數法是次第緣緣緣增上
 緣緣一切法復自思惟言若法先因緣中有
 則不應言是法因緣生若無亦不應言因緣
 中生半有半無亦不應言因緣生云何有因
 緣若法未若過去心心數法失云何能作
 次第緣若佛法中妙法無緣涅槃云何為緣
 緣若諸法實無性有法不可得若因緣果生
 因此有彼是說則不然若因緣中各各別若
 和合一處是果不可得云何因緣邊出果因
 緣中無果故若因緣中先無果而出者何以
 不非因緣邊出果二俱無故果屬因緣因緣

邊出是因緣不自在屬餘因緣是果屬餘因緣云何不自在因緣能生果是故果不從因緣有亦不從非因緣有則為非果果無故緣與非緣亦無也問曰佛言十二因緣無明緣諸行汝云何言無因果答曰先已答不應更難若難者更當答佛言眼因色緣癡邊生邪憶念癡是無明是中無明何所依住若依眼耶若色中耶若識中耶不應依眼住若依眼住不應待色常應癡若依色住不應待眼是則外癡何預我事若依識住識無色無對無觸無分無處無明亦爾云何可住是故無明非內非外非兩中間不從前世來亦不往後世非東西南北四維上下來無有實法無明性爾了無明性則變為明一一推之癡不可得云何無明緣行如虛空不生不滅不有不

盡本性清淨無明亦如是不生不滅不有不盡本性清淨乃至生緣老死亦爾菩薩如是觀十二因緣知衆生虛誑繫在苦患易可度耳諸法若有實相難可得度思惟如是則破愚癡若菩薩心多思覺常念阿那波那入時出時數一乃至十五一心不令馳散菩薩從此門得一心除五蓋欲行菩薩見道應行三種忍法生忍柔順法忍無生忍云何生忍一切衆生或罵或打或殺種種惡事心不動轉不瞋不恚忍之而更慈悲此諸衆生求諸好事願一切得心不捨放是時漸漸得解諸法實相如氣熏著譬如慈母愛其赤子乳哺養育種種不淨不以為惡倍加憐念欲令得樂行者如是一切衆生作種種惡淨不淨行心不增減不退不轉復次十方無量衆生我一

人應當悉度使得佛道心忍不退不悔不却
不懈不厭不畏不難是生忍中一心繫念三
種思惟不令外念外念諸緣攝之今還是名
生忍云何柔順法忍菩薩既得生忍功德無
量知是功德福報無常是時厭無常自求常
福亦為衆生求常住法一切諸法色無色法
可見不可見法有對無對法有漏無漏有為
無為上中下法求其實相實相云何非有常
非無常非樂非不樂非空非不空非有神非
無神何以故非有常因緣生故先無今有故
已有還無故是故非有常云何非無常業報
不失故受外塵故因緣增長故是故非無常
云何非樂新苦中生樂想故一切無常性故
緣欲生故是故非樂云何非不樂有樂受故
彼染生故求樂不惜身故是故非不樂云何

非空內外入各各受了了故有非福報故一
切衆生信故是故非空云何非不空和合等
生故分別求不可得故心力轉故是故非不
空云何非有神不自在故第七識界不可得
故神相不可得故是故非有神云何非無神
有後世故得解脫故各各我心生不計餘處
故是故非無神如是不生不滅不不生不不
滅非有非無不受不著言說悉滅心行處斷
如涅槃性是法實相於此法中信心清淨無
滯無礙項十智轉進是謂柔順法忍云何
無生法忍如上實相法中智慧信進增長根
利是名無生法忍譬如聲聞法中煖法頂法
智慧信精進增長得忍法忍者忍涅槃忍無
漏法故名為忍新得新見故名為忍法忍亦
如是時解脫阿羅漢不得無生智增進廣利

轉成不時解脫得無生智無生法忍亦如是
未得菩薩果得無生法忍得菩薩具行果是
名菩薩道果是時得般舟般三昧於衆生中
得大悲入般若波羅蜜門爾時諸佛便授其
號隨生佛界中爲諸佛所念一切重罪薄薄
者滅三惡道常生天上人中名不退轉到不
動處末後肉身盡入法身中能作種種變化
度脫一切衆生具足六度供養諸佛淨佛國
上教化衆生立十地中功德成滿次第得阿
耨多羅三藐三菩提爲菩薩禪法初門

行者定心求道時 常當觀察時方便
若不得時無方便 是應爲失不爲利
如犢未生犂牛乳 乳不可得非時故
若犢生已犂牛角 乳不可得無智故
如鑽濕木求出火 火不可得非時故

續子

二十九

若折乾木以求火 火不可得無智故
得處知時量已行 觀心方便力多少
宜應精進及不宜 道相宜時及不宜
若心掉動不應勇 如是勇過不得定
譬如多薪熾大火 大風來吹不肯滅
若能以定自調心 如是動息心得定
譬如大火大風吹 大水來澆無不滅
若人心輒復懈怠 如是猒沒不應行
譬如少薪無燄火 不得風吹便自滅
若有精進勇猛心 如是轉健得道疾
譬如小火多益薪 風吹轉熾無滅時
若行放捨止調縮 設復廢捨失護法
譬如病人宜將養 若復放捨無得活
若有捨想正等心 宜時勤行得道疾
譬如有人乘調象 如意至湊無躓礙

若多婬欲愛亂心	是時不應行慈等
婬人行慈益癡悶	如人冷病服冷藥
婬人心亂觀不淨	諦觀不淨心得定
行法如是相應故	如人冷病服熱藥
若多瞋恚忿亂心	是時不應觀不淨
瞋人觀惡增恚心	如人熱病服熱藥
若人瞋怒行慈心	行慈不捨瞋心滅
行法如是相應故	如人熱病服冷藥
若多愚癡心悶淺	不淨行慈非行法
二行增癡無益故	如人風病服麩藥
人心癡闇觀因緣	分別諦觀癡心滅
法行如是相應故	如人病風服膩藥
譬如金師鞞扇炭	用巧非時失鞞法
忽忽急鞞不知時	或時水澆或放捨
金融急鞞則消過	未融便止則不消

增十

三十

非時水澆金則生 非時放置則不熟
 精進攝心及放捨 應當觀察行道法
 非時方便失法利 若非法利為非利
 譬如藥師三種病 冷熱風病除滅故
 應病與藥佛如是 婬怒癡病隨藥滅

坐禪三昧法門經卷下

音釋

齧五巧切 癩應音騰 奘而充切 釧尺絹切
齧齧也 癩音軫 奘與 釧尺絹切
 銀躡陟利切 麩尺小切
也躡躡也 麩乾糧也



佛所行讚經

北涼天竺三藏曇無讖譯

佛所行讚經



清刻龍藏佛說法變相圖

佛所行讚經卷第一

典一

馬鳴菩薩撰
北涼天竺三藏曇無讖譯

生品第一

甘蔗之苗衰	釋迦無勝王	淨財德純備
名故曰淨飯	羣生樂瞻仰	猶如初生月
王如天帝釋	夫人猶舍脂	執志安如地
心淨若蓮華	假譬名摩耶	其實無倫比
於彼像天后	降譬而處胎	毋悉離憂患
不生幻偽心	默惡諠譁俗	樂處空閑林
藍毗尼勝園	流泉華果茂	寂靜樂禪思
啓王請遊彼	王知其志願	而生竒特想
勅內外眷屬	俱詣彼園林	爾時摩耶后
自知產時至	偃寢安勝牀	百千姝女侍
於四月八日	時和氣調適	齋戒修淨德

菩薩右脇生	大悲救世間	不令母苦惱
優留王股生	卑偷王手生	曼陀王頂生
伽叉王腋生	菩薩亦如是	誕從右脇生
漸漸從胎出	光明普照耀	如從虛空墮
不由於生門	修德無量劫	自知生不亂
安諦不傾動	明顯妙端嚴	晃然從胎現
猶如日初昇	觀察極明耀	而不害眼根
縱視而不耀	如觀空中月	自身光照耀
如日奪燈明	菩薩真金身	普照亦如是
正直心不亂	安詳行七步	足下安平趾
炳徹猶七星	獸王師子步	觀察於四方
通達真實義	堪能如是說	此生為佛生
則為後邊生	我唯此一生	當度於一切
應時虛空中	淨水雙流下	一温一清涼
灌頂令身樂	安處寶宮殿	卧於瑠璃牀

天王金華手	捧持牀四足	諸天於空中
執持寶蓋侍	承威神讚歎	勸發成佛道
諸龍王歡喜	渴仰殊勝法	曾奉過去佛
今得值菩薩	散曼陀羅華	專心樂供養
如來出興世	淨居天歡喜	已除愛欲歡
為法而欣悅	衆生沒苦海	令得解脫故
須彌寶山王	堅持此大地	菩薩出興世
功德風所飄	普皆大震動	如風鼓浪舟
栴檀細末香	衆寶蓮華藏	風吹騰空流
繽紛而亂墜	天衣從空下	觸身生妙樂
日月如常度	光耀倍增明	世界諸火光
無薪自燄熾	淨水清涼井	前後自然生
中宮嫫女衆	怪歎未曾有	競赴而飲浴
皆起安樂想	無量部多天	樂法悉雲集
於藍毗尼園	遍滿林樹間	奇特衆妙華

非時而敷榮	兇暴衆生類	一時生慈心
世間諸疾病	不療自然除	亂鳴諸禽獸
寂然而無聲	萬川皆停流	濁水悉澄清
空中無雲翳	天鼓自然鳴	一切諸世間
悉得安隱樂	猶如荒難國	忽得賢明主
菩薩所以生	爲濟世衆苦	唯彼魔王
獨憂而不悅	父王見生子	奇特未曾有
素性雖安重	驚駭改常容	自慮交心曾
一喜復一懼	夫人見其子	不由常道生
女人性怯弱	怵惕懷水炭	不別吉凶相
反更生憂怖	長宿諸母人	互亂祈神明
各請常所事	願令太子安	時彼林中有
知相婆羅門	威儀具多聞	才辯高名稱
見相心歡喜	踴躍未曾有	知王心驚怖
白王以真實	人生於世間	唯求殊勝子

王今如滿月	應生大歡喜	今生奇特子
必光顯宗族	安心自欣慶	莫生餘疑慮
靈祥集家國	從今轉興盛	所生殊勝子
必爲世間救	惟此上士身	金色妙光明
如是殊勝相	必成等正覺	若令樂世間
必作轉輪王	普爲大地主	勇猛正法治
王領四天下	統御一切王	猶如世光明
日光爲最勝	若處於山林	專心求解脫
成就實智慧	普照於世間	譬若須彌山
諸山中之王	衆寶金爲最	衆流海爲最
諸星月爲最	諸明日爲最	如來處世間
兩足中爲尊	淨目脩且廣	上下瞬長睫
瞪矚紺青色	猶如半月形	此相云何非
平等殊勝因	時王告二生	若如汝所說
如此奇特相	以是因緣故	不應於先王

乃現於我世	婆羅門白王	不應如是說
多聞與智慧	名稱及事業	如是四事者
不應顧先後	物性之所生	各從因緣起
今當說諸譬	王今且諦聽	毗求央耆羅
此二仙人族	經歷久遠世	各生殊勝子
毗利訶鉢低	及與儵迦羅	能造帝王論
不從先族來	薩羅薩仙人	經論久斷絕
而生婆羅娑	續復明經論	現在知見生
不必由先緒	毗耶婆仙人	多造諸經論
末後胤跋彌	廣集偈章句	阿低利仙人
不解醫方論	後生阿低離	善能治百病
二生駒尸仙	不開外道論	後伽提那王
悉解外道法	甘蔗王始族	不能制海潮
至娑伽羅王	生育千王子	能制大海潮
使不越常限	闍那駒仙人	無師得禪道

凡得名稱者	皆生於自力	或先勝後劣
或先劣後勝	帝王諸神仙	不必承本族
是故諸世間	不應顧先後	大王今如是
應生歡喜心	以心歡喜故	永離於疑惑
王聞仙人說	歡喜增供養	我今生勝子
當紹轉輪位	我年已朽邁	出家修梵行
無令聖王子	捨世遊山林	時近處園中
有苦行仙人	名曰阿私陀	善解於相法
來詣王宮門	王謂梵天應	苦行樂正法
此二相俱現	梵行相具足	時王大歡喜
即請入宮內	恭敬設供養	將入內宮中
唯樂見王子	雖有姝女衆	如在空閑林
安處正法座	加敬尊奉事	如安低牒王
奉事波尸吒	時王白仙人	我今得大利
勞屈大仙人	辱來攝受我	諸有所應為

唯願垂教勅	如是勸請已	仙人歡喜
善哉常勝王	眾德悉皆備	愛樂來求者
惠施崇正法	仁智殊勝族	謙恭善隨順
宿植眾妙因	勝果見於今	汝當聽我說
今者之因緣	我從日道來	聞空中天說
言王生太子	當成正覺道	并見先瑞相
今故來到此	欲觀釋迦王	建立正法幢
王聞仙人說	決定離疑網	命持太子出
以示於仙人	仙人觀太子	足下千輻輪
手足網縵指	眉間白毫峙	馬藏隱密相
容色燄光明	見生未曾相	流淚長歎息
王見仙人泣	念子心戰慄	氣結盈心胃
驚悸不自安	不覺從座起	稽首仙人足
而白仙人言	此子生竒特	容貌極端嚴
天人殆不異	當為人中上	何故生憂悲

將非短壽子	生我憂悲乎	久渴得甘露
而復反棄乎	將非失財寶	喪家亡國乎
若有勝子存	國嗣有所寄	我死時心悅
安樂生他世	猶如人兩目	一眠而一覺
莫如秋霜華	雖敷而無實	人於親族中
愛深無過子	宜時為記說	令我得蘇息
仙人知父王	心懷大憂懼	即告言大王
王今勿恐怖	前已語大王	慎勿自生疑
今相猶如前	不應懷異想	自惟我年暮
不及故悲泣	今我臨終時	此子應世王
為盡生故生	斯人難得遇	當捨聖王位
不著五欲境	精勤修苦行	開覺得真實
常為諸羣生	滅除癡冥障	於世永熾燃
智慧日光明	眾生沒苦海	眾病為聚沫
衰老為巨浪	死為海洪濤	乘輕智慧舟

六一

六

度此衆流難	智慧泝流水	淨戒爲傍岸
三昧清涼池	正受衆奇鳥	如此甚深廣
正法之大河	渴愛諸羣生	飲之以蘇息
深著五欲境	衆苦所驅迫	迷生死曠野
莫知所歸趣	菩薩出世間	爲通解脫道
世間貪欲火	境界薪熾然	興發大悲雲
法雨雨令滅	癡闇門重扉	貪欲爲關鑰
閉塞諸羣生	出要解脫門	金剛智慧鑷
拔恩愛逆毛	愚癡網自纏	窮苦無所依
法王出世間	能解衆生縛	王莫以此子
自生憂悲患	當憂彼衆生	著欲違正法
我今老死壞	遠離聖功德	雖得諸禪定
而不獲其利	於此菩薩所	竟不聞正法
身壞命終後	必生三難天	王及諸眷屬
聞彼仙人說	知其自憂歎	恐怖悉已除

生此奇特子	我心得大安	出家捨世榮
修習仙人道	不紹國嗣位	復令我不悅
爾時彼仙人	向王真實說	必如王所慮
當成正覺道	於王眷屬中	安慰衆心已
自以已神力	騰空而遠逝	爾時白淨王
見子奇特相	又聞阿私陀	決定真實說
於子心敬重	倍護兼常念	大赦於天下
牢獄悉解脫	世人生子法	隨宜取捨事
依諸經方論	一切悉皆爲	生子滿十日
安隱心已泰	普祠諸天神	廣施於有道
沙門婆羅門	咒願祈告福	親族諸羣臣
及國中貧乏	村城媠女衆	牛馬象錢財
各隨彼所須	一切皆給與	卜擇選良時
遷子還本宮	二飯白淨牙	七寶莊嚴輿
雜色諸瓊瑤	明艷極光澤	夫人抱太子

周币禮天神	然後昇寶輿	姝女眾隨侍
王與諸臣民	一切俱導從	猶如天帝釋
諸天眾圍繞	如摩醯首羅	忽生六面子
設種種眾具	供給及請福	今王生太子
設眾具亦然	毗沙門天王	生那羅鳩婆
一切諸天眾	皆悉大歡喜	王今生太子
迦毗羅衛國	一切諸人民	歡喜亦如是
處宮品第二		
時白淨王家	以生聖子故	親族名子弟
羣臣悉忠良	象馬寶車輿	國財七寶器
日日轉增勝	隨應而集生	無量諸伏藏
自然從地出	清淨雪山中	兇狂羣白象
不呼自然至	不御自調伏	種種雜色馬
形體極端嚴	朱鬣纖長尾	超騰駿若飛
朝野之所生	應時自然至	純色調善牛

肥壯形端正	平步淳香乳	應時悉雲集
怨憎者心平	中平益淳厚	素篤者親密
亂逆悉消除	微風隨時雨	雷霆不震裂
種植不待時	收實倍豐熟	五穀鮮香美
輕輒易消化	諸有懷孕者	身安體和適
除受四聖種	諸餘世間人	資生各自如
無有他求想	無慢無慳嫉	亦無恚害心
一切諸士女	玄同劫初人	天廟諸寺舍
園林井泉池	皆如天上物	應時自然生
無有饑餓者	刀兵疾疫息	國中諸人民
親族相愛敬	法愛相娛樂	不生染汙欲
以義求財物	無有貪利心	為法行惠施
無求反報想	修習四梵行	滅除恚害心
過去摩菟王	生日光太子	舉國蒙吉祥
眾惡一時息	今王生太子	其德亦復爾

衆德義備故	名悉達羅他	時摩耶夫人
見其所生子	端正如天童	衆美悉備足
過喜不自勝	命終生天上	大愛瞿曇彌
見太子天童	德貌世奇特	既生母命終
愛育如其子	子敬亦如母	猶日月火光
從微照漸廣	太子長日新	德貌亦復爾
無價栴檀香	閻浮檀名寶	護身神仙藥
瓔珞莊嚴身	附庸諸隣國	聞王生太子
奉獻諸珍異	牛羊鹿馬車	寶器莊嚴具
助悅太子心	雖有諸嚴飾	嬰童玩好物
太子性安重	形少而心宿	心棲高勝境
不染於榮華	修學諸術藝	一聞超師匠
父王見聰達	深慮踰世表	廣訪名豪族
風教禮義門	容姿端正女	名耶輸陀羅
應娉太子妃	誘導留其心	太子志高遠

德盛貌清明	猶梵天長子	舍那鳩摩羅
賢妃美容貌	窈窕淑妙姿	瓌艷若天后
同處日夜歡	爲立清淨宮	宏麗極莊嚴
高峙在虛空	猶如秋白雲	溫涼四時適
隨時擇善居	妓女衆圍繞	奏合天樂音
勿憐穢聲色	令生厭世想	如天捷撻婆
自然寶宮殿	樂女奏天音	聲色耀心目
菩薩處高官	音樂亦如是	父王爲太子
靜居修純德	仁慈正法化	親賢遠惡友
心不染恩愛	於欲起毒想	攝情檢諸根
滅除輕躁意	和顏善聽說	慈教厭衆心
宣化諸外道	斷諸謀逆術	教學濟世方
萬民得安樂	如今我子安	萬民亦如是
事火奉諸神	叉手飲月光	恒水沐浴身
法水澡其心	祈福非存已	唯子及萬民

愛語非無義	義言非不愛	愛言非不實
實言非不愛	以有慚愧故	不能如實說
於愛不愛事	不依貪恚想	志存於寂嘿
平心止諍訟	不以祠天會	勝於斷事福
見多求衆生	豐施過其望	心無戰爭想
以德降怨敵	調一而護七	離七防制五
得三覺了三	知二捨於二	求情得其罪
應死垂仁恕	不加麤惡言	輒言而教勅
矜施以財物	指授資生路	受學神仙道
滅除怨恚心	名德普流聞	世累永消亡
主匠修明德	率土皆承習	如人心安靜
四體諸根從	時白淨太子	賢妃耶輸陀
年並漸長大	孕生羅睺羅	白淨王自念
太子已生子	遺嗣相紹續	正化無終極
太子既生子	愛子與我同	不復慮出家

但當力修善	我今心太安	無異生天樂
猶若劫初時	仙王所住道	受行清淨業
祠祀不害生	熾然修勝業	王勝梵行勝
宗族財寶勝	勇健技藝勝	明顯照世間
如日千光耀	所以為人王	正為顯其子
顯子為宗族	榮族以名聞	名高得生天
生天樂為已	已樂智慧增	悟道弘正法
先勝多聞所	受行衆妙道	唯願令太子
愛子不捨家	一切諸國王	生子年尚小
不令王國土	慮其心放逸	縱情著世樂
不能紹王種	今王生太子	隨心恣五欲
唯願樂世榮	不欲令學道	過去菩薩王
其道雖深固	要習世榮樂	生子繼宗嗣
然後入山林	修行寂嘿道	
狀患品第三		

卷一

十一

外有諸園林	流泉清涼池	衆雜華果樹
行列垂玄蔭	異類諸奇鳥	奮飛戲其中
水陸四種華	燄色流妙香	妓女因奏樂
弦歌告太子	太子聞音樂	歎美彼園林
內懷甚踴悅	思樂出遊觀	猶如繫狂象
常慕閑曠野	父王聞太子	樂出彼園遊
即勅諸羣臣	嚴飾備羽儀	平治王正路
并除諸醜穢	老病形殘類	羸劣貧窮苦
無今少樂子	見起厭惡心	莊嚴悉備已
啓請求拜辭	王見太子至	摩頭瞻顏色
悲喜情交結	口許而心留	衆寶軒飾車
結駟駿平流	賢良善術藝	年少美姿容
妙淨鮮華服	同車為執御	街巷散衆華
寶纓蔽路傍	垣樹列道側	寶器以莊嚴
繒蓋諸幢幡	繽紛隨風颭	觀者俠長路

側身目運光	瞪矚而不瞬	如並青蓮華
臣民悉扈從	如星隨宿王	異口同聲歎
稱慶世希有	貴賤及貧富	長幼及中年
悉皆恭敬禮	唯願今吉祥	郭邑及田里
聞太子當出	尊卑不待辭	寤寐不相告
六畜不遑收	錢財不及歛	門戶不容閉
奔馳走路傍	樓閣堤塘樹	窓牖衢巷間
側身競容目	瞪矚觀無厭	高觀謂投地
步者謂乘虛	意專不自覺	形神若雙飛
度度恭形觀	不生放逸心	圓體臚支節
色若蓮華敷	今出處園林	願成聖法仙
太子見脩塗	莊嚴從人衆	服乘鮮光澤
欣然心歡悅	國人瞻太子	嚴儀勝羽從
亦如諸王衆	見天太子生	時淨居天王
忽然在道側	變形衰老相	勸生厭離心

太子見老人	驚怪問御者	此是何等人
頭白而背偻	目冥身戰慄	任杖而羸步
為是身卒暴	為受性自爾	御者心躊躇
不敢以實答	淨居加神力	令其表真言
色變氣虛微	多憂少歡樂	喜忘諸根羸
是名衰老相	此本為嬰兒	長養於母乳
及童子嬉遊	端正恣五欲	年逝形枯朽
今為老所壞	太子長歎息	而問御者言
但彼獨衰老	吾等亦當然	御者又答言
尊亦有此分	時移形自變	必至無所疑
少壯無不老	舉世知而求	菩薩久習修
清淨智慧業	廣植諸德本	願果萃於今
聞說衰老苦	戰慄身毛豎	雷電霹靂聲
羣獸怖奔走	菩薩亦如是	震怖長噓息
繫心於老苦	領頭而瞪矚	念此衰老苦

世人何愛樂	老相之所壞	觸類無所擇
雖有壯色力	無一不遷變	目前見證相
如何不厭離	菩薩謂御者	宜速迴車還
念念衰老至	園林何足歡	壽命即風馳
飛輪旋本宮	心存朽暮境	如歸空塚間
觸事不留情	所居無暫安	王聞子不悅
勸令重出遊	即勅諸羣臣	莊嚴復勝前
天復化病人	守命在路傍	身瘦而腹大
呼吸長喘息	手脚攣枯燥	悲泣而呻吟
太子問御者	此復何等人	對曰是病者
四大俱錯亂	羸劣無所堪	轉側恃仰人
太子聞所說	即生哀愍心	問唯此人病
餘亦當復爾	對曰此世間	一切俱亦然
有身必有患	愚癡樂朝歡	太子聞其說
即生大恐怖	身心悉戰動	譬如揚波月

處斯大苦器	云何能自安	嗚呼世間人
愚惑癡闇障	病賊至無期	而生喜樂心
於是迴車還	愁憂念病苦	如人被打害
卷身待杖至	靜息於闕宮	專求反世樂
王復聞子還	勅問何因緣	對曰見病苦
王怖猶失身	深責治路者	心結口不言
復增妓女衆	音樂倍勝前	以此悅視聽
樂俗不馱家	晝夜進聲色	其心未始歡
王自出遊歷	更求勝妙園	揀擇諸姝女
美豔極姿顏	智黠能奉事	容媚能惑人
增修王御道	防制諸不淨	并勅善御者
瞻察擇路行	時彼淨居天	復化爲死人
四人共持輦	現於菩薩前	餘人悉不覺
菩薩御者見	問此何等輦	旛華雜莊嚴
從者悉憂感	散髮號哭隨	天神教御者

對曰爲死人	諸根壞命斷	心散念識離
神逝形乾燥	挺直如枯木	親戚諸朋友
恩愛素纏綿	今悉不喜見	遠棄空塚間
太子聞死聲	悲痛心交結	問唯此人死
天下亦俱然	對曰普皆爾	夫始必有終
長幼及中年	有身莫不壞	太子心驚惶
身垂車軾前	息殆絕而歎	世人一何誤
公見身磨滅	猶尚放逸生	心非枯木石
曾不慮無常	即勅迴車還	非復遊戲時
命脆死無期	如何縱心遊	御者奉王勅
畏怖不敢旋	正御疾驅馳	徑往之彼園
林流肅清淨	嘉木悉敷榮	靈禽雜奇獸
飛走欣和鳴	光耀悅耳目	猶天難陀園
離欲品第四		
太子入園林	衆女來奉迎	並生希遇想

競媚進幽誠	各盡妖姿態	供侍隨所宜
或有執手足	或遍摩其身	或復對言笑
或現憂感容	規以悅太子	今生愛樂心
衆女見太子	光顏狀天身	不假諸飾好
素體踰莊嚴	一切皆瞻仰	謂月天子來
種種設方便	不動菩薩心	更互相顧視
抱愧寂無言	有婆羅門子	名曰優陀夷
謂諸姝女言	汝等悉端正	聰明多技術
色力亦不常	兼解諸世間	隱密隨欲方
容色世希有	狀如玉女形	天見捨妃后
神仙爲之傾	如何人王子	不能感其情
今此王太子	持心雖堅固	清淨德純備
不勝女人力	古昔孫陀利	能壞大仙人
今習於愛欲	以足蹈其頂	長苦行瞿曇
亦爲天后壞	勝渠仙人子	習欲隨汙流

毗尸婆梵仙	修道十千歲	深著於天后
一日頓破壞	如彼諸美女	力勝諸梵行
況汝等技術	不能感王子	當更勤方便
勿令絕王嗣	女人性雖賤	尊榮隨勝夫
何不盡其術	令彼生染心	爾時姝女衆
慶聞優陀說	增其踴悅心	如鞭策良馬
往到太子前	各進種種術	歌舞或言笑
揚眉露白齒	美目相眇眇	輕衣見素身
妖搖而徐步	詐親漸習近	情欲實其心
兼奉大王言	漫形媠隱陋	忘其慚愧情
太子心堅固	傲然不改容	猶如大龍象
羣象衆圍繞	不能亂其心	處衆若閑居
猶如天帝釋	諸天女圍繞	太子在園林
圍繞亦如是	或爲整衣服	或爲洗手足
或以香塗身	或以華嚴飾	或爲貫瓔珞

或有扶抱身	或為安枕席	或傾身密語
或世俗調戲	或說眾欲事	或作諸欲形
規以動其心	菩薩心清淨	堅固難可轉
聞諸姝女說	不憂亦不喜	倍生厭思惟
歎此為奇怪	始知諸女人	欲心盛如是
不知少壯色	俄頃老死壞	哀哉此大惑
愚癡覆其心	當思老病死	晝夜勤勗勵
鋒劔臨其頸	如何猶嬉笑	見他老病死
不知自觀察	是則泥木人	當有何心慮
如空野雙樹	華葉俱茂盛	一已被斬伐
第二不知怖	此等諸人輩	無心亦如是
爾時優陀夷	來至太子所	見宴默禪思
心無五欲想	即白太子言	大王先見勅
為子作良友	今當奉誠言	朋友有三種
能除不饒益	成人饒益事	遭難不遺棄

我既名善友	棄捨丈夫儀	言不盡所懷
何名為三益	今故說真言	以表我丹誠
年在於盛時	容色德充備	不重於女人
斯非勝人體	正使無實心	宜應方便納
當生輒下心	隨順取其意	愛欲增嬌慢
無過於女人	且今心雖背	法應方便隨
順女心為樂	順為莊嚴具	若人離於順
如樹無華果	何故應隨順	攝受其事故
已得難得境	勿起輕易想	欲為最第一
天猶不能忘	帝釋尚私通	瞿曇仙人妻
阿伽陀仙人	長夜修苦行	為以求天后
而遂願不果	婆羅墮仙人	及與月天子
婆羅舍仙人	與迦賓闍羅	如是比眾多
悉為女人壞	況今自境界	而不能娛樂
宿世植德本	得此妙眾具	世間皆樂著

而心友不珍	爾時王太子	聞友優陀夷
甜辭利口辯	善說世間相	答言優陀夷
感汝誠心說	我今當語汝	且復留心聽
不薄妙境界	亦知世人樂	但見無常相
故生患累心	若此法常存	無老病死苦
我亦應愛樂	終無厭離心	若令諸女色
至竟無衰變	愛欲雖為過	猶可留人情
人有老病死	彼應自不樂	何況於他人
而生染著心	非常五欲境	自身俱亦然
而生愛樂心	此則同禽獸	汝所引諸仙
習著五欲者	彼即可厭患	習欲故磨滅
又稱彼勝王	樂著五欲境	亦復同磨滅
當知彼非勝	善言假方便	隨順習近者
習則真染著	何名為方便	虛誑為隨順
是事我不為	真實隨順者	是則為非法

此心難裁抑	隨事即生著	著則不見過
如何方便隨	虛順而心乖	此理我不見
知是老病死	大苦之積聚	令我墜其中
此非知識說	嗚呼優陀夷	真為大肝膽
生老病死患	比若甚可畏	眼見悉朽壞
而猶樂追逐	今我至憊劣	其心亦狹小
思惟老病死	卒至不預期	晝夜忘睡眠
何由習五欲	老病死熾然	決定至無疑
猶不知憂感	真為木石心	太子為優陀
種種巧方便	說欲為深患	不覺至日暮
時諸姝女眾	妓樂莊嚴具	一切悉無用
慚愧還入城	太子見園林	莊嚴悉休廢
妓女盡還歸	其處盡虛寂	倍增非常想
俛仰還本宮	父王聞太子	心絕於五欲
極生大憂苦	如利刺貫心	即召諸羣臣

其

大

問欲設方便	咸言非五欲	所能留其心
出城品第五	勝妙五欲具	晝夜以娛樂
王復增種種	太子深猷離	了無愛樂情
冀悅太子心	如被箭師子	王使諸大臣
但思生死苦	年少勝姿顏	聰慧執禮儀
貴族名子弟	以取太子心	如是未幾時
晝夜同遊止	服乘駿足馬	衆寶具莊嚴
啓王復出遊	圍繞俱出城	譬如四種華
與諸貴族子	太子耀神景	羽從悉蒙九
日照悉開敷	脩路廣而平	樹木華果茂
出城遊園林	路傍見耕人	墾壤殺諸蟲
心樂迷忘歸	痛踰刺貫心	又見彼農夫
其心生悲惻	蓬髮而流汗	塵土全其身
勤苦形枯悴	吐舌而急喘	太子性慈悲
耕牛亦疲困		

極生憐愍心	慨然與長歎	降身委地坐
觀察此衆苦	思惟生滅法	嗚呼諸世間
愚癡莫能覺	安慰諸人衆	各令隨處坐
自陰閻浮樹	端坐正思惟	觀察諸生死
起滅無常變	心定安不動	五欲廓雲消
有覺亦有觀	入初無漏禪	離欲生喜樂
正受三摩提	世間甚辛苦	老病死所壞
終身受大苦	而不自覺知	獸他老病死
此則爲大患	我今求勝法	不應同世間
自嬰老病死	而友惡他人	如是真實觀
少壯色力壽	新新不暫停	終歸磨滅法
不喜亦不憂	不疑亦不亂	不眠不著欲
不壞不嫌彼	寂靜離諸蓋	慧光轉增明
爾時淨居天	化爲比丘形	來詣太子所
太子敬起迎	問言汝何人	答言是沙門

畏獸老病死	出家求解脫	衆生老病死
變壞無暫停	故我求常樂	無滅亦無生
怨親平等心	不務於財色	所安唯山林
空寂無所營	塵想既已息	蕭條倚空閑
精麤無所擇	乞求以支身	即於太子前
輕舉騰虛逝	太子心歡喜	惟念過去佛
建立此威儀	遺像現於今	端坐正思惟
即得正法念	當作何方便	遂心長出家
斂情抑諸根	徐起還入城	眷屬悉隨從
謂止不遠逝	內密與遐念	方便超世表
形雖隨路歸	心實留山林	猶如繫狂象
常念遊曠野	太子時入城	士女俠路迎
老者願爲子	少願爲夫妻	或願爲兄弟
諸親內眷屬	若當從所願	諸集怖望斷
太子心歡喜	忽聞斷集聲	此音我所樂

斯願要當成	深思斷集樂	增長涅槃心
身如金山峯	臚臂如象手	其音若春雷
紺眼譬牛王	無盡法爲心	面如滿月光
師子王遊步	徐入於本宮	猶如帝釋子
心敬形亦恭	往詣父王所	稽首問和安
并啓生死畏	哀請求出家	一切諸世間
合會要別離	是故願出家	欲求真解脫
父王聞出家	心即大戰懼	猶如大狂象
動搖小樹枝	前執太子手	流淚而告言
且止此所說	未是依法時	少壯心動搖
行法多生過	奇特五欲境	心尚未厭離
出家修苦行	未能決定心	空閑曠野中
其心未寂滅	汝心雖樂法	未若我是時
汝應領國事	令我先出家	棄父絕宗嗣
此則爲非法	當息出家心	受習世間法

安樂善名聞	然後可出家	太子恭遜辭
復啓於父王	惟爲保四事	當息出家心
保子命常存	無病不厭老	衆具不損減
奉命停出家	父王告太子	汝勿說此言
如此四事者	誰能保今無	汝求此四願
正爲人所笑	且停出家心	服習於五欲
太子復啓王	四願不可保	應聽于出家
願不爲留難	子在被燒舍	如何不聽出
分析爲常理	孰能不聽求	脫當自摩滅
不如以法離	若不以法離	死至孰能持
父王知子心	決定不可轉	但當盡力留
何須復多言	更增諸姝女	上妙五欲樂
晝夜苦防衛	要不令出家	國中諸羣臣
來詣太子所	廣引諸禮律	勸令順王命
太子見父王	悲感泣流淚	且還本宮中

端坐嘿思惟	宮中諸姝女	親近圍繞侍
伺候瞻顏色	矚目不暫瞬	猶若秋林鹿
端視彼獵師	太子正容貌	猶若真金山
妓女共瞻察	聽教候音顏	敬畏察其心
猶彼林中鹿	漸已至日暮	太子處幽夜
光明甚輝耀	如日照須彌	坐於七寶座
熏以妙栴檀	姝女衆圍繞	奏捷捷婆音
如毗沙門子	衆妙天樂聲	太子心所念
第一遠離樂	雖作衆妙音	亦不在其懷
時淨居天子	知太子時至	決定應出家
忽然化來下	厭諸妓女衆	悉皆令睡眠
容儀不斂攝	委縱露醜形	昏睡互低仰
樂器亂縱橫	傍倚或及倒	或復似投淵
瓔珞如曳鎖	衣裳絞縛身	抱琴而偃地
猶若受苦人	黃綠衣流散	如摧迦尼華

縱體倚壁眠	狀若懸角弓	或手攀窻牖
如似絞死尸	頻呻長欠味	歌汗涕流涎
蓬頭露醜形	見若顛狂人	華髮垂覆面
或以面掩地	或舉身戰掉	猶若獨搖鳥
委身更相枕	手足互相加	或攀感皴眉
或闔眼開口	種種身散亂	狼藉猶橫屍
時太子端坐	觀察諸姝女	先皆極端嚴
言笑心諂黠	妖豔巧姿媚	而今悉醜穢
女人性如是	云何可親近	沐浴假莊飾
誑惑男子心	我今已覺了	決定出無疑
爾時淨居天	來下為開門	太子時徐起
出諸姝女間	踟躕於內閣	而告車匿言
吾今心渴仰	欲飲甘露泉	鞍馬速牽來
欲至不死鄉	自知心決定	堅固誓莊嚴
姝女本端正	今悉見醜形	門戶先關閉

今已悉自開	觀此諸瑞相	第一義之筌
車匿內思惟	應奉太子教	脫令父王知
復應深罪責	諸天加神力	不覺牽馬來
平乘駿良馬	眾寶鏤乘具	高翠長髦尾
局背短毛耳	鹿腹鵝王頭	額廣圓爪鼻
龍咽臆臆方	具足騏驎相	太子撫馬頸
摩身而告言	父王常乘汝	臨敵輒勝怨
吾今欲相依	遠涉甘露津	戰鬪多眾旅
榮樂多伴遊	商人求珍寶	樂從者亦眾
遭苦良友難	求法必寡朋	堪此二友者
終獲於吉安	吾今欲出遊	為度苦眾生
汝今欲自利	兼濟諸羣萌	宜當竭其力
長驅勿疲倦	勸已徐跨馬	理轡脩晨征
人狀日殿流	馬如白雲浮	束身不奮迅
屏氣不噴鳴	四神來捧足	潛密寂無聲

重門固關鑰 天神自令開 敬重無過父

愛深莫踰子 內外諸眷屬 恩愛亦纏綿

遺情無遺念 飄然超出城 清淨蓮華目

從淤泥出生 顧瞻父王宮 而說告離篇

不度生老死 永無遊此緣 一切諸天衆

虛空龍鬼神 隨喜稱善哉 唯此真諦言

諸天龍神衆 慶得難得心 各以自力光

引導助其明 人馬心俱銳 奔逝若流星

東方猶未曉 已進三由旬

佛所行讚經卷第一

音釋

囊余制切怵怵丑律切惕惕他律切瞪瞪大

與與同條條武竹切胤胤羊音切悸悸其季切泝泝桑故

之之秋切鑰鑰以灼切鑷鑷尼斬切髦髦莫袍切窺窺

如如侯切窺窺伊烏切窺窺幽開也環環公回切豔豔美也

難難以蹠蹠容切峙峙直聖切颯颯余章切扈扈侯古
色色豐蹠蹠直由切蹠蹠直由切蹠蹠直由切蹠蹠直由切蹠蹠直由切
力力員切眇眇切眇眇切眇眇切眇眇切眇眇切
屈屈也眇眇切眇眇切眇眇切眇眇切眇眇切
勛勛許玉切停停弱也墜墜康很切欠欠同呿呿同
欠欠去張切鞞鞞平義切鞞鞞平義切鞞鞞平義切鞞鞞平義切鞞鞞平義切
運運氣也鞞鞞平義切鞞鞞平義切鞞鞞平義切鞞鞞平義切鞞鞞平義切

佛所行讚經卷第二

典二

馬 鳴 菩 薩 撰

北涼 天竺 三藏 曇 無 讖 譯

車匿還品第六

須臾夜已過 衆生眼光出 顧見林樹間

跋伽仙人處 其二 林流極清曠 禽獸親附人

太子見心喜 形勞自然息 此則為祥瑞

必獲未曾利 又見彼仙人 所應供養者

并自護威儀 滅除憍慢跡 下馬手摩頭

汝今已度我 慈目視車匿 猶清涼水池

駿足馬馳駛 猶若鳥迅飛 汝常係馬後

感汝深敬勤 餘事不足計 惟取汝真心

心敬形甚勤 此二今始見 人有心至誠

身力無所堪 力堪心不至 汝今二俱備

損棄世榮祿 進步隨我來 何人不向利

無利親戚離 汝今空隨我 不求現世報

何以育養子 為紹嗣宗族 所以恭敬父

為其育子故 一切皆求利 汝獨背利遊

多言何所解 今當略告汝 汝事我已畢

今且乘馬還 自我長夜來 所求處今得

即脫寶瓔珞 以授於車匿 持是以賜汝

以慰汝憂悲 寶冠頂摩尼 光明照其身

即脫置掌中 如日曜須彌 車匿持此珠

還歸父王所 持珠禮王足 以表我虔心

為我啓請王 願捨愛戀情 為脫生老死

故入苦行林 亦不求生天 非無仰戀心

亦不懷結恨 惟欲捨憂悲 長夜集恩愛

要當有別離 以有常離故 故求解脫因

若得解脫者 永無離親期 為斷愛出家

勿為子生憂 五欲為憂根 應憂著欲者

乃祖諸勝王	志堅固不移	今我襲餘財
惟法捨非宜	夫人命終時	產財悉遺子
子多貪俗利	而我樂法財	若言年少壯
非是遊學時	當知求正法	無時非為時
無常無定期	死怨常隨逐	是故我今日
決定求法時	如上諸所啓	汝悉為我宣
惟願令父王	不復顧戀我	若以形毀我
令王割愛心	汝莫惜其言	使王念不絕
車匿奉教勅	悲塞情惛迷	合掌而胡跪
還答太子言	如勅具宣者	恐更增憂悲
憂悲增轉深	如象溺深泥	決定恩愛離
有心孰不哀	金石尚摧破	何況溺哀情
太子長深宮	少樂身細輒	投身刺棘林
苦行安可堪	初命我索馬	我意已不安
天神驅逼我	命我速莊嚴	何意令太子

決定捨深宮	迦毗羅衛人	舉國生悲痛
父王年已老	念子愛亦深	決定捨出家
此則非所應	邪見無父母	此則無復論
瞿曇彌長養	乳哺形枯乾	慈愛難可忘
莫作背恩人	嬰兒功德母	勝族能奉事
得勝而復棄	此則非勝人	耶輸陀勝子
嗣國掌正法	厥年尚幼小	亦不應棄捨
已違捨父王	及宗親眷屬	勿復棄於我
要不離尊足	心懷如湯火	不堪獨還國
今於空野中	棄太子而歸	則同須曼提
棄捨於羅摩	今若獨還宮	白玉當何言
合宮同見責	復以何辭答	太子向告我
隨方便形毀	牟尼功德所	云何而虛說
我深慚愧故	苦亦不能言	設使有言者
天下誰復信	若言月光熱	世間有信者

脫有信太子	所行非法行	太子心柔軟
常慈悲一切	深愛而棄捨	此則違宿心
願可思還宮	以慰我愚誠	太子聞車匿
悲切苦諫言	心安轉堅固	而復告之曰
汝今為我故	而生別離苦	當捨此悲念
且自慰其心	衆生各異趣	乖離理自常
縱令我今日	不捨親族者	死至形神乖
當復云何留	慈母懷妊我	深愛懷抱苦
生已即命終	竟不蒙子養	存亡各異路
今為何處求	曠野高顯樹	衆鳥羣聚棲
暮集晨離散	世間離亦然	浮雲起高山
四集於空中	俄爾復離散	人理亦復然
世間本自乖	暫會恩愛纏	如夢中聚散
不應計我親	譬如春生木	漸長柯葉成
秋霜遂零落	同體尚分離	況人暫合會

親戚豈常俱	汝且息憂苦	順我教而歸
歸意猶存我	且歸後更還	迦毗羅衛人
聞我心決定	顧遺念我者	汝當宣我言
度生死苦海	然後當來還	情願若不遂
身滅山林間	白馬聞太子	發斯真實言
屈膝而舐足	長息淚流連	輪掌網縵手
順摩白馬頂	汝莫生憂悲	我今懺謝汝
良馬之勤勞	具功今已畢	惡道苦長息
妙果現於今	衆寶莊嚴劍	車匿常執隨
太子拔利劍	如龍曜光明	寶冠籠玄髮
合剃置空中	上昇凝虛境	飄若鸞鳳翔
切利諸天子	執髮還天宮	常欲奉事足
況今得頂髮	盡心加供養	至于正法盡
太子時自念	莊嚴具悉除	惟有素縉衣
猶非出家儀	時淨居天子	知太子心念

化爲獵師像	持弓佩利箭	身被袈裟衣
徑至太子前	太子念此衣	染色清淨服
仙人上妙飾	非獵者所應	即呼獵師前
軟語而告曰	汝於此衣服	貪愛似不染
以我身上服	與汝相貿易	獵師白太子
非不惜此衣	用媒於羣鹿	誘引而殺之
苟是汝所須	今當與交易	獵者受妙衣
還復於天身	太子及車匿	見生奇特想
此必無事衣	定非世人服	內心大歡喜
於衣倍增敬	即與車匿別	披著袈裟衣
猶若青絳雲	圍繞日月輪	安詳而諦步
入於仙人窟	車匿目隨矚	身沒不復見
大家捨父王	眷屬并及我	受著袈裟衣
入於苦行林	舉手仰呼天	悶絕而躡地
起抱白馬頸	望絕隨路歸	徘徊數及顧

典二

五

形往心友馳	或沉思失覓	或俯仰垂身
或倒而復起	悲泣隨路還	
入苦行林品第七		
太子遣車匿	將入仙人處	端嚴身光曜
普照苦行林	具足一切義	隨義而之彼
如獸王師子	入于羣獸中	俗容悉已捨
惟見道真形	彼諸學仙士	忽見未曾有
慄然心驚喜	合掌端自矚	男女隨執事
即視不改儀	如天觀帝釋	瞪視目不瞬
諸仙不移足	瞪視亦復然	任重手執作
不釋事而看	如牛在轅軛	形束而心依
俱學神仙者	咸說未曾見	孔雀等衆鳥
亂聲而翔鳴	持鹿戒梵志	隨鹿遊山林
鹿性麤睽矚	見太子端視	隨鹿諸梵志
端視亦復然	甘蔗燈重明	猶如日初光

能感羣乳牛	驚喜傳相告	為第六魔王	而來下此耶	太子亦謙下	林中諸梵志	問長宿梵志	未知行何法	爾時彼二生	次第隨事答	或食根莖葉	服食亦不同	有隨鹿食草	兩齒齧為痕	或常水沐頭
增出甜香乳	為八婆藪天	為梵迦夷天	要是所應敬	敬辭以問訊	種種修福業	所行真實道	隨事而請問	以諸修苦行	非聚落所出	或復食華果	或習於鳥生	吸風蟒蛇仙	或乞食施人	或奉事於火
彼諸梵志等	為二阿濕波	為日月天子	奔競來供養	菩薩遍觀察	悉求生天樂	今我初至此	願為我解說	及苦行果報	清淨水生物	種種各異道	兩足擒取食	木石舂不食	取殘而自食	水居習魚仙

如是等種種	以因苦行故	聞此諸苦行	思惟哀念彼	惟求人天報	違親捨勝境	終為大苦縛	而求於受生	以苦而求苦	精勤求受生	而長沒苦海	任苦求現樂	俱墮於非義	未若修智慧	安樂為非法
梵志修苦行	當得安樂果	不見真實義	心口自相告	輪迴向生死	決定求天樂	自枯槁其形	增長五欲因	一切衆生類	生已會當死	此生極疲勞	求生天亦勞	方於極鄙劣	兩捨水無為	行法而後樂
壽終得生天	兩足尊賢士	內心不欣悅	哀哉大苦行	苦多而樂少	雖免於小苦	修行諸苦行	不觀生死故	心常畏於死	雖復畏於苦	將生復不息	求樂心下劣	精勤則為勝	苦身是法者	因法果非法

典二

六

身所行起滅	皆由心意力	若離心意者
此身如枯木	是故當調心	心調形自正
食淨為福者	禽獸貧窮子	常食於果藥
斯等應有福	若言善心起	苦行為福因
彼諸安樂行	何不善心起	樂非善心起
善亦非苦因	若彼諸外道	以水為淨者
樂水居衆生	惡業應常淨	善本功德仙
所住止之處	功德仙住故	普世之所重
應尊彼功德	不應重其處	如是廣說法
遂至於日暮	見有事火者	或鑽或吹然
或有酥油灑	或舉聲咒願	如是竟日夜
觀察彼所行	不見真實義	而便欲捨去
時彼諸梵志	悉來請留住	眷仰菩薩德
忼忼勤勸請	汝從非法處	來至正法林
而復欲棄捨	是故勸請留	諸長宿梵志

蓬髮服草衣	追隨菩薩後	願請小留神
菩薩見諸老	隨逐身疲勞	止住一樹下
安慰遣令還	梵志諸長幼	圍繞合掌請
汝忽來到此	園林妙充滿	而今棄捨去
遂成丘曠野	如人愛壽命	不欲捨其身
我等亦如是	惟願小留住	此處諸梵仙
王仙及天仙	皆依於此處	又隣雪山側
增長人苦行	其處莫過此	衆多諸學士
由此路生天	求福學仙者	皆從此已北
攝受於正法	慧者不遊南	若汝見我等
懈怠不精進	行諸不淨法	而不樂住者
我等悉應去	汝可留止此	此諸梵志等
常求苦行伴	汝為苦行長	云何相棄捨
若能止住此	奉事如帝釋	亦如天奉事
毗黎訶鉢低	菩薩向梵志	說已心所願

我修正方便	惟欲滅諸有	汝等心質直
行法亦寂默	親念於來賓	我心實愛樂
美說感人懷	聞者皆沐浴	聞汝等所說
增我樂法情	汝等悉歸我	以為法良朋
而今棄捨汝	其心甚悵然	先違本親屬
今與汝等乖	合會別離苦	其苦等無異
非我心不樂	亦不見他過	但汝等苦行
悉求生天樂	我求滅三有	形背而心乖
汝等所行法	自習先師業	我為滅諸集
以求無集法	是故於此林	永無久停理
爾時諸梵志	聞菩薩所說	真實有義言
辭辯理高勝	其心大歡喜	深加崇敬情
時有一梵志	常卧塵上中	縈髮衣樹皮
黃眼脩高鼻	而白菩薩言	志固智慧明
決定了生過	知離生則安	不著生天福

志求永滅身	是則未曾有	惟見此一人
祠祀祈天神	及種種苦行	悉求生天樂
未離貪欲境	能與貪欲爭	志求真解脫
此則為丈夫	決定正覺士	斯處不足留
當至頻陀山	彼有大牟尼	名曰阿羅藍
惟彼得究竟	第一增勝眼	汝當往詣彼
得聞真實道	能使心悅者	必當行其法
我觀汝志樂	恐亦非所安	當復捨彼遊
更求餘多聞	隆鼻廣長目	丹脣素利齒
薄膚面光澤	朱舌長輭薄	如是眾妙相
悉飲爾皎水	當度不測深	世間無有比
耆舊諸仙人	不得者當得	菩薩領其言
與諸仙人別	彼諸仙人眾	右繞各辭還
合宮憂悲品第八		
車匿牽馬還	望絕心悲塞	隨路號泣行

不能自開割	先與太子俱	一宿之徑路
今捨太子還	生奪天蔭故	徘徊心顧戀
八日乃至城	良馬素奔駿	奮迅有威相
踟躕顧瞻仰	不覩太子形	流淚四體垂
顛頓失光澤	旋轉慟悲鳴	日夜忘水草
遺失救世主	還迦毗羅衛	國土悉廓然
如歸空聚落	如日翳須彌	重冥舉世闇
泉池不澄清	華果不榮茂	巷路諸士女
憂感失歡容	車匿與白馬	悵快行不前
問事不能答	遲遲若屍行	衆見車匿還
不見釋王子	舉聲大號泣	如棄羅摩還
有人來路傍	傾身問車匿	王子世所愛
舉國人之命	汝輒盜將去	今爲何所在
車匿抑悲心	而答衆人言	我眷戀追逐
不捨於王子	王子捨於我	并棄俗威儀

剃頭被法服	入於苦行林	衆人聞出家
驚起竒特想	嗚咽而啼泣	涕淚交流下
各各相告語	我等作何計	衆人咸議言
悉當追隨去	如人命根壞	身死形神離
王子是我命	失命我豈生	此邑成丘林
彼林成郭邑	此城失威德	如殺毗黎多
城內諸士女	虛傳王子還	奔馳出路首
惟見馬空歸	莫知其存亡	悲泣種種聲
車匿步牽馬	歔歔垂淚還	失太子憂悲
加增怖懼心	如戰士破敵	執怨送王前
入門淚雨下	滿目無所見	仰天大號哭
白馬亦悲鳴	宮中雜鳥獸	內廡中羣馬
聞白馬悲鳴	嗚呼而應之	謂呼太子還
不見而絕聲	後宮諸姝女	聞馬鳥獸鳴
被髮面萎黃	形瘦脣口乾	弊衣不浣濯

垢穢不浴身	莊嚴具悉廢	毀悴不鮮明
舉體無光澤	猶如寅小星	衣裳壞縑縷
狀如被賊形	見車匿白馬	涕泣絕望歸
感結而號咷	猶如新喪親	狂亂而搔擾
猶羣牛失道	大愛瞿曇彌	聞太子不還
東身投於地	四體悉傷壞	猶如狂風摧
金色芭蕉樹	又聞子出家	長歎增悲感
右旋細軟髮	一孔一髮生	黑淨鮮光澤
平住而灑地	何意合天冠	剃著草土中
臚臂師子步	脩廣牛王目	身光黃金燄
方臆梵音聲	持是上妙相	入於苦行林
世間何薄福	失斯聖地主	妙細柔軟足
清淨蓮華色	土石刺棘林	云何而可蹈
生長於深宮	温衣細軟服	沐浴以香湯
未香以塗身	今則冒風露	寒暑安可堪

卷二

十一

華族大丈夫	標挺勝多聞	德備名稱高
常施而無求	云何忽一朝	乞食以活身
清淨寶牀卧	奏樂以覺昏	豈能山樹間
草土以藉身	念子心悲痛	悶絕而躄地
侍人扶令起	為拭其目淚	其餘諸夫人
憂苦四體垂	內感心慄結	不動如畫人
時耶輸陀羅	深責於車匿	共我意中人
今為在何所	人馬三共行	今惟二來還
我心極惶怖	戰慄不自安	汝是不正人
不昵非善友	不吉縱強暴	應笑用啼為
將去而啼還	反覆不相應	愛念自在伴
隨欲恣心作	故使聖王子	一去不復歸
汝今應大喜	作惡已果成	寧近智慧怨
不習愚癡友	假名為良朋	內實懷怨結
今此勝王家	一旦悉破壞	此諸貴夫人

憂頽毀形好	涕泣氣息絕	面淚橫流下
夫主尚在世	依此如雪山	安意如大地
憂悲殆至死	況此窓牖中	悲泣長叫者
生亡其所天	其苦何可堪	告馬汝無義
奪人心所重	猶如闇冥中	惡賊劫珍寶
乘汝戡鬪時	刀矛鋒利箭	一切悉能堪
今有何不忍	一族之殊勝	強奪我心去
汝是弊惡蟲	造諸不正業	今日大嗚呼
聲滿於王宮	先劫我所念	爾時何以瘞
若爾時有聲	舉宮悉應覺	爾時若覺者
不生今苦惱	車匿聞苦言	飲氣而息結
杖淚合掌答	願聽我自陳	莫嫌責白馬
亦莫恚於我	我等悉無過	天神之所爲
我極畏王法	天神所驅遣	速牽馬與之
俱去疾如飛	厭氣令無聲	足亦不觸地

與二

十二

城門自然開	虛空自然明	斯皆天神爲
豈是我之力	耶輸陀聞說	心生奇特想
天神之所爲	非是斯等咎	嫌責心稍除
熾然大苦息	躡地稱怨嗟	雙輪鳥分乖
我今失依怙	同法行生離	樂法捨同行
何處更求法	古昔諸先勝	大使見王等
斯皆夫妻俱	學道遊林野	而今捨於我
爲求何等法	梵志祠祀典	夫妻必同行
同行法爲因	終則同受報	汝何獨法慳
棄我而隻遊	或見我嫉惡	更求無嫉者
或當嫌薄我	更求淨天女	以何勝德色
修習於苦行	以我薄命故	夫妻生別離
羅睺羅何故	不蒙於膝下	嗚呼不吉士
貌柔而心剛	勝族盛光榮	怨憎猶宗仰
又子生未孩	而能永棄捨	我亦無心腹

夫棄遊山林	不能自泯沒	此則木石人
言已心迷亂	或哭或狂言	或瞪視沉思
哽咽不自勝	惛惛氣殆盡	卧於塵土中
諸餘姝女眾	見生悲痛心	猶如盛蓮華
風雹摧令萎	父王失太子	晝夜心悲戀
齋戒求天神	願令子速還	發願祈請已
出於天祠門	聞諸啼哭聲	驚怖心迷亂
如天大雷電	羣象亂奔馳	見車匿白馬
廣問知出家	舉身投於地	如崩帝釋幢
諸臣徐扶起	以法勸令安	久而心小醒
而告白馬言	我數乘汝戰	每念汝有功
今者憎惡汝	倍於愛念時	所念功德子
汝輒運令去	擲著山林中	獨自空來歸
汝速持我往	不爾往將還	不為此二者
我命將不存	更無餘方治	惟待子為藥

如珊閣梵志	為子死殺身	我失行法子
自然令無身	摩菟衆生主	亦常為子憂
沉復我常人	失子能自安	古昔阿闍王
愛子遊山林	感思而命終	即時得生天
吾今不能死	長夜住憂苦	合宮念吾子
虛渴如餓鬼	如人渴掬水	欲飲而奪之
守渴而命終	必生餓鬼趣	今我至虛渴
得子水復失	及我未命終	速語我子處
勿令我渴死	墮於餓鬼中	我素志力強
難動如大地	失子心躁亂	如昔十車王
王師多聞士	大臣智聰達	二人勸諫王
不緩亦不切	願自寬情念	勿以憂自傷
古昔諸勝王	棄國如散華	子今行學道
何足苦憂悲	當憶阿私記	理數亦應然
天樂轉輪王	蕭然不累情	豈曰世界主

能移金玉心	今當使我等	推求到其所
方便苦諫諍	以表我丹誠	要望降其志
以慰王憂悲	王喜即答言	惟汝等速行
如舍居陀鳥	為子空中旋	我今念太子
便恂心亦然	二人既受命	王與諸眷屬
其心小清涼	氣宣餐飲通	
推求太子品第九		
王正以憂悲	感切師大臣	如鞭策良馬
馳駛若迅流	身疲不辭勞	徑詣苦行林
捨俗五儀飾	善攝諸情根	入梵志精廬
敬禮彼諸仙	諸仙請就坐	說法安慰之
即白仙人言	意有所諮問	爭稱淨飯王
甘蔗名稱胄	我等為師臣	法教典要事
王如天帝釋	于如闍延多	為度老病死
出家或投此	我等為彼來	惟尊應當知

答言有此人	長臂大人相	擇我等所行
隨順生死法	往詣阿羅藍	以求勝解脫
既得定寶已	尊崇王速命	不敢計疲勞
尋路而馳進	見太子處林	悉捨俗儀飾
真體猶光耀	如日出鳥雲	國奉天神師
執正法大臣	捨除俗威儀	下乘而步進
猶王婆摩疊	仙人婆私吒	往詣山林中
見王子羅摩	各隨其本儀	恭敬禮問訊
猶如倏迦羅	及與央耆羅	盡心加恭敬
奉事天帝釋	王子亦隨敬	王師及大臣
如帝釋安慰	倏迦央耆羅	即命彼二人
坐於王子前	如富那婆藪	兩星侍月傍
王師及大臣	啓請於王子	如毗利波低
語彼闍延多	父王念太子	如利刺貫心
荒迷發狂亂	卧於塵土中	日夜增悲思

流淚常如雨	勅我有所命	惟願留心聽
知汝樂法情	決定無所疑	非時入林藪
悲戀燒我心	汝若念法者	應當哀愍我
望寬遠遊情	以慰我懸心	勿令憂悲水
崩壞我心岸	如雲水草山	風日火雹災
憂悲為四患	飄乾燒壞心	且還食土邑
時至更遊仙	不顧於親戚	父母亦棄捐
此豈名慈悲	覆護一切耶	法不必山林
在家亦修閑	覺悟勤方便	是則名出家
剃髮服染衣	自遊山藪間	此則懷畏怖
何足名學仙	願得一抱汝	以水雨其頂
冠汝以天冠	置於傘蓋下	矚目一觀汝
然後我出家	頭留摩先王	阿菟闍阿沙
跋闍羅婆休	毗跋羅安提	毗提阿闍那
那羅濕波羅	如是等諸王	悉皆著天冠

瓔珞以嚴容	手足貫珠環	姝女眾娛樂
不違解脫因	汝今可還家	崇習於二事
心修增上法	為地增上主	垂淚約勅我
令宣如是言	既有此勅旨	汝應奉教還
父王因汝故	沒溺憂悲海	無救無所依
無由自開釋	汝當為船師	度著安隱處
毗森摩王子	二羅彌跋提	聞父勅恭命
汝今亦應然	慈母鞠養恩	盡壽報罔極
如牛失其犢	悲呼忘眠食	汝今應速還
以救其生命	孤鳥離羣哀	龍象獨遊苦
憑依者失蔭	當思為救護	一子猶幼孤
遭苦莫知告	免彼煢煢苦	如人救月蝕
舉國諸士女	別離苦熾然	歎息烟衝天
熏慧眼令闍	惟求見汝水	滅火目開明
菩薩聞父王	切教苦備至	端坐正思惟

卷二

十六

隨宜遜順答	我亦知父王	慈念心過厚
畏生老病死	故違罔極恩	誰不重所生
以終別離故	正使生相守	死至莫能留
是故知所重	長辭而出家	聞父王憂悲
增戀切我心	但如夢暫會	倏忽歸無常
汝當決定知	衆生性不同	憂苦之所生
不必子與親	所以生離苦	皆從癡惑生
如人隨路行	中道暫相逢	須臾各分散
乖理本自然	合會暫成親	隨緣理自分
深達親假合	不應生憂悲	此世違親愛
他世更求親	暫親復乖離	處處無非親
常合而常散	散散何足哀	處胎漸漸變
分分死更生	一切時有死	山林何非時
時時受五欲	求財時亦然	一切時死故
除死法無時	欲使我為王	慈愛法難違

典二

十七

如病服非藥	是故我不堪	高低愚癡處
放逸隨愛憎	終身常畏怖	思慮形神疲
順衆心違法	智者所不為	七寶妙宮殿
於中盛火然	天厨百味飯	於中有雜毒
蓮華清涼池	於中多毒蟲	位高為災宅
慧者所不居	古昔先勝王	見居國多愆
楚毒加衆生	獸患而出家	故知王正苦
不如行法安	寧處於山林	食草同禽獸
不堪處深宮	黑虺同其穴	捨王位五欲
任苦遊山林	此則為隨順	樂法漸增明
今棄閑靜林	還家受五欲	日夜苦法增
此則非所應	名族大丈夫	樂法而出家
永背名稱族	建大丈夫志	毀形被法服
樂法遊山林	今復棄法服	有違慚愧心
天王尚不可	況歸人勝家	已吐貪恚癡

還復服食者	如人反食吐	此苦安可堪
如人舍被燒	方便馳走出	須臾還復入
此豈為黠夫	見生老死過	獸患而出家
今當還復入	愚癡與彼同	處宮修解脫
則無有是處	解脫寂靜生	王者加楚毒
寂靜廢王威	王正解脫乖	動靜猶水火
二理何得俱	決定修解脫	亦不居王位
若言居王位	兼修解脫者	此則非決定
決定解不然	既非決定心	或出還復入
我今已決定	斷親屬鉤餌	正方便出家
云何還復入	大臣內思惟	太子丈夫志
深識德隨順	所說有因緣	而告太子言
如王子所說	求法法應爾	但今非是時
父王衰暮年	念子增憂悲	雖曰樂解脫
反更為非法	雖樂出無慧	不思深細理

典二

十八

不見因求果	徒捨現法觀	有言有後世
又復有言無	有無既不判	何為捨現樂
若當有後世	應任其所得	若言後世無
無即為解脫	若言有後世	不說解脫因
如地堅火煖	水濕風飄動	後世亦復然
此則性自爾	有說淨不淨	各從自性起
言可方便移	此則愚癡說	諸根行境界
自性皆決定	愛念與不念	自性定亦然
老病死等苦	誰方便使然	謂水能滅火
火令水煎消	自性增相壞	性和成衆生
如人處胎中	手足諸體分	神識自然成
誰有為之者	棘刺誰令利	此則性自然
及種種禽獸	無欲使爾者	諸有生天者
自在天所為	及與造化者	無自力方便
若有所由生	彼亦能令滅	何須自方便

而求於解脫	有言我今生	亦復我令滅
有言無由生	要方便而滅	如人生育子
不負於祖宗	學仙人遺典	奉天大祠祀
此三無所負	則名為解脫	古今之所傳
此三求解脫	若以餘方便	徒勞而無實
汝欲求解脫	惟習上方便	父王憂悲息
解脫道須臾	捨家遊山林	還歸亦非過
昔庵婆利王	久處苦行林	捨徒眾眷屬
還家居王位	國王子羅摩	去國處山林
聞國風俗離	還歸維正化	娑樓婆國王
名曰頭樓摩	父子遊山林	終亦俱還國
婆私緻牟尼	及與安低疊	山林修梵行
久亦歸本國	如是等先勝	正法善名稱
悉還王領國	如燈照世間	是故捨山林
正法化非過	太子闍大臣	愛語饒益說

以常理不亂	無礙而庠序	固志安隱說
而答於大臣	有無等猶豫	二心疑惑增
而作有無說	我不決定取	淨智修苦行
決定我自知	世間猶豫論	展轉相傳習
無有真實義	此則我不安	明人別真偽
信豈由他生	猶如生盲人	以盲人為導
於夜大闇中	當復何所之	於淨不淨法
世間生疑惑	設不見真實	應行清淨道
寧苦行淨法	非樂行不淨	觀彼相承說
無一決定相	真言虛心受	永離諸過患
語過虛偽說	智者所不言	如說羅摩等
捨家修梵行	終歸還本國	服習五欲者
此等為陋行	智者所不依	我今當為汝
略說其要義	日月墜於地	須彌雪山轉
我身終不易	退入於非處	寧投身盛火

不以義不畢 還歸於本國 入五欲熾然

表斯要誓言 徐起而長辭 太子辯鋒燄

猶如盛日光 王師及大臣 言論莫能勝

相謂計已盡 惟當辭退還 深敬歎太子

不敢強逼迫 敬奉王命故 不敢速疾還

徘徊於中路 行邁顧遲遲 選擇黠慧人

審諦機悟士 隱身密伺候 然後捨而還

佛所行讚經卷第二

音釋

駛珠士切 妊汝鳩切 舐神帝切 買莫侯切

也 睽睽失冉切 賜賜急視也 赤蘇后切 春書容切

也 齧五結切 忼五九切 躑躑直炙切 躑躑直炙切

進貌 歎歎音虛歎音希歎音居 廐居祐切 廐居祐切

繼繼魯甘切 縷縷力主切 媧媧步劣切 餽餽仍吏切 惰於錄切 梵渠管切 技武粉切

佛所行讚經卷第三

典三

馬 為 善 謹 撰

北凉天竺三藏曇無讖譯

餅沙王詣太子品第十

太子辭王師 及正法大臣 冒浪濟恒河

路由靈鷲嶽 藏根於五山 特秀峙中亭

林木華果茂 流泉温涼分 入彼五嶽城

寂靜猶天外 國人見太子 容德深且明

少年身光澤 無比丈夫形 悉起奇特想

如見自在幢 橫行為停足 隨後咸速馳

先進悉迴顧 矚目觀無狀 四體諸相好

隨見目不移 恭敬來奉迎 合掌禮問訊

咸皆大歡喜 隨宜而供養 仰瞻尊勝顏

俯愧種種形 正素輕躁儀 寂默加肅恭

結恨心求解 慈和情頓增 士女公私業

一時悉休廢 敬形宗其德 隨觀盡忘歸

眉間白毫相 脩廣紺青目 舉體金光曜

清淨網縵手 雖為出家形 有應聖王相

王舍城士女 長幼悉不安 此人尚出家

我等何俗歡 爾時餅沙王 處於高觀上

見彼諸士女 惶惶異常儀 勅召一外人

備問何因緣 恭跪王樓下 具白所見聞

昔聞釋氏種 奇特殊勝子 神慧超世表

應王領八方 今出家在此 眾人悉奉迎

王聞心驚喜 形留神已馳 勅使者速還

伺候進趣宜 奉教密隨從 瞻察所施為

瞪靜端目視 佯步顯真儀 入里行乞食

為諸乞士先 歛形心不亂 好惡靡不安

精羸隨所得 持鉢歸閑林 食訖漱清流

樂靜安白山 青林列高崖 丹華植其間

孔雀等諸鳥	翻飛而亂鳴	法服明鮮發
如日照搏桑	使見安住彼	次第具上聞
王聞心馳敬	即勅嚴駕行	天冠佩華服
師子王遊步	簡擇諸宿重	安靜審諦士
導從百千衆	雲騰昇白山	見菩薩威儀
寂靜諸情根	端坐山巖室	如月麗青天
妙色淨端嚴	猶若法化身	虔心肅然發
恭步漸親近	猶如天帝釋	詣摩醯須摩
歛容執禮儀	敬問彼和安	菩薩詳而動
隨順反相酬	時王勞問畢	端坐清淨石
瞪矚瞻神儀	顏和情交悅	伏聞名高族
盛德相承襲	欽情久蘊積	今欲決所疑
日光之源宗	祚隆已萬世	令德紹遺嗣
弘廣萃於今	賢明年幼少	何故而出家
超世聖王子	乞食不存榮	妙體應塗香

何為服袈裟	手宜握天下	反以受薄餐
若不代父王	受禪享其土	吾今分半國
庶望少留情	既勉逼親嫌	時過隨所從
當體我誠言	貪得為良隣	或恃名勝族
才德容貌兼	不欲降高節	屈下受人恩
當給勇健士	器仗隨軍資	自力廣收羅
天下孰不推	明人知時取	法財五欲增
若不獲三利	終始徒勞動	崇法捨財色
財為一世人	富財捨法欲	此則保財濱
貧窶而忘法	五欲孰能歡	是故三事俱
德流而道宣	法財五欲備	名世大丈夫
無令圓相身	徒勞而無功	曼陀轉輪王
王領四天下	帝釋分半座	力不能王天
今汝臚長臂	足攬人天境	我不恃王力
而欲強相留	見汝改形好	受著出家衣

既以敬其德	矜苦惜其人	汝今行乞食
我願奉其土	少壯受五欲	中年習用財
年耆諸根熟	是乃順法時	壯年守法財
必為欲所壞	老則氣虛微	隨順求寂默
耆年愧財欲	行法舉世宗	壯年心輕躁
馳騁五欲境	儔侶契纏綿	情交相感深
年宿寡網繆	順法者所宗	五欲悉休廢
增長樂法心	且崇王者法	大會奉天神
當乘神龍背	受樂上昇天	先勝諸聖王
嚴身寶瓔珞	祠祀設大會	終歸受天福
如是餅沙王	種種方便說	太子志堅固
不動如須彌		
答餅沙王品第十一		
餅沙王隨順	安慰勸請已	太子敬答謝
深感於來言	善得世間宜	所說不乖理

訶黎名族胄	為人善知識	義懷心虛盡
法應如是說	世間諸九品	不能處仁義
薄德愚近情	豈達名勝事	承習先勝宗
崇禮修敬讓	能於苦難中	周濟不相棄
是則為世間	真善知識相	善友財通濟
是名牢固藏	守惜封已利	是必速忘失
國財非常寶	惠施為福業	兼施善知識
雖散後無悔	既知汝厚懷	不為違逆論
且今以所見	率心而相告	畏生老病死
欲求真解脫	捨親離恩愛	豈還習五欲
不畏盛毒蛇	凍雹猛盛火	惟畏五欲境
流轉勞我心	五欲非常賊	劫人善珍寶
詐偽虛非實	猶若幻化人	暫思令人惑
況常處其中	五欲為大礙	永障寂滅法
天樂尚不可	況處人間欲	五欲生渴愛

終無滿足時	猶盛風猛火	投薪亦無足
世間諸非義	莫過五欲境	眾生愚貪故
樂著而不覺	智者畏五欲	不墮於非義
王領四海內	猶外更希求	愛欲如大海
終無止足時	曼陀轉輪王	普天雨黃金
王領四天下	復希忉利天	帝釋分半座
欲圖致命終	農沙修苦行	王三十三天
縱欲心高慢	仙人挽步車	緣斯放逸行
即墮蟒蛇中	湮羅轉輪王	遊於忉利天
取天女為后	稅斂仙人金	仙人忿加咒
國滅而命終	婆羅天帝釋	天帝釋農沙
農沙歸帝釋	天主豈有常	國土非堅固
惟大力所居	被服於草衣	食果飲流水
長髮如垂地	寂默無所求	如是修苦行
終為欲所壞	當知五欲境	行道者怨家

共三

五

千臂大力王	勇健難為敵	羅摩仙人殺
亦由貪欲故	況我利利種	不為欲所牽
少味境界欲	子息長彌增	慧者之所惡
欲毒誰服食	種種苦求利	悉為貪所使
若無貪欲者	勤苦則不生	慧者見苦過
滅除於貪欲	世間謂為善	即皆是惡法
眾生所貪樂	生諸放逸故	放逸反自傷
死當墮惡趣	勤方便所得	而方便守護
不勤自忘失	非方便能留	猶若假借物
智者不貪著	貪欲勤苦求	得已增愛著
非常離散時	益復增苦惱	執炬還自燒
智者所不著	愚癡卑賤人	慳貪毒燒心
終身長受苦	未曾得安樂	貪恚如蛇毒
智者何由近	勤苦齧枯骨	無味不充飽
徒自困牙齒	智者所不嘗	王賊水火分

惡子等共財	亦如臭段肉	一聚羣鳥爭
貪財亦如是	智者所不欣	有財所集處
多起於怨憎	晝夜自守護	如人畏重怨
東市殺標下	人情所憎惡	貪恚癡長標
智者常遠離	入山林河海	多敗而少安
如樹高條果	貪取多仆死	貪欲境如是
雖見難可取	苦方便求財	難集而易散
猶如夢所得	智者豈保持	如偽覆火坑
蹈者必燒死	貪欲火如是	智者所不遊
如彼鳩羅步	溺瑟膩難陀	彌鄰黎檀茶
如屠家刀机	愛欲形亦然	智者所不為
束身投水火	或投於高巖	而求於天樂
徒苦不獲利	孫陶鉢孫陶	阿須倫兄弟
同生相愛念	為欲相殘害	身死名俱滅
皆由貪欲故	貪欲令人賤	鞭杖驅策苦

共三

六

愛欲卑希望	長夜形神疲	麋鹿貪馨死
飛鳥隨色貪	淵魚貪鈎餌	悉為欲所困
觀察資生具	非為自在法	食以療饑患
除渴故飲水	衣被御風寒	卧以治睡眠
行疲故求乘	立倦求牀座	除垢故沐浴
皆為息苦故	是故應當知	五欲非自在
如人得熱病	求請冷治藥	貪求止苦患
愚夫謂自在	而彼資生具	亦非定止苦
又令苦法增	故非自在法	温衣非常樂
時過亦生苦	月光夏則涼	冬則增寒苦
乃至世八法	悉非決定相	苦樂相不定
奴王豈有聞	教令眾奉用	以王為勝者
教令即是苦	猶擔能任重	普銓世輕重
眾苦集其身	為王多怨憎	雖親或成患
無親而獨立	此復有何歡	雖王四天下

用皆不過一	營救於萬事	唐苦何益身
未若止貪求	息事為大安	居王五欲樂
不王閑寂歡	歡樂既同等	何用王位為
汝勿作方便	導我於五欲	我情之所願
清涼虛通道	汝欲相饒益	助成我所求
我不畏怨家	不求生天樂	心不懷俗利
而捨於天冠	是故違汝情	不獲從來吉
如免毒蛇口	豈復還執持	執炬而自燒
何能不速捨	有目羨盲人	已解復求縛
富者願貧窮	智者習愚癡	世有如此人
則我應樂國	欲度生老死	節身行乞食
寡欲守空閑	後世免惡道	是則二世安
汝今勿哀我	當哀為王者	其心常虛渴
今世不獲安	後世受苦報	汝以名勝族
大丈夫禮儀	厚懷處於我	樂同世歡娛

我亦應報德	勸汝同我利	若習三品樂
是名世丈夫	此亦為非義	常求無足故
若無生老死	乃名大丈夫	汝言少輕躁
老則應出家	我見年老者	力劣無所堪
不如盛壯時	志猛心決定	死賊執劍隨
常伺求其便	豈聽至年老	遂志而出家
無常為獵師	老弓病利箭	於生死曠野
常伺衆生鹿	得便斷其命	孰聽終年壽
夫人之所為	若生若滅事	少長及中年
悉應勤方便	祠祀修大會	是皆愚癡故
應當崇正法	反殺以祠天	害生而求福
比則無慈人	害生果有常	猶尚不應殺
況復求無常	而害生祠祀	若無戒聞慧
修禪寂靜者	不應從世間	祠祀設大會
殺生得現樂	慧者不應殺	況復殺衆生

而求後世福	三界有為果	悉非我所樂
諸趣流動法	如風水飄草	是故我遠來
為求真解脫	聞有阿羅藍	善說解脫道
今當往詣彼	大仙牟尼所	誠言苦抑斷
我今悔謝汝	願汝國安隱	善護如帝釋
慧明照天下	猶如盛日光	殊勝大地主
端心護其命	正化護其子	以法王天下
冰雪火為怨	緣火烟幢起	烟幢成浮雲
浮雲興大雨	有鳥於空中	飲雨不雨身
殺重怨為宅	居宅重怨殺	有殺重怨者
汝今應伏彼	令其得解脫	如飲不雨身
時王即叉手	敬德心歡喜	如汝之所求
願令果速成	汝速成果已	當還攝受我
菩薩心內許	要令隨汝願	交辭而隨路
往詣阿羅藍	王與諸眷屬	合掌自隨送

咸起奇特想	而還王舍城
見阿羅藍鬱頭藍品第十二	
甘蔗日光胄	到彼寂靜林
大仙阿羅藍	迦藍玄族子
高聲遙讚歎	安慰言善來
互相問安否	相勞問畢已
梵志見太子	容貌審諦儀
如渴飲甘露	舉手告太子
斷親愛纏鎖	猶如象脫羈
能免斯毒果	古昔明勝王
如人佩華鬘	朽故而棄捨
不愛聖王位	觀汝深固志
當乘智慧舟	超度生死海
審才而後教	我今已知汝
但當任意學	終無隱于子
	太子聞其教
	敬詣於牟尼
	遠見菩薩來
	合掌交恭敬
	詳序而就坐
	沐浴伏其德
	知汝久出家
	深智覺慧明
	捨位付其子
	未若汝盛年
	堪為正法器
	凡人誘來學
	堅固決定志

歡喜而報言	汝以平等心	善誨無愛憎
但當虛心受	所願便已獲	夜行得炬火
迷方者蒙導	度海得輕舟	我今亦如是
今已蒙哀許	敢問心所疑	生老病死患
云何而可免	爾時阿羅藍	聞太子所問
自以諸經論	略為其解說	汝是機悟士
聰中之第一	今當聽我說	生死起滅義
性變生老死	此五為衆生	性者為純淨
轉變者五大	我覺及與見	隨境根名變
色聲香味觸	是等名境界	手足語二道
是名五業根	眼耳鼻舌身	是名為覺根
意根兼二義	亦業亦名覺	性轉變為因
知因者為我	迦毗羅仙人	及弟子眷屬
於此我要義	修學得解脫	彼迦毗羅者
今波闍波提	覺知生老死	是說名為見

與上相違者	說名為不見	愚癡業愛欲
是說為輪轉	若住此三種	是衆生不離
不信我疑濫	不別無方便	境界深計著
纏綿於我所	不信顛倒轉	異作亦異解
我說我知覺	我去來住覺	如是等計我
是名我作轉	於諸性猶豫	是非不得實
如是不決定	是說名為疑	若說法是我
說彼即是意	亦說覺與業	說數復說我
如是不分別	是說名總濫	愚黯性變等
不了名不別	禮拜誦諸典	殺生祠天祀
水火等為淨	而作解脫想	如是種種見
是名無方便	愚癡所計著	意言語覺業
及境界計者	是說名為著	諸物悉我所
是名為攝受	如此八種惑	彌綸於生死
諸世間愚夫	攝受於五節	闇癡與大癡

更爲略分別	時彼阿羅藍	法應至何所	復問阿羅藍	修行於梵行	逮得無盡處	若知此四法	四法向解脫	此因非性者	我知我所作	生死大苦本	心懼名恐怖	愛欲名大癡	瞋恚與恐怖
初離俗出家	如其經論說	如是諸要義	云何爲方便	亦爲人廣說	世間婆羅門	能離生老死	慧慧與愚闇	果亦非有性	緣斯計我故	輪轉五道生	此愚癡凡夫	大人生惑故	嬾惰名爲闇
依倚於乞食	自以慧方便	爲我具足說	究竟至何所	太子聞斯說	皆悉依此義	生老死既盡	顯現不顯現	謂彼正思惟	隨順生死流	轉生我見聞	計著於五欲	懷恨名瞋恚	生死名爲癡

決定增進求	見有身爲過	以彼久壽故	捨彼意樂者	增修第三禪	味著彼喜樂	方便出覺觀	心依遠離樂	及與覺觀心	遠離生喜樂	安心於靜默	見貪欲怖畏	精麤任所得	廣集諸威儀
方便除色欲	增進修智慧	名之爲廣果	逮得第四禪	安樂不求勝	得生光音天	精勤求上進	命終生梵天	而生奇特想	得初覺觀禪	離欲惡不善	及離欲清淨	樂獨修閑居	奉持於正戒
始自身諸窟	獸離第四禪	於彼禪定起	苦樂已俱息	生於徧淨天	方便離喜樂	第二禪相應	慧者能自知	愚癡心樂著	既得初禪樂	欲界諸煩惱	攝諸根聚落	勤習諸經論	少欲知止足

漸次修虛解	終則堅固分	悉成於空觀
略空觀境界	進觀無量識	善於內寂靜
離我及我所	觀察無所有	是無所有處
文闍皮骨離	野鳥離樊籠	遠離於境界
解脫亦復然	是上婆羅門	離形常不盡
慧者應當知	是為真解脫	汝所問方便
及求解脫者	如我上所說	深信者當學
持祇沙仙人	及與闍那伽	毗陀波羅沙
及餘求道者	悉從於此道	而得真解脫
太子聞彼說	思惟其義趣	發其先宿緣
而復重請問	聞汝勝智慧	微妙深細義
於知因不捨	則非究竟道	性轉變知因
說言解脫者	我觀是生法	亦為種子法
汝謂我清淨	則是真解脫	若遇因緣會
則應還復縛	猶如彼種子	時地水火風

樂三

十二

離散生理乖	遇緣種復生	無知業因愛
捨則名脫者	存我諸眾生	無畢竟解脫
處處捨三種	而復得三勝	以我常有故
彼則微細隨	微細過隨故	心則離方便
壽命得長久	汝謂真解脫	汝言離我所
離者則無有	眾數既不離	云何離求那
是故有求那	當知非解脫	求尼與求那
義異而體一	若言相離者	終無有是處
色煖離於火	別火不可得	譬如身之前
則無有身者	如是求那前	亦無有求尼
是故先解脫	然後為身縛	又知因離身
或知或無知	若言有知者	則應有所知
若有所知者	則非為解脫	若言無知者
我則無所用	離我而有知	我即同木石
且知其精麤	背麤而崇微	若能一切捨

所作則畢竟	於阿羅藍說	不能悅其心
知非一切智	應行更求勝	往詣鬱陀仙
彼亦計有我	雖觀細微境	見想不想過
離想非想住	更無有出塗	以衆生至彼
必當還退轉	菩薩求出故	復捨鬱陀仙
更求勝妙道	進登伽闍山	城名苦行林
五比丘先住	見彼五比丘	善攝諸情根
持戒修苦行	居彼苦行林	居連禪河側
寂靜甚可樂	菩薩即於彼	一處靜思惟
五比丘知彼	精心求解脫	盡心加供養
如敬自在天	謙卑而師事	進止常不離
猶如修行者	諸根隨心轉	菩薩勤方便
當度老病死	專心修苦行	節身而忘餐
淨心守齋戒	行人所不堪	寂默而禪思
遂經歷六年	日食一麻米	形體極銷羸

欲求度生死	重惑愈更沉	道由慧解成
不食非其因	四體雖微劣	慧心轉增明
神虛體輕微	名德普流聞	猶如月初生
鳩摩頭華敷	溢國勝名流	士女競來觀
苦形如枯木	垂滿於六年	怖畏生死苦
專求正覺因	自惟非由此	離欲寂觀生
未若我先時	於閻浮樹下	所得未曾有
當知彼是道	道非疲身得	要須身力求
飲食充諸根	根悅令心安	心安順寂靜
靜爲禪定筌	由禪知正法	法力得難得
寂靜離老死	第一離諸垢	如是等妙法
悉從飲食生	思惟斯義已	澡浴尼連濱
浴已欲出池	羸劣莫能起	天神按樹枝
舉手攀而出	時彼出林側	有一牧牛長
長女名難陀	淨居天來告	菩薩在林中

汝應往供養	難陀婆羅闍	歡喜到其所
手貫白珂釧	身服青染衣	青白相映發
如水淨泡鬢	信心增踴躍	稽首菩薩足
敬奉香乳糜	惟垂哀愍受	菩薩受而食
彼得現法果	食已諸根悅	堪受於菩提
身體蒙光澤	德問轉崇高	如百川增海
初月日增明	五比丘見已	驚起嫌怪想
謂其道心退	捨而擇善居	如人得解脫
五大悉遠離	菩薩獨遊行	詣彼吉祥樹
當於彼樹下	成等正覺道	其地廣平正
柔澤軟草生	安詳師子步	步步地震動
地動感黑龍	歡喜目開明	言曾見先佛
地動相如今	牟尼德尊重	大地所不勝
步步足履地	轟轟震動聲	妙光照天下
猶若朝日明	五百羣青雀	右遶空中旋

柔輦清涼風	隨順而迴轉	如斯諸瑞相
悉同過去佛	以是知菩薩	當成正覺道
從彼獲草人	得淨柔輦草	布草於樹下
正身而安坐	跏趺不傾動	如龍絞縛身
要不起斯座	究竟其所作	發斯真誓言
天龍悉歡喜	清涼微風起	草木不鳴條
一切諸禽獸	寂靜悉無聲	斯皆是菩薩
必成覺道相		
破魔品第十三		
仙王族大仙	於菩提樹下	建立堅固誓
要成解脫道	鬼龍諸天衆	悉皆大歡喜
法怨魔王	獨憂而不悅	五欲自在王
具諸戰鬪藝	憎嫉解脫者	故名爲波旬
魔王有三女	美貌善儀容	種種惑人術
天女中第一	第一名欲染	次名能悅人

三名可愛樂	三女俱時進	白父波旬言
不審何憂感	父具以其事	寫情告諸女
世有大牟尼	身被大誓鎧	執持大強弓
智慧剛利箭	欲戰伏衆生	破壞我境界
我一旦不如	衆生信於彼	悉歸解脫道
我土則空虛	譬如人犯戒	其身則空虛
及慧眼未開	我國猶得安	當往壞其志
斷截其橋梁	執弓持五箭	男女眷屬俱
詣彼吉安林	願衆生不安	見牟尼靜默
欲度三有海	左手執強弓	右手彈利箭
而告菩薩言	汝利利速起	死甚可怖畏
當修汝自法	捨離解脫法	習戰施福會
調伏諸世間	終得生天樂	此道善名稱
先勝之所行	仙王高宗胄	乞士非所應
今若不起者	且當安汝意	慎莫捨約誓

試我一放箭	湮羅月光孫	亦由我此箭
小觸如風吹	其心發狂亂	寂靜苦行仙
聞我此箭聲	心即大恐怖	昏迷失本性
沉汝末世中	望脫我此箭	汝今速起者
幸可得安全	此箭毒猛盛	慄檢而戰掉
計力堪箭者	自安猶尚難	況汝不堪箭
云何能不驚	魔說斯怖事	迫憎於菩薩
菩薩心怡然	不疑亦不怖	魔王即放箭
兼進三玉女	菩薩不視箭	亦不顧三女
魔王惕然疑	心口自相語	曾為雪山女
射摩醯首羅	能令其心變	而不動菩薩
非復以此箭	及天三玉女	所能移其心
今起於愛恚	當更合軍衆	以力強逼迫
作此思惟時	魔軍忽然集	種種各異形
執戟持刀劍	戴樹捉金杵	種種戰鬥具

猪魚驢馬頭	駝牛兕虎形	師子龍象首
及餘禽獸類	或一身多頭	或面各一目
或復衆多眼	或大腹長身	或羸瘦無腹
或長脚大膝	或大脚肥腩	或長牙利爪
或無頭胃面	或兩足多身	或大面傍面
或作灰土色	或似明星光	或身放烟火
或象耳負山	或被髮裸形	或被服皮革
面色半赤白	或著虎皮衣	或復著蛇皮
或腰帶大鈴	或縈髮螺髻	或散髮被身
或吸人精氣	或奪人生命	或越擲大呼
或奔走相逐	迭自相打害	或空中旋轉
或飛騰樹間	或號呀吼喚	惡聲震天地
如是諸惡類	圍遶菩提樹	或欲擘裂身
或復欲吞瞰	四面放火然	烟燄上衝天
狂風四激起	山林普震動	風火烟塵合

典三

十七

黑闇無所見	愛法諸天人	及諸龍鬼神
悉皆忿魔衆	瞋恚血淚流	淨居諸天衆
見魔亂菩薩	離欲無瞋心	哀愍而傷彼
悉來見菩薩	端坐不傾動	無量魔圍遶
惡聲動天地	菩薩安靜默	光顏無異相
猶如師子王	處於羣獸中	皆歎嗚呼呼
奇特未曾有	魔衆相驅策	各進其威力
迭共相催切	須臾令摧滅	裂背加切齒
亂飛而越擲	菩薩默然觀	如看童兒戲
衆魔益忿恚	倍增戰鬥力	抱石不能舉
舉者不能下	飛矛戟利稍	凝虛而不下
雷震兩大雹	化成五色華	惡龍蛇噴毒
化成香風氣	諸種種形類	欲害菩薩者
不能令傾動	隨事還自傷	魔王有姊妹
名彌伽迦利	手執髑髏器	在於菩薩前

作種種異儀	姪惑亂菩薩	如是等魔眾
種種醜類身	作種種惡聲	欲恐怖菩薩
不能動一毛	諸魔悉憂感	空中負多神
隱身出音聲	我見大年尼	心無怨恨想
眾魔惡毒心	無怨處生怨	愚癡諸惡魔
徒勞無所為	當捨恚害心	寂靜默然住
汝不能口氣	吹動須彌山	火冷水熾然
地性平柔軟	不能壞菩薩	歷劫修苦行
菩薩正思惟	精進勤方便	淨智慧光明
慈悲於一切	此四妙功德	無能中斷截
而為作留難	不成正覺道	如日千光照
必除世間闇	鑽木而得火	掘地而得水
精勤正方便	無求而不獲	世間無救護
中貪恚癡毒	哀愍眾生故	求智慧良藥
為世除苦患	汝云何惱亂	世間諸癡惑

卷三

十八

皆悉著邪徑	菩薩習正路	欲引導眾生
惱亂世導師	是則大不可	如大曠野中
欺誑商人導	眾生墮大冥	莫知所至處
為然智慧燈	云何欲令滅	眾生悉漂沒
生死之大海	為修智慧舟	云何欲令沒
忍辱為法芽	固志為法根	律儀戒為華
覺心為枝幹	智慧之大樹	無上法為果
蔭護諸眾生	云何而欲伐	貪恚癡枷鎖
軛縛於眾生	長劫修苦行	為解眾生縛
決定成於今	於此正基坐	如過去諸佛
堅堅金剛際	諸方悉傾動	惟此地安隱
能堪受妙定	非汝所能壞	但當輒下心
除諸高慢意	應修知識想	忍辱而奉事
魔聞空中聲	見菩薩安靜	慚愧離憍慢
復道還天上	魔眾悉憂感	崩潰失威武

鬪戰諸器仗 縱橫棄林野 如人殺怨主
 怨黨悉摧碎 衆魔既退散 菩薩心虛靜
 日光倍增明 塵霧悉除滅 月明衆星朗
 無復諸闇障 空中雨天華 以供養菩薩

阿惟三菩提品第十四

三

菩薩降魔已 志固心安靜 永盡第一義

入於深妙禪 自在諸三昧 次第現在前

初夜入正受 憶念過去生 從某處某名

而來生於此 如是百千萬 死生悉了知

受生死無量 一切衆生類 悉曾爲親族

而起大悲心 大悲心念已 又觀彼衆生

輪迴六趣中 生死無窮極 虛偽無堅固

如芭蕉夢幻 即於中夜時 逮得淨天眼

見一切衆生 如觀鏡中像 衆生生死

貴賤與貧富 清淨不淨業 隨受苦樂報

觀察惡業者 當生惡趣中 修習善業者
 生於人天中 若生地獄者 受無量種苦
 吞飲於洋銅 鐵槍貫其體 投之沸鑊湯
 驅入盛火聚 長牙羣犬食 利喙鳥啄腦
 畏火起叢林 劒葉截其體 利刀解其身

或利斧斫剝 受斯極苦毒 業行不令死

樂修不淨業 極苦受其報 味著須臾頃

苦報甚久長 戲笑種苦因 號泣而受罪

惡業諸衆生 若見自報者 氣脉則應斷

恐怖崩血死 造諸畜生業 業種種各異

死墮畜生道 種種各異身 或爲皮肉死

毛角骨尾羽 更互相殘殺 親戚還相噉

負重而挽輓 鞭策鉤錐刺 傷體膿血流

饑渴莫能解 展轉相殘殺 無有自在力

虛空水陸中 逃死亦無處 慳貪增上者

生於餓鬼趣	巨身如大山	咽孔猶針筍
饑渴火毒然	還自燒其身	求者慳不與
或遮人惠施	生彼餓鬼中	求食不能得
不淨人所棄	欲食而變失	若人聞慳貪
苦報如是者	割肉以施人	如彼尸毗王
或生人中道	<small>身處於行廁</small>	動轉極大苦
出胎生恐怖	輒身觸外物	猶如刀劍截
住彼宿業分	無時不有死	勤苦而求生
得生長受苦	乘福生天者	渴愛常燒身
福盡命終時	衰死五相至	猶如樹華萎
枯悴失光澤	眷屬存亡分	悲苦莫能留
宮殿廓然空	玉女悉遠離	坐卧塵土中
悲泣相戀慕	生者哀墮落	死者戀生悲
精勤修苦行	貪求生天樂	既有如是苦
鄙哉何可貪	大方便所得	不免別離苦

嗚呼諸天人	脩短無差別	積劫修苦行
永離於愛欲	謂決定長存	而今悉墮落
地獄受衆苦	畜生相殘殺	餓鬼饑渴逼
人間疲渴愛	雖云生天樂	別離最大苦
迷惑生世間	無一蘇息處	嗚呼生死海
輪轉無窮已	衆生沒長流	漂泊無所依
如是淨天眼	觀察於五道	虛偽不堅固
如芭蕉泡沫	即彼第三夜	入於深正受
觀察諸世間	輪轉苦自性	數數生老死
其數無有量	貪欲癡闇障	莫知所由出
正念內思惟	<small>生死何從起</small>	決定知老死
必由生所致	如人有身故	則有身痛隨
又觀生何因	見從諸有業	天眼觀有業
非自在天生	非自性非我	亦復非無因
如破竹初節	餘節則無難	既見生死因

漸次見真實	有業從取生	猶如火得薪
取以愛為因	如小火焚山	知愛從受生
覺苦樂求安	饑渴求飲食	受生愛亦然
諸受觸為因	三等苦樂生	鑽燧加人功
則得火為用	觸從六入生	盲無明覺故
六入名色起	如芽長莖葉	名色由識生
如種芽葉生	識還從名色	展轉更無餘
緣識生名色	緣名色生識	猶人船俱進
水陸更相運	如識生名色	名色生諸根
諸根生於觸	觸復生於受	受生於愛欲
愛欲生於取	取生於業有	有則生於生
生生於老死	輪迴周無窮	衆生因緣起
正覺悉覺知	決定正覺已	生盡老死滅
有滅則生滅	取滅則有滅	愛滅則取滅
受滅則愛滅	觸滅則受滅	六入滅觸滅

一切入滅盡	由於名色滅	識滅名色滅
行滅則識滅	癡滅則行滅	大仙正覺成
如是正覺成	佛則興世間	正見等八道
坦然平直路	畢竟無我所	如薪盡火滅
所作者已作	得先正覺道	究竟第一義
入大仙人室	闇謝明相生	動靜悉寂默
速得無盡法	一切智明朗	大仙德純厚
地為普震動	宇宙悉清明	天龍神雲集
空中奏天樂	以供養於法	微風清涼起
天雲雨香雨	妙華非時敷	甘果違節熟
摩訶曼陀羅	種種天寶華	從空而亂下
供養牟尼尊	異類諸衆生	各慈心相向
恐怖悉消除	無諸恚慢心	一切諸世間
皆同漏盡人	諸天樂解脫	惡道暫安寧
煩惱漸休息	智月漸增明	甘蔗族仙士

有諸生天者	見佛出興世	歡喜充滿身
即於天宮殿	雨華以供養	諸天龍鬼神
同聲歎佛德	世人見供養	及聞讚歎聲
一切皆隨喜	踴躍不自勝	惟有魔天王
心生大憂悲	佛於彼七日	禪思心清淨
觀察菩提樹	瞪視目不瞬	我依於此處
得遂宿心願	安住無我法	佛眼觀衆生
發上哀愍心	欲令得清淨	貪恚癡邪見
飄流沒其心	解脫甚深妙	何由能得宣
捨離勤方便	安住於默然	顧惟本誓願
復生說法心	觀察諸衆生	煩惱孰增微
梵天知其念	法應請而轉	普放梵光明
爲度苦衆生	來見牟尼尊	說法大人相
妙義悉顯現	安住實智中	離於留難過
無諸虛僞心	恭敬心歡喜	合掌勸請言

典三

三三

世間何福慶	遭遇大悲尊	一切衆生類
塵穢滓雜心	或有重煩惱	或煩惱輕微
世尊已免渡	生死大苦海	願當濟渡彼
沉溺諸衆生	如世間義士	得利與物同
世尊得法利	惟應濟衆生	九人多自利
彼我兼利難	惟願垂慈悲	爲世難中難
如是勸請已	奉辭還梵天	佛以梵天請
心悅加其誠	長養大悲心	增其說法情
念當行乞食	四王咸奉鉢	如來爲法故
受四合成一	時有商人行	善友天神告
大仙牟尼尊	在彼山林中	世間良福田
汝應往供養	聞命大歡喜	奉施於初飯
食已顧思惟	誰應先聞法	惟有阿羅藍
鬱頭羅摩子	彼堪受正法	而今已命終
次有五比丘	應聞初說法	欲說寂滅法

如日光除冥 行詣波羅奈 古仙人住處
 牛王目平視 安詳師子步 為度衆生故
 往詣迦尸城 步步獸王視 顧瞻菩提林
 轉法輪品第十五

如來善寂靜 光明顯照曜 嚴儀獨遊步
 猶若大衆隨 道逢一梵志 其名優波迦
 執持比丘儀 恭立於路傍 欣遇未曾有
 合掌而啓問 羣生皆染著 而有無著容
 世間心動搖 而獨靜諸根 光顏如滿月
 似味甘露津 容貌大人相 慧力自在王
 所作必已辦 為宗稟何師 答言我無師
 無宗無所勝 自悟甚深法 得人所不得
 人之所應覺 舉世無覺者 我今悉自覺
 是故名正覺 煩惱如怨家 伏以智慧劍
 是故世所稱 名之為最勝 當詣波羅奈

卷三

三四

擊甘露法鼓 無慢不存名 亦不求利樂
 惟為宣正法 拔濟苦衆生 以昔發弘誓
 度諸未度者 誓果成於今 當遂其本願
 富財自供已 不稱名義士 兼利於天下
 乃名大丈夫 臨危不濟溺 豈云勇健士
 疾病不救療 何名為良醫 見迷不示路
 孰云善導師 如燈照幽冥 無心而自明
 如來然慧燈 無諸求欲情 鑽燧必得火
 空中風自然 穿地必得水 此皆理自然
 一切諸牟尼 成道必伽耶 亦同迦尸國
 而轉正法輪 梵志優波迦 嗚呼歎奇特
 隨心先所期 從路各分乖 計念未曾有
 步步顧踟躕 如來漸前行 至於迦尸城
 其地勝莊嚴 如天帝釋宮 恒河波羅奈
 二水雙流間 林木華果茂 禽獸同羣遊

閑寂無喧俗	古仙之所居	如來光照曜
倍增其鮮明	憍陳如族子	次十力迦葉
三名婆澀波	四阿濕波誓	五名跋陀羅
習苦樂山林	遠見如來至	集坐共議言
瞿曇染世樂	放捨諸苦行	今復還至此
慎勿起奉迎	亦莫禮問訊	供給其所須
已壞本誓故	不應受供養	凡人見來賓
應修先後宜	且為設牀座	任彼之所安
作此要言已	各各正基坐	如來漸欲至
不覺違約言	有請讓其座	有為攝衣鉢
有請洗摩足	有請問所須	如是等種種
尊敬奉師事	惟不捨其族	猶稱瞿曇名
世尊告彼言	莫稱我本姓	於阿羅訶所
而生媠慢言	於敬不敬者	我心悉平等
汝等心不恭	當自招其罪	佛能度世間

是故稱為佛	於一切衆生	等心如子想
而稱本名字	如得慢父罪	佛以大悲心
哀愍而告彼	彼率愚駮心	不信正真覺
言先修苦行	猶尚無所得	今恣身口樂
何因得成佛	如是等疑惑	不信得佛道
究竟真實義	一切智具足	如來即為彼
略說其要道	愚夫習苦行	樂行悅諸根
見彼二差別	斯則為大過	非是正真道
以違解脫故	疲身修苦行	其心猶馳亂
尚不生世智	沉能超諸根	如以水然燈
終無破闇期	疲身修慧燈	不能壞愚癡
朽木而求火	徒勞而不獲	鑽燧人方便
即得火為用	求道非苦行	而得甘露法
著欲為非義	愚癡障慧明	尚不了經論
沉得離欲道	如人得重病	食不隨病食

無知之重病	著欲豈能除	放火於曠野
乾草增猛風	燄盛孰能滅	貪愛火亦然
我已離二邊	心存於中道	衆苦畢竟息
安靜離諸過	正見踰日光	平等覺觀乘
正語為舍宅	遊戲正叢林	正命為豐姿
方便為正路	正念為城郭	正定為牀座
八道坦平正	免脫生死苦	從此塗出者
所作已究竟	不墮於彼此	二世苦數中
三界純苦聚	唯此道能滅	本所未曾聞
正法清淨眼	等見解脫道	唯我今始起
生老病死苦	愛離怨憎會	所求事不果
及餘種種苦	離欲未離欲	有身及無身
離淨功德者	略說斯皆苦	猶如盛火息
雖微不捨熱	寂靜微細我	大苦性猶存
貪等諸煩惱	及種種業過	是則為苦因

捨離則苦滅	猶如諸種子	離於地水等
衆緣不和合	芽葉則不生	有有性相續
從天至惡趣	輪迴而不息	斯由貪欲生
輒中上差降	種種業為因	若滅於貪等
則無有相續	種種業盡者	差別苦長息
此有則彼有	此滅則彼滅	無生老病死
無地水火風	亦無初中邊	亦非欺誑法
賢聖之所住	無盡之寂滅	所說八正道
是方便非餘	世間所不見	彼彼長迷惑
我知苦斷集	證滅修正道	觀此四真諦
逮成等正覺	謂我已知苦	已斷有漏因
已滅盡作證	已修八正道	已知四真諦
清淨法眼成	於此四真諦	未生平等眼
不名得解脫	不言作已作	亦不言一切
真實知覺成	已知真諦故	自知得解脫

自知作已作 自知等正覺 說是真實時

僑隣族姓子 八萬諸天衆 究竟真實義

遠離諸塵垢 清淨法眼成 天人師知彼

所作事已作 歡喜師子吼 問僑隣知未

僑隣即白佛 已知大師法 已知彼法故

名阿若僑隣 於佛弟子中 最先第一悟

彼知正法聲 聞子諸地神 咸共舉聲唱

善哉深見法 如來於今日 轉未曾所轉

普為諸天人 廣開甘露門 淨戒為衆輻

調伏寂定齊 堅固智為輞 慚愧屑其鑄

正念以為轂 成真實法輪 正真出三界

不退從明師 如是地神唱 虛空神傳稱

諸天轉讚歎 乃至徹梵天 三界諸天神

始聞大仙說 展轉驚相告 普聞佛興世

廣為羣生類 轉寂靜法輪 風霽雲霧除

空中雨天華 諸天奏天樂 喜歡未曾有

佛所行讚經卷第三

音釋

搏防夫切搏桑其矩切貧涇於真切仆芳遇切

也切僵居宜切車呼宏切群胡郭切慄胡郭切

儉儉力稔切兕徐殊切似牛越他平切虡九

呀燒許交切喊也呀博厄切皆疾智切

稍色角切潰胡對切噤即委切啄竹角切

也朱惟切淬阻吏切駭五駭切鑄古晏切

也朱惟切淬阻吏切駭五駭切鑄古晏切

佛所行讚經卷第四

典四

馬鳴菩薩撰

北凉天竺三藏曇無讖譯

餅沙王諸弟子品第十六

時彼五比丘典四阿濕波誓等聞彼知法聲

慨然而自傷合掌而加敬仰瞻於尊顏

如來善方便次令入正法前後五比丘

得道調諸根猶五星麗天列侍於明月

時彼鳩夷城長者子耶舍夜眠忽覺悟

自見其眷屬男女裸身卧即生厭離心

念此煩惱本誑惑於愚夫嚴服瓔瓔珞

出家詣山林尋路而並唱惱亂惱亂亂

如來夜經行聞唱惱亂聲即命汝善來

此有安隱處涅槃極清涼寂滅離諸惱

耶舍聞佛教心中大歡喜乘本厭離心

聖慧泠然開如入清涼池肅然至佛所

其身猶俗容心已得漏盡宿植善根力

疾成羅漢果淨智理潛明聞法能即悟

猶如鮮素繒易為染其色彼已自覺知

所應作已作顧身猶莊嚴而生慚愧心

如來知彼念而為說偈言嚴飾以瓔瓔

心調伏諸根平等觀衆生行法不計形

身被出家衣其心累未忘處林貪世榮

是則為俗人形雖表俗儀心棲高勝境

在家同山林則離於我所縛解存於心

形豈有定相佩甲衣重袍謂能制強敵

改形著染衣為伏煩惱怨即命比丘來

應聲俗容變具足出家儀皆成於沙門

先有俗遊朋其數五十四尋善友出家

隨次入正法斯由宿善業妙果成於今

純灰冷已久	經水速鮮明	上行諸聲聞
六十阿羅漢	悉如羅漢法	隨順而教誡
汝今已濟度	生死河彼岸	所作已畢竟
堪受一切供	各應遊諸國	度諸未度者
衆生苦熾然	各無救護者	汝等各獨遊
哀愍而攝受	吾今亦獨行	還彼伽闍山
彼有大仙人	王仙及梵仙	悉皆在於彼
舉世之所宗	迦葉苦行仙	國人悉奉事
受學者甚衆	我今往度之	時六十比丘
奉教廣宣法	各從其宿緣	隨意詣諸方
世尊獨遊步	往詣伽闍山	入空靜法林
詣迦葉仙人	彼有事火窟	惡龍之所居
山林極清曠	處處無不安	世尊爲教化
告彼而請宿	迦葉白佛言	無有宿止處
惟有事火窟	善清淨可居	而有惡龍止

必能傷害人	佛言但見與	且一宿止住
迦葉種種難	世尊請不已	迦葉復白佛
心不欲相與	謂我有憫惜	且自隨所樂
佛即入火室	端坐正思惟	時惡龍見佛
瞋恚縱毒火	舉室洞熾然	而不觸佛身
舍盡火自滅	世尊猶安坐	猶如劫火起
梵天宮洞然	梵王正其坐	不恐亦不畏
惡龍見世尊	光顏無異相	毒息善心生
稽首而歸依	迦葉夜見光	歎嗚呼怪哉
如此道德人	而爲龍火燒	迦葉及眷屬
晨朝悉來看	佛已降惡龍	置在於鉢中
彼知佛功德	而生奇特想	憍慢久習故
猶言我道尊	佛以隨時宜	現種種神變
察其心所念	變化而應之	令彼心柔輒
堪爲正法器	自知其道淺	不及於世尊

決定謙下心	隨順受正法	鬱毗羅迦葉
弟子五百人	隨師善調伏	次第受正法
迦葉并徒眾	悉受正化已	仙人資生物
并諸事火具	悉棄於水中	漂沒隨流遷
那提伽闍等	二弟居下流	見被服諸物
隨流而亂下	謂其遭大變	憂怖不自安
二眾五百人	尋江而求兄	見兄已出家
諸弟子亦然	知得未曾法	而起奇特想
兄今已伏道	我等亦當隨	彼兄弟三人
及弟子眷屬	世尊為說法	即以事火譬
愚癡黑烟起	亂想鑽燧生	貪欲瞋恚火
焚燒於眾生	如是煩惱火	熾然不休息
彌綸於生死	苦火亦常然	能見二種火
熾然無依怙	云何有心人	而不生厭離
厭離除貪欲	貪盡得解脫	若已得解脫

解脫知見生	觀察生死流	而舉於梵行
一切作已作	更不受後有	如是千比丘
聞世尊說法	諸漏永不起	一切心解脫
佛為迦葉等	千比丘說法	所作者已作
淨慧妙莊嚴	諸功德眷屬	施戒淨諸根
大德仙從道	苦行林失榮	如人失戒德
空身而徒生	世尊大眷屬	進詣王舍城
憶念摩竭王	先所修要誓	世尊既已至
止住於杖林	餅沙王聞之	與大眷屬俱
舉國士女從	往詣世尊所	遠見如來坐
降心伏諸根	除去諸俗容	下車而步進
猶如天帝釋	往詣梵天王	前頂禮佛足
敬問體安和	佛還慰勞畢	命令一面坐
時王心默念	釋迦大威力	勝德迦葉等
今皆為弟子	佛知眾心念	而問於迦葉

汝見何福利	而棄事火法	迦葉聞佛命
驚起大眾前	胡跪而合掌	高聲白佛言
修福事火神	果報悉輪迴	生死煩惱增
是故我棄捨	精勤奉事火	爲求五欲境
受欲增無窮	是故我棄捨	事火修呪術
離解脫受生	受生爲苦本	故捨更求安
我本謂苦行	祠祀設大會	爲最第一勝
而更違正道	是故今棄捨	更求勝寂滅
離生老病死	無盡清涼處	以知此義故
放捨事火法	世尊聞迦葉	說自知見事
欲令諸世間	普生淨信心	而告迦葉言
汝大士善來	分別種種法	而從於勝道
今於大眾前	顯汝勝功德	如巨富長者
開現於寶藏	令貧苦衆生	增其厭離心
善哉奉尊教	即於大眾前	歛身入正受

典四

五

飄然昇虛空	經行住坐卧	或舉身洞然
左右出水火	不燒亦不濕	從身出雲雨
雷電動天地	舉世悉瞻仰	縱目觀無厭
異口而同音	稱歎未曾有	然後攝神通
敬禮世尊足	佛爲我大師	我爲尊弟子
奉教聞斯行	所作已畢竟	舉世普見彼
迦葉爲弟子	決定知世尊	真實一切智
佛知諸會衆	堪爲受法器	而告餅沙王
汝今善諦聽	心意及諸根	斯皆生滅法
了知生滅過	是則平等觀	如是平等觀
是則爲知身	知身生滅法	無取亦無受
知身諸根覺	無我無我所	純一苦積聚
苦生而苦滅	已知諸身相	無我無我所
是則之第一	無盡清淨處	我見等煩惱
繫縛諸世間	既見無我所	諸縛悉解脫

不實見所縛	見實則解脫	世間攝受我
則為邪攝受	若彼有我者	或常或無常
生死二邊見	其過最尤甚	若使無常者
修行則無果	亦不受後有	無功而解脫
若使有常者	無死生中間	則應同虛空
無生亦無滅	若使有我者	則應一切同
一切皆有我	無業果自成	若有我作者
不應苦修行	彼有自在主	何須造作為
若我則有常	理不容變異	見有苦樂相
云何言有常	知生則解脫	遠離諸塵垢
一切悉有常	何用解脫為	無我不惟言
理實無實性	不見我作事	云何說我作
我既無所作	亦無作我者	無此二事故
真實無有我	無作者知者	無主而常還
生死日夜流	汝今聽我說	六根六境界

典四

六

因緣六識生	三事會生觸	心念業隨轉
陽珠遇乾草	緣日火隨生	諸根境界識
士夫生亦然	芽因種子生	種非即是芽
不即亦不異	眾生亦亦然	世尊說真實
平等第一義	王眷屬人民	餅沙王歡喜
離垢法眼生	百千諸鬼神	聞說甘露法
亦隨離諸塵		
大弟子出家品第十七		
爾時餅沙王	稽首請世尊	遷住於竹林
哀受故默然	王已見真諦	奉拜而還宮
世尊與大眾	徙居安竹園	為度眾生故
建立慧燈明	以梵住天住	賢聖住而住
時阿濕波誓	調心御諸根	時至行乞食
入於王舍城	容貌世挺特	威儀諦安詳
城中諸士女	見者莫不歡	行者為住步

前迎後風馳	迦毗羅仙人	廣度諸弟子
第一勝多聞	其名舍利弗	見比丘庠序
閑雅淨諸根	踟躕而待至	舉手請問言
年少淨容儀	我所未曾見	得何勝妙法
為宗事何師	師教何所說	願告決所疑
比丘欣彼問	和顏遜辭答	一切智具足
甘蔗勝族生	天人中最勝	是則我大師
我年既幼稚	學日又初淺	豈能宣大師
甚深微妙義	今當以淺智	略說師教法
一切有法生	皆從因緣起	生滅法悉滅
說道為方便	二生優波提	隨聽心內融
遠離諸塵垢	清淨法眼生	先所修決定
知因及無因	一切無所作	皆由自在天
今聞因緣法	無我智開明	增微諸煩惱
無能究竟除	惟有如來教	永盡而無遺

非攝受我所	而能離吾我	明因日燈與
孰能令無光	如斷蓮華莖	微絲猶連綿
佛教除煩惱	猶斷石無餘	敬禮比丘足
退辭而還家	比丘乞食已	亦還歸竹園
舍利弗還家	貌色甚和雅	善友尊目連
同體聞才均	遙見舍利弗	顏儀甚熙怡
告言今見汝	而有異常容	素性至沉隱
歡相現於今	必得甘露法	此相非無因
答言如來告	實獲未曾法	即請而為說
聞則心開解	諸塵垢亦除	隨生正法眼
久植妙因果	如觀掌中燈	得佛不動信
俱行詣佛所	與徒眾弟子	二百五十人
佛遙見二賢	而告諸眾言	彼來者二人
吾上首弟子	一智慧無雙	二神足第一
以深淨梵音	即命汝善來	此有清淨法

出家究竟道	手執三奇杖	縈髮持澡餅
聞佛善來聲	即變成沙門	二師及弟子
悉成比丘儀	稽首世尊足	却坐於一面
隨順為說法	皆得羅漢道	爾時有二士
迦葉施明燈	多聞身相具	財盈妻極賢
馱捨而出家	志求解脫道	路由多子塔
忽遇釋迦文	光儀顯明耀	猶若祠天幢
肅然舉身敬	稽首頂禮足	尊為我大師
我是尊弟子	久遠積癡冥	願為作燈明
佛知彼二士	心樂崇解脫	清淨和輒音
命之以善來	聞命心融泰	形神疲勞息
心棲勝解脫	寂靜離諸塵	大悲隨所應
略為其解說	頓解諸深法	成四無礙辯
大德普流聞	故名大迦葉	本見身我異
或見我即身	有我及我所	斯見已永除

惟見眾苦聚	離苦則無餘	持戒修苦行
非因而見因	平等見苦性	永無他取心
若有若見無	二見生猶豫	平等見真諦
決定無復疑	深著於財色	迷醉貪欲生
無常不淨想	貪愛永已乖	慈心平等念
怨親無異想	哀愍於一切	則銷瞋恚毒
依色諸有對	種種雜想生	思惟壞色想
能斷於色愛	雖生無色天	命亦要之盡
愚於四正受	而生解脫想	寂滅離諸想
無色貪永除	動亂心變逆	猶狂風鼓浪
深入堅固定	寂止掉亂心	觀法無我所
生滅不堅固	不見輒中上	我慢心自忘
熾然智慧燈	離諸癡冥闇	見盡無盡法
無明悉無餘	思惟十功德	十種煩惱滅
蘇息作已作	深感仰尊顏	離三而得三

三弟子除三 猶三星列布 於三十三天
列侍於三五 三侍佛亦然
化給孤獨品第十八

時有大長者 名曰給孤獨 巨富財無量
廣施濟貧乏 遠從於北方 憍薩羅國來

止一知識舍 主人名首羅 聞佛興於世

近住於竹林 承名重其德 即夜詣彼林

如來已知彼 根熟淨信生 隨且稱其實

而為說法言 汝已樂正法 淨信心虛渴

能滅於睡眠 而來敬禮我 今日當為汝

具設初賓儀 汝宿植德本 堅固淨希望

聞佛名歡喜 堪為正法器 虛懷廣行惠

周給於貧窮 名德普流聞 果成由宿因

今當行法施 至心精誠施 時施寂靜施

兼受持淨戒 戒為莊嚴具 能轉於惡趣

令人上昇天 報以天五樂 諸求為大苦

愛欲集諸過 當修遠離德 離欲寂靜樂

知老病死苦 世間之大患 正觀察世間

離生老病死 既見於人間 有老病死苦

生天亦復然 無有常存者 無常則是苦

苦則無有我 無常苦非我 何有我我所

知苦即是苦 集者則為集 苦滅即寂靜

道即安隱處 羣生流動性 當知是苦本

獸未塞其源 不願有非有 生老死盛火

世間普熾然 見生死動搖 當習於無想

三摩提究竟 甘露寂靜處 空無我我所

世間悉如幻 當觀於此身 諸大衆行聚

長者聞說法 即得於初果 生死海銷滅

惟有一滴餘 空閑修離欲 第一有無身

不如今俗人 見諦真解脫 不離諸行苦

種種異見網	雖至第一有	不見真實義
邪想著天福	有愛縛轉深	長者聞說法
陰蓋煥然開	遂得於正見	諸邪見永除
猶如秋厲風	飄散於重雲	不計自在因
亦非邪因生	亦復非無因	而生於世間
若自在天生	無長幼先後	亦無五道輪
生者不應滅	亦不應災患	為惡亦非過
淨與不淨業	斯由自在天	若自在天生
世間不應疑	如子從父生	孰不識其尊
人遭窮苦時	不應反怨天	悉應宗自在
不應奉餘神	自在是作者	不應名自在
以其是作故	彼則應常作	常作則自勞
何名為自在	若無心而作	如嬰兒所為
常有心而作	有心非自在	苦樂由眾生
則非自在作	自在生苦樂	彼應有愛憎

已有愛憎故	不應稱自在	若復自在作
眾生應默然	任彼自在力	何用修善為
正復修善惡	不應有業報	自在若業生
一切則共業	若是共業者	皆應稱自在
自在若無因	一切亦應無	若因餘自在
自在應無窮	是故諸眾生	悉無有作者
當知自在義	於此論則壞	一切義相違
無說則有過	若復自性生	其過亦如彼
諸明因論者	未曾如是說	無所依無因
而能有所作	彼彼皆由因	猶如依種子
是故知一切	則非自性生	一切諸所作
非惟一因生	而說一自性	是故則非因
若言彼自性	周滿一切處	若周滿一切
亦無能所作	既無能所作	是則非為因
若徧一切處	一切有作者	是則一切時

四
十一

常應有所作	若言常作者	無待時生物
是故應當知	非自性為因	又說彼自性
離一切求那	一切所作事	亦應離求那
一切諸世間	悉見有求那	是故知自性
亦復非為因	若說彼自性	異於求那者
以常為因故	其性不應異	衆生求那異
故自性非因	自性若常者	事亦不應壞
以自性為因	因果理應同	世間見壞故
當知彼有因	若彼自性因	不應求解脫
以有自性故	應任彼生滅	假令得解脫
自性還生縛	若自性不見	為見法因者
此亦非為因	因果理殊故	世間諸見事
因果悉俱見	若自性無心	不應有心因
如見烟知火	因果類相求	非彼因不見
而生於見事	猶金造器服	始終不離金

卷四

十二

自性是事因	始終豈得殊	若使時作者
不應求解脫	以彼時常故	應任彼時節
世間無有邊	時節亦復然	是故修行者
不應方便求	陀羅驃求那	世間一異論
雖有種種說	當知非一因	若說我作者
應隨欲而生	而今不隨欲	云何說我作
不欲而更得	欲者反更違	苦樂不自在
云何言我作	若使我作者	應無惡趣業
種種業果生	故知非我作	言我隨時作
時應惟作善	善惡隨緣生	故知非我作
若使無因作	不應修方便	一切自然定
修因何所為	世間種種業	而獲種種果
是故知一切	非為無因作	有心及無心
悉從因緣起	世間一切法	非無因生者
長者心開解	通達勝妙義	一相實智生

決定了真諦	敬禮世尊足	合掌而啓請
居在舍婆提	土地豐安樂	波斯匿大王
師子元族胄	福德名稱流	遠近所宗敬
欲造立精舍	惟願哀愍受	知佛心平等
所居不求安	愍彼衆生故	不違我所請
佛知長者心	大施發于今	無染無所著
善護衆生心	汝已見真諦	素心好行施
錢財非常寶	宜應速為施	如庫藏被燒
已出者為珍	明人知無常	出財廣行惠
慳貪者守惜	恐盡不受用	亦不畏無常
徒失增憂悔	應時應器施	如健夫臨敵
能施而能戰	是則勇慧士	施者衆所愛
善稱廣流聞	良善樂為友	命終心常歡
無悔亦無怖	不生餓鬼趣	此則為華報
其果難思議	輪迴六趣中	良伴無過施

若生天人中	為衆所奉事	生於畜生道
施報隨受樂	智慧修寂定	無依無有數
雖獲甘露道	猶資施以成	緣彼惠施故
修八大人念	隨念歡喜心	決定三摩提
三昧增智慧	能正觀生滅	正觀生滅已
次第得解脫	捨財惠施者	蠲除於貪著
慈悲恭敬與	兼除嫉恚慢	明見惠施果
無施癡見除	諸結煩惱滅	斯由於惠施
當知惠施者	則為解脫因	猶如人種栽
為蔭華果故	布施亦如是	報樂大涅槃
不堅固財施	獲報堅固果	施食惟得力
施衣得好色	若建立精舍	衆果具足成
或施求五欲	或貪求大財	或為名聞施
有求生天樂	或為免貧苦	惟汝無想施
施中之最上	無利而不獲	汝心有所弘

宜令速成就	癡愛心來遊	清淨眼開還
長者受佛教	惠心轉增明	請優波提舍
賢友而同歸	還彼憍薩羅	周行擇良墟
見太子祇園	林流極清閑	往詣太子所
請求買其田	太子甚寶惜	元無出賣心
設布黃金滿	猶尚地不遷	長者心歡喜
即徧布黃金	祇言我不與	汝云何布金
長者言不與	何言滿黃金	二人共諍訟
延及斷事官	眾皆歎奇特	祇亦知其誠
廣問其因緣	辭言立精舍	供養於如來
并及比丘僧	太子聞佛名	其心即開悟
惟取其半金	求和同建立	汝地我樹林
共以供養佛	長者地祇林	以付舍利弗
經始立精舍	晝夜勤速成	高顯勝莊嚴
猶四天王宮	隨法順道宜	稱如來所應

世間未曾有 增輝舍衛城 如來現神蔭
 眾聖集安居 無侍者哀降 有侍資道宜
 長者乘斯福 壽盡上昇天 子孫繼基業
 歷世種福田
 父子相見品第十九

佛於摩竭國 化種種異道 悉從一味法
 如日映眾星 出彼五山城 與千弟子俱
 前後眷屬從 往詣尼金山 近迦維羅衛
 而生報恩心 當修法供養 以奉於父王
 王師及大臣 先遣伺候人 當尋從左右
 瞻察其進止 知佛欲還國 驅馳而先白
 太子遠遊學 願滿今來還 王聞大歡喜
 嚴駕即出迎 舉國諸士庶 悉皆從王行
 漸近遙見佛 光相倍昔容 處於大眾中
 猶如梵天王 下車而徐進 恐為法留難

瞻顏內欣踊	口莫知所言	顧貪居俗累
子超然登仙	雖子居道尊	未知稱何名
自惟久思渴	今日無由宣	子今默然坐
安隱不改容	久別無感情	令我心獨悲
如人久虛渴	路逢清冷泉	奔馳而欲飲
臨泉忽枯竭	今我見其子	猶是本先顏
心踈氣高絕	都無蔭流心	抑情虛妄斷
如渴對枯泉	未見繁想馳	對目則無歡
如人念離親	忽見畫形像	應王四天下
猶若曼陀王	汝今行乞食	斯道何足榮
安靜如須彌	光相如日明	詳行牛王步
無畏師子孔	不受四天封	乞食而養身
佛知父王心	猶存於子想	為開其心故
并哀一切衆	神足昇虛空	兩手捧日月
遊行於空中	作種種變異	或分身無量

還復合為一	或履水如地	或入地如水
石壁不礙身	左右出水火	父王大歡喜
父子情悉除	空中蓮華坐	而為王說法
知王心慈念	為子增憂悲	纏綿愛念子
宜應速除滅	息愛靜其心	受我子養法
人子所未奉	今以奉父王	父未從子得
今從子得之	人王之奇特	天王亦希有
勝妙甘露道	今以奉大王	自業業受生
業依業果報	當知業因果	勤習度世業
諦觀於世間	惟業為良朋	親戚及與身 <small>十六</small>
深愛相戀慕	命絕神獨往	惟業良友隨
輪迴於五趣	三業三種生	愛欲為其因
種種類差別	今當竭其力	淨修身口業
晝夜勤修習	息亂心寂然	惟此為已利
離此悉非我	當知三界有	猶如海濤波

難樂難習近	當修第四業	生死五道輪
猶眾星旋轉	諸天亦遷變	人中豈得常
涅槃為最安	禪寂樂中勝	人王五欲樂
危險多恐怖	猶毒蛇同居	何有須臾歡
明人見世間	如盛火圍繞	恐懼無暫安
永離生老死	無盡寂靜處	慧者之所居
不須利器仗	象馬以車兵	調伏貪恚癡
天下敵無餘	知苦斷苦因	證滅修方便
正覺四真諦	惡趣恐怖除	先現妙神通
令王心歡喜	信樂情已深	堪為正法器
合掌而讚歎	奇哉誓果成	奇哉大苦離
奇哉饒益我	先雖增憂悲	緣悲故獲利
奇哉我今日	生子果報成	宜捨勝妙樂
宜精勤習苦	宜離親族榮	宜割恩愛情
古昔諸仙王	唐苦而無功	清淨安隱處

典四

十七

汝今悉已獲	自安而安彼	大悲濟眾生
若本住世間	為轉輪王者	無自在神通
令我心開解	亦無此妙法	使我今日歡
設為轉輪王	生死緒不絕	今已免生死
輪迴大苦滅	能為眾生類	廣說甘露法
如此妙神通	智慧甚深廣	永滅生死苦
為天人之上	雖居聖王位	終不獲斯利
如是讚歎已	法愛增恭敬	居王父尊位
謙卑稽首禮	國中諸人民	觀佛神通力
聞說深妙法	兼見王敬重	合掌頭面禮
悉生奇特想	厭患居俗累	咸生出家心
釋種諸王子	心悟道果成	悉厭世榮樂
捨親愛出家	阿難陀難陀	金毗阿那律
難陀跋難陀	及軍荼陀那	如是等上首
及餘釋種子	悉從於佛教	受法為弟子

匡國大臣子	優陀夷為首	與諸王子俱
隨次而出家	又阿低黎子	名曰優波離
見彼諸王子	大臣子出家	心感情開解
亦受出家法	父王見其子	神力諸功德
自亦入清流	甘露正法門	捨王位國土
禪定甘露飯	閑居修靜默	處宮習王仙
如來悉隨攝	本族知識已	道申顏和悅
親戚歡喜隨	時至應乞食	入迦維羅國
城中諸士女	驚起舉聲唱	悉達阿羅陀
學道成而歸	內外轉相告	巨細馳出看
門戶窻牖中	比肩而側目	見佛身相好
光明甚暉曜	外著袈裟衣	身光內徹照
猶如日圓輪	內外相映發	觀者心悲喜
合掌涕淚流	見佛庠序步	斂形攝諸根
妙身顯法義	驚惜增悲歎	剃髮毀形好

佛四

十六

身被染色衣	堂堂儀雅容	束身視地行
應戴羽葆蓋	手攬飛龍轡	如何冒遊塵
執鉢而行乞	藝足伏怨敵	貌足娛女歡
華服冠天冠	黎民咸首陽	如何屈茂容
拘心制其形	捨妙欲光服	素身著染衣
見何相何求	舉世五欲怨	捨賢妻愛子
樂獨而孤遊	難哉彼賢妃	長夜抱憂思
而今聞出家	性命猶能全	不審淨飯王
竟見此子不	見其妙相身	毀形而出家
怨家猶痛惜	父見豈能安	愛子羅睺羅
泣涕常悲戀	見無撫慰心	用學此道為
諸明相法者	咸言太子生	具足大人相
應享食四海	觀今之所為	斯則皆虛談
如是比衆多	紛紜而亂說	如來心無著
無欣亦無感	慈悲愍衆生	欲令脫貧苦

增長彼善根	并為當來世	顯其少欲跡
兼除俗塵霧	入貧里乞食	精麤任所得
巨細不擇門	滿鉢歸山林	
受祇洹精舍品第二十		
世尊已開化	迦維羅衛人	隨緣度已畢
與大眾俱行	往憍薩羅國	十九
祇洹已莊嚴	堂舍悉周備	詣波斯匿王
華果悉敷榮	水陸眾奇鳥	流泉相灌注
眾美世無比	若稽羅山宮	隨類羣和鳴
眷屬尋路迎	散華燒名香	給孤獨長者
手執金龍餅	躬跪注長水	奉請入祇洹
奉施十方僧	世尊咒願受	以祇洹精舍
給孤獨長者	福慶流無窮	鎮國今久安
聞世尊已至	嚴駕出祇洹	時波斯匿王
却坐於一面	合掌白佛言	敬禮世尊足
		不啻卑小國

忽成大吉祥	惡逆多災害	豈能感大人
今得覩聖顏	沐浴飲清化	鄙雖處凡品
蒙聖入勝流	如風拂香林	氣合成重飈
眾鳥集須彌	異色齊金光	得與明人會
蒙蔭而同榮	野夫供仙人	生為三足星
世利皆有盡	聖利永無窮	人王多愆咎
遇聖利常安	佛知王心至	樂法如帝釋
唯有二種著	不能忘財色	知時知心行
而為王說法	惡業卑下士	見善猶知敬
況復自在王	積德乘宿因	遇佛加恭敬
此乃非為難	國素靜民安	非見佛所增
今當略說法	大王且諦聽	受持我所說
見我功德成	命終形神乖	親戚悉別離
惟有善惡業	始終而影隨	當崇法王業
子養於萬民	現世名稱流	命終上昇天

縱清不順法	今苦後無歡	古昔羸馬王
順法受天福	金步王行惡	壽終生惡道
我今為大王	略說善惡法	大要當慈心
觀民猶一子	不迫亦不害	善攝持諸根
捨邪就正路	不自舉下人	結友於苦行
勿習邪見朋	<small>典四</small> 勿恃王威勢	<small>二十</small> 勿聽邪佞言
勿惱諸苦行	莫踰王正典	念佛唯正法
調伏非法者	現為人中上	德惟隆道中
深思無常想	身命念念遷	棲心高勝境
志求清淨信	保茲自在樂	來世增其歡
傳名於曠劫	必報如來恩	如人愛甜果
必種其良莪	有從明入闇	有從闇入明
有闇闇相續	有明明相因	智者捨三品
當學始終明	言惡羣響應	善唱隨者難
無有不作果	作者不敗亡	創業不勤習

至竟莫能為	素不修善因	後致樂無期
既往無息期	是故當修善	自省不為惡
自作自受故	猶四石小合	衆生無逃處
生老病死山	羣生脫無由	惟有行正法
出斯苦重山	世間悉無常	五欲境如電
老死錐鋒端	何應習非法	古昔諸勝王
猶若自在天	勇健志勝虛	暫顯已磨滅
劫火鎔須彌	海水悉枯竭	況身如泡沫
而望久在世	猛風止旋嵐	日光翳須彌
盛火水所銷	<small>典四</small> 有物悉歸滅	<small>三</small> 此身無常器
長夜苦守護	廣資以財色	放逸而僥慢
死時忽然至	挺直如枯木	明人見斯變
勤修豈睡眠	生死獨搖機	不止會墮落
不習不續樂	苦報者不為	不近不勝友
不學不斷習	學不受有智	受必令無身

有身不染境	染境為大過	雖生無色天
不免時遷變	當學不變身	不變則無過
以有此身故	為眾苦之本	是故諸智者
息本於無身	一切眾生類	斯由欲生苦
是故於欲有	當生歇離心	歇離於欲有
則不受眾苦	雖生色無色	變易為大患
以不寂靜故	況不離於欲	如是觀三界
無常無有生	眾苦常熾然	智者豈願樂
如樹盛火然	眾鳥豈羣集	覺者為明士
離此則無明	此則開覺士	離此則非覺
此則應所作	離此則不應	此則為近宗
離此與理乖	言此殊勝法	非在家所應
此則為非說	法惟在人弘	患熱入冷水
一切得清涼	冥室燈火明	悉覩於五色
修道亦如是	道俗無異方	或山居墮罪

或在冢昇仙	凝冥為巨海	邪見為濤波
羣生隨愛流	漂轉莫能渡	智慧為輕舟
堅持三昧正	方便鼓念檝	能濟無知海
時王專心聽	一切智所說	歇薄於俗榮
知王者無歡	如逸醉狂象	醉醒純熟還
時有諸外道	見王信敬佛	咸求於大王
與佛決神通	時王白世尊	願從彼所求
佛即默然許	種種諸異見	五通神仙士
悉來詣佛所	佛即現神力	正基坐空中
普放大光明	如日暉朝陽	外道悉降伏
國民普歸宗	為母說法故	即昇忉利天
三月處天宮	普化諸天人	度母報恩畢
安居時過還	諸天眾羽從	乘於七寶階
下至閻浮提	諸佛常下處	無量諸天人
乘宮殿隨送	閻浮提居民	合掌而仰瞻

守財醉象調伏品第二十一

天上教化母	及餘諸天衆	還遊於人中
隨緣而行化	樹提迦者婆	首羅輸盧那
長者子央伽	及無畏王子	尼瞿屢陀等
尸利掘多迦	尼捷優波離	悉令得解脫
乾陀羅國王	其名弗迦羅	聞說深妙法
捨國而出家	醯茂鉢低鬼	及婆多耆利
於毗富羅山	調伏而受化	波羅延梵志
波沙那山中	半偈微細義	調伏令信樂
他那摩帝村	有鳩吒檀耽	是二生之首
廣殺生祠祀	如來方便化	令其入正道
於毗提訶山	大威德天神	名般遮尸呿
受法入決定	毗紐瑟吒村	化彼難陀母
央伽富黎城	降伏大力神	富那跋陀羅
輸屢那檀陀	克惡大力龍	國王及後宮

與四

重

皆悉受正法	以開甘露門	於彼悅栴村
稽那及尸盧	志求生天樂	化令入正道
央瞿利摩羅	於彼修佻村	為現神通力
化令即調伏	有大長者子	浮黎耆婆男
大富多財錢	如富那跋陀	即於如來前
受化廣行施	於彼跋提村	化彼跋提黎
及與跋陀羅	兄弟二鬼神	毗提訶富黎
有二婆羅門	一名為大壽	二名曰梵壽
論義以降伏	令入於正法	至毗舍離城
化諸羅刹鬼	并離車師子	及諸離車衆
薩遮尼乾子	悉令入正法	阿摩勒迦波
有鬼跋陀羅	及跋陀羅迦	跋陀羅劫摩
又至阿臘山	度鬼阿臘婆	二名鳩摩羅
三訶悉多迦	還至迦闍山	度鬼洹迦那
及針毛夜叉	及其姊妹子	又至波羅奈

化彼迦旃延	然後乘神通	至輸盧波羅
化彼諸商人	多波犍尼劍	受其旃檀堂
妙香流於今	至摩醯波低	度迦毗羅仙
牟尼住於彼	足蹈於石上	千輻雙輪現
終則不磨滅	至婆羅那處	化婆羅那鬼
至摩偷羅國	度鬼竭曇摩	偷羅俱瑟吒
度賴吒波羅	至鞞蘭若村	度諸婆羅門
迦利摩沙村	度薩毗薩深	亦復化於彼
阿耆尼毘舍	復還舍衛國	度彼瞿曇摩
闍帝輸盧那	道迦阿低黎	還憍薩羅國
度外道之師	弗迦羅婆黎	及諸梵志衆
至施多毗迦	寂靜空閑處	度諸外道仙
令入佛仙路	至阿輸闍國	度諸鬼龍衆
至金毗羅國	度二惡龍王	一名金毗羅
二名迦羅迦	又至跋致國	化度夜叉鬼

其四

辛四

其名曰毗沙	那鳩羅父母	并及大長者
令信樂正法	至拘睢彌國	化度瞿師羅
及二優婆夷	波闍鬱多羅	伴等優婆夷
衆多次第度	至犍陀羅國	度阿婆羅龍
如是等次第	空行水陸性	皆悉往化度
如日照幽冥	爾時提婆達	見佛德殊勝
內心懷嫉妬	退失諸禪定	造諸惡方便
破壞正法僧	登耆闍崛山	崩石以打佛
石分為二分	墮於佛左右	於王平直路
放狂醉惡象	震吼若雷霆	勇氣奮成雲
躡颯而奔走	逸越如暴風	鼻牙尾四足
觸則莫不摧	王舍城巷路	狼藉殺傷人
橫屍而布路	髓腦血流離	一切諸士女
恐怖不出門	合城悉戰悚	但聞驚喚聲
有出城馳走	有窟穴自藏	如來衆五百

時至而入城	高閣窓牖人	啓佛令勿行
如來心安泰	怡然無懼容	惟念貪嫉苦
慈心欲令安	天龍衆營從	漸至狂象所
諸比丘逃避	惟與阿難俱	猶法種種相
一自性不移	醉象奮狂怒	見佛心即醒
投身禮佛足	猶如太山崩	蓮華掌摩頂
如月照烏雲	跪伏佛足下	而爲說法言
象莫害大龍	象與龍戰難	象欲害大龍
終不生善趣	貪恚癡迷醉	難降佛已降
是故汝今日	當捨貪恚癡	已沒苦淤泥
不捨轉更增	彼象聞佛說	醉解心即悟
身心得安樂	如渴飲甘露	象已受佛化
國人悉歡喜	咸歎唱希有	設種種供養
下善轉成中	中善進增上	不信者生信
已信者深固	阿闍世大王	見佛降醉象

心生奇特想	歡喜倍增敬	如來善方便
現種種神力	調伏諸衆生	隨力入正法
舉國修善業	猶如劫初人	彼提婆達兜
爲惡自纏縛	先神力飛行	今墮無擇獄
菴摩羅女見佛品第二十二		
世尊廣化畢	而生涅槃心	發於王舍城
詣巴連弗邑	到已住於彼	婆吒利支提
彼是摩竭提	邊邑附庸國	主國婆羅門
多聞明經典	瞻相土安危	國之仰觀師
摩竭王遣使	勅告彼仰觀	命起於牢城
以備於強隣	世尊記彼地	天神所保持
於中起城郭	永固無危亡	仰觀心歡喜
供養佛法僧	佛出彼城門	往詣恒河濱
仰觀深敬佛	名爲瞿曇門	恒河側人民
皆出迎世尊	與種種供養	各嚴船令渡

世尊以船多	偏受違衆心	即以神通力
隱身及大衆	忽從此岸沒	而出於彼岸
以乘智慧船	廣濟於衆生	緣斯德力故
濟河不憑舟	恒河側人民	同聲唱奇特
咸言名此津	名爲瞿曇津	城門瞿曇門
津名瞿曇津	斯名流於世	歷代共稱傳
如來復前行	至彼鳩黎村	說法多所化
復至那提村	人民多疫死	親戚悉來問
諸親疫死者	命終生何所	佛善知業報
悉隨問記說	前至鞞舍離	住於菴羅林
彼菴摩羅女	承佛詣其園	侍女衆隨從
庠序出奉迎	善執諸情根	身服輕素衣
捨離莊嚴服	息沐浴香華	猶世貞賢女
潔素以祠天	端正妙容姿	猶天玉女形
佛遙見女來	告諸比丘衆	此女極端正

能留行者情	汝等當正念	以慧鎮其心
寧在暴虎口	狂夫利劍下	不於女人所
而起愛欲情	女人顯姿態	若行住坐卧
乃至畫像形	悉表妖冶容	劫奪人善心
如何不自防	見啼笑喜怒	縱體而垂肩
或散髮髻傾	猶尚亂人心	沉復飾容儀
以顯妙姿顏	莊嚴隱陋形	誘誑於愚夫
迷亂生惡想	不覺醜穢形	當觀無常苦
不淨無我所	諦見其真實	滅除貪欲想
正觀於自境	天女尚不樂	況復人間欲
而能留人心	當執精進弓	智慧鋒利箭
被正念重鎧	決戰於五欲	寧以熱鐵槍
貫徹於雙目	不以愛欲心	而觀於女色
愛欲迷其心	眩惑於女色	亂想而命終
必墮三惡道	畏彼惡道苦	不受女人欺

根不繫境界	境界不繫根	於中貪欲想
由根繫境界	猶如二耕牛	同一軛一鞅
牛不轉相縛	根境界亦然	是故當制心
勿令其放逸	佛為諸比丘	種種說法已
彼菴摩羅女	漸至世尊前	見佛坐樹下
禪定靜思惟	念佛大悲心	哀受我樹林
端心歛儀容	正素妖冶情	恭形心純備
稽首接足禮	世尊命令坐	隨心為說法
汝心已純靜	表徹外德容	壯年豐財寶
備德兼姿顏	能信樂正法	是則世之難
丈夫宿智慧	樂法非為奇	女人惟志弱
智淺愛欲深	而能樂正法	此亦為甚難
人生於世間	惟應法自娛	財色非常保
惟正法為珍	強梁病所壞	少壯老所遷
命為死所困	行法無能侵	所愛莫不離

不愛而強隣 所求不隨意 惟法為從心
 他力為大苦 自在力為歡 女人悉由他
 兼懷他子苦 是故當思惟 獸離於女身
 彼菴摩羅女 聞法心歡喜 堅固智增明
 能斷於愛飲 即自厭女身 不染於境界
 雖恥於陋形 法力勸其心 稽首而白佛
 已蒙尊攝受 哀受明供養 令滿其志願
 佛知彼誠心 兼利諸羣生 默然受其請
 令即隨歡喜 親聽轉增明 作禮而還家
 佛所行讚經卷第四

音釋

騾毗名切 風早遙切 嵐盧舍切 檝音接短
如之切 颶風也 嵐山氣也 檝棹也 栴音接短
木名也 颶戶盲切 颶暴風也 眩熒絹切 憤亂也

典四

三六

佛所行讚經卷第五

典五

馬 鳴 菩 薩 撰

北涼天竺三藏曇無讖譯

神力住壽品第二十三

爾時鞞舍離 諸離車長者 聞世尊入國

住菴摩羅園 有乘素車與 素蓋素衣服

青赤黃綠色 其眾各異儀 羽從前後導

爭塗競路前 天冠袞華服 寶飾以莊嚴

威容盛明曜 增暉彼園林 除捨五威儀

下車而步進 息慢而形恭 頂禮於佛足

大眾圍繞佛 如日重輪光 離車名師子

為諸離車長 德貌如師子 位居師子目

滅除師子慢 受誨釋師子 汝等大威德

名族美色容 能除世憍慢 受法以增明

財色香華飾 不如戒莊嚴 國土豐安樂

惟以汝等榮 榮身而安民 在於調御心

加以樂法情 令德轉崇高 非薄土羣類

而能集眾賢 當日新其德 撫養於萬民

導眾以明正 如牛王涉津 若人能自念

今世及後世 惟當修正戒 福利二世安

為眾所敬重 名稱普流聞 仁者樂為友

德流永無疆 山林寶玉石 皆依地而生

戒德亦如地 眾善之所由 無翹欲騰虛

度河無良舟 人而無戒德 濟苦為寶難

如樹美華果 針刺難可攀 多聞美色力

破戒者亦然 端坐勝堂閣 王心自莊嚴

淨戒功德見 隨大仙而化 染衣服毛羽

螺髻剃鬚髮 不修於戒德 方涉眾苦難

日夜三沐浴 奉火修苦行 遺身穢野獸

赴水火投巖 食果餌草根 吸風飲恒水

服氣以絕糧	遠離於正戒	習斯禽獸道
非為正法器	毀戒招誹謗	仁者所不親
心常懷恐怖	惡名而影隨	現世無利益
後世豈獲安	是故智慧士	當修於淨戒
於生死曠野	戒為善導師	持戒由自力
此則不為難	淨戒為梯陞	今人上昇天
建立淨戒者	斯由煩惱微	諸過壞其心
喪失善功德	先當離我所	我所覆諸善
猶灰覆火上	足蹈而覺燒	憍慢覆其心
如日隱重雲	慢怠滅慚愧	憂悲弱強志
老病壞壯容	我慢滅諸善	諸天阿脩羅
貪嫉興諍訟	喪失諸功德	悉由我慢壞
我於勝中勝	我德勝者同	我於勝小劣
斯則為愚夫	色族悉非常	動搖不暫安
終為磨滅法	何用憍慢為	貪欲為巨患

詐親而密怨	猛火從內發	貪火亦復然
貪欲之熾然	甚於世間火	火盛水能滅
貪愛難可銷	猛火焚曠野	草盡還復生
貪欲火焚心	正法生則難	貪欲求世樂
樂增不淨業	惡業墮惡道	怨無過貪欲
貪則生於愛	愛則習諸欲	習欲招眾苦
尤惡無過貪	貪則為大病	智藥愚夫止
邪覺不正思	能令貪欲增	無常苦不淨
無我無我所	智慧真實觀	能滅彼邪貪
是故於境界	當修真實觀	真實觀已生
貪欲得解脫	見德生貪欲	見過起瞋恚
德過二俱亡	貪恚得除滅	瞋恚改素容
能壞端正色	瞋恚翳明目	害法義欲聞
斷絕親愛義	為世所輕賤	是故當捨恚
勿隨於瞋心	能制狂恚心	是名善御者

世稱善調馴	是為攝繩客	縱恚不息焚
憂悔火隨燒	若人起瞋恚	先自燒其心
然後加於風	或燒或不燒	生老病死苦
逼迫於衆生	復加於恚害	多怨復增怨
見世衆苦迫	應起慈悲心	衆生起煩惱
增微無量差	如來善方便	隨病而略說
譬如世良醫	隨病而投藥	爾時諸離車
聞佛所說法	即起禮佛足	歡喜而頂受
請佛及大衆	明日設薄供	佛告諸離車
菴摩羅已請	離車懷感愧	彼何奪我利
知佛心平等	而復隨喜心	如來善隨宜
安慰令心悅	伏化純熟歸	如蛇被嚴呪
夜過明相生	佛與大衆俱	詣菴摩羅舍
受彼供養畢	往詣毗紐村	於彼夏安居
三月安居竟	復還鞞舍離	住彌猴池側

坐於林樹間	普放大光明	以感魔波旬
來詣於佛所	合掌勸請言	昔尼連禪側
已發真實要	我所作事畢	當入於涅槃
今所作已作	當遂於本心	時佛告波旬
滅度時不遠	却後三月滿	當入於涅槃
時魔知如來	滅度已有期	情願既已滿
歡喜還天宮	如來坐樹下	正受三摩提
放捨業報壽	神力住命存	以如來捨壽
大地皆震動	十方虛空境	周徧大火然
須彌頂崩頽	天雨飛礫石	狂風四激起
樹木悉摧折	天樂發哀聲	天人心忘歡
佛從三昧起	普告諸衆生	我今已捨壽
三昧力存身	身如朽敗車	無復往來因
已脫於三有	如鳥破卵生	

離車辭別品第二十四

尊者阿難陀	見地普大動	心驚身毛豎
問佛何因緣	佛告阿難陀	我住三月壽
餘命行悉捨	是故地大動	阿難聞佛教
悲感淚交流	猶如大力象	搖彼梅檀樹
擾動理迫迮	香汁淚流下	親重大師尊
恩深未離欲	惟此四事故	悲苦不自勝
今我聞世尊	涅槃決定教	舉體悉萎銷
迷方失常韻	所聞法悉忘	荒悖忘天地
怪哉救世主	滅度一何駛	遭寒冰垂死
遇火忽復滅	於煩惱曠野	迷亂失其方
忽遇善導師	未度忽復失	如人涉長塗
熱竭久乏水	忽遇清涼池	奔趣悉枯竭
紺睫瞪睛目	明鑒於三世	智慧照幽冥
昏冥一何速	猶如旱地苗	雲興仰希雨
暴風雲速滅	望絕守空田	無智大闇冥

共五

五

羣生悉迷方	如來然慧燈	忽滅何由出
佛聞阿難說	酸訴情悲切	軟語安慰言
為說真實法	若人知自性	不應處憂悲
一切諸有為	悉皆磨滅法	我已為汝說
合會性別離	恩愛理不常	當捨悲戀心
有為流動法	生滅不自存	欲令長存者
終無有是處	有為若常存	無有遷變者
此則為解脫	於何而更求	汝及餘衆生
今於我何求	汝等所應得	我已為說竟
何用我此身	妙法身長存	我住我寂靜
所要唯在此	然我於衆生	未曾有師奉
當修馱離想	善住於自洲	當知自洲者
專精勤方便	獨靜修閑居	不從於他信
當知法洲者	決定明慧燈	能滅除癡闇
觀察四境界	逮得於勝法	離我離我所

骨竿皮肉塗	血澆以筋纏	諦觀悉不淨
云何樂此身	諸受從緣生	猶如水上泡
生滅無常苦	遠離於樂想	心識生住滅
新新不暫停	思惟於寂滅	常想永已乖
衆行因緣起	聚散不常俱	愚癡生我想
慧者無我所	於此四境界	思惟正觀察
此則一乘道	衆苦悉皆滅	若能住於此
真實正觀者	佛身之存亡	此法常無盡
佛說此妙法	安慰阿難時	諸離車聞之
惶怖咸來集	悉捨俗威儀	驅馳至佛所
禮畢一面坐	欲問不能宣	佛已知其心
逆爲方便說	我今觀察汝	心有異常想
放捨俗緣務	惟念法爲情	汝今欲從我
所聞所知者	於我存亡際	慎莫生憂悲
無常有爲性	躁動變易法	不堅非利益

卷五

六

無有久住相	古昔諸仙王	婆私吒仙等
曼陀轉輪王	其比亦衆多	如是諸先勝
力如自在天	悉已久磨滅	無一存于今
日月天帝釋	其數亦甚衆	悉皆歸磨滅
無有長存者	過去世諸佛	數如恒邊沙
智慧照世間	悉皆如燈滅	未來世諸佛
將滅亦復然	今我豈獨異	當入於涅槃
彼有應度者	今宜進前行	毗舍離快樂
汝等且自安	世間無依怙	三界不足歡
當止憂悲苦	而生離欲心	決斷長別已
而遊於北方	靡靡涉長路	如日傍西山
爾時諸離車	悲吟逐路隨	仰天而哀歎
嗚呼何怪哉	形如真金山	衆相具莊嚴
不久將崩壞	無常何無慈	生死久虛竭
如來智慧母	而今頓放捨	無救苦奈何

衆生久闇冥	假明慧以行	如何智慧日
忽然而潛光	無知爲迅流	漂浪諸衆生
如何法橋梁	一旦忽然摧	慈悲大醫王
無上智良藥	療治衆生苦	如何忽遠逝
慈悲妙天幢	智慧以莊嚴	金剛心絞絡
世間觀無厭	祠祀嚴勝幢	云何一旦崩
衆生何薄福	輪迴生死流	解脫門忽閉
長苦無出期	如來善安慰	割情而長辭
制心忍悲戀	如萎迦尼華	徘徊而遲遲
悵快隨路行	如人喪其親	葬畢長訣還
般涅槃品第二十五		
佛至涅槃處	鞞舍離空虛	猶如夜雲冥
星月失光明	國土先安樂	而今頓凋悴
猶如喪慈父	孤女常獨悲	如端正無聞
聰明而薄福	心辯而口吃	明慧而乏才

神通無威儀	慈悲心虛偽	高勝而無力
威儀而無法	鞞舍離亦然	素榮而今悴
猶如秋田苗	失水悉枯萎	或斷火滅烟
或對食忘餐	悉廢公私業	不修諸俗緣
念佛感恩深	默默各不言	時師子離車
強忍其憂悲	垂泣發哀聲	以表眷戀心
破壞諸邪徑	顯示於正法	已降諸外道
遂往不復還	世絕離世道	無常爲大病
世尊入大寂	無依無有救	方便最勝尊
潛光究竟處	我等失強志	如火絕其薪
世尊捨世蔭	羣生甚可悲	如人失神力
舉世共哀之	逃暑投涼池	遭寒以憑火
一旦悉廓然	羣生何所寄	通達殊勝法
爲世陶鑄師	世間失宰主	人喪道則亡
老病死自在	道喪非道通	能壞大苦機

世間何有雙	猛熱極燄威	大雲雨令銷
貪欲火熾然	其誰能令滅	堅固能譬者
已捨世間住	復何智慧力	能為不請友
如彼臨刑囚	為死而醉酒	衆生迷惑識
惟為死受生	利鋸以解材	無常解世間
癡闇為深水	欲愛為巨浪	煩惱為浮沫
邪見摩竭魚	惟有智慧船	能度斯大海
衆病為樹華	衰老為纖條	死為樹深根
有業為其芽	智慧剛利刀	能斷三有樹
無明為鑽燧	貪欲為熾燄	五欲境界薪
滅之以智水	具足殊勝法	已壞於癡冥
見安隱正路	究竟諸煩惱	慈悲化衆生
怨親無異想	一切智通達	而今悉棄捨
輒美清淨音	方身纖長臂	大仙而有邊
何人得無窮	當覺時遷速	應勤求正法

如險道遇水	時飲速進路	非常甚暴逆
普壞無貴賤	正觀存于心	雖眠亦常覺
時離車師子	常念佛智慧	歆離於生死
歎慕人師子	不存世恩愛	深崇離欲德
折伏輕躁意	棲心寂靜處	勤修行惠施
遠離於憍慢	樂獨修閑居	思惟真實法
爾時一切智	圓身師子顧	瞻彼鞞舍離
而說長辭偈	是吾之最後	遊此鞞舍離
住力士生地	當入於涅槃	漸次第行遊
至彼蒲伽城	安住堅固林	教誡諸比丘
吾今已昇天	當入於涅槃	汝等當依法
是則尊勝處	不入修多羅	亦不順律儀
真實義相違	則不應攝受	非法亦非律
又非我所說	是則為闍說	汝等應速捨
執受於明說	是則非顛倒	是則我所說

如法如律教	如我法律受	是則為可信
言我法律非	是則不可信	不解細微義
謬隨於文字	是則為愚夫	非法而妄說
不別其真偽	無見而闇受	猶鑰金共肆
誑惑於世間	愚夫習淺智	不解真實義
受於相似法	而作真法受	是故當審諦
觀察真法律	猶如鍊金師	燒打而取真
不知諸經論	是則非智慧	不應說所應
應作不應見	當作平等受	句義如說行
執劍無方便	則反傷其手	辭句不巧便
其義難了知	如夜行求室	宅曠莫知處
失義則忘法	忘法心馳亂	是故智慧士
不違真實義	說斯教誡已	至於波婆城
彼諸力士眾	設種種供養	時有長者子
其名曰純陀	請佛到其舍	供設最後飯

飯食說法畢	行詣鳩夷城	度於菜蕨河
及熙連二河	彼有堅固林	安隱閑靜處
入金河洗浴	身若真金山	告勅阿難陀
於彼雙樹間	掃灑令清淨	安置於繩牀
吾今中夜時	當入於涅槃	阿難聞佛教
氣塞而心悲	行泣而奉教	布置訖還白
如來就繩牀	北首右脅卧	枕手累雙足
猶如師子王	畢苦後邊身	一卧永不起
弟子眾圍繞	哀歎世眼滅	風止林流靜
鳥獸寂無聲	樹木汁淚流	華葉非時零
未離欲人天	皆悉大惶怖	如人遊曠澤
道險未至村	但恐行不至	心懼形怱怱
如來畢竟卧	而告阿難陀	往告諸力士
我涅槃時至	彼若不見我	永恨生大苦
阿難受佛教	悲泣而隨路	告彼諸力士

世尊已畢竟	諸力士聞之	極生大恐怖
士女奔馳出	號泣至佛所	弊衣而散髮
蒙塵身流汗	號慟詣彼林	猶如天福盡
垂淚禮佛足	憂悲身萎熟	如來安慰說
汝等勿憂悴	今應隨喜時	不宜生憂感
長劫之所規	我今始獲得	已度根境界
無盡清淨處	離地水火風	寂靜不生滅
永除於憂患	云何爲我憂	我昔伽闍山
欲捨於此身	以本因緣故	存世至于今
守斯危脆身	如毒蛇同居	今入於大寂
衆苦緣已畢	不復更受身	未來苦長息
汝等不復應	爲我生恐怖	力士聞佛說
入於大寂靜	心亂而目冥	如覩大黑闇
合掌白佛言	佛離生死苦	永之寂滅樂
我等實欣慶	猶如被燒舍	親從盛火出

典五

十二

諸天猶歡喜	何況于世人	如來既滅後
羣生無所覩	永違於救護	是故生憂悲
譬如商人衆	遠涉於曠野	惟有一導師
忽然中道亡	大衆無所怙	云何不憂悲
現世自證知	覩一切知見	而不獲勝利
舉世所應笑	譬如經寶山	愚癡守貧苦
如是諸力士	向佛而悲訴	猶如人一子
悲訴於慈父	佛以善誘辭	顯示第一義
告諸力士衆	誠如汝所言	求道須精勤
非但見我得	如我所說行	得離衆苦網
行道存于心	不必由見我	猶如疾病人
依方服良藥	衆病自然除	不待見醫師
不如我說行	空見我無益	雖與我相遠
行法爲近我	同止不隨法	當知去我遠
攝心莫放逸	精勤修正業	人生於世間

長夜衆苦迫 擾動不自安 猶若風中燈
時諸力士衆 聞佛慈悲教 內感而抆淚
強自抑止歸

大般涅槃品第二十六

爾時有梵志	名須跋陀羅	賢德悉備足
淨戒護衆生	少稟於邪見	隨外道出家
欲來見世尊	告語阿難陀	我聞如來道
厥義深難測	世間無上覺	第一調御師
今欲般涅槃	難復可再遇	難見見者難
猶如鏡中月	我今欲奉見	無上善導師
爲求絕衆苦	度生死彼岸	佛日欲潛光
願令我暫見	阿難情悲感	兼謂爲譏論
或欣世尊滅	不宜令佛見	佛知彼希望
堪爲正法器	而告阿難言	聽彼外道前
我爲度人生	汝勿作留難	須跋陀羅聞

共五

十二

心生大歡喜	樂法情轉深	加敬至佛前
應時隨順言	輒語而問訊	和顏合掌請
今欲有所問	世有知法者	如我比甚多
惟聞佛所得	解脫異要道	願爲我略說
沾潤虛渴懷	不爲論議故	亦無勝負心
佛爲彼梵志	略說八正道	聞即虛心受
猶迷得正路	覺知先所學	非爲究竟道
即得未曾得	捨離於邪徑	兼背癡闇障
思惟先所習	瞋恚癡冥俱	長養不善業
愛恚癡等行	能起諸善業	多聞慧精進
亦由有愛生	恚癡若斷者	則離於諸業
諸業既已除	是名業解脫	諸業解脫者
不與義相應	世間說一切	悉皆有自性
有愛瞋恚癡	而有自性者	此則應常存
云何而解脫	正使恚癡滅	有愛還復生

如水自性冷	緣火故成熱	熱息歸於冷
以自性常故	常知有愛性	聞慧進不增
不增亦不減	云何是解脫	先謂彼生死
本從性中生	今觀於彼義	無得解脫者
性者則常住	云何有究竟	譬如然明燈
何能令無光	佛道真實義	緣愛生世間
愛滅則寂滅	因滅故果亡	本謂我異身
不見無作者	今聞佛正教	世間無有我
諸法因緣生	無有自在故	因緣生故苦
因緣滅亦然	觀世因緣生	則滅於斷見
緣離世間滅	則離於常見	悉捨本所見
深見佛正法	宿命種善因	聞法能即悟
已得善寂滅	清淨無盡處	心開信增廣
仰瞻如來卧	不忍觀如來	捨世般涅槃
及佛未究竟	我當先滅度	合掌辭聖顏

一面正基坐	捨壽入涅槃	如雨滅小火
佛告諸比丘	我最後弟子	而今已涅槃
汝等當供養	佛以初夜過	月明眾星朗
閑林靜無聲	而興大悲心	遺誡諸弟子
吾般涅槃後	汝等當恭敬	波羅提木叉
即是汝大師	巨夜之明燈	貧人之大寶
常所教誡者	汝等當隨順	如事我無異
當淨身口行	離諸治生業	田宅畜眾生
積財集五穀	一切當遠離	如避大火坑
墾土截草木	醫療治諸病	仰觀於曆數
推步吉凶象	占相於利害	此悉不應為
節身隨時食	不受使行術	不和合湯藥
遠離諸諂曲	順法資生具	應當知量受
受則不積聚	是則略說戒	為眾戒之本
亦為解脫本	依此法能生	一切諸正受

一切真實智	緣斯得究竟	是故當執持
勿令其斷壞	淨戒不斷故	則有諸善法
無則無諸善	以戒建立故	已住清淨戒
善攝諸情根	猶如善牧牛	不令其縱暴
不攝諸根馬	縱逸於六境	現世致殃禍
將墜於惡道	譬如不調馬	令人墮坑陷
是故明智者	不應縱諸根	諸根甚凶惡
為人之重怨	衆生愛諸根	還為彼傷害
深怨盛毒蛇	暴虎及猛火	世間之甚惡
慧者所不畏	惟畏輕躁心	將人入惡道
以彼樂小甜	不觀深險故	狂象失利鈎
猿猴得樹林	輕躁心如是	慧者當執持
放心令自在	終不得寂滅	是故當制心
遠之安靜處	飯食知節量	當如服藥法
勿因於飯食	而生貪恚心	飲食止饑渴

如膏朽敗車	譬如蜂採華	不壞其色香
比丘行乞食	勿傷彼信心	若人開心施
當推彼所堪	不籌量牛力	重載令其傷
朝中晡三時	次第修正業	初後二夜分
亦莫著睡眠	中夜端心卧	係念在明相
勿終夜睡眠	令身命空過	時火常燒身
云何長睡眠	煩惱衆怨家	乘虛而隨害
心昏於睡眠	死至孰能覺	毒蛇藏於宅
善呪能令出	黑旣居其心	明覺善呪除
無術而長眠	是則無慚人	慚愧為嚴服
慚為制象鈎	慚愧令心定	無慚喪善根
慚愧世稱賢	無慚禽獸倫	若人以利刀
節節解其身	不應懷恚恨	口不加惡言
惡念而惡言	自傷不害彼	節身修苦行
無過忍辱勝	惟有行忍辱	難伏堅固力

是故勿懷恨	惡言以加人	瞋恚壞正法
亦壞端正色	喪失美名稱	瞋火自燒心
瞋為功德怨	愛德勿懷恨	在家興瞋恚
多惱故非怪	出家而懷瞋	是則與理乖
猶如冷水中	而有盛火然	憍慢心若生
當自手摩頭	剃髮服浣衣	手持乞食器
邊生裁自活	何為生憍慢	俗人依色族
憍慢亦為過	何況出家人	志求解脫道
而生憍慢心	此則大不可	曲直性相違
不俱猶霜燄	出家修直道	諂曲非所應
諂偽幻虛詐	惟法不欺誑	多求則為苦
少欲則安樂	為安應少欲	況求真解脫
慳悋畏多求	恐損其財寶	好施者亦畏
愧則不供足	是故當少欲	施彼無畏心
由此少欲心	則得解脫道	若欲求解脫

亦應習知足	知足心常歡	歡喜即是法
資生俱鄙陋	知足故常安	不知足之人
雖得生天樂	以不知足故	苦火常燒心
富而不知足	是亦為貧苦	雖貧而知足
是則第一富	其不知足者	五欲境彌廣
猶更求無厭	長夜馳騁苦	汲汲懷憂慮
反為知足哀	不多受眷屬	其心常安隱
安隱寂靜故	人天悉奉事	是故當捨離
親疎二眷屬	如曠澤孤樹	眾鳥猿猴棲
多畜眾亦然	長夜受眾苦	多眾多纏累
如老象溺泥	若人勤精進	無利而不獲
是故當晝夜	精勤不懈怠	山谷微流水
常流故決石	鑽火不精勤	徒勞而不獲
是故常精進	如壯夫鑽火	善友雖為良
不及於正念	正念存于心	眾惡悉不入

是故修行者	常當念其身	於身若失念
一切善則忘	譬如勇猛將	被甲禦強敵
正念為重鎧	能制六境賊	正定檢覺心
觀世間生滅	是故修行者	當習三摩提
三昧已寂靜	能滅一切苦	智慧能照明
遠離於攝受	等觀內思惟	隨順趣正法
在家及出家	斯應由此路	生老死大海
智慧為輕舟	無明大闇冥	智慧為明燈
諸纏結垢病	智慧為良藥	煩惱棘刺林
智慧為利斧	癡愛馱水流	智慧為橋梁
是故當勤習	聞思修生慧	成就三種慧
雖盲慧眼通	無慧心虛偽	是則非出家
是故當覺知	離諸虛偽法	速得微妙樂
寂靜安隱處	遵崇不放逸	放逸為善怨
若人不放逸	得生帝釋處	縱心放逸者

與五

十七

則墮阿修羅	安慰慈悲業	所應我已畢
汝等當精進	善自修其業	山林空閑處
增長寂靜心	當自勤勗勉	勿令後恨悔
猶如世良醫	應病說方藥	抱病而不服
是非良醫過	我已說真實	顯示平等路
聞而不奉用	此非說者咎	於四真諦義
有所不了者	汝今悉應問	勿復隱所懷
世尊哀愍教	眾會默然住	時阿那律陀
觀察諸大衆	默然無所疑	合掌而白佛
月温日光冷	風靜地性動	如是四種惑
世間悉已無	苦集滅道諦	真實未曾違
如世尊所說	眾會悉無疑	惟世尊涅槃
一切悉悲感	不於世尊說	起不究竟想
正使新出家	情未深解者	聞今慙慙教
疑惑悉已除	已度生死海	無欲無所求

今皆生悲戀	歎佛滅何速	佛以阿那律
種種憂悲說	復以慈愍心	安慰而告言
正使經劫住	終歸當別離	異體而和合
理自不常俱	自他利已畢	空住何所為
天人應度者	悉已得解脫	汝等諸弟子
展轉維正法	知有必磨滅	勿復生憂悲
當自勤方便	到不別離家	我已然智燈
照除世間冥	知世不牢固	汝等當隨喜
如親遭重病	療治脫苦患	已捨於苦器
逆生死海流	永離眾苦患	是亦應隨喜
汝等善自護	勿生於放逸	有者悉歸滅
我今入涅槃	言語從是斷	此則最後教
入初禪三昧	次第九正受	逆次第正受
還入於初禪	復從初禪起	入於第四禪
出定心無寄	便入於涅槃	以佛涅槃故

與五

六

大地普震動	空中普雨火	無薪而自燄
又復從地起	八方俱熾然	乃至諸天宮
熾然亦如是	雷電動天地	霹靂震山川
猶天阿脩羅	擊鼓戰鬥聲	狂風四激起
山崩雨灰塵	日月無光暉	清流悉沸涌
堅固林萎悴	華葉非時零	飛龍乘黑雲
垂五首淚流	四王及眷屬	含悲與供養
淨居天來下	虛空中列侍	觀察無常變
不憂亦不喜	歎世違天師	泯滅一何速
八部諸天神	徧滿虛空中	散華以供養
感感心不歡	惟有魔王喜	奏樂以自娛
閻浮提失榮	猶山頽嶺崩	大象素牙折
牛王雙角摧	虛空無日月	蓮華遭嚴霜
如來般涅槃	世間悴亦然	

歎涅槃品第二十七

時有一天子 乘千白鵝宮 於上虛空中

觀佛般涅槃 普為諸天眾 廣說無常偈

一切性無常 速生亦速滅 生則與苦俱

惟寂滅為樂 行業薪積聚 智慧火熾然

名稱烟衝天 時雨雨令滅 猶如劫火起

水災之所滅 復有梵仙天 猶第一義仙

處天勝妙樂 而不滌天報 歎如來寂滅

心定而口言 觀察三世法 始終無不壞

第一義通達 世間無比士 慧知見之上

救護世間者 悉為無常壞 何人得長存

哀哉舉世間 羣生墮邪徑 時阿那律陀

於世不律陀 已滅不律陀 生死尼律陀

歎如來寂滅 羣生悉盲冥 諸行聚無常

猶如輕雲浮 速起而速滅 慧者不保持

無常金剛杵 壞牟尼仙山 鄙哉世輕躁

破壞不堅固 無常暴師子 害龍象大仙

如來金剛幢 猶為無常壞 何況未離欲

而不生怖畏 六種子一芽 一水之所雨

四引之深根 二觚五種果 三際同一體

煩惱之大樹 牟尼大象拔 而不免無常

猶如飾棄鳥 樂水吞毒蛇 忽遇天大旱

失水而亡身 駿馬勇於戰 戰畢純熟還

猛火緣薪熾 薪盡則自滅 如來亦如是

事畢歸涅槃 猶如明月光 普為世除冥

眾生悉蒙照 而復隱須彌 如來亦如是

慧光照幽冥 為眾生除冥 而隱涅槃山

名稱勝光明 普照於世間 滅除一切冥

不停若迅流 善御七駿馬 軍眾羽從遊

光光日天子 猶入於嶮巖 日月五障翳

眾生失光明 奉天祠火畢 惟有焦黑烟

如來已潛暉	世失榮亦然	絕恩愛希望
普應衆生望	衆生望已滿	事畢絕希望
離煩惱身縛	而得真實道	離羣聚慣亂
入於寂靜處	神通騰虛遊	苦器故棄捨
癡冥之重闇	智慧光照除	煩惱之埃塵
智水洗令淨	不復數數還	永之寂靜處
滅一切生死	一切悉崇敬	令一切樂法
以慧充一切	悉安慰一切	一切德普流
名聞遍一切	重照迄于今	諸有競德者
於彼哀愍心	四利爲不欣	四衰不以感
善攝於諸情	諸根悉明徹	澄心平等觀
六境不染著	所得未曾得	得人所不得
以諸出要水	虛渴令飽滿	施人所不施
亦不望其報	寂靜妙相身	悉知一切念
好惡不傾動	力勝一切怨	一切病良藥

而爲無常壞	一切衆生類	樂法各異端
普應其所求	悉滿其所願	聖慧大施主
一往不復還	猶若世猛火	薪盡不復然
八法所不染	降五難調羣	以三而見三
推三而成三	藏一而得一	超七而長眠
究竟寂滅道	賢聖之所宗	已斷煩惱障
宗奉者已度	饑虛渴乏者	飲之以甘露
被忍辱重鎧	降伏諸恚怒	勝法微妙義
以悅於衆心	修世界善者	植以聖種子
習正不正者	等攝而不捨	轉無上法輪
普世歡喜受	宿植樂法因	斯皆得解脫
遊行於人間	度諸未度者	未見真實者
悉令見真實	諸習外道者	授之以深法
說生死無常	無主無有樂	建大名稱幢
破壞衆魔軍	進却無欣感	薄生歎寂滅

未度者令度	未脫者令脫	未寂者令寂
未覺者令覺	牟尼寂靜道	以攝於衆生
衆生違聖道	習諸不正業	猶若大劫盡
持法者長眠	密雲震霹靂	摧林雨甘露
少象摧棘林	識養能利人	雲離象老悴
斯皆無所堪	破見能成見	於度世而度
已壞諸邪論	而得自在道	今入於大寂
世間無救護	魔王大軍衆	奮武震天地
欲害牟尼尊	不能令傾動	如何忽一朝
非常魔所壞	天人普雲集	充滿虛空中
畏無窮生死	心生大憂怖	世間無遠近
天眼悉照見	業報諦明了	如觀鏡中像
天耳勝聰達	無遠而不聞	騰虛教諸天
遊步化人境	分身而合體	涉水而不輟
憶念過去生	彌劫而不忘	諸根遊境界

彼彼各異念	知他心通智	一切皆悉知
神通淨妙智	平等觀一切	悉盡一切漏
一切事已畢	智捨有餘界	息智而長眠
衆生剛強心	見則得柔輒	鈍根諸衆生
見則慧明利	無量惡業過	見各得通塗
一旦忽長眠	誰復顯斯德	世間無救護
望斷氣息絕	誰以清涼水	灑之令蘇息
所作自事畢	大悲已長息	世間愚癡網
誰當為裂壞	向生死迅流	誰當說今返
羣生癡惑心	誰說寂靜道	誰示安隱處
誰顯真實義	衆生受大苦	誰為慈父救
猶多誦悉忘	馬易土失威	王者亡失國
世無佛亦然	多聞無辯辯	為醫而無慧
人王失光相	佛滅俗失榮	良駟失善御
乘舟失船師	三軍失英將	商人失其導

疾病失良醫	聖王失七寶	眾星失明月
愛壽而失命	世間亦如是	佛滅失大師
如是阿羅漢	所作皆已畢	諸漏悉已盡
知恩報恩故	纏綿悲戀說	歎德陳世苦
諸未離欲者	悲泣不自勝	其諸漏盡者
惟歎生滅苦	時諸力士眾	聞佛已涅槃
亂聲慟悲泣	如羣鵠遇鷹	悉來詣雙樹
親如來長眠	無復覺悟容	搥胸而呼天
猶師子搏犢	羣牛亂呼聲	中有一力士
心已樂正法	諦觀聖法王	已入於大寂
言眾生悉眠	佛開發令覺	今入於大寂
畢竟而長眠	為眾建法幢	而今一旦崩
如來智慧日	大覺為照明	精進為炎熱
智慧曜千光	滅除一切闇	如何復長冥
一慧照三世	普為眾生眼	而今忽然盲

典五

三三

舉世莫知路	生死大河流	貪恚癡巨浪
法橋一旦崩	眾生長沒溺	彼諸力士眾
或悲泣號咷	或密感無聲	或投身躡地
或寂默禪思	或煩惋長吟	辦金銀寶輿
香華具莊嚴	安置如來身	寶帳覆其上
具幢旛華蓋	種種諸妓樂	諸力士男女
導從隨供養	諸天散香華	空中鼓天樂
人天一悲歎	聲合而同哀	入城見士女
長幼供養畢	出於龍象門	度熙連河表
到諸過去佛	滅度支提所	積牛頭栴檀
及諸名香木	置佛身於上	灌以眾香油
以火燒其下	三燒而不然	時彼大迦葉
先住王舍城	知佛欲涅槃	眷屬從彼來
淨心發妙願	願見世尊身	以彼誠願故
火滅而不然	迦葉眷屬至	悲歎俱瞻顏

敬禮於雙足	然後火乃然	內絕煩惱火
外火不能燒	雖燒外皮肉	金剛真骨存
香油悉燒盡	盛骨以金餅	如法界不盡
骨不盡亦然	金剛智慧果	難動如須彌
大力金翅鳥	所不能傾移	而處於寶餅
應世而流遷	奇哉世間力	能轉寂滅法
德稱廣流布	周流於十方	隨世長寂滅
惟有餘骨存	大光曜天下	羣生悉蒙照
一旦而潛暉	遺骨於餅中	金剛利智慧
壞煩惱苦山	眾苦集其身	金剛志能安
受大苦眾生	悉今得除滅	如是金剛體
今為火所焚	彼諸力士眾	勇健世無雙
摧伏怨家苦	能救苦歸依	親愛遭苦難
志強能無憂	今見如來滅	悉懷憂悲心
壯士氣強盛	憍慢虛天步	憂苦迫其身

與五

二十四

入城猶曠澤	持舍利入城	巷路普供養
置於高樓閣	人天悉奉事	
分舍利品第二十八		
彼諸力士眾	奉事於舍利	以妙勝香華
與無上供養	時七國諸王	承佛已滅度
遣使詣力士	請求佛舍利	彼諸力士眾
敬重如來身	兼恃其勇健	而起憍慢心
寧捨自身命	不捨佛舍利	彼使悉空還
七王大忿恨	興軍如雲雨	來詣鳩夷城
人民出城者	皆悉驚怖還	告諸力士眾
諸國軍馬來	象馬車步眾	圍遶鳩夷城
城外諸園林	泉池華果樹	軍眾悉踐踏
榮觀悉摧碎	力士登城觀	生業悉破壞
嚴備戰鬪具	以擬於外敵	弓弩礮石車
飛炬悉發來	七王圍遶城	軍眾各精銳

羽儀盛明顯	猶如七曜光	鍾鼓若雷霆
勇氣盛雲霧	力士大奮怒	開門而命敵
長宿諸士女	心信佛法者	驚怖發誠願
伏彼而不害	隨親相勸諫	不欲令鬪戰
勇士被重甲	揮戈舞長劍	鍾鼓而亂鳴
執仗鋒未交	有一婆羅門	名曰獨樓那
多聞智略勝	謙虛衆所宗	慈心樂正法
告彼諸王言	觀彼城形勢	一人亦足當
況復齊心力	而不能伏彼	正使相摧滅
復有何德稱	利鋒刃既交	勢無有兩全
因此而害彼	二俱有所傷	戰鬪多機變
形勢難測量	或有強勝弱	或弱而勝強
健夫輕毒蛇	豈不傷其身	有人性柔弱
羣女子所獎	臨陣成戰士	如火得膏油
鬪莫輕弱敵	謂彼無所堪	身力不足恃

不如法力強	古昔有勝王	名迦蘭陀摩
端坐起慈心	能伏其怨敵	雖王四天下
名稱財利豐	終歸亦皆盡	如牛飲飽歸
應以法以義	應以和方便	戰勝增其怨
和勝後無患	今結飲血讎	此事甚不可
為欲供養佛	應隨佛忍辱	如是婆羅門
決定吐誠實	方宜義和理	而作無畏說
爾時彼諸王	告婆羅門言	汝今善應時
點慧義饒益	親密至誠言	順法依強理
且聽我所說	為王者之法	或因五欲事
嫌恨競強力	或因其嬉戲	不急致鬪諍
吾等今為法	戰諍有何怪	憍慢而違義
世人尚伏從	況佛離憍慢	化人令謙下
我等而不能	亡身而供養	昔諸大地主
弼瑟糝難陀	為一端正女	戰諍相摧殘

況今為供養	寂靜離欲師	愛身而惜命
不以力爭求	先王驕羅婆	與般那婆戰
展轉更相破	正為貪利故	況為無貪師
而復貪其生	羅摩仙人子	瞋恨千臂王
破國殺人民	正為瞋恚故	況為無恚師
而惜於身命	羅摩為私陀	殺害諸鬼神
況天攝受師	不為其沒命	阿黎及婆俱
二鬼常結怨	正為愚癡故	廣害於衆生
況為智慧師	而復惜身命	如是比衆多
無義而自喪	況今天人師	普世所恭敬
計身而惜命	不勤求供養	汝若欲止諍
為吾等入城	勸彼令開解	使我願得滿
以汝法言故	令我心小息	猶如盛恚蛇
呪力故暫止	爾時婆羅門	受彼諸王教
入城詣力士	問訊以告誠	外諸人中王

手執利器仗	身被於重甲	精銳曜日光
奮師子勇氣	咸欲滅此城	然其為法故
猶畏非法行	是故遣我來	旨欲有所白
我不為土地	亦不求錢財	不以僞慢故
亦無懷恨心	恭敬大仙故	而來至於此
汝等知我心	何為苦相違	尊奉彼我同
則為法兄弟	世尊之遺靈	一心共供養
慳惜於錢財	此則大非道	法慳過最甚
普世之所薄	決定不通者	當修待賓法
無有利利法	閉門而自防	彼等悉如是
告此吉凶法	我今私所懷	亦告其誠實
莫彼此相違	理應共和合	世尊在於世
常以忍辱力	不順於聖教	云何名供養
世人以五欲	財利田宅諍	若為正法者
應隨順聖理	為法而結怨	此則理相違


佛寂靜慈悲	常欲安一切	供養於大悲
而興於大害	應等分舍利	普令得供養
順法名稱流	義通理則宜	若彼非法行
當以法和之	是則為樂法	令法得久住
佛說一切施	法施為最勝	人斯行財施
行法施者難	力士聞此說	內愧互相視
報彼梵志言	深感汝來意	親善順法言
和理雅正說	梵志之所應	隨順自功德
善和彼此諍	示我以要道	如制迷途馬
還復於正路	今當用和理	從汝之所說
誠言而不顧	後必生悔恨	即開佛舍利
等分為八分	自供養一分	七分付梵志
七王得舍利	歡喜而頂受	持歸還自國
起塔加供養	梵志求力士	得分舍利餅
又從彼七王	求分第八分	持歸起支提

號名金餅塔	俱夷那竭人	聚集餘灰炭
而起一支提	名曰灰炭塔	八王起八塔
金餅及灰炭	如是閻浮提	始起於十塔
舉國諸士女	悉持寶華蓋	隨塔而供養
莊嚴若金山	種種諸妓樂	晝夜長讚歎
時五百羅漢	永失大師蔭	惟然無所恃
還者閻崛山	集彼帝釋巖	結集諸經藏
一切皆共推	長老阿難陀	如來前後說
巨細汝悉聞	鞞提醯牟尼	當為大眾說
阿難大眾中	昇於師子座	如佛說所說
稱如是我聞	合座悉流涕	感此我聞聲
如法如其時	如處如其人	隨說而筆受
究竟成經藏	勤方便修學	悉已得涅槃
今得及當得	涅槃亦復然	無憂王出世
強者能令憂	劣者為除憂	如無憂華樹

王於閻浮提	心常無以憂	深信於正法
故號無憂王	孔雀之苗稟	稟正性而生
普濟於天下	兼起諸塔廟	本字強無憂
今名法無憂	開彼七王塔	以取於舍利
分布一日起	八萬四千塔	惟有第八塔
在於羅摩村	神龍所守護	王取不能得
雖不得舍利	知佛有遺靈	神龍所供養
增其信敬心	雖王領國土	逮得初聖果
能令普天下	供養如來塔	去來今現在
悉皆得解脫	如來現在世	涅槃及舍利
恭敬供養者	其福等無異	明慧增上心
深察如來德	懷道興供養	其福亦復勝
佛得尊勝法	應受一切供	已到不死處
信者亦隨安	是故諸天人	悉應當供養
第一大慈悲	通達第一義	度一切衆生

典五

三九



僧伽羅刹所集佛行經

苻秦沙門僧伽跋澄譯

僧伽羅刹所集佛行經



清刻龍藏佛說法變相圖

僧伽羅刹所集佛行經序

典六

僧伽羅刹者須賴國人也佛去世後七百年
生此國出家學道遊教諸邦至捷陀越土甄
陀罽貳王師焉高明絕世多所述作此土修
行道地經其所集也又著此經憲章世尊自

典六

始成道迄于淪虛行無巨細必因事而演遊
化夏坐莫不曲備雖普耀本行度世諸經載
佛起居至謂爲密今覽斯經所悟復多矣傳
其將終我若立根得力大士誠不虛者立斯
樹下手援其葉而棄此身使那羅延力大象
之勢無能移余如毛髮也正使就耶維者當
不焦此葉言然之後便即立終罽貳王自臨
而不能動遂以巨絙象挽未始能搖即就耶
維皎葉不傷尋昇兜術與彌勒大士高談彼
官將補佛處賢劫第八以建元二十年罽賓

沙門僧伽跋澄齋此經本來詣長安武威太守趙文業請令出焉佛念爲譯慧嵩筆受正值慕容作難於近郊然譯出不襄余與法和對檢定之十一月三十日乃了也此年出中阿含六十卷增一阿含四十六卷伐鼓擊柝之中而出斯一百五卷窮通不改其恬詎非先師之故迹乎

僧伽羅刹所集佛行經卷第一

苻秦沙門僧伽跋澄譯

爾時菩薩始行時愍世間故發趣於道彼出家故行於忍不相應故心三昧斷無智故行金剛智慧除捨調戲行真諦故除棄意垢爲直行故爲苦行慈孝父母故心堅牢故不捨誓願離欲故爲聞自饒已念報恩求解脫故著袈裟欲應息住林間故不觀行者求知親故知己身縛口行無欺故一切苦本意無所念不捨有故

自覺而覺彼 與六 一切同自相 二 如彼色聲聞
 智者自息意 最勝愍萌類 皆至彼道場
 起者盡滅度 是世最妙義
 最初發意名菩薩者有如是衆行消滅無明
 諸覆蓋者一切無明皆使至有明無有能除

無明者欲現有明智慧所修行除其所覺者如是菩薩觀察是時於衆生類而行大慈愍世間故發趣於道皆是愛著亦不自任力勢除其所覺者如是菩薩觀察是時於衆生類而起大慈衆生爲色所縛爲欲愛縛著無能有解色者除其智者如是菩薩觀察是時於衆生類而發大慈衆生爲除怨憎二念相繫縛無有能覺此除其智者如是菩薩觀察是時於衆生類而起大慈衆生爲苦重擔爲苦所害無有能度此苦擔者除其智者如是菩薩觀察是時於衆生類而發大慈衆生類常懷恐懼百苦并至無有能除其恐畏者除其智者如是菩薩觀察是時於衆生類而起大慈衆生之類遭遇飢饉渴愛無厭無有能脫此飢饉者除其智者如是菩薩觀察是時於

與六

三

衆生類而起大慈衆生之類爲國病所逼一
病動百病增無有能脫此病者除其智者如
是菩薩觀察是時於衆生類而起大慈衆生
之類生老病死常自追身而厭患之無有能
脫此生老病死使至無爲者除其智者如是
菩薩觀察是時於衆生類而起大慈衆生之
類衆事總猥著有常想無有能除其總猥者
除其智者如是菩薩觀察是時於衆生類而
起大慈若衆生之類所爲事不辦志性荒亂
無有能究竟其事者除其智者如是菩薩觀
察是時於衆生類而起大慈衆生之類貪著
少味經歷衆苦無有能脫此苦惱者除其智
者如是菩薩觀察是時於衆生類而起大慈
衆生之類常懷猶豫希望遠正就邪無有能
斷其狐疑者除其智者如是菩薩觀察是時

於衆生類而起大慈衆生之類有若干見趣
無有能拔此見趣者除其智者如是菩薩觀
察是時於衆生類而起大慈衆生之類塵垢
所著不度彼岸無能得度彼岸者除其智者
如是菩薩觀察是時於衆生類而起大慈衆
生之類三種火盛而爲焚燒無有能脫此法
者亦不能以法雨滅者除其智者如是菩薩
觀察是時於衆生類而起大慈衆生之類輪
轉生死無有休息亦無有能得度彼岸者除
其智者如是菩薩觀察是時於衆生類而起
大慈衆生之類行垢所染著增益生本無有
能脫此生死者除其智者如是菩薩觀察是
時於衆生類而起大慈衆生之類身處大嶮
手攀脆繩無能脫此脆繩者除其智者如是
菩薩觀察是時於衆生類而起大慈衆生之

與六

類猶如桑蠶子爲行所驅逼亦無有能脫此
駛流者除其智者如是菩薩觀察是時於衆
生類而起大慈衆生之類發起大生死常懷
希望亦無能使還止者除其智者如是菩薩
觀察是時於衆生類而起大慈衆生之類發
趣惡道常懷欲行想無有能安處正道者除
其智者如是菩薩觀察是時於衆生類而起
大慈衆生之類長夜自處幽冥無智之所無
由能脫此邪道使處正智者除其智者如是
菩薩觀察是時於衆生類而發大慈衆生之
類不照見究竟見賢聖諦無有能使見賢聖
諦者除其智者如是菩薩觀察是時於衆生
類而起大慈衆生之類長夜處流滯無有能
脫此流滯者除其智者如是菩薩觀察是時
於衆生類而起大慈衆生之類無有閑靜與

種種趣相應無有能至此閑靜處者除其智
者如是菩薩觀察是時於衆生類而起大慈
衆生之類貪著結使長夜染著無有能滅此
結使者除其智者如是菩薩觀察是時於衆
生類而起大慈衆生之類遭遇苦難志性荒
亂無有能使至解脫處者除其智者如是菩
薩觀察是時於衆生類而起大慈衆生之類
謂欲爲淨內盛臭處無有能脫此愛欲者除
其智者如是菩薩觀察是時於衆生類而起
大慈衆生之類謂欲爲樂諸陰苦患無有能
曉第一之義至涅槃者除其智者如是菩薩
觀察是時於衆生類而起大慈衆生之類著
有常想謂不移動無有能示涅槃之路者除
其智者如是菩薩觀察是時於衆生類而起
大慈衆生之類計吾我想不解法數無有能

分別法者除其智者如是菩薩觀察是時於衆生類而起大慈衆生之類不得救護默患於涅槃猶如犬狗常守死屍馳走東西無有休息愚癡所爲今亦如是與彼狗無異自無性行馳走東西不解涅槃義陰蓋所覆不悉觀察菩薩起勇猛意使至彼道便說是偈
多有衆生類 流轉生死淵 觀此艱難苦
安處至涅槃 陰雲所覆蓋 無光處幽冥
智者皆現世 除雲使光出
爾時菩薩而行此檀最初始時興起法想甘饌香美饒益衆生隨時相應與第一義相應心無恠愛味成就充滿除去衆結亦無所遠離不逆乞者施已無變悔之心皆是曩昔施行功德使彼無結著爲衆人荷負重擔皆棄結使如今日之施成其所願欲使衆生所欲

皆獲從小已來無種種害意忍諸種種穢患施功德漸漸厚導引人民而作船師數數不廢於施常好惠施內自清淨外現穢相不違一切者謂一切衆生除去憍慢無懈倦心施心遂增顏色和悅無有怨恨不自稱譽亦不自下愛樂衆生一切所有皆悉惠施義所成辦合集人民數數惠施無變悔心意喜悅歎譽布施果報遠徹以金銀珍寶碑礪碼礪車乘男女城郭皆悉惠施內無恠嫉愛彼信施欲充滿彼希望具足欲使彼施果皆悉牢固欲使彼乘船得度以彼施故具足此義觀察施果捐棄諸結衆生貪著除去使無邪見除去慳貪隨時生依法雨而雨是故歸命金銀珍寶施 碑礪碼礪珠 瞻彼無厭足今禮釋師子 象馬及天金 色最爲第一

能施和顏色 歸命解脫者 車寶為第一
 珍寶所瓔珞 顏色皆和悅 妻子及男女
 金鉢盛滿銀 或盛滿碎金 彼以歡喜施
 誰勝毗沙門 和悅以自施 如果茂盛好
 歡喜而惠施 彼滿三世界 男女極端正
 婦身及頭目 為世而惠施 誰與此施等
 檀施無過此 天人所不及 猶如彼上人
 意大海無底

彼菩薩修行戒時於彼戒非為無戒及身口
 所行心所起甘露之法如彼華果擁護其根
 必生果實於彼而得皆是人所行猶如俗士
 殺生不與取姪洩及諸放恣菩薩不飲酒於
 諸戒智慧皆悉具足除去非戒於道場而常
 三昧遠離犯戒亦不有殺意物性皆清淨受
 彼信施數數厚味亦無所犯內無所缺去有

不就有亦不敷華依見不腐敗無穢不造新
 穢果所種有新善眠寤無愁彼眾生色最第
 一由彼功德故善香遠布受信施故意常牢
 固諸根具足故無所壞敗智慧住不移故無
 所不壞緣彼人故有所增益為彼人故擔負
 苦惱因善法故有其處所無愁惱亦無所染
 以形貌故有服飾為彼人故有其財寶無限
 無量無有窮盡從初發意未曾變悔況復菩
 薩禁戒成就於是便說此偈

上下及四方 諸有聞戒香 皆悉等具足
 遠欲為最要 親近善知識 善者作功德
 善色無有比 戒香第一福 諸穢悉休息
 覺我無有我 最勝後第七 我今當自歸
 若復菩薩行精進時然彼心有所緣心亦無
 懈倦出家不可障斷為眾生故而出家不移

動故有其力緣種種衆生有其精進不可勝
故有其忍有所長益故示現於世有其功德
故示現衆生攝其心意故彼意不移動爲船
師故得到彼岸以定故不亂發意踏步則有
所度以彼衆生故成其所願欲成道故施象
馬寶車是時菩薩於彼衆生有是精進其有
聞精進名者皆發起於道一身之中所作功
德不可限量況復如來無數阿僧祇劫所作
功德端坐道場時降伏外道經歷生死以精
進意除去愁憂精進最第一

歸命法王王

典六

於佛善自覺

今歸命無等

彼尊爲第一

法鼓聲遠布

於覺覺自覺

是故歸無著
若復菩薩行忍時無畏無所懼無所染不觀
彼果報有其力勢擁護衆生常遠離惡數數

志性剛強自省已過一切衆生皆懷恐怖使
無恐怖示彼戒律亦爲一切衆生降伏麤獷
去不善語慈愍衆生彼無量無限依衆生語
設有所聞及諸至道迹微妙第一猶如華果
未常不敷華爲風所吹動山巖處穴採取諸
華香味種種色處所福德音響衆生之類皆
悉喜聞猶如蜂王採諸華味以用作蜜及諸
小蜂而作蜜者及諸泉源處處流溢及諸那
陀園快樂無比有罵詈所爲成辦諸求呪術
爲彼示慚愧衆生修行道者爲厄難者而作
救護名曰忍辱仙人是時迦藍浮王往入深
山欲獵麋鹿適入山中見此忍辱仙人便前
跪問在此深山爲求何道忍答曰求忍是時
大王不自觀察亦不觀察行欲有所試即時
便作是說我今當截汝手脚即截彼仙人手

典六

九

脚復作是問汝今爲求何道是時忍答言我
求忍辱道即時歎譽忍辱之德是時大王倍
懷瞋恚欲傷害其命是時仙人已截手脚便
作誓願言使我世世勿懷瞋恚亦不有瞋恚
於彼大王解知諸法皆悉虛空復有異仙人
往至彼仙人所而作是問云何神仙不起瞋
恚於彼王耶若行此忍辱之時有此大忍辱
之力當於爾時不起瞋恚之意觀此面色亦
不變易是時護世四天王往詣彼仙人住處
是時提頭賴吒頭面作禮便作是問我今欲
殺迦藍浮王爲可爾不作是語已是時仙人
默然不對時第二天王復作是問我今當殺
彼男女大小及城郭人民皆悉蕩盡作是語
已是時仙人默然不對是時毗樓波叉王復
作是問我取彼境界國土所有人民盡取殺

之願見聽許是時仙人默然不對是時毗沙
門王復作是問我欲取彼境界國土移著他
方願見聽許是時仙人歡喜歎譽忍辱之德
便說此偈
截頭目手脚 不起怨惡意 所有盡施彼
況當於世間
是時護世天王復作是問云何仙人欲求何
等道是時仙人答曰
欲使彼王身 無有惡行報 彼王雖兇暴
憂彼不自憂
若菩薩修行三昧時設入彼三昧有所緣心
未曾忘失亦不放逸專其一心若復不慇懃
求方便亦不受諸行解諸法味不著於法於
彼地中亦無結使彼三昧之中清淨無瑕穢
伏外敵無怯弱一心解其氣味心無所著降

伏志性未曾懈倦成其所行得三昧歡喜根
精進不移念不錯亂一劫所修覺知道品念
猗歡喜勇猛所獲皆依猗智漸漸得歡樂處
然菩薩行於彼三昧行時起三昧善行已辦
三昧善行若行若住未曾失之彼以有此行
善法具足起諸善行諸所求皆悉現在前設
心有愁憂漸降伏其意使不忘失思惟增益
增益善若心放逸復思惟善法若心懷愁憂
緣縛所繫即能思惟彼解脫善於已境界威
儀悉善爲人演說亂想穢病及餘種三昧諸
功德具足三昧彼處彼處三昧行報之果實
最爲善行猶如青青樹木現淨解脫及餘青
黃白黑皆隨彼三昧來往無所罣礙欲以三
昧力火聚日光無所不照彼得天眼亦復如
是晝夜徹照亦復得天耳徹聽有如是之力

彼菩薩得是三昧無限無量不可稱計盡由
三昧之力亦由思惟由不懈怠由智慧眼知
卷知舒亦由希望三昧由去離惡想由逆順
三昧力如是衆想是彼三昧所生彼彼總持
門成三昧所適之處亦無疲倦求其方便不
堅固三昧故而行三昧爲一切欲故降伏心
意善擁護思惟亦不錯亂隨意自在不責人
過無量無限無有窮盡於今三昧斷諸狐疑
放種種光明依一切善法諸結使淨數數習
三昧依一切善法於是便說此偈
獲此解脫心 三昧無罣礙 新頭趣大海
駛流難可制 若意有所欲 心亦不移轉
欲斷境界水 皆是根門行
若復菩薩行智慧之時以所知故名曰智慧
數數於彼行中及諸衆生不解深義長夜勸

勵分別決了智慧此深此淺清淨甚利此惡
此醜親近善知識彼法不亂無量無限亦無
增損猶如劔戟所截皆斷彼智慧者亦復如
是現第一義故有其慧明已意關閉故開彼
見明與共相應以諸行故根門具足無怯弱
故現其威力欲斷不善財業現其有財業以
珍寶不可得故如是現珍寶也以斷命現其
壽命斷諸結使故是力觀察遠事與彼分別
皆使決了救彼脆命以彼愁憂故起歡喜之
心息意不起故去離惡法而成就善法去邪
就正以是之故成其智慧力以生死故欲斷
妄見至出要處遊步世間故遊一切境界究
竟一切智元使至無爲
善住不移動 無有生死畏 即逮不還處
消滅三界趣 百劫所造行 欲淨衆生類

無有三世想 爾能無希望
是菩薩行諦之時彼名諦者心無有虛妄言
無有二常娛樂其中亦無彼此數數樂彼寤
寐之中未曾調戲亦不妄語又聞昔有王名
須陀摩於王宮生統領四城法鼓遠震群臣
人民無不聞者生如此有德人往詣池水浴
洗乘羽葆之車欲出城門時有婆羅門顏色
端正聰明智慧欲來乞寶婆羅門即白王自
稱姓名舉手乞言是時王聞乞言聲便懷
歡喜即報言止止尊者須我還國當相救濟
夫王之法言無有二即詣彼池浴洗洗已竟
便欲還國是時有翅飛鬼名羯摩沙波羅現
其恐怖手執王身是時彼王即自涕零是時
彼鬼觀彼王意云何大王何爲啼哭有此愁
憂之心時菩薩報言我無有此身想唯我許

婆羅門財寶以是之故便懷愁憂是時彼鬼
 即報王言我未曾聞此甚奇甚特之事世所
 希聞為彼人民故來相試若今設放王去當
 復還不時王甚懷喜悅是時彼鬼身有兩翅
 飛在虛空觀其所說即放使去是時菩薩還
 國歡喜以財與彼婆羅門實無有虛施不有
 悔有是審諦之言是時國王即詣彼鬼所自
 稱姓名今已到此是時彼鬼見王形貌即便
 驚怖有是實言王顏色不變除去瞋怒無殺
 害意便作是語甚奇甚特未曾所聞說此偈
 曰
 我堪飲惡毒 洋銅灌口中 利刀割其體
 誰敢害法王 宿福生王族 觀德無有比
 勇猛實不虛 應相為國王 我今當尊敬
 從王不復殺 改往修善行 衆生隨所樂

典六

十三

是時菩薩行柔和之時彼心柔和有此名聲
 言不卒暴欲求法故常護彼意未曾起怨惡
 不生希望口不吐惡言為愚癡故現其智慧
 除心垢故皆悉稱名無有若干吾我想不隨
 諸幻佛所擁護於此獲如是德亦無姦偽如
 是之穢皆悉避之於中得柔和之心善根本
 具足人所愛念不惜身命神仙所歎譽如是
 柔和觀彼善惡之報彼智功德具足如所說
 善本不斷貧窮之者施以金銀珍寶除去諸
 穢壽十歲時遭遇厄難所欲自在亦不殺生
 善身造業心所生財口所傳教行所造業除
 去穢惡所覆蓋者爾時諸比丘世間有身已
 得休息非已所有悉盡無餘如是已盡以是
 之故當去離染著前世所造者彼已盡更不
 復造已斷根本苦休壞敗如是說已作是法

住於此深妙法中如手執輪六月不懈諸佛
世尊皆悉覺知皆悉成就於是便說偈言

不造諛諂意 覺知邪法業 本亦不造此
當作如是觀 勇猛意如海 柔和不麤獷
頭面稽首禮 無著世希有

是時菩薩慈孝於父母時性有報恩恭敬承
事遠惡就善隨時供給夙起夜寐瞻父母意
無事不辦所約教訓未曾違失有如是柔和
之心以是之故有如是事心所修行常自觀
察當辦何事所聞教誡尋即知之常懷歡喜
一切愛敬念盡知父母之心常念欲報恩無
麤獷言此無處所又聞昔者未成菩薩時為
大象王端正無雙頭眼肌毛皆悉端正觀無
狀足耳滿充備眾象中長牙根方正有娛樂
之心脣齒純赤頭耳滿具形體方圓極大高

廣猶高山峻行步庠序七處滿足猶青蓮華
行步庠序無所罣礙龍女所生遊山澤中色
如白雪便為獵者所獲將彼去時是時山野
樹木皆悉屈伸水自涌沸將至所止與種種
甘饌飲食亦不肯食是時象師在前長跪叉

手白彼象言便說此偈

我本造善本 降此神象來 何為不肯食

如有怨恨心

是時彼神象便答偈言

我母無有目 羸瘦懷愁惱 憶彼不能食

是故願見恕

於彼深山中不食飢渴必當命終甚痛甚苦
毒各當共別離以是愁憂亦不能食亦不飲
水無有果菰與我母者二俱當死作如是辛
酸語已時獵師便懷歡喜放使去於彼拘薩

典六

十四

典六

十五

羅國有一止住處隱學士名曰睽施行十善
功德備具持瓶行取水是時拘薩羅國王出
行遊獵追逐麋鹿於山中便射箭誤中睽睽
喚呼便憂父母猶如飛鳥無有兩翅父母年
老目盲無所見今被毒箭俱亦當死父母修
四等心便說此偈

惟我父母老 目冥無所覩 父母生子時
欲得蒙其力 我於百年中 擔負父母行
不充我所願 能報父母恩 已得將護彼
指授父母處 能覺知如是 世之所希有
是時菩薩行堅固心時收攝解脫有如是方
便彼有勇猛意所爲無罣礙不爲人所制持
是故當方便求昔聞阿蘭迦蘭起諸禪定捨
彼禪已更求三耶三佛無上道便往行南半
由旬中詣彼空閑處作種種苦行噉果飲水

著純黑皮衣在樹下結跏趺坐或時飲水或
時食果菰或時服氣作如是苦行於草上卧
或以灰自擁樂著於彼三宿之中顏色不變
易九日之中禮跪祠火諸放逸者隨彼言教
或時祠天頭目漸羸臂骨露現或翹一足身
體偻曲亦不盜竊以法自樂於彼苦行求道
亦不飲食皮骨相連身向日極身黑面色萎
黃猶如篋篋內無有實肋脊悉現形有百變
不可觀省少壯之貌永無復有猶如老象無
所任施坐卧行步而無有力亦不能語雖復
貪命不久存世當於爾時天使已至彼所住
之處爲設方便有如是若干變化彼爲法故
寤寐不失其節如是求解脫不顧其身於是
便說偈言

設我當融爛 人身分爲百 人無眠夢想

與六

十六

衆生生無異 彼意何可貪 苦惱無數變
有計吾我想 眠與死何異

是時菩薩多聞之時所謂聞名者自稱揚其
德最爲第一息心衆人所敬待志性不亂所
聞能持聞持具足亦不忘失觀察其義除去
憍慢有如是之業與智相應今悉聞知以智
無懈倦恭敬於師長所願自在若飢虛者起
大慈悲降伏外道無所罣礙亦無塵垢於異
刹土現其道行不爲愛欲所染著起方便意
爲世人民欲使解脫爾時菩薩有如是慈心
一切智所因皆是方便所起於是便說此偈
彼聞若干響 其色無有變 牢固不久存
況我今日身 最初受此法 有信於世尊
便生大智慧 除去諸結使
爾時菩薩行恩之時識其恩德亦不忘失便

有是智慧欲報其恩造少功德永以不忘失
亦不永盡猶如種少穀子終身不忘失昔者
菩薩欲求無上道時在一閑靜之處有鸚鵡
菩薩常處彼樹爾時有風吹彼樹木互相切
磨便有火出火漸熾盛遂及山巖諸生青青
樹木火悉焚燒有鬱烟起色極自熾亦不時
滅猶如日光塵烟俱起大小樹木皆悉被燒
無有遺餘猶如天地融爛時須臾之間聞見
者皆爲恐怖所焚燒物隨時便盡諸樹木皆
悉盡爾時菩薩爲鸚鵡身一夜之中便作是
思惟猶如飛鳥止此樹木當有返復之心與
彼相應便起恩意況當我等長夜處其中亦
不能得滅此火我今正是時現其威力往詣
大海中以兩翅而取其水在彼火上而灑其
火或以翅灑或以口灑東西馳奔是時有神

便說此偈

此火甚熾盛 煙雲不可近 雖有此善心

亦不能得滅

是時菩薩鸚鵡語彼天言

我處此山中 未曾失其恩 云何當捨去

使火燒此林 今我有此力 意欲滅此火

不空居此山 欲得報其恩

爾時樹神復作是說

此鳥有恩慈 其色甚端正 此是應人法

世之所希有

爾時天神作是思惟便語彼鸚鵡菩薩言

知法有恩慈 為汝當滅火 相愍有此心

我當速滅火 爾時有大雲 愍彼鸚鵡故

今當滅此火 使彼願獲果

況當成等正覺於是便說此偈

如來在彼時 有此恩慈心 諸有發歡喜

天人所供養 以能到彼岸 遠離生老病

篤信已牢固 統攝十方國

爾時菩薩著袈裟時為世人軌則為眾生等

變俗就道此是大幢蓋如是捨國王妻子出

家學道以度諸狐疑是時菩薩著袈裟時有

如是增益功德曾聞過去三耶三佛遊在園

觀華果茂盛欲得出家於彼園中人民遊行

有佛出世觀無厭足人民熾盛於彼園中無

有眾音著袈裟三色清明耳響解脫聲音柔

和壽有限劑一切自歸為一切苦故降伏瞋

恚色如赤銅盡力喘息煙風起見色已便作

是說然與我心相應起此心是我解脫是時

護袈裟有眾功德捨彼瑕穢緣是之故便說

此偈

亦不自識名 與彼而相應 亦不善浴洗
降伏故來此 速降伏彼果 割已無所惜
口作善言教 必當自壞敗 雖復作此觀
與我說是義 我當惠施彼 忍此苦惱患
已自割已降伏其心便作是語而說此偈

莫作苦惱患 有如是慳嫉 此果雖復小
惡報無有限

爾時菩薩樂閑居靜處於彼園觀清淨無衆
亂亦無衆事行到彼者皆懷恐怖心所愛樂
曾聞有仙人所居處極妙無比廣說如上仙
人所住處彼所有衆事皆盡無餘十九遠此園觀
去當於爾時未定阿維三佛菩薩為兔身是
時兔依仙人住時兔見仙人下山便以偈語
仙人言

人身處世間 極妙無有比 已得生人間

應處山林園 善哉此仙人 善色面親近
無有衆瑕惡 心自能降伏 殺害之所起
自知劑限量 能自降伏心 無有境界想
已捨境界可食我為出家故求解脫道心意
決了莫捨甘露去彼希望意功德同處山林
有如是三昧意無衆亂已處此山林當樂此
山林如夜月照明日照於晝能仁有恩慈應
住此山林然仙人少壯時於彼山林中而居
住今年已老何緣捨此去是時仙人便作是
語自伏其心倍復歡喜而作是語若仙人去
者誰當樂此住菩薩兔便說此偈
我今無此豆 粳米及餘穀 心能自降伏
願住此山林
爾時成阿維三佛遂住於彼照明於世間樂
彼閑居以是之故當住彼山林便說此偈

境界甚庠序 山林行苦業 常樂居閑靜
 當自思惟行 解脫身功德 心意常和悅
 智慧極微妙 當親近山林
 爾時菩薩有此親友之心常懷慈心自省所
 生如實所生如所聞有山林中廣說如契經
 便作是念此山林無有眾果諸法解脫以忍
 法解脫是時菩薩長夜之中有此慈心諸法
 解脫於彼人民無所觸燒於彼端坐思惟不
 移動鳥巢頂上覺知鳥在頂上乳恒懷恐怖
 懼卵墜落身不移動是時便觀察便捨身而
 行彼處不動善惡慙力生樂攝彼是時鳥已
 生翅已生翅未能飛終不捨去今行此慈竟
 有何奇亦不恐怖衆生亦未曾爲如是自知
 便說此偈
 彼能辦此事 於千人中大 亦不觸燒彼

此德無有上 是故彼世尊 最爲第一神
 故在道場處 功德自備具
 是時菩薩行悲時自有力勢堪負重擔求一
 處所一切衆生我當度脫之增益功德於諸
 苦惱無力者除世愁憂無救護者爲作救護
 無希望者爲作希望無力勢者爲作力勢諸
 疾病者爲作醫王爲老者示現少壯意爲少
 者示現有力曾聞世尊行道之時無數比丘
 前後圍繞火焚燒園觀時比丘見火煙起各
 馳走向世尊或有歎譽世尊者於如來前住
 彼彼諸比丘住如來前觀者於是便說此偈
 如我無儔匹 三世功德具 以此至誠語
 使惡速休息
 說是偈已 是火聚火即休息是時諸比丘歎
 未曾有皆是世尊之恩力歡喜於如來各各

歎說此偈言未曾有世尊告曰諸比丘立在一
閑靜處種種境界若干種色當於爾時我未
成於等正覺爾時我為桎梏羅翟也從彼生
已來年少自在好施於人求微妙行當於爾
時褰荼國界人民熾盛土地豐熟多竹林葦
樹木高峻時火所燒極熾盛漸及山澤有如
是之變廣說如契經爾時有羣鳥衆各各產
乳翅羽未生或有翅始生者或有墮地者或
有破頭尾者亦不堪任飛或有飢餓者見彼
火熾盛各欲飛去我爾時見此火已亦不護
身無數百千劫功德有如是護心我爾時於
彼清淨便發此心使此衆生脫此大患爾時
我便滅此火火即時滅我爾時於彼國滅此
火行此悲心況我今日成大悲今日火當滅
於是世尊便說此偈

由少之所生 本觀一切變 一切皆悉壞
慈哀於衆生
彼火即得滅火滅未久以智慧明滅世人火
爾時菩薩為生死故菩薩欲生時救濟衆生
觀生苦本曾聞空靜山林之中有烏鹿鴿蛇
在彼止於彼有仙人菩薩常處其中食果飲
水爾時烏往詣彼仙人所在一面立便作是
說世有何苦爾時烏便作是言飢為最苦由
何因緣而生此苦我等各自當陳說身體
疲極煩熾諸根不定口不能言耳無所聞常
懷思想是故飢最為苦此苦患身火所燒由
此飢饉此病難療共相牽連皆有如是之苦
是時鹿便作是語驚怖為苦所謂驚怖者身
在獨處見獵師常懷驚怖身心之穢常恐無
此身復畏獵師欲殺害已此身有何牢要住

無常處馳走東西此驚怖者由何而生常有此念彼一切有是行捨離一切身我等有此身常懷驚怖須臾不寧皆是本所造壞敗之苦有如是驚怖以是之故驚怖為苦是時鴿便作是語欲最為苦更樂其中心境界淨思惟所處無脫此欲患此欲猶如火亦如脂酥著器然則熾狂有所說染著其心欲火亦復如是染著其心消盡其形增益諸縛無數劫為欲所惑合會熾然燒人形體以是之故欲最為苦時蛇便作是語瞋恚最為苦所謂瞋恚者便傷害人命無有尊卑增諸罪根身體顏色常變易動有殺意頻蹙眼赤牙齒長利人所惡見搖頭動身長息吐毒身體肌皮純有瞋恚之火一切世人皆不喜見常伏穴處飢亦瞋飽亦瞋眼視不善有如是之變彼猶

如火焚燒山澤此瞋恚火亦復如是以是故瞋恚為苦爾時菩薩甚深之智思惟此已便說此偈

一切皆悉苦 親近其顏色 生者必有苦

聽我今所說 猶如此大患 苦惱無有限

一切是生根 是故生非真

若有必成菩薩道者流轉生死以慈悲喜護愍一切衆生以捷疾之智無所罣礙有勇猛意修一切智無懈倦之心教化無有狐疑常懷等見志性牢固不可沮壞得彼氣味不失其志有力堪任分別諸法亦不毀漏彼成大智慧施意解脫無變悔心一切惠施如濕鞞國王常修淨行未曾懈倦如摩訶提被王忍力具足如忍神仙戒不缺漏如布賴多學士常樂出家顏色和悅若復於愛敬之中意無

染著如大須達施那王遊化世俗瞿頻陀王
愛樂於法如鬱多羅摩納樂閑靜之處為妓
樂聲響清徹如善覺菩薩在大眾中為師子
吼皆得解脫至泥洹界諸功德具足必成於
道倍益諸德成菩薩行於是便說此偈曰

倍無傷害意 菩薩功德淨 已志性牢固

如日放光明 愛樂如是法 福田無所穢

愍彼世人民 故說如是業

是時菩薩不懷恐怖從兜術天降神觀有為
行無常心無亂想常自觀察知所從生處亦

復自知更不受胎有是真諦究竟其元心無
染著降母胎中住彼處所亦無亂想於彼觀
犯戒為惡行持戒為清淨亦無染著於胎之
中無不淨行猶如蓮華不染著水於彼多起
道意已有此智慧諸天子常衛護兜術諸天

送來宿衛現婬不淨行樂修梵行自從菩薩
降母胎中夫人之身未曾有穢菩薩戒行極
為清淨心無傷害之意施行立誓審諦至誠
欲出於家大尊妙神天子皆悉扶持胎淨無
惱若舉足行七步時懷出家意即觀四方今

與六

五

當向何方使無眾苦香汁浴洗自然有香池
皆是前世功德所致天雨優鉢拘文羅華而
供如來於是便說偈言

無數世勞動 救彼眾生故 輪轉無有量
天人得安隱 諸有天妓樂 皆得歡喜心

香輪在前轉 降伏眾魔怨

彼時菩薩從兜術天降神時梵天眾天眾皆
悉侍從若世尊人民天眾圍繞時此是第一
相若菩薩從兜術天降神地為大動若世尊
覺寤眾生塵勞無有雜穢此初瑞應地為大

動彼衆生之類塵勞永生最第一樂是初
瑞應若菩薩從兜術天降神時有大光明照
世間界是智慧光明相初瑞應諸幽冥之處
皆悉見明亦是智慧之相若菩薩初生時舉
足行七步此七覺意之瑞應是時菩薩觀察
四方時此是四賢聖諦之瑞應是時菩薩大
笑時現度人之瑞應是時菩薩夢見以此世
界爲牀須彌山爲枕手脚垂四海之外此是
世有常之想此是甘露法味之瑞應復夢緹
隸迦樹生齋上覆三千世界此是道場之瑞
應天人所尊敬夢見衆多飛鳥周而圍繞皆
同一色現衆成就之瑞應夢見蟲頭黑身白
現優婆塞衆成就之瑞應復夢見山頂上行
現得利不慳之瑞應於是便說偈曰
瑞應未曾有 彼有大功德 起者必當滅

典六

五

苦樂之所更 見彼皆歡喜 必當有佛出
如日除雲霧 無復有衆塵
是時菩薩志性不可迴轉如所說如月初出
於幽冥處衆人所敬即從座起欲得出家是
時便起此心此最後有斯三更樂盡是時菩
薩從高牀下爾時亦起是意此最是高廣之
牀如菩薩出城門時是時便作是念我不得
道終不歸還猶如菩薩解瓔珞以授車匿爾
時復作是念計此寶衣最是我後所有若復
菩薩以馬授車匿是時亦作是念此是我後
所乘馬是時菩薩右手執刀自剃頭髮是時
菩薩復作是念最是我遺餘鬚髮是時菩薩
以寶衣貿鹿皮用作袈裟是時菩薩復作是
念最是我應所著衣若復菩薩在道場坐是
時復作是念我不解加趺坐不逮一切智不

起于座於是便說此偈

積德從小起 當獲無量福 猶水滴漸長

必成大江河 觀此若干類 有爲行所造

應食甘露味 消滅諸惡毒

一切智成等正覺時觀世無常苦空彼已成

等正覺無有衆惱所可因緣成等正覺起者

皆悉歸滅知一切死者與彼生相應皆悉覺

知是時分別眼識作如是覺知高下隨衆生

所爲境界所有智已辨無有狐疑於彼覺知

本因緣等正覺無有邊幅爾時有衆智生覺

知有道流布世間覺知道不可移動是時盡

越一切苦一一分別境界若於一劫若百劫

若百千劫意流轉不可移動無染著意亦不

亂智慧無量亦不捨智慧意善分別遊境界

裏求其方便果報無量智慧悉具足一切無

有罣礙於是便說此偈

覺一切物亦無有量來往周旋無所罣礙

悉覺一切最勝所觀除三界苦當照世間

誰能分別唯佛能解欲求微妙當求如來

如來隨時與彼相應所當成就無有退轉

爾時世尊獨遊無侶亦無有師功德無量欲

訓誨衆生於佛法衆皆悉成一切智成就成

等正覺最尊微妙無等者覺知一切塵勞所

趣根本一切皆悉成念不移動以智分別一

切法度以一切結使微妙最爲第一暢說一

切行故曰一切智已有一切智專其一心解

一切法斷一切結使故曰一切滅除去有無

有愛亦無有伴侶一切功德智成就等擁護

一切衆生如父母愛子展轉功德力成就無

貪憍慢故曰最勝布現八賢聖道而轉法輪

與六

三七

彼喻如影不在日前在闇前此亦如是一切結使不與道共相應是故而轉法輪於是便說此偈

一一功德具 彼不可限量 況色不思議
一切相具足 猶如月光明 而照幽冥中

衆寶集于海 釋種德亦爾

觀諸緣起已智度十二因緣塵垢牢固起愛著之智意馳其心中或起有漏智造諸苦行而得出要道知欲滅諸結使故無有苦樂之想休息之想智以無我故得增益智與共相應識身心空智欲降伏少壯之意染著其心起依倚智自省決了滅諸結使起明慧智欲降伏結使起休息智欲度彼岸故起輕舉智自稱其身覺衆生以諦教授起滅盡智緣彼諦思惟有諸微妙禪以彼思惟故起度彼岸

智彼心得希望餘者亦得希望悉同其迹意有所倚而逮智慧四大休止處思惟與相類趣到彼岸得天耳智等度彼境界同其一行已得等度彼岸得天鼻智依彼識欲有分別智知他人心智所念悉清淨有所修行欲化衆生故便得自識宿命智爲彼善色故敷示四大便得天眼智心有所覺觀察戒清淨得普願智大神仙功德彼三昧種子所生度諸三昧界欲長益彼故衆生歡喜便得究竟智於是便說此偈

種種人思念 親近現在前 分別種種法
以示大神仙 當覺知彼業 以捨諸塵蓋
悉達觀察心 善哉人中上

彼如實而無有愛欲不與彼愛欲相應亦無瞋恚及殺害之意亦無愚癡覺知彼病亦無

典六

三六

諛諛常懷柔和亦不自歎譽語出善教亦無
 有相除去希望之想亦無彼此之心不傷害
 彼人自得解脫無所適莫有慈哀心所為皆
 悉辦非為無慈心有悲心無雜穢想亦有護
 心欲等度護衆生故有空心禁戒具足有無
 願心智慧潤澤有無相心亦無所染亦無調
 戲為世人民不離調戲避諸惡業而說法教
 禁戒成就無所缺漏三昧成就定不移動智
 慧成就皆悉至彼岸十力具足無能勝者得
 四無所畏無怯弱心獨步三界於大衆中而
 師子吼於是便說偈言
 猶如彼大海 廣博極微妙 十力一切德
 智者之所觀 猶如此大海 瀾波搖動時
 有人立彼岸 不究其功德
 僧伽羅刹所集佛行經卷第一

音釋

序

迄 許訖切 援 于元切 組 居節切 齋 展西切
至也 振也 居節切 持也
 柝 以警夜者 恬 徒兼切

經

猥 駢賄切 脆 此芮切 駛 疏吏切 躒 陳如切
也 也 疾也 住
 也 也 戢 乞逆切 葆 補抱切 葆 五采羽
也 也 也 也 也 也
 儻 龍主切 萎 於危切 劑 才詣切 喘 尺
也 也 也 也 也 也
 息 疾也 矯 苛擾切 桎 桎梏切 捷 疾葉切 沮 在呂切
也 也 也 也 也 也
 山 維也 褰 茶起切 捷 疾葉切 沮 在呂切
也 也 也 也 也 也
 也 也 輶 駢迷切 緹 杜芳切 貿 莫候切
也 也 也 也 也 也

僧伽羅刹所集佛行經卷第二

典七

苻秦沙門僧伽跋澄譯

爾時世尊云何分別生城所謂盡生無生斷
溼度血岸及諸木柵愛欲所由牢固染著愚
癡愚癡爲城無慚無愧圍繞迹無缺漏五蓋
爲門覆蔽衆生種種愛欲充滿瞋恚車無數
種種衆圍繞豎僑慢幢吹閻冥螺遊行東西
種種邪見纏絡其身自受持相作如是諦思
惟衆生種種園觀極微妙心娛樂其中樂到
彼處或到飢饉處是所求樂商人所行已度
境界行到彼處利養解脫後世有果盛熱寒
暑風雨遭此苦厄生老病死有是苦惱當屬
生死向一切趣猶如彼船隨水東西於彼中
而作是意狐疑難可入不與共合亦不可與
鬪爾時世尊以三昧觀如是力難可沮壞到

彼境界彼死處悉滅盡一切吉利無有爲行
於是便說此偈

生國有衆想 已度救濟難 彼溼血滿中
猶海深無底 三世間聲響 愚城所圍繞
世尊觀彼時 以權智往壞

爾時世尊云何降伏魔衆所謂於八解浴池
洗善行無染著漸至解脫門善無上言教等
與住止宿名稱遠聞著慚愧衣空無願無相
以爲寶冠忍力具足顏常和悅面滿充盈布
現賢聖八道種種香熏著若干種衣本已覺
結使爲穢乘禁戒車等見導引前功德圍繞
以智慧力御彼車專念不移以善覺悟彼衆
生三界聞其教皆本行所追逐以意止爲鎧
手執法幢揮智慧刀以善想爲拂以十力無
畏吹彼法螺以神足之力於三千世而得自

在善分別七財四辯才不可窮盡若結使起
 即能使滅惠施財業百千萬倍不可稱計猶
 如大象莊嚴其身攝取衆生安處善業師子
 奮迅意無怯弱而開法門或現驚怖或現剛
 強內無瞋恚獲大財寶猶羅刹鬼露現牙爪
 有如是形狀不別眷屬或現狸狐典七或現魔衆
 或師子頭虎身或七步蛇或跣立欲相傷害
 瞋火熾然或擔山吐火若干種變其中或有
 狗犬者懷憍慢或一身兩頭或弄舌張目或
 身長項短或金翅鳥形手執刀杖或執輪杵
 或師子吼欲傷害人作如是變怪或猫牛形
 狀者鳩槃荼形手執大火燄皆著鎧眼赤光
 出擊大火炎求其方便欲相傷害彼羅刹者
 皆有兩翅種種鳴鼓聲若干種滿虛空中有
 如以鈴纓項猶如厭鬼或童子形手執鐵輪

種種惡行若干種狀猶如海神手執日月以
 智慧力降伏彼怨於是便說此偈
 結盡無恐畏 長夜樂其中 種種色形變
 種種色無窮 起如是之變 亦本所造業
 手執智慧刀 即能降伏之
 是時世尊云何度灰河所謂度灰河時除去
 希望及瞋恚思惟彼灰河皆悉不淨種種之
 想皆悉除捨緣彼若干種永盡無餘所觀察
 微妙時不可過度生死海合會難度皆是古
 昔所造行意所愛樂伽捨救捨典七三種三順水而
 流斷其希望除去愁樹岸邊饒草如是身所
 造行樹木茂盛種種啼哭百千種不善行所
 造手執石亦是不善行所為猶彼海中有蟲
 復往求樂處為欲所迴轉傷害境界瞋恚熾
 盛眼如赤銅心修清淨欲想盈滿而成灰河

及諸坑渠峻難色聲香味細滑皆是有漏劔
戟悉布彼地有大幽冥亦無光澤依彼隨流
上下如是之河爾時世尊菩薩無量生死中
皆欲遠離便起是心此灰河甚爲險難刺布
其地極幽冥無有光明如此人衆順流於彼
我今當斷其流作如是誓願已而求方便以
法忍爲世作軌倍復作方便等度禁戒地以
此安處以四賢聖諦觀察四方分別決了以
無漏等見山踞生死岸已踞彼生死岸至善
業等業等方便娛樂三昧八賢聖道皆悉分
別已欲至彼岸以神足力五根亦無所畏以
涅槃之處於彼止住解脫禪三昧衆華茂盛
不出無爲者覺知分別是時世尊爲契經者
錠光佛之印一切華無上佛毗婆施隨業生
彼種姓家堪任說法於是便說此偈

有力無有限 當懷恐懼心 灰河深無底
愚者樂遊彼 爾時世尊力 度彼沒溺者
已到安隱處 爲人說其要
大商人本誓願成就志性柔和依種種功德
而自嚴身隨時適化爲衆生類觀結使根本
獲智慧降伏彼惡使就善隨時智成就善觀
諸根法常微妙善依彼智善問智成就恭敬
忍善說第一法彼義說法義辯善成就賢聖
究竟智成就法辯成就所謂義辯者名身句
身味身皆悉分別若干種聲彼辯才義善猶
如此名身句身味身皆使趣善音響辯才善
於此三辯才與相應解脫三昧於道迴轉
善知他心智成就彼有所授決亦不移動先
問其義說無礙法使趣一智慧道彼皆成就
授決成就無處智成就善起一切諸法於是

便說此偈

有現智慧寶 亦說諸義辯 淡泊無佛等

功德亦無雙 本去心無來 安使作淨慧

以救世俗業 為世間甘露

爾時世尊云何說法所謂隨前所求皆悉充

足為說解脫德義如實不虛味盡具足隨其

時節漸漸與相應義中間皆悉分別前後與

共相應種種若干界隨如意說應前人器諸

法義有勇猛意有諸智變化有果實分別法

界無有限量一切智所為起如是法亦無所

倚除去希望覺法行業亦不自稱譽與衆生

說法解諸病本末三意止成就不懷希望攝

取彼衆歎未曾有天人所供恭敬善住彼處

於是便說此偈

如彼永滅法 最勝口所宣 善說牢固行

卷七

五

智慧等無量 彼是甘露味 外不受塵垢

已鍊諸瑕穢 亦無雜惡患

彼無有穢惡除去愚癡意性清淨以捨外事

當成佛眼意無所著亦無瘡痕以愚心意不

造過去彼以休息皆悉平正心不移動得第

一義一身苦行彼行造若干身亦無衆相於

聲聞中或以天耳聞聲彼無所持於世俗中

起知他人心智種種有為行不以為勞以衆

生故自識無數宿命之事如今娛樂一切色

行或以天眼觀色衆相亦不移動諸結已滅

已現非義以苦誓願故亦不造希望休息清

淨彼智不堅住識處欲已盡彼已般涅槃義

流布世間內自依倚於是便說此偈

意無有愚癡 寂然無衆行 佛所覺意業

是故我歸命 為彼人說法 清淨無瑕穢

遊彼園觀間 及諸隱學處

爾時世尊謂是福田依彼福田有所希望猶如依麥謂麥田稻田彼佛世尊亦復如是依福田故故曰福田以是故號曰福田若干百千行成就此福田智慧根所生思惟等業已度到彼岸依彼而說法無起滅之想亦無彼此心除去斷滅等見等志無彼等見想等志吐妙言身等善無惡響亦無有塗污等成就身亦無疾患等見生等語成就命成就以歡喜果故彼一切時盡微妙無有上於衆會上最爲第一於是便說此偈

福爲第一田 無數劫清淨 愚者不觀察
彼則墮盲冥 諸有好信者 受施能消滅
今已安處住 必速安隱處

說世最希有出現猶如優曇鉢甚奇甚特荷

負衆勞歎未曾有出現於世中間有如此勤勞有此未曾有出現於世甚奇無與等有大道生亦不依辟支佛等不等處有如是生猶如日出不擇坑渠悉照有如是大智慧而照極淨福田生如是增益天衆善行所致如是出世益衆生類布現教誡無明闇蔽永盡無餘欲布現道解脫生死各各相依倚猶彼衆生有形之類皆悉莊嚴是時衆生極被潤澤第一衆得成與解脫相應因道迹諸惡已息思衆生類與說法味作諸橋梁度彼人民於是便說此偈

其有衆生類 觀察如來者 皆發歡喜心
即得離世患 第一微妙福 娛樂親屬衆
發趣涅槃道 寂然得解脫

爾時世尊有此解脫於彼愛欲諸蓋心不與

相應故曰解脫也彼精進亦不懈怠所生根
本數數修習清淨無瑕功德不可限量不斷
解脫境分別因緣亦不起法想所願充滿亦
無有嫉妬心諸垢永盡度諸塵結以智不處
生死亦不捨之智慧解脫分別猶秋月明照
幽冥處皆使有光與七猶如流水樹木皆悉潤澤
隨時敷華猶彼水駛流沫隨水迴轉所生至
到處皆悉充滿世尊亦復如是無餘涅槃解
脫駛流於是便說此偈

佛能滅眾惡 解脫最爲妙 除闇現照耀

如月星中明 晝與夜無異 常住不移動

既得解脫法 智慧照現彼

爾時世尊有是盡智分別盡智我已知苦集
已除已盡爲證而修行道作如歎說本所造
行療治彼疾姪怒惱慢究盡其源以等智滅

姪欲此是涅槃之智如實不虛譬如有人受
眾苦惱無能度彼人亦不可療治現病原本
便作是念境界微妙如是所生皆悉修行除
去陰蓋斷諸結使譬如有力之士種諸病根
無能當者未起方便意彼亦不可療治有如
是患姪怒癡以盡智使得歡喜猶如有人常
畏險難之處彼有種種苦惱疥疾彼若見一
浴池清淨無有塵垢夾池兩邊有清涼風起
魚龍遊戲視水見底虛空清淨亦無雲暈優
鉢拘文陀華悉滿其中枝葉華實皆悉在水
中生有是種種微妙樹生其中若有見者皆
懷歡喜心然此人於彼浴池除去苦惱亦無
飢渴得是歡樂所爲已辦於彼浴池底有微
風起觀察是時若於彼若坐若卧彼世尊亦
復如是本所造姪怒癡皆悉除盡於生死原

現如是浴池何者於三界所生衆生拔濟苦惱皆悉成就以爲橋梁復以等見猶彼清涼浴池等三昧清淨未曾有移動等志猶彼魚龍等解脫顏色無比等方便猶彼優鉢拘文陀華觀無有獸等念智慧猶彼重雲世俗三昧不以經心大衆圍繞若得彼浴池甚愛歡喜彼於法浴池中洗浴若飲所有婬怒癡永無有餘亦無衆患亦無飢渴成就如此法復以斯法惠施衆生至涅槃所作已辦亦無恐懼到安隱解脫處念樂至無餘涅槃界復以善法使衆生共是時佛世尊坐不移動於是便說此偈

日夜所造行 欲使衆生安 究竟懷歡喜
無有若干苦 沉當長在世 衆患常逼已
不以苦盡智 離俗至彼道

爾時世尊有無生智所謂彼無生智者我已知苦更不復盡苦已盡集更不復除集已盡爲證更不復作證已修行道更不復修行道以是之故名曰無生智也是故無生智彼智大功德大事興以滅本末猶如種穀子隨時澆灌與共相應稍稍長大隨時茂盛或時不生世尊亦復如是識子爲智火所燒各各與相應除生死原識處無欲亦不常住諸行已盡於其中間所起心垢不可思議心所造更亦不造於是便說此偈

諸起無生智 諸佛所擁護 覺知苦原本
超諸苦惱患 彼智無怯弱 清淨而無瑕
於彼坐道場 無起無減意
爾時世尊布現於戒起諸村落城郭人民皆使奉持禁戒具足其有犯者不與彼相應消

滅惡心與彼相應與十善行相應使淨眾生
盡同功德如是眾德成就在眾有是功德無
眾亂想於中力勤行前所誓願皆使獲果不
歡喜者皆使歡喜前於諸佛所造功德得歡
喜者重令修行未曾有出世降伏外道解脫
功德為慚愧者皆安隱之以威儀禮節故於
現法中而盡有漏斷其根本更盡餘漏而不
復生與道相應作如是說使梵行久住天人
得安隱彼教誡語皆悉受誦諸比丘隨其所
犯皆悉避之作如是語已盡擁護猶如孔雀
護毛羣牛護尾於是便說此偈
如來結禁戒 為法而布現 第一樂奉行
猶如戴天冠 設有住彼者 得此三昧意
無有犯此者 如海不過際
是時世尊有如是微妙之首牢堅無缺漏視

之無狀不可沮壞猶如團蓋觀肉髻相無比
無有能見其頂者無有能攝其相彼有微妙
眉髮善生善分別者髮細青色極微妙於是
便說此偈
釋梵及世人 盡集觀生時 皆悉在其上
無能見其頂 本不起輕慢 得為釋師子
由此行報故 得是頂上相
爾時世尊有是微妙之髮善生在頂上各各
輒細而生無有參差亦不亂錯各各齊等螺
文右旋諸相具足善住如是色相極輒細曄
曄七光生其光徹照無與彼等者猶如藕莖絲
極輒細無能度其上者亦不可沮壞其有眼
見者皆獲安隱福最為第一善香種種熏皆
是眾行具足有如是相滿行所行成無上等
正覺於是便說此偈

軟細無長短 髮如紺青色 如來顏清淨

如夜清月現 種種香遠布 聞香悉分別

細軟風吹香 猶彼摩羅山栴

爾時世尊有如是額牢固如金剛極平正亦

無有皺方正其有觀者皆懷歡喜而無厭足

亦不黧汚亦無白黑處所充滿所行業不缺

漏見者歡喜無害意眼淨無瑕衆人見者一

切吉祥無數百千行所成辦然後得如來額

爾時即說此偈

微妙極清淨 盡脫諸惡行 佛額不思議

如象牙在水 彼所說言教 如來額無比

如虛空清淨 人見皆歡喜

是時如來有眉間相最明曜處面門中猶牛

乳色極軟細猶如白縞練白雪色如日初出

如拘文陀華色極白無比如秋時月極清明

與七

十一

淨右旋亦不太高亦不太下一切無罣礙其

有觀相無有衆病長與肘等極微妙色不可

思議放光已還復其處皆是本行所造猶如

此面微妙於大衆中而說法教於是便說此

偈

種種百行造 如來眉間相 此是福良田

亦是本行報 不麤亦不細 右旋色微妙

出相與肘等 三世無不見 如來眉間相

清淨無衆瑕 猶如安明山 於衆山第一

於諸法自在 能淨衆生類 如是面滿相

無過眉間相 彼色行所造 解脫無有比

已滅意垢火 衆生同其淨

爾時世尊有如是微妙清淨之眼猶如彼百

葉華色葉葉各離無幽不照猶如虛空優鉢

青文陀羅華色眼睫極白猶如鴈王而無有

異極白無比最為第一觀四方刹皆悉見之於其中間皆悉見彼刹有形之類皆悉分別彼無有欲亦不卒暴無有瞋恚亦不與瞋恚相應觀彼刹土善惡之行所有微妙之事亦能觀察亦無恐懼驚怖之心修行慈悲得不邪視於一切衆生亦修喜無有厭足以守護諸善法一一分別徧滿一切刹彼作如是知觀無有惡無懈怠於是便說此偈

眼淨極微妙 一切不可沮 百福之所造
 然後成如來 善法極清淨 亦無有衆惱
 面色如天王 是甘露出現 法相亦具足
 亦無衆惱患 亦如彼明鏡 面像於中現
 觀彼衆生處 視之無厭足 然後成正覺
 演說甘露法
 是時世尊有如是微妙鼻本無數百千劫生

卷七

十二

中起是種種智慧皆悉分別於生死處拔情愛刺欲度到彼岸欲拔一切愛刺為世人民勤行如是苦行以惠施人或以戒而度脫人皆是本所造一切義具足無雜穢療治瘡痍猶如金聚色最第一明欲得到彼處者心所愛樂亦無欺詐於彼布現一切取要行所造於是便說此偈

微妙無雜穢 如來鼻第一 猶如鸚鵡背
 是故歸命之 當在面門中 衆生所宗仰
 彼鼻如是妙 如賴頓陀華 似鸚
 是時世尊有如是齒無缺漏平正無高下猶如白雪螺色亦如彼拘文陀羅華色有此微妙色極清淨行具足有光明悉脫諸惡行猶如金剛不可沮壞牢固如來齒四十上下各四牙齒上有千輻輪相於是便說此偈

如來齒平正 說法極微妙 無缺無墮落

猶彼提勒華 眼淨極微妙 善色無變易

釋種種此德 方齒四十具

是時世尊有如是廣長舌未曾有虛善色不

可壞如何舒伽樹華無憂猶蓮華葉極軟細滑

亦無麤言獷語去淫怒癡患生安詳處歡

喜受樂禁戒成就有所宣說無不得度者以

法智濟拔貧窮於想味姪怒癡得解脫皆是

本行所造如來舌相皆悉覆面甚奇甚特於

是便說此偈

百福所造行 如來舌第一 齒唇悉平正

常吐甘露法 若得若干味 好色及不好

悉能分別味 次第不失序

如來是時有如是言教說有漏行善音響無

麤獷言辭功德等具足功德無量有常無常

行志性無怯弱甚深無底色最第一所說言

教終無有煩義義相應現本緣起善分別法

方便隨時教化衆生無有瞋恚自莊嚴身息

意為樂供養智者歎譽名稱各與相類猶如

鴻鳥樂彼淵池諸有遭百千苦惱者皆救濟

之使衆生類悉得歡喜於生老病死度到彼

岸無希望想得最勝行心無衆結現諸善行

得未曾有行以船渡水無有恐怖度一切生

死歎譽禪德功德微妙壽命滅心意至涅槃

界得甘露法滅一切生死原指授善惡聞者

不懷怖如光不可蔽於是便說此偈

以法禦示現 供養佛所行 以忍之力勢

如彼華開敷 飽食甘露味 盲冥不度彼

能食此甘露 得度生死地

爾時世尊有如是響所說功德亦無麤獷猶

鵝鞞鳥音極微妙聲徹四方展轉聞教於衆
 生類有是力勢亦不出衆外皆悉聞淨聲悉
 是本行所作如梵音如哀鸞爾時聞有五種
 聲甚深無底所有言教降伏外衆猶如彼龍
 改本所習往古有如是色極妙無怯弱若以
 眼觀察而知之無所染著與七息心與味相應此
 數息心無厭足亦不相違不與瞋恚相應此
 皆行報功德所致故曰樂沙門有如是心依
 彼心有如是五種曾聞水流聲聞已歡喜況
 當今聞如來言教長益善根聞音響歡喜長
 益解脫於是便說此偈
 聲響柔和好 佛意息心樂 善勝來聽教
 功德無有量 諸有聞音響 本行之所生
 已能覺知彼 降五百孔雀
 爾時世尊有如是面甚清淨無瑕穢極端正

無比善眼觀無厭耳垂睡脣如朱火色如天
 真金齒極白微妙無極平滿無點污亦無瘡
 癥亦無愁憂無有衆惱觀者皆歡喜其功德
 不可稱量有第一香本所造行猶如月滿極
 淨無瑕穢最尊第一若結加趺坐與大眾說
 法前後坐者皆見其面若從禪起先與衆說
 法於是便說此偈
 一切歡喜樂 欲觀如來色 以得見如來
 猶彼月盛滿 得利第一樂 無過如來衆
 三五月盛滿 等說如來樂
 是時世尊有如是頭善生牢固極端正無比
 無有高下與自身相相稱色最第一猶彼那
 羅延天八臂力不可盡滅彼處所與金色相
 類彼相最微妙善色極妙一切無罣礙於是
 便說此偈

滿足最微妙 漸漸緣彼行 如來有此頭
 釋種種無比 一切無能害 發意於如來
 三界衆生類 歎彼如來德
 爾時世尊有如是臂善生無比如彼須彌山
 肩亦微妙無與等者無高無下極輒細猶彼
 娑盧樹王輒細不可害如瞻蔔華輒細不麤
 所生輒毛色極青各各右旋極輒細一切觀
 者皆獲歡喜極微妙伸手降伏魔地證知我
 於是便說比偈
 猶世伽鳩樹 降伏諸魔衆 譬如金剛杵
 是故歸命佛 爲三界唱導 爲法所光照
 彼意無有量 歸命最勝前
 是時世尊有如是手極自柔輒善生無比亦
 不壞敗無缺漏手具足滿猶高山峻手有千
 輪相指間連膜 爪極白淨如日放光如優鉢

華皆悉敷華葉輒細若說法時衆生聞者無
 不得度言常隨時於本所造生處光明徹照
 手掌解脫若得慈悲尋光明來皆悉得度善
 分別衆生遠惡就善與衆生說法於本生處
 得慈悲喜護欲除不善行修諸善行告衆生
 曰一切皆苦莫受彼塵垢獸患生死衆生清
 淨使得希望欲除彼幻惑若彼坐禪時一切
 魔衆皆趣彼所種種車乘騾驢駝象馬犂
 牛禽獸師子狗猪羊或作馬頭種種形狀帶
 刀張弓執箭或撞鍾鳴鼓盡作魔衆形欲來
 害三佛是時世尊以指案地卷七此地十六大山林城
 郭泉源浴池種種泉源皆有珍寶滿彼浴池
 或盛金鉢中有力人扣彼鉢便有聲出手撫
 法輪極妙無比於是拜首佛便說此偈
 第一清淨業 轉無上法輪 如來手微妙

極妙無有上 彼手應撫轉 法輪處在一
不見彼住處 不見有誡者 若轉法輪時
隨彼衆生義 以轉此法輪 衆生得安隱
爾時世尊有如是身極方正無缺漏禁戒成
就如師子臆功德纏絡上下相稱如優鉢華
色亦不壞敗甚深行時右旋不高不下極輒
微妙皮毛皆右旋倍微妙無比猶瞻蔔迦極
香亦不少亦不老無有不與彼相應不與瞋
恚相應諸根具足世未曾有漸牢固極微妙
不緩不急金剛之體善分別衆生其有見者
皆發歡喜心觀無厭足圓光七尺猶安明山
在大衆中猶若象王於象衆中最爲第一猶
那羅延王一切無能害者於是便說此偈
於百劫造行 得爲人中上 今得此色身
今亦無與等 已滅姪怒癡 諸惡永已息

癡七

十七

是故今稽首 使我後亦爾 設起姪怒癡
尋時能使滅 今觀佛顏色 身無衆惱患
爾時世尊有是臚髀上下俱等善生微妙無
比無不平處使人歡喜與身相應於是便說
此偈
臚髀清淨妙 第一無有比 其有覩見者
無有諸瑕穢 微妙生輒毛 善住如金色
更不受餘趣 觀此最妙色
爾時世尊有此踰勝如是生圓漸漸臚細色
與身相稱如鹿踰勝善光清淨無與等者於
是便說此偈
如來踰微妙 色亦無有比 當觀一切相
一一難稱量 當覺彼如是 一切世所稱
設當滅度後 是故歸命踰
爾時世尊有如是足行步安詳善住不移亦

不搖動極微妙細足指長百福相具作如是
苦行然後得之往詣道場爲世人故欲度脫
之其有聞音者猶彼龍王善眠不移動於彼
三耶三佛所行功德功德百千倍瓔珞微妙
光影無比從此已來有如是功德故拜首說
偈

愛念不可害 今禮世尊足 亦禮如來頂
如來解脫衆 其有得此信 於彼最勝前
白爪極細滑 是故歸命尊

爾時世尊有如是輻輪極圓亦無雜穢亦無
麤獷甚深有千輻輪其響柔和身具足滿諸
根不缺造大行業以四方事轉輪相一境界
具足^二無怯弱心^三猶如阿須倫以手障月
而無有光^四設放輪便有大光猶如春時無
有塵垢虛空之中亦無雲塵爾時於夜半無

卷七

十八

有結使病月放大光此亦如是轉輪聖王本
無如來之相於是便說此偈
人生壽百年 常滅其時節 有是聖輪相
猶彼蓮華敷 亦如安明山 第一無有比
種福之所致 如來所修行 於彼釋宮殿
來告今已至 諸天所嗟歎 如來應轉輪
若能覺知此 觀彼少處所 各各有一心
無有能過佛 志性甚牢固 放光悉徹照
日輪所照處 普度衆生類
爾時世尊作如是遊步先舉右足蹈地不遲
不疾行步平正亦不卒暴猶彼象王而無有
異行步堅固世尊身不搖動猶那羅延天是
時世尊諸有高者爲下下者爲高諸有小戶
自然廣大如來身體未曾屈伸皆是前世無
憍慢心諸有樂器不鼓自鳴諸有蠕動之類

僧伽羅刹所集佛行經卷第三

典八

苻秦沙門僧伽跋澄譯

爾時世尊有如是迹千輻相輪現極微妙諸相具足色甚奇無比於人中最第一生諸歡喜百千劫所作行福所致無麤細除去姪怒癡本所作行無有偽諂無有眾惡不與癡相應不造癡行有如是名稱志性質直所作無希望不懷狐疑意有所滅除去希望行無缺漏心無彼此功德徧具足十力成就除一切患於是便說此偈

最勝有此德 種種行所作 分別行地業
如日出照明 彼輪隱地現 心意所觀察
當自歸命佛 如是以印地
爾時世尊如是笑作如是因緣本行所造愍彼眾生故便現如是笑是時世尊笑時有是

第一柔輭極淨微妙所聞經耳見佛笑無塵垢清淨無瑕本所修行亦無虛言猶如優鉢瞻蔔華有種種香布現甘露語種種光第一微妙心能分別爾時世尊身作黃金色猶高山峻繞彼三市生阿迦膩吒所於彼天宮諸得信者承受如來教誡無所違失展轉相告便歡喜於如來爾時世尊本所造行於是便說此偈

青黃種種色 口演禁戒光 出要如來身
天人所供養 如來眉間相 三因緣無比
至阿迦膩吒 來至如來所
爾時世尊有如是光皆是本行所造身後有是光極妙善解脫光最第一身體有光見者歡喜種種光明瓔珞其身諸有塵煙羅睺阿須倫所不能障五結解脫除去愚癡爾時世

尊現甘露使彼衆生得遇此味自然神足不可思議於是便說此偈

身體善解脫 無有能沮壞 十力有此光
愚者所不見 如來有神足 示現衆生等
大光蔽日明 是故歸命光

爾時世尊著如是衣不高不下隨時著衣滅生死原草穢不著衣服境和悅所至到處皆悉歡喜有如是果實是故尊者難陀衣裳鮮明及諸比丘在世尊側著僧伽梨無有能汚如來衣者是時尊者難陀歎未曾有往白世尊欲知著衣之法世尊告曰云何難陀本無如來長夜出世云何除衆生姪怒癡垢永盡無餘便隨彼教設當作是成就者隨嵐風不能動此衣塵垢不染於是便說此偈
如來所著衣 自覆身形體 蓮華不著垢

此衣亦如是 若隨嵐風起 力勢難可制
欲動如來衣 誰勝十力者
爾時世尊如是乞求諸豪尊家不擇卑賤普
悉周徧無有邪命不俯食不瞻星宿卜問仰
食不受信使往彼食不觀四方食不呪術幻
惑食不田業依倚食所以乞者救濟彼故無
希望意不染著食爾時世尊食無有更樂所
有染著觀如是業而受彼食亦不貪著無姪
怒癡亦無迷惑除迷惑心皆捨離染著心不
與共俱以捨彼欲愛不可沮常愛樂彼以禪
爲食亦無我想典八苦皆悉捨離現非義三此身必
盡以知捨離三事清淨無姪怒癡今云何食
欲現此身無牢固故長養其病使火不起皆
悉除棄不生亂想布現甘露修梵行故痛壞
敗不造新痛以是故世尊受彼信施食彼果

身所造報欲使安隱擁護世人於是便說此偈

處處家家乞 欲使得正法 於彼園觀處
如六足食味 不擇食好醜 不生善惡意
彼不可沮壞 心欲味解脫 六足
蜂也

爾時世尊有如是卧牀山巖穴處露坐園觀
水側泉源種種華果茂盛處快樂無比無人之處
欲求解脫於彼止住解脫諸惡亦無陰蓋人所不到處
無恐畏去離色著常樂寂靜與衆生說法廣說如契經於是便說此偈

樹木生華果 曼那華園觀 分別樂閑靜
青青華皆敷 於彼求解脫 是以依彼處
若詣閑居時 無聲無亂想
是時世尊以草布地無有塵垢不著莊飾極
納輒滑善生微妙若見彼影觀無厭足皆悉

觀察不高不下作是思惟展轉相依名色六

入現彼無有盡或以草布地有數降伏彼故
布草而坐無有欲想以草爲蓐亦無結使皆
悉清淨古昔諸佛所造功德亦無所攝無貪
著得證通多所迴轉亦無衆惱生諸結使草
齊整亦不錯亂依彼衆生亦無陰蓋得三昧
證通以右脇著地不久睡眠尋起經行而修
行道以無覺三昧故右脇著地欲降怨敵故
昇師子座著五細綵現色非真沙門色形無
所染著而修梵行依彼衆生求解脫心於是
便說此偈 共八

無根善衆生 釋種之功德 心所造善行
心皆自覺知 善哉大法義 無能得勝者
今於如來衆 以草除欲愛
爾時世尊云何覺知諸根所謂曩昔作如是

根氣味與相應以道故生此根降伏顛倒欲使諸根順流與生死相應此諸根起不淨行而依餘緣此諸根貪著世間亦染著於樂此諸根起諸力勢一切結使熾盛此諸根驅逐身流轉不息此諸根不成就大義此諸根迷惑經歷諸境界此諸根猶彼劒刺傷害此諸根苦惱此諸根猶彼瘡癩漏諸結使此諸根猶如疾病無有力勢此無有獸足恒求不止此諸根不休息數數起結使此諸根猶如毒藥不斷苦本此諸根不被訓誨與諸惡相應此諸根不藏匿境界劒刺所縛此諸根無所護氣味不具足此諸根無有心流馳境界斯諸根不修行欲火所然境界長益此諸根有諸苦惱遊他境界一切身心有苦於是便說此偈

與八

子

根滿境界中 爲惡所將御 彼心常熾然 猶如熱鐵丸 如來教善哉 將至安隱處 無有諸根患 況當有境界 爾時世尊云何覺知心所謂依境界生便長 益此心亂想不定此心猶如疾風此心不疲 獸緣惡招致殃此心遠馳猶如夢想此心貪 著境界猶彼獼猴此心自然行種種貪著猶 彼孔雀翅常自顧影此心馳走遠思惟財業 此心起諸陰蓋亦如野馬疲獸不停此心難 制御於境界不住此心猶如王常得自在於 是便說此偈

第一甚深妙 心智無有限 夜又須健沓 三世不能覺 彼得是自在 自然有是念 世間無有明 我爲作法光 爾時世尊云何布現覺悟世間所謂世間無

所恃怙貪著已身此世心無所依貪著境界
此世惡業依種種邪見如是此世自然所造
此世墮邪道流轉趣惡此世處惡趣猶如獼
猴此世無有照明爲五陰蓋所覆此世盲冥
不起智慧眼此世飢渴渴愛無厭此世熾然
種種結所縛此世少味猶蜂採華此世無所
依便當壞敗此世遠遊乘輪而行此世繫縛
而處生死此世衆惱生老病死至此世非妙
必當壞敗此世無救護爲痛所逼此世非已
所作必捨之去此世機關展轉相依此世種
種行將引惡處此世如幻化而現色像此世
無益生彼壞敗器此世輕舉所依不成此世
難覺寤無有境界於是便說此偈
衆生遭苦惱 觀世無有世 以智慧求道
當親近彼處 漸漸從小益 欲得愛其命

典八

六

此必當壞敗 是故滅爲樂

云何於此生度泥塗猶彼池水蓮華子於其
中間萌芽生漸漸長益此亦如是五味皆死
以識處往生有爲行所造圍繞爲風火所成
爲憍慢水所漑受死於其中間生萌芽猶如
彼萌芽生此亦如是萌芽生是故非斷滅常
住猶如彼先觀萌芽此亦如是彼衆生縛著
是故非斷滅有常猶如彼地爲風所吹此亦
如是四大牢固受諸苦惱此亦如是是故一
切自然猶如自然不壞蓮華生萌芽是故一
切非自然一義所習猶如彼外四大爲風所
吹更不復造此四大此亦如是是故一切當
捨猶如於彼有生衆行此亦如是是故彼法
猶如彼萌芽與子相似此亦如是大人之相
不可毀壞如是性所造猶如蓮華子生萌芽

是故此無數亦不有生者猶如彼萌芽生時
無有來處此亦如是是故無來無去猶如彼
去時無有住止處此亦如是是故無住處猶
如彼萌芽俱長益漸漸敷華此亦如是無高
無下猶如彼蓮華萌芽必當長益七此亦如是
本所造萌芽於胞胎中漸漸長益猶如彼蓮
華茂葉甚可愛欲此亦如是所造衆行甚可
愛敬猶彼當熟時此亦如是子欲熟時髮毛
爪齒及五根皆當捨離六情衰耗意根解散
捨此身猶如彼華必當大熟猶如日光色香
甚微妙蜂王所遊行甚可愛敬此亦如是初
生之時四大日光所照勇猛胎所覺與彼得
相類是故憍慢皆共相依甚可愛敬飢渴生
死謂欲爲樂彼愚癡者有如是顛倒之想此
亦如是一切時節不脫老死猶彼時節無有

力勢爲熱風所吹盡捨離之華實各離亦無
所緣亦復無蜂亦無鮮色無樂彼者此亦如
是漸漸耗減於此生中無有力勢誰有命存
內外皆損減無少壯力皆當喪逝無有莖節
無齒髮無見無聞無味無香無細滑亦無更
樂身體壞敗所有憍慢皆除盡亦無味著無
熾盛意已越色皮緩面皺無少壯力已有是
老不受種種色壞敗男女衆所害而愛著彼
猶彼枯朽亦無有香各當散離此亦如是命
根已盡當載向塚間猶如彼蓮華子熟後復
生萌芽此相亦如是數數受有猶彼壞敗華
莖想衆生類於是便說此偈
是故當棄有 亦當觀此華 猶彼生胞胎
慇懃當求滅 欲求生萌芽 知樂空無有
欲得到彼處 當從自意求

世尊海者其義云何所謂第一度衆生到彼岸思惟無量增益功德清淨無瑕有大智慧解脫無怨恨心第一得解脫以善覺觀不離善根名聞遠布智慧普至種種香遠布猶樹茂盛七覺意寶分別無常苦空無我已度智慧百福具足常入三昧無有亂志勸助衆生使發善心能成辦一切種種三昧於學無學中最高第一布現於法未曾懈倦等度平正語言柔和清淨無瑕無姪怒癡於大衆中功德第一普慈一切安樂休息教授境界常念恭敬功德無窮極當於爾時世尊九十一劫中漸成此德覺知一切甚深之業欲使一切群生同其一味說法不失時節常與彼相應十力珍寶具足一切衆寶依四無所畏止宿四大爲彼衆生故不選擇尊卑已度世八法

無增損之心於是便說此偈
是故當求度 懇懃於道船 如來海無量
是故拜首佛 已度到彼處 功德福無盡
以有此苦樂 當求安隱處
如來船者何者是所謂善造牢固果報習衆
無所違失亦不缺漏衆行具足諸惡未盡第
一甘露禁戒用纏絡身無斷滅有常想已住
休息得住彼道常愛樂忍不起瞋恚分別五
根等見無異想種種清淨解脫空無願無相
三三昧具足常懷慚愧度彼猶豫禪四等無
色三昧種種行悉分別無有限量觀汚露不
淨第一忍智常現在前姪有覺想皆悉不淨
常念遠離金剛三昧而布現之無量方便欲
度衆生覺意珍寶與智相應修行出要道無
生老病死患更受胎欲度衆生於三世行具

足不可沮壞不樂一切世俗觀一切相欲得捨離如是無增減心能度一切衆生以十力之船長夜度衆生使度彼岸常有此觀不爲己身第一聲聞入徧觀三昧作種種觀承事供養繒幡華蓋以三三昧爲佛印以冷栴檀塗身五通徹視種種香遠布以四無所畏爲螺鐘鼓具足無缺漏無常苦空無我欲得離生死海降伏魔衆皆使碎壞盡無爲處分別法想一切不受不度者度得滅識處無苦樂至涅槃乘福車爲四部衆皆使歡喜踊躍不自勝以善身口意十力船載衆生皆得至一切甘露涅槃處於是便說此偈

無數劫苦行 而造福德船 善趣安隱處
爲三世救護 彼歡喜之心 疾度生死岸
一切悉當終 盡當有是樂

爾時如來有如是日所謂禪四等具足之行無缺漏無穢行善將護爲一切戒名稱遠布種種衆生類皆悉敬仰使得樂止處心得歡樂無數百千劫修行苦集盡道現第一義以智慧照明除愚癡冥消滅諸苦遊彼衆中皆悉成就十力無畏勇猛意於三千世皆悉破壞敗護不度者智不破壞爾時世尊於彼現日明無漏行具足乘大乘車等御無畏如風吹帆以念車皆與彼相應而現在前以等志於彼所有皆悉具足等三昧思惟一切衆生類彼於三世具足典八翼從悉承受其教意無欲怒癡憍慢捨諸結使天人衆以華供養無有五蓋以信財布現一切衆皆使覺知無有塵埃諸結使無礙如是世尊爲日光明於是便說此偈

百智已具足 於彼衆無缺 已現三世光
是故拜首光 無數百劫行 滅愚盲冥癡
已能度此岸 當拜首慧日

如來蓮華者爲何像貌所謂第一功德所成
於三有得度有信於衆生清淨等智普悉周
徧以精進力得度彼岸消滅雲霧禪悅皆悉
得度念解脫無衆想以觀息彼種種穢患亦
無異意等見滿足悉成辦之皆悉覺知以戒
定香香聞四遠以清淨光壞衆生類猶彼蜂
衆響若干種悉分別了於三有等得解脫衆
生皆得希望種種方便欲安隱之甚妙觀無
厭足一切根無缺漏於息心衆中姪怒癡憍
慢之患更不熾盛極清淨柔輒而得度脫於
是便說此偈
清淨之所生 供養華無比 無數功德具

共八

十一

微妙最第一 欲得休息樂 衆生得清淨
已能覺知彼 謂呼常有聲 已之所歎譽
與世而相應 微妙第一色 善香最爲妙
人中最爲上 世人所歎譽 我今拜首禮
無著大神仙

爾時一切智有如是雲所謂九十一劫所造
行思惟不淨神力所制所說無有異盡諸欲
愛無有愁憂於諸三昧得到彼處以大慈悲
爲一切衆生使得功德百福具足使彼得休
息已觀而觀彼於人民阿須倫鬼神之衆於
三世而行慈皆使得清淨蔭涼得解脫門至
要之處復以智慧光洗彼清淨人民之衆下
至男女皆使得善於彼遊行得諸忍業得甚
深法善衆生法而種善根衆生飢虛甘露之
味憂彼不得度脫者以修行之法使彼覺一

切有爲行皆悉無常苦空一切法無我涅槃
爲第一樂等度此苦樂善悉分別言語具足
於種種衆中稱揚善法種解脫根婬怒癡憍
慢之法盡捨離之以無畏金剛之志度彼勤
苦之患於他衆中使受正法有恐怖者一切
智皆使愍一切一切惠施無所著是故拜首
禮雨甘露於是便說此偈

功德出照明 十力雲無比 當發歡喜心
說甘露除渴 已得無所畏 是一切智雲
已有降伏外 是故食甘露

爾時世尊有如火所謂彼求行人民之類
皆求喜樂解脫得四等心所求已度第一義
具足與智相應一切徧三昧有是神力種種
名聞諸根力具足等至甚深已有此力無數
百千種此根戒一切法得自在三世最尊以

六八

十二

十力威神得無所畏是第一解脫得第一光
明第一空寂有如是之德布現深法於彼衆
生類訓誨使行忍度諸瞋恚言語柔和無所
傷損滅一切結使於學無學於四部衆善已
修行指授苦報如是彼功德極無量智成就
發趣於涅槃門而得供養第一尊重潤及衆
生是故拜首禮佛火於是便說此偈
能焚燒草木 火最無有涯 佛火第一妙
是故當拜首 佛火已滅盡 苦樂不復起
猶有遺功德 流布於世間

爾時世尊有是園觀極柔輒禁戒成就於彼
處所無有五蓋亦無石沙穢惡亦無岬山一
切諸法根本皆悉得自在大慈悲清淨無有
垢穢極自娛樂等度到彼有如是思惟功德
諸行淳淑力勢所爲成善根本亦不移動於

法忍無狐疑等見八賢聖道悉具足得諸供養無數百行不可稱計戒三昧具足十力悉無有疑諸陰蓋解脫清淨誓願已果枝葉繁茂於彼生華實生若千百三昧林悉皆茂盛等見無邪見禪無色而自樂身慈悲喜護常加衆生於其中間分別七覺意息心第一果典八慚愧圍繞常念惠施求出要故有是清涼雲以力拔諸結使有此勇猛欲得解脫功德不可壞善覺集在彼除彼衆生姪怒癡得無所畏猶彼阿若拘隣舍利弗大目捷連迦葉迦旃延子阿那律難提金鞞羅難陀離越於彼聲聞園中爲聲聞王功德無比浴池清淨一切布善三世所歎是故拜首禮頂於是便說此偈

善興三世護 爲彼萌類故 覺意華飾身

解脫果成就 聲聞衆中王 生功德無穢常求彼樂處 必獲安樂處爾時世尊有如是空意同一色廣布無邊故曰爲空斷諸欲愛一切無所住以智果報一切潤澤無有諸結亦無諸蓋以三昧受度諸塵垢善出要以解脫清淨月善光以功德無量意專一生常修一生梵常懷歡喜智慧眼清淨而境界淨斷諸結使故無所著已得大慈故一切無處所分別意故種種得成就得供養故不染於結使依彼心故不以淨不淨染污其心依彼聲聞衆種種鳥圍繞止觀具足故極微妙不盡三昧林故星宿衆圍繞以正法降伏外敵故難以爲儔匹當作是觀猶如有人得歡喜究竟其業必不有疑退轉本處於是便說此偈

歡喜念愛樂 無有結塵埃 此有若干色
復能悉分別 一切得等意 欲作是稱譽
已到越彼岸 無有喜樂心

是時世尊有如是輪意止具足根力覺意無
有缺漏皆自莊嚴四神足最第一四意斷善

第八

十四

莊嚴身善口說教遠布七覺意等見而得解
脫以止觀無有癡愛已度彼三昧得無所畏
為師子吼無有恐畏辯才無礙得信歡喜精
進無懈怠念境界得度彼智慧解脫遊彼魔
境界無有欲愛功德具足消滅諸惡趣三乘
果微妙第一若成就滅彼魔眾三欲永盡諸
有愁憂苦惱永盡無餘亦無有愛亦無五蓋
亦無瑕穢依彼身盡捨離除去狐疑無有愚
癡有覺有觀亦無憍慢隨時興起亦無顛倒
永除邪見有威力歡喜滅結使降伏魔眾於

是便說此偈

一切人供養 救度眾生類 無護為作護

魔前轉法輪 彼輪無有等 天人所歎譽

已有此名稱 彼最為第一

是時世尊因何金剛降伏彼魔所謂爾時世

尊乘禁戒車被弘誓鎧有諸忍力以大雲為

清淨幢蓋以無結使執無欲權執持等見緣

四禪愛慢得解脫清淨等志等語皆悉清淨

以辯才智神足莊嚴自尊其意解脫牢固無

姪怒癡以覺意解脫明熾然一切具足無有

第八

十五

三愛度一切結力勢不可壞至涅槃海無世

俗患以智慧金剛復以智業滅諸惡趣十力

解脫四無所畏降伏本所修習行無敗壞一

切種種色像皆悉成就滅諸魔眾亦無所著

於是便說此偈

種種來恐畏 金剛精進意 降伏彼魔衆
及餘諸塵結 諸有生有想 結使皆永盡
由是三昧行 故歸牟尼士
爾時世尊云何以法雨而雨之所謂轉不死
法輪於八部衆中而歎譽此法百劫所求善
行修行於慈轉牢固清淨法如是賢聖牢固
住有出家之觀大威神無著復以忍智之力
皆悉牢固解脫門若干種珍寶瓔珞本願所
追還有其方便住其東方微妙之處於彼貝
多樹下極端正諸天塞虛空向東方坐觀察
是時佛爲妙亦有中間作如是歡喜之散華
而歎觀察是時若須倫之衆聞如是之德及
諸神仙昔佛所造最勝幢蓮華稱佛銳光佛
隨葉佛於彼大衆心得第一自在爾時世尊
釋迦文一切智諸天衆歡喜皆是本佛所造

彼猶如轉輪聖王於境界而得自在世尊亦
復如是於已無漏法中而得自在猶轉輪聖
王自於境界衆生之類共鬪諍者悉能斷絕
佛世尊亦復如是於聲聞中其有衆生之類
有狐疑於法者皆悉能斷猶如彼轉輪聖王
無財寶者皆悉能施佛亦復如是諸乏賢聖
寶者便以七財而惠施之猶如轉輪聖王導
引衆生以示正法佛世尊亦復如是指授衆
生至涅槃道猶如轉輪聖王出現於世諸閉
在牢獄者皆悉脫之佛世尊亦復如是出現
於世時於生死牢獄便悉脫之於是便說此
偈
法王爲第一 衆尊無過佛 愍彼衆生類
三界佛覆護 可事可恭敬 欲度不度者
如是功德著 佛覺不覺者

爾時世尊有何城所謂四賢聖智慧止觀於
 彼戒定地善相無為行以智慧為城郭以三
 三昧為却敵以佛解脫門為閨以等見為街
 巷以念為牆以意止為塹以五根為堂以禪
 為室以慚愧自障屏指授彼道以神足遊行
 不可障蔽以覺意華自嚴飾以諦果為行以
 賢聖第一而自娛樂極安隱教授彼眾皆悉
 濟度舍利弗目犍連有無數眾善想常遊教
 化善滿具足所覺皆成就於彼浴池洗以戒
 為塗香辯才點慧以為法服莊嚴其身以三
 三昧為食以法味為漿七寶具足時世尊為
 大王學無學皆悉圍繞欲使彼眾到涅槃至
 無畏處亦不退轉無欲於眾得無所畏法
 力具足諸陰入成就不著於塵垢於是便說
 此偈

共八

七

諸惡已休息 大神仙所制 使彼得清淨
 十力之所說 於彼釋城郭 常畏生老病
 不至涅槃處 皆由眾苦

僧伽羅刹所集佛行經卷第三

音釋

脇虛業切 腋下也 捷捷渠焉切 捷連也 沓沓連合切 沓連也 岬去倚切 無草木也

僧伽羅刹所集佛行經卷第四

典九

符秦沙門僧伽跋澄譯

爾時世尊云何說道迹於彼說道迹時猶如
王大路謂之王路星宿謂星宿路此迹亦如
是至涅槃者謂至涅槃路彼是等見處所等
志等語等命無有差違等方便不飲漏等念
無量等三昧色不變易緣彼若干色無有婬
欲亦無塵垢結使永使不起無有色愛著亦
無衆刺欲滅愛故亦無有泥欲除邪見故等
見具足等滅結使故永不復起彼微妙果故
現種種義欲除希望故無有衆想欲求出要
樂故若干果成就無著要故等度彼名色於
彼遊行故謂是道一無有二皆得至彼第一
義處所爲緣一往者自心誓願謂一入爾時
世尊以第一辯而知道以能自覺知則不壞

敗所爲業勝無有亂想果報已獲得諸善根
能覺悟彼衆生便說是道使至無爲於是便
說此偈

所興衆生類 有道甘露法 佛有是功德
於世最第一 我於今自得 清淨禁戒具
爲人須論說 是故我拜首

爾時世尊知鴛崛髮今應受化當於爾時無
惡知識言論覺已便往彼道唯有一人存在
血流盈路人皆證知飛鳥鷲處處噉食時
鴛崛髮行如疾風若舉足時群鹿飛鳥皆悉
驚怖馳走是時鴛崛髮在闍梨園中左右顧
視無所覩見唯見世尊端正無比紫磨金色
方便所爲腰不傾偃身體極輒細行步庠序
盡其力勢走逐如來後是時世尊不改舊行
亦不能及爾時世尊便化此地使作坑渠荆

棘以是之故不能得及或有作是說以脚躡地以是之故不能及世尊或有作是說化無色四大眼識不可持或作是說佛功德不可思議然後鴛鴦鬘力如暴象無能當者然佛威力不可思議猶彼神龍那羅延億百千數亦不能得近如來是時鴛鴦鬘便作是歎曰九九見此未曾有便白世尊此意甚奇甚特便無瞋恚害意作是思惟此是誰恩德此必是神人猶如此惡世我還此美猶如饑饉有利亦如生愛念然我不能得及此必是善知識今我疲極住遙語世尊言
 當為我身故 世所希見聞 今亦自見德 願當小留住
 世尊告曰汝自不住方言我住於是鴛鴦鬘 白世尊言

沙門自不住 我住言不住 云何我不住 願世尊具說 是時世尊告曰 無惡則是住 持戒護人長 如迦葉弟子 是故汝不住 彼本行少諸惡水盡流血污體便解劔捨著 一面白世尊言 師今是我護 遭遇此聖師 求為作弟子 不違師禁戒 爾時世尊作是故告曰善來比丘便說此偈
九九 猶彼大海水 亦生煙火焰 未受降伏者 今應受我化 亦有善降伏 清淨而得度 亦為我弟子 如是不受有 觀者皆怖畏 及諸妖魅神 是諸鬼神處 最勝便入彼 是時阿羅婆鬼聞彼褐陀披鬼語瞋恚熾盛

顏色變異瞋恚火起眼如赤銅聲響雷震無數瞋恚熾盛搖頭齧脣震動身體便作是語我於世間亦不見人民之類能來至我住處者懷如是狐疑何故彼人來至我所說彼鬼神名婆多者梨醯摩披陀為首二善使語彼大鬼神言莫作是語佛世尊未降伏者能降伏之能安處衆生獲無上道皆使擁護有形之類如是不相應福田汝今麤言惡語不與相應時瞋恚大盛倍於前是時阿羅婆鬼喘息氣猶如火燄視瞻極惡便捨彼鬼界瞋恚所纏絡身體極黑顏色變易不與常同口出四牙髮黃如金上下相又人血汚其形皆濕不乾著師子皮著象皮著犛牛皮大華鬘如大火燄手執刀劍撞地而行皆破山岳移山林拔樹或起大雲暝覆大光明以水灑虛空

聲如雷震便自到住處欲得傷害世尊種種樹木皆悉焚燒色變易手執輪雷霹靂如是瞋恚觀察如來作若干變化求如來便時佛說此偈

衆生有畏想 我志不移動 今得解脫法
無有恐怖心 處火不畏火 亦復不畏水
諸懷惡念者 何能傷害我

爾時阿羅婆鬼聞世尊言便自息心不能得壞彼處恐畏人所不至便降雹雨於如來上盡不墮地各散在餘處或復有墮如來身者皆化作曼陀羅華其九是時鬼神王見此力勢歎未曾有便發歡喜意於如來所便作是言速出沙門世尊便出彼鬼爾時欲試世尊便作是語還入沙門然世尊無怨恨心即入彼處如是至三廣說如契經於是世尊便說此偈

釋及諸梵天 無能動一毛 況復汝今力
 堪任傷害吾 汝今捨瞋恚 有疑便時問
 汝所有猶豫 我當事事解
 爾時彼鬼便作是問人何者為上廣說如契
 經爾時於現法中便於如來所發歡喜心而
 說此偈

未曾見有是 如此沙門者 誰能捨大海
 而就牛迹水 當為我身故 便作如是說
 誰不飲此味 當捨甘露去 如彼有力士
 為水所漂溺 已拔厄難處 安處無為岸
 善色無有比 智者之所觀 所有彼義者
 能皆說此法 自今歸命佛 三寶最是尊
 所以求願者 一切得濟度
 如是聞摩竭國界五地大神於羅閱城而止
 大勢羅他擁護人民車乘熾盛土地豐熟賢

卷九

五

聖人民皆處其中無與等者食如甘露三事
 微妙亦無眾惱猶如彼難陀洹園諸天中第
 一爾時佛世尊最為無此時調達於世尊所
 常懷瞋恚未曾休息所行非法以是瞋恚故
 上者闍崛山園觀熾盛樹木繁茂泉源清涼
 手執石欲擲如來即便放石是時彼石無有
 情念猶自能持漸漸墮地彼調達有是非義
 種種鬼神輩持石欲使不墮金毗羅鬼在者
 闍崛山住以已之力彼石欲墮時便生是心
 此雖惡業然我等夜又以此之身當辦是事
 亦使世尊受百千樂若我能為此事者便說
 此偈
 心清淨無瑕 起於若干義 我今沒此身
 無得害最勝
 爾時調達便以石放如來上時於山上彼鬼

即以手接石有一碎石墮如來上受此報對
脚指血出調達受無量罪緣是果報當入地
獄是時石墮地時三十三天散華供養以空
解脫爾時散華爰塞虛空於彼受化講堂三
十三天晝度樹佛光明遠照無憍慢慈愍衆
生時披羅墮時梵志以五百事訶罵世尊舍
利弗朋肌奢等比丘歎如來是時如來若被
毀辱不以為感若復讚歎不以為喜爾時便
說此偈

受苦心不移 猶安明不動 息意甚牢固
故拜首神仙 為他衆生故 功德無有量
如父愛其子 誰不拜首者
曾聞如是世尊在摩竭國界是時世尊無量
功德具足到時著衣持鉢大衆圍繞諸根具
足觀察已身亦無衆亂行步庠序亦不卒暴

卷九

六

將諸無數比丘衆欲往詣彼當於爾時摩竭
國王有象名檀那波羅形貌極端正頭生三
厲聲響清徹意欲所至難可制持若聞異聲
便懷瞋恚若自顧見影亦懷瞋恚無能當前
者隨意所欲若彼戰鬥亦不毀其力亦不滅
少爾時世尊便入彼城却敵樓櫓埤堦皆悉
具足人民熾盛或有愁者或有歡喜者恐害
如來欲得親近如來是時帝婆達兜飲象子
使醉而放彼象是時調達放象已便說此偈
自稱有大力 及身十種力 今日已集會
盡當於此滅
爾時世尊無所畏懼便說此偈
伊羅鉢有千 無能勝我者 況當此小蟲
欲害人中上
我於爾時無是思想便說此偈

無欲之力勢 衆生有欲心 以除此欲報
亦不懷亂想

復次說此偈

我今雖破壞 大象甚牢固 我今降伏彼

一切世無上

爾時檀陀波羅熟視如來形顏色極黑見彼

象翹尾身體方正觀者皆懷恐怖奔走向如

來爾時諸比丘蒙如來恩力順如來教戒當

避此惡象各自馳走遠如來所唯尊者阿難

在如來後無數生常與如來共并既自不惜

身命亦不捨如來是時檀那波羅象瞋恚熾

盛火纏絡其身欲害如來是時瞋恚之火漸

漸休息廣說如契經是時以手輪相甚微妙

無有比爾時如來舉手著象頭上以慈悲心

無瞋恚之心聞如來語即便涕零頭面著如

來足上以舌舐足亦不可移動是時彼象便
懷此恐懼形體無有力勢不覺便利然後世
尊以此賢聖便說此偈

無有欲憍慢 世尊無此塵 時發慈悲心

必當生天處

爾時世尊以此音響倍懷歡喜和顏悅色於

如來所以額鼻著如來足還入本國人民衆

多見此未曾有象以降伏歡喜無恐懼之心

皆有信樂於如來爾時便說此偈

如山不可動 況當勝瞋恚 以勝彼怨敵

猶伊羅鉢龍 有如是之德 力勢無有等

人中雄師子 盡當來拜首 如是衆生類

無有愚癡心 三界伏其名 覺意無與等

如是衆生類 亦有瞋恚患 志性皆休息

牢固稱遠布 智慧而瓔珞 心淨無所著

十力悉具足 是故當拜首

是時王猶如月虛空無有衆塵息心事皆辦
七神仙皆爲瓔珞亦無有塵垢星自瓔珞猶
如伊羅鉢所至處雲隨其後種種瓔珞莊飾
其身於彼聞已猶彼神象遊行珍寶亦無狐
疑四部之兵人民自圍繞於彼象上舉火象
鼻攝持爾時世尊在羅閱祇城欲得見如來
便往至世尊所是時世尊見王斯須出領無
數衆圍繞王便作是念從遠來我宜當自護
便生是念已便告耆婆見已便作是語汝不
活我耶是時王須臾間顏色端正無比出入
之上華果茂盛亦無衆塵王部具足猶蜂王
音響不善生於彼圍觀比丘僧前後圍繞遠
來欲見如來見已數數顧視耆婆告耆婆曰
處其中者爲是何物時耆婆奏彼王言此名

肉髻時王復問此自然耶爲非自然耆婆白
王言行果所種非今所造王報言復以何果
成於菩薩於本所生於本受胎本所造行本
所造身廣說如契經時王便說是頌

猶彼日光明 或有若干種 頂髻無有上
沉復及餘相 顏貌已和悅 能仁無怯弱
已出此光明 照徹十方刹

時王便至佛所佛告耆婆曰云何當作是說
耆婆白王言於是天王能降伏憍慢者便得
豪貴處憍慢者便生卑處是時王便自息意
思惟是言便作是語九此是福田我當行此業
耶如我豪尊云何當向彼禮拜彼無服飾我
今著王服天冠彼人雖端正心以休息衆相
具足無有醜陋彼相甚微妙猶如山不可移
動便往至門生歡喜心衣毛皆豎以出要心

故無欲之想頭面禮世尊足便作是說猶如
世尊有如是色心意得正皆悉成就佛及比
丘僧使我優陀耶拔陀羅太子亦復如是便
問是義歡喜如是語亦說此偈

如海無有邊 風吹水則動 聖尊不可移
今觀人中上 帝釋來拜首 及諸梵天衆
我今當尊敬 自歸命世尊

是時闍提蘇尼梵志猶如純白華乘馬車第
子衆圍繞出舍衛國欲得試如來乃至車行
處便乘車往即下車步入園中共如來漸漸
論義在一面坐是時世尊所居之處不見有
所有見如來顏色甚微妙無與等者亦無法
弱有轉輪聖王相見此身體眼觀知如是法
如世尊法甚深微妙梵行亦無處所有如是
大功德智者所歎譽而說愛欲無有牢要亦

無虛妄是時梵志便作是問云何尊自知行
梵行耶爲非行梵行爲豎立諸根自爾智難
可量是時世尊告曰若作是等說者說者亦
不缺漏非不有力亦無衆行極清淨無瑕穢
修梵行若有人語我等說作是說此義云何
廣說如契經是時闍提舒尼梵志復問世尊
云何爲缺云何爲漏云何爲行云何非不有
力云何衆行極清淨無比有是梵行是時世
尊告曰於是婆羅門當作是求愛欲更樂若
有梵行者而自覺知苦樂觀眼色如是梵行
如是初當求梵行典九設起想著彼名曰缺計彼
衆數者名曰漏意所覺知者是謂非不有力
無有塵垢意流馳於中起不淨意是梵行垢
故故曰梵行廣說如契經婆羅門於我所觀
皮所覆中不淨聚選擇見其身我色愛已盡

復當於眼而觀眼色耶然婆羅門我觀更樂
亦無有行豈當有更樂耶欲染著於更樂受
此細滑然婆羅門我觀一切無常豈欲不盡
有染著之意耶若婆羅門於此諸法我亦不
觀此若男若女皆悉分別云何當起女欲想
流馳著彼若復婆羅門彼無男欲想復不與
女想相應而起欲想耶猶如婆羅門彼有限
齊得出要樂何當憶本所造行耶然後婆羅
門諸非義生欲拔濟苦惱出家學道以此誓
願而修梵行有七事故不與梵行相應無缺
漏亦無衆行廣說如契經若復婆羅門衆生
有亂想著不離愛欲於彼衆生類云何當作
是觀諸有淨想著於此身內盛臭處欲皆盡
猶如婆羅門以水和乳猶知有此乳此合會
愛欲亦復如是當作是察筋骨相連內盛臭

與九

十一

穢有何可貪猶如婆羅門嬰孩小兒先與甘
味著口後飲以苦此亦如是合會起欲想能
忍欲苦相種種若干百類猶如新死犢子觀
其皮乳得多新生犢子死取皮釀草如生犢
形置其母前毋謂子活故乳不
竭此亦如是諸死境界等越度彼觀其相貌
便起染著之意猶如婆羅門飢渴之人夢食
甘饌飲食便歡喜踊躍然彼人亦無所食此
亦如是諸愚癡人貪著於欲猶彼夢無異合
會生其念然彼人實無趣善行若男女若有
衆變易於是便說此偈
此是非真法 欲怒何可貪 梵志當善觀
苦本難可拔 親近道最要 當斷愛欲意
賢聖八品道 爾乃至善處
是時五人遙見如來見已便相告言彼人向
此來本所爲事今亦不辦廣所見聞隨意所

食無有忌難種種勤苦行迷惑未成道術廣說如契經爾時世尊便作是念愍此愚惑人自作制限彼制限者無有恭恪心於如來所爾時世尊以至彼人所即於淨地坐縛由何生欲療治病爾時佛語五人云何汝等而作是語更互乞食與說深法是時五人不受教誠此法甚苦覺知是時語世尊言汝本六年勤苦學道日食一麻一米猶不得道況今隨心口自恣言得道耶食甘饌飲食被珍寶衣隨意所欲自養其身是時世尊告曰云何汝等比丘觀如來顏色有變易耶諸根心寂顏貌端正如今顏像與本容色豈不異乎彼境界過去彼答曰如今端正而無有比世尊告曰若本不得是甘露者誰當於此三千世而得甘露亦聞天河須倫於大海中須彌山底

卷九

十二

而得甘露此亦如是於此三千世以勇猛意得智甘露味此甚奇特世未曾有百千劫所造行息心最為妙遠離名色解脫自在甘露味甚深為彼眾生成故而說其法忍其勤勞未曾辭憚為一切結使故不起塵勞欲開心智故處母胎以此生死故而究竟其原無滅故不可盡有常故法無寡無憂感故樂也欲滅結故更不造新大神仙眾所歎譽已眾成就然我所行勤苦為一切萌類故今當說法是時世尊圓光七尺顏色如安明山三世所宗重一切智所說無所罣礙如是比丘是謂為苦本成就阿維三佛廣說如契經天人所歎光明無有盡是時日晡不現復以此人或以身著微妙衣裳至如來所或著天衣至如來所皆垂天冠種種色不同或瓔珞而墮地者

飢虛於世尊甘露是時便說此偈

世尊亦無生 饒益天人衆 如食甘露味

終無飢渴患 今日十種力 生時世稱歎

當飲深法味 已至解脫界

爾時如是衆行觀察苦賢聖諦本初受胎之

苦為從何生永處幽冥不見燈明以是之故

生為最苦觀此苦相生為長苦無所堪任長

為業苦當筋力成辦有所希望苦意無厭足

欲有所求不獲為苦不充希望所獲為苦起

若干方便欲使不失以護漸漸磨滅為苦若

干衆惱悉至已得度彼岸難有内外人共諍

苦親族錢財皆散憶彼難忘苦不離愛欲諸

結使苦欲最為苦以未滅故瞋恚為苦罪行

不滅故癡最為苦無照明故憍慢為苦由意

熾盛自大為苦無尊卑意朋友為苦心不分

離故愛最為苦味著無厭貪嫉為苦心不開

解無戒為苦由變悔故所見為苦不見真諦

故然有一切結自色為苦無所恃怙為苦求

果報苦諸樹草木及四大所成共相繫著起

諸因緣内四大苦若干變怪諸陰持苦由自

然故諸入為苦所依不離境界為苦招致外

色苦痛為苦燒形體故樂痛為苦由苦而生

無苦無樂為苦由境界生想最為苦由衆生

有行識最為苦緣彼而生老則為諸根羸劣

病最為苦四大不隨死最為苦更受異形怨

憎會為苦共親近心所欲不得此最為苦亦

甚苦取要言之五盛陰苦常負重擔於彼所

趣處地獄為苦燒炙身形畜生為苦各相食

噉餓鬼為苦飢渴逼形人身為苦種種非行

天為苦福盡必終隨彼界墮三惡趣欲界為

苦愛欲纏絡色界無色界亦無有智皆悉爲苦如是爲三苦遍皆悉攝持爾時以身意行故或以一行而造苦所造行皆悉爲苦如是衆苦無有休息因緣不盡當覺知色如是愚者之所爲然須陀洹究盡其原斯陀含少有不盡毛髮之餘阿那含當除至阿羅漢永盡無餘爲世現照明爾時世尊三耶三佛爲衆生類作大覆護便說此偈

無數百衆行 常造苦惱業 以懷此色難
現在有此證 彼實是無常 解本皆悉空

自然法所立 常當自覺知

是時云何復生此苦所謂自相境界五根具足若彼自相境界相應智迴轉是故極清淨愚者所不學不與智慧相應復有利根愚者謂之盲冥世尊與諸聲聞本所造行智慧善

根自相合會相如所修苦賢聖諦皆悉觀察云何當觀此生死苦知有苦賢聖諦悉無常牢持而不捨皆悉同一起如是心於苦而觀苦彼最爲妙於苦觀空最初微妙等度彼處苦觀空時彼皆是分散之法自然觀察如是於苦觀無我彼智信所成最初有是頂法善長益數數求方便等智功德無所希望三昧林不缺漏外塵永盡亦無所著以想思惟故除去塵埃一切境界苦無所敗壞除去有愛亦無所畏亦無暴亂顏色和悅自觀境界於彼現光於三世起大燈明欲害彼結拔濟惡趣爲彼衆故無彼此心亦不懈怠得甘露味分別彼章等度生死故流轉四境界欲照明彼衆生故勤行苦行周窮一切亦無處所亦無顛倒除去顛倒者甚深難可測於是便說

此偈

若眼有苦時 清淨無量念 無味極鮮明
 人之所歎譽 彼如是之智 音響相娛樂
 觀佛十種力 護世衆生類 如有見禁戒
 如來所長益 執志如金剛 分別一切空
 若拔愛根本 亦無衆苦惱 當拜首息心
 最勝無有比
 當云何觀察世尊所謂有如是無漏智慧彼
 觀道場處所亦見力勢為世故觀世光明於
 其中間所修苦行皆悉觀察彼衆生觀慈
 悲心欲使安隱彼無量勤苦觀如是苦行於
 異境界而自觀察於大衆中觀如來說微妙
 法令分布義觀其握法若法眼清淨亦觀彼
 法身無有衆生想若復作是觀亦不言禁戒
 曾聞尊者名優波斯有弟子名鉢摩迦往詣

摩輸羅境界於彼止宿彼到時著衣持鉢廣
 說如契經人未曾見不解彼威儀便入姪女
 村中彼姪女見此比丘年少端正身無塵埃
 見懷歡喜欲意熾盛時彼比丘便入姪舍觀
 如是結使不欲造結使如是穢解脫法速得
 此法果是時比丘便作是語而說此偈
 欲如彼毒藥 欲為不淨行 欲為壞姪色
 隨人入惡趣
 作是說已便退而去彼人姪意熾盛為彼比
 丘故便結旃陀梨呪術語彼旃陀梨如是之
 義是時旃陀梨莊嚴此女人化作村落之處
 致比丘來汝觀察此處猶彼釋提桓因宮殿
 無異厦堂高廣亦無有比莊嚴卧具無數衆
 色在彼厦堂上所卧之處文繡綉綉坐觀此
 地處種種華香而散其上一一周巾種種青

蓮芳蘭而生其邊作如是觀便作是結呪祝
語比丘言此極微妙可共娛樂時鉢默比丘
報言我盡觀此亦當觀餘旃陀梨言餘何者
是鉢默報言

我今觀果實 欲最第一苦 終當入地獄
受彼鑊湯惱

是時旃陀梨報言止止比丘莫語我作是言
鉢默比丘報言此語是愚癡欲眩惑我我不
與爾同彼旃陀梨見已便作大火坑無有塵
矚時鉢默比丘報言我已見此火坑旃陀梨
報言若不欲親近女者不如入此火坑死是
時彼比丘便作是思惟此火雖恐懼避火親
近欲者然欲熾於大火設犯欲者後受罪無
量寧今日入此火坑不犯此欲然我師神通
無比云何當違師教以是之故當入火坑而

卷九

十七

死不犯欲而生今俱捨二事云何於三世如
來立禁戒今我當犯以是之故入火坑而死
如是思惟已欲持僧迦梨鉢以施彼人時旃
陀梨報言用是衣鉢為鉢默比丘報言

今此諸梵行 持我衣鉢施 諸有集聚者
持我語告彼 比丘名鉢默 遭此厄難處
今投火坑死 不受彼欲愛

乃至彼二人俱出家學道廣說如契經是時
復說此偈

世修善雖少 思惟憶不忘 亦不受彼欲
欲度衆生故 況復開甘露 世尊一切妙

云何造功德 彼智隨時興

爾時世尊云何周旋來往覺知生本所謂於
此等語有二種風形體功德心意所覺是謂
二風彼形體風者生諸愛念意所覺者猶如

華敷鮮明淨潔猶如彼風觀見解脫所爲事
勝猶雪成水此心雲亦復如是攝持內外境
界有清涼風起覺知彼意彼持無量不破壞
有六境機關外爲四大所使四大根力所繫
彼有軟風起漸漸有智生亦如彼舉足時皆
是本行之德不失本所爲之相踣骨所行來
往皆有火起於一切骨屈伸卷舒筋脉漸緩
有所希望若復視瞻開目閉目內身根更樂
漸漸熾然隨彼來往若復食噉屈伸卷舒皆
由形所造及餘心所造行依彼煖風除去顛
倒風亦吹落層齒聲響本意所造一切種子
法然彼風處所有勝皆有此語有如是聲響
彼作是說不爲福云何不爲繫縛我作是說
有此機關外有壞敗內有衆行不作是時便
有盡便有長養猶如智車於此見截緣如是

卷九

上八

豪貴法緣依彼時想顛倒於是便說此偈
此甚奇甚特 覺知空無智 展轉相依倚
機關最爲要 亦不觸彼意 身意所依倚
有如是衆事 眩惑爲微細
是時世尊爲梵行云何梵不亂不從彼學獨
遊無侶於人中功德威儀最爲微妙無著於
一切衆生所爲之業無能及者衆生無有量
依倚一切微妙之法法自然故一切智不可
壞成大要道所欲成就必果無疑諸功德具
聲聞圍繞生一切德一切微妙爾時世尊於
彼衆少形體最第一衆德成就除幽冥世無
所著三世無著棄諸結使得大慈悲心無亂
想已度彼憂畏之處至安隱處長夜降伏其
心自得授彼於是便說此偈
梵行最爲妙 慈功德成就 若彼聞此教

天人皆拜首 於正法無二 彼樂亦無二
必當成聖賢 是故拜首聖

爾時佛世尊三耶三佛忍地最爲微妙除諸
結使亦無所著火所不燒所悟事勝風亦復
勝功德無畏大衆成就爲衆重擔甚深相應

不可思議猶如師子無怯弱心十九顏色和悅爲

彼外學故已修無著猶如蓮華無所染汚自
依衆故自破壞意所希望亦復能辦拔諸結
使故衆最爲妙倍種種相生受取爲妙若自
求於一切生爲妙當拜首最福田所擁護人

民王最第一不作是觀彼義甚深捨衆穢法
月最爲勝分別諸法毗沙門爲第一聲響清
徹師子吼最第一欲種良福田有增上學捨
一切田業釋提桓因爲第一一切世間功德
爲第一示現涅槃道亦爲勝愍護一切衆生

解一切縛爲妙於是便說此偈

如來之功德 一切普悉備 止住釋種家

猶海集衆寶 及餘佛法衆 充滿三世界

欲求往彼岸 當從如來取

是時世尊爲人中師子雄希望於一切智色

和悅咽喉功德無比佛法功德有四神足甚

安詳去離麤曠之言直身正意衆智具足眼

爲清淨根萌芽分別衆法稱揚其德未知智

猶兩甘露難可沮壞十力具足勇猛超彼覺

知一切所趣而往救濟大慈悲禪解脫四等

未曾缺亦無愛欲味觀食而食得無所畏降

伏彼衆彼猶如師子鹿王鳴吼之時其聞聲

者皆馳走四趣止谷趣谷止穴趣穴鳥飛虛

空此亦如是若聞無常聲此凡夫人及長壽

皆懷恐怖於身見皆馳走而去猶如彼龍象

聞師子聲不覺便利或絕韁絆走諸有長壽
 色界諸天亦復如是聞無常之教味著所樂
 各有此戀愛心爾時世尊為師子鹿王意悉
 無恐懼成其道果亦不退轉觀者皆歡喜止
 觀微妙知彼功德無有愚惑於是便說此偈
 猶彼師子乳典九聞者皆驚愕二十以智分別法
 種種有別名於生死恐懼佛德不可議
 是故拜師子師子王中王

僧伽羅刹所集佛行經卷第四

音釋

亞倚也 躡昵也 歷是規 埤埤切 埤埤切
 規研計也 埤埤切 釀釀切 恪恪切 憚憚切 眩眩切
 規城上垣也 釀釀切 恪恪切 憚憚切 眩眩切
 鉦鉦切 履履切 純純切 愕愕切
 感感切 韁韁切 絆絆切 博博切 漫漫切 繫繫切 愕愕切
 也也 也也 也也 也也

僧伽羅刹所集佛行經卷第五

典十

苻秦沙門僧伽跋澄譯

是時世尊爲人中雄象一切智慧皆悉具足
所有肢節與首相稱所謂是智慧首因智慧
有念念爲頭依彼止觀爲腹以休息解脫示
無師學自然辦具以信根爲妙法以信力而
縛有如是之力護清淨以爲牙除惡趣慚愧
爲營從身妙以爲耳佛法身滿亦無害意而
修梵行究竟其原求其方便勇猛不退一切
世微妙無有能過此功德者猶如安明山習
修於禪如彼利刀覺意自在七處安詳無常
苦空行一切法皆悉無我涅槃爲滅淨所持
如甘露十力有力勢觀者皆歡喜以破壞憍
慢行解脫果報所緣依彼甘露不校計所著
本意所造食解脫甘露果如甘露者得利養

除諸穢濁以爲食亦不藏貯於九十一劫善
自降伏爾時便有是定心無有衆亂於是便
說此偈

和悅無衆亂 極清淨意定 拜首無量德

人中雄象王 彼衆生有德 壞敗諸色相

眼淨無瑕穢 拜首覺最勝

彼三耶三佛有如是功德如自覺知如是
甚深極微妙無比於中自覺諸法設復有人
誹謗我言彼或有聲性與相應有如是有餘
如有作是說有餘沙門出家若婆羅門聰明
點慧若天住止若欲界魔天若梵天色界妙
者作如是而說法我亦不見彼相亦無因緣
如彼所說若復不見其相云何不等正覺亦
作是說見彼而說法逮安隱處而自娛樂爲
等正覺亦到無畏處及餘無著廣說如契經

彼最爲妙無著不搖動處無若干彼名當轉
梵法輪彼梵世尊轉此法所謂賢聖八品道
當於何處而轉或作是語於此衆轉爲妙於
此衆而師子吼亦不於空處而轉於此師子
吼亦無恐畏復作是說欲降伏彼衆故此最
初無所畏第二諸漏未盡此義云何所謂有
漏障中有諸恐畏若復斷智具足此第二第
三我所說道法此有何義所謂有如是實爲
彼故求彼作是說此造諸內入此第三第四
有所縛彼有十事人所修行在衆無恐畏或
無恭恪心彼如是無有威儀以是之故於大
衆而懷恐怖雖復有恭恪心明黠如實有此
威儀彼亦復有恐畏於衆雖復有恭恪之心
於彼雖無畏彼義有愚癡雖復承事供養恭
恪之心然不數數修行雖復修行亦不經歷

久於中亦有恐懼之心於彼雖久修行意不
捷疾於中故有恐懼雖有捷疾之意亦不親
近於中故有恐懼之心彼雖親近亦不實依
於中亦有恐懼之心意雖依善自無此善於
彼衆中故有恐懼之心若復徧有此意然不
有巧便彼於衆中故有恐懼之心彼世尊爲
菩薩時承事師衆三界牢要寶幢從錠光佛
以來三耶三佛若干劫極淨無瑕穢彼一切
無幽不照緣彼覺意有如是形類所爲成就
爲彼道故九十一劫而造行爾時世尊得受
名號起如是黠慧而成佛與智慧相應意悉
覺悟依彼善意一切皆悉辦一切意無著彼
第一無染污亦不懷恐懼心是故世尊如是
常住恒入三昧於彼智有勝無數世有勝作
是觀察其有難問者終不猶豫文字不缺於

是便說此偈

身如師子王 欲度彼園觀 群獸皆驚怖

各奔走東西 如是無所著 大眾現勇猛

不樂生死原 以法度天人

爾時世尊觀一切世間猶如草木所謂云何

當試最初種有五行猶外草木於此有何五

種復作是說云何彼樹展轉相倚耶生種種

結苦諦所斷外亦有生有五種行觀彼苦地

之所生皆依外而生於內云何生有作是說

於內識處等有是觀如是外住隨種便生於

中作是說如日月現無光此各各相依有所

說依外亦生此義云何答曰於今而不相依

食爲水所漬爲火所煑安處形體或爲風所

吹如地生樹隨風來往於中皆悉知之身風

所觸耳有所聞時亦能識知彼曰細滑也堅

依外彼非有智耶如是亂想若外果所生皆
悉觀察外緣內於中作是說一切非思惟色
想耶不作是觀如觀察四大如是境界皆悉
觀之或觀一果眼識生若干果以識爲首是
故壞敗於中作是說外亦有作若干果猶彼
色半青半黃猶如樹同一根生若干種果實
秋則無有果或隨時生此生死樹亦復如是
身最爲本根爲枝葉猶如三昧境界是故識
施果爲上如是而覺知以眼喻彼樹若彼眼
識有所攝色其根今色云何得成所謂如所
說觀觀便爲妙彼如是現於是復現諸所生
種子漸漸長益於彼生而成果知隨時萎彼
果無所因等有是果所謂心垢所染於中作
是說眼識皆悉知於中作是說不於中間猶
如彼色緣彼果生如是緣意識有此生死樹

彼眼識爲首於中作是說猶如胎漸漸長於
彼生眼識如有眼識於中作是說不於眼
識中間而死無有身根然眼根無所造此由
何故或外不依根果本或同影果於此云何
言等一切身根以過去不依無根草果根有
壞敗復是所知外無有情然內有情於中作
是說云何情想有果實耶猶如外華實此種
果亦復如是以是故或有情或復共同情於
中實有無礙云何當有念於中作是說此義
云何或有作是說彼處所無有住處答曰猶
如彼無處所便有是清淨外無壞敗便有是
因緣於中作是說彼四大有增上如所依有
果者是事不然此復是所知所作行業外不
現猶如內所有不徃名曰樹徃者非樹於中
作是說云何此地持無所壞敗耶此地亦有

第十

五

暖氣若依彼有有是堅相爲風所吹便可知
之此亦如是然外有藥草樹木無常斷絕與
壞敗相應當作是觀因緣無常苦空無我亦
如是然外空無所有衆生亦如是猶如無我
觀內亦如是況當內有所造懷內思想彼皆
是外猶如濕木種時便生此亦如是根意所
教猶如身心依法往來周旋此皆無所依猶
如壽暖命識此亦如是無有終始
觀彼志性趣 外及樹木草 實空無果實
於法當分別 彼已有壞敗 身等即思惟
壞彼塵勞結 五根永以滅
是時尊者大迦葉勤修苦行身體疲厭於彼
園觀處而自娛樂事火無懈怠已衆圍繞僧
迦梨壞髮爪皆長諸根淳熟內降伏婬經行
往來所觀察皆悉知之樂閑處名稱遠聞故

得大慈悲無與彼尊德等者天人所供養是大福田加敬恭拜諸遭困厄者皆度脫之度彼生死布現法相布現歡樂擁護如事父無異所供養業如山不可動歡喜踊躍欲觀察如來欲遊一閑靜處往至世尊所觀樂異法故頭面禮世尊足在一面坐爾時世尊欲歎譽少欲之德便告尊者大迦葉曰汝今迦葉年老形熟無復有少壯意長老身無所堪任漸漸衰耗盛意已盡更不與所著補納之衣極重計汝今身不堪勝此重衣汝年已邁諸有長者持衣施者便可納受是時尊者大迦葉諸法想具恭敬心於如來即從座起長跪白世尊言生死長遠義皆不真受此樂痛心常愁憂諸有豪尊長者亦不樂至彼家已自阿練復歎阿練之德自少欲復歎少欲之德

與十

六

然世尊諸天證知我於今世果若有力無力皆能頂戴況我今日之身無姪怒癡憍慢皆悉盡清淨無瑕離世不與世相應皆悉得之今當云何捨此羸服是時世尊告曰此云何廣說如契經是時尊者大迦葉報言以二義故住閑居處或復有歎閑居之德自於現法中欲得歡樂爲後世人故作照明布現如是德以是修勤苦行是世尊告曰善哉善哉大迦葉常當樂閑居廣說如契經於是便說此偈

彼得何自在 弟子修苦行 清淨無衆惱
如月星中明 如今無狐疑 彼有是大德
當牢持正法 淨除一切穢
是時尊者舍利弗自依甚深無有邊際所知
如大海無有邊涯堪任與外學論義皆悉降

伏稱揚善法不失彼意於愛欲得解脫意所
覺知生死所趣皆盡原本便往至世尊所頭
面禮足白世尊曰我起如是義皆悉牢固彼
彼止住外道異學處今到此處欲服甘露除
一切結縛意亦無所著於我處所世尊為我
故說如是義當除惱患說如是義已諸凡夫
人皆悉懷愁憂學者亦懷愁憂諸無狐疑者
皆悉欲聞是時世尊須臾思惟告尊者舍利
弗言此行皆是有為是時尊者舍利弗常樂
空閑處好喜於法拜首於法繞三匝便直身
觀如來形往詣那羅陀村中以草布地入師
子奮迅三昧已入彼三昧如來所止之方便
於彼而般涅槃是時均乘八頭州切沙彌常
與尊者舍利弗供給所當與轉尊法輪修行
佛事最大聲聞一切世人莫不供養供養如

來身所彼舍利及鉢三法衣與尊者阿難到
已便作是語我所事師今已滅度尊者阿難
問均頭沙彌汝師是誰為名何等我所事師
名優鉢低舍今尊者已般涅槃此尊者舍利
弗是時尊者阿難聞如是語便懷愁憂網愚
癡城裏念彼舍利弗心意迷惑無所覺知須
臾愁煩而立便將均頭沙彌往至世尊所以
是語具白世尊我今日身不如本故聞彼尊
者舍利弗取般涅槃廣說如契經世尊告曰
彼持戒身而去耶及我所覺法亦持去耶所
謂四意止廣說如契經然復阿難行不可久
保皆當壞敗阿難無常行無有常存者亦無
不觀善行阿難行無所依怙阿難興起苦更
樂懷顛倒之想阿難行無我不得自在阿難
行難可捨常受有教阿難行有所害皆悉空

寂阿難當遠離彼行起苦樂想是時世尊告
均頭沙彌言汝授此舍利著我手中是時均
頭沙彌即授與如來是時世尊伸黃金臂極
輒細而受之爾時世尊當受舍利時彼極清
淨無瑕穢心意歡喜觀者皆歡喜著閻冥處
是時世尊告諸比丘汝等比丘可禮此舍利
弗舍利自歎譽彼名聞遠布於聲聞中尊最
妙惟有一存彼一切皆悉過去諸有萌類欲
得是樂現神足去垢濁彼復有是明皆悉周
徧設當有是色當拜首彼智慧彼有名稱一
切世間悉能充滿此是彼舍利於三界身得
自在善香所熏是故當拜首禮如是功德爲
世現萌類衆多功德當學解脫至彼處所爾
時世尊亦捨壽命是時地爲大動四面雷電
霹靂諸天側塞虛空作倡妓樂有大光明靡

不照明雲霧覆蔽火無有光有如是語流布
一切智當取滅度是時尊者阿難清旦從座
起往詣世尊所頭面禮世尊足在一面住便
問世尊言此是何因緣使地大動世尊意不
移動便作是語阿難以八因緣故地爲大動
復語尊者阿難若第一聲聞取般涅槃如來
取涅槃有如是之瑞應阿難白佛言今日世
尊亦捨壽命耶世尊報曰如是阿難我亦捨
壽命是時尊者阿難自投于地廣說如契經
白世尊言我面從如來聞受持諷誦諸有比
丘所修四禪神足住劫若至無數劫廣說如
契經是時世尊意不移動吐如此言教便作
是說云何阿難我不再三告汝耶是時尊者
阿難尊無二語便默然住猶如大海中船破
壞無由得至彼岸白世尊言從隨葉世尊已

來彼三耶三佛所有境界人民皆悉長壽成就今日如來境界所修行甚勤苦精進惠施無有限量如今日衆生壽命甚短教化未盡原本是時世尊告曰汝今云何世平豐熟無有恐懼苦難有法王出世轉輪聖王以法治化樹木藥草不可稱計諸有牢獄閉繫者皆使解脫或復有鼎沸之世如轉輪聖王諸有牢獄閉繫者皆使解脫不遭苦厄有恩慈於彼衆生而彼云何有恩慈於衆生是時尊者阿難白世尊言第一法王出人之表者遭厄苦惱者能脫苦惱最爲要猶如阿難太平之世有轉輪聖王隨葉佛處世時亦復如是猶如牢獄繫閉皆悉度脫之阿難如我今日壽命極短出現於世彼衆生猶刀劔劫生彼惡劫諸結使厚未能離結使依種種邪見有邪

見結使以非法欲故有欲結使於彼衆生中間所生如是惡趣時世惡故所教化少若於彼人勤修此行阿難我本未得道爲獼猴時不惜身命使餘同類皆使得度無有不得度者本復爲師子時度脫爾所商人越彼惡道久修行梵行爾時阿難所趣之處無不有潤澤衆生我是時阿難還復人身於摩竭界潤澤諸人復於青雀時度脫無數商人復爲大仙人度脫無數梵天我年八歲時於此誓願意不退轉身被草衣勤修苦行住彼閑靜處所修行皆悉護持云何阿難我於此迷惑之世天不降雨時釋提桓因即使降雨是時阿難我未生時人民之類愛念一子若復阿難我爲一衆生故一劫之中代受泥犁苦爲彼衆生受如此苦惱若復阿難我今此身父母

所生無有怨敵能害我者終無此義此金剛
三昧分別種種三昧若我取滅度後彼若供
養舍利如芥子等此功德無有限是時便說
此偈

從初發意來 所作爲第一 得爲人中上
誰能與等者 若父母妻子 於世得自在
雖有餘命存 今盡當捨之

汝今往阿難爲如來故往詣彼雙樹間廣說
如契經是時尊者阿難從佛受教便作是思
惟今日世尊審涅槃耶便懷愁憂不違尊教
即懷驚怖便往至彼間皆是宿命相追還故
勤苦所致欲有所陳復懷狐疑當云何陳此
言便白世尊所爲已辦是時世尊便往至彼
所舉足蹈地時欲至彼處是時尊者阿難心
意遂熾然復生是心此爲幻夢耶爲是審然

卷十

十一

如是猶豫思惟是已復還正其意此名曰無
常衆生流轉不脫此患是時世尊漸至彼雙
樹間於其中間有諸天側塞虛空或有作倡
妓樂顏色變易或有啼哭涕零不可稱計諸
須倫衆希望於法恭敬於法是時便說此偈
此尊第一妙 爲彼衆生類 此法亦無上
今當取滅度

是時世尊便至雙樹間而坐是時雙樹間諸
天展轉相告語言於彼亂世一切智當取滅
度云何當捨人民類而取滅度於是便說此
偈

諸爲深義故 疾速甘露味 彼尊有是力
今悉當還去 如彼金剛輪 人民所歎譽
彼輪或有敗 此尊難可壞
於彼中間盡修無常精進力不可沮壞諸有

少壯皆悉無常諸佛世尊亦復滅度此患甚
苦惱便說此偈

於彼諦思惟 色像有廻轉 彼更樂所縛
受諸苦惱患

其中或有說此偈

最始生爲苦 有此陰持名 無生不有壞
誰有脫此患

其中或有作是說偈無常爲所從生

最初覺此時 一切念悉成 彼有如是色

諸佛無常住

我等今日當修何業今世尊最後說此法是
故當慇懃修心是福田亦不可持而發歡喜
心是時婆羅園中諸天皆拜首於世尊兩若
千種曼陀羅華皆啼泣涕零便說此偈
其有觀如來 晝夜無懈怠 時欲取滅度

與十

十二

捨此四大形 勤苦成其德 未曾建正法

以度生死患 今當捐陰入

是時世尊臨欲般涅槃時告諸比丘汝等比

丘有所狐疑便可時問乃至一切行無淨常

云何尊者阿那律世尊般涅槃耶是密迹金

剛力士立如來後觀如來顏色肢節筋骨皆

悉牢固堪任重任亦堪任說微妙之法即啼

泣而作是說

無垢無眾瑕 世間先覆蓋 猶彼紫磨金

今當捨衆去 猶如此世間 田熟時已過

釋種釋迦文 無想永寂滅

其中或有說者止止莫作是語是時彼懷此

懊惱便作是說自念世尊從堯術天降神來

生世間憶彼有數千萬天以已功德皆著青

衣有威神之力力不可沮壞五百不退轉復

有十二大鬼神見者皆懷恐怖欲來擁護如來斯須思惟復作是說攝如來肢節皆放光明便告勅我等勅諸天有是語護世神遣使至此於彼處便作是語我等歡喜承事供養如處胎時夢寤之中常不遠離我等深著此

典十

十三

世衆生牢固於此有苦樂想有父母想一切世微妙有無上想護世所造有兄弟想受彼信施故有福田想心不傾邪有執御之想欲度流故有船師想不可得故懷珍寶想得大慈故有護世想如我今日金剛之身不碎爲百分或有說者此身必當獲果所以然者供養如來故是時密迹金剛力士便作是說此事云何是時太子乘馬車出城時彼馬還來七日不食生三十三天況當我等承事受如來教誡入耳者諷誦者一切皆悉學度衆生

無有限量若復珍寶之海當度求之是時密迹金剛力士有二賢聖論說此偈

於彼神龍處 金剛出於海 云何當擁護如是師子吼

是時思惟復作是說

猶如彼深海 力無能過者 於世行精進

大德無有邊

如是世尊於波羅柰國而轉法輪初轉此法時多饒益衆生即於此夏坐有益於摩竭國王第二三四於靈鷲頂山第五腓舒離第六摩拘羅山白善爲母故第七於三十三天第八鬼神界第九拘苦毗國第十技提山中第十一復鬼神界第十二摩伽陀閑居處第十三復還鬼神界第十四本佛所遊處於舍衛祇樹給孤獨園第十五迦維羅衛國釋種村

中第十六還迦維羅衛國第十七羅閱城第
十八復羅閱城第十九柘梨山中第二十夏
坐在羅閱城第二十一還柘梨山中於鬼神
界不經歷餘處連四夏坐十九年不經歷餘
處於舍衛國夏坐如來如是最後夏坐時於
跋祇境界毗將村中夏坐世尊已度愛淵如
是曩昔諸佛所作惠施利根皆悉成就諸行
普至志性柔和皆悉度已次度中根次度較
根漸漸便至須陀洹與外學演說世尊皆周
徧爾時便取涅槃於是便說此偈

共十

十四

界故相應成就以慇勤故生皆成就救濟拔
厄至無爲處如是得成就若生豪尊家居家
成就色微妙故親屬成就所爲已足無爲處
成就有限量故所爲皆成斷種種結使故降
伏成就所興行業誓願成就種種功德未曾
有所犯所爲成就威儀成就諸功德戒律成
就演四意止威儀成就分別言教境界成就
興起智慧集衆成就已捨諸有諸戒具足戒
律成就以智專心亦不依禪三昧成就如實
分別彼界智慧成就斷諸結使故解脫成就
斷諸愚癡故解脫見慧成就集諸功德一切
成就已得寂滅止觀成就是故拜首十力是
時便說此偈

共十

十五

欲度外學故 大尊無與等 自覺復度彼
無有溺此淵 經歷種種樂 漸漸有長益
於是生歡喜 皆悉度彼處
如今清淨無瑕穢所生之處常值善處已行
成就亦無衆慢緣諸功德皆悉成就爲彼境

色不可思議 佛之所覺悟 三世稱揚名
神仙至彼岸 於世已休息 求盡無起滅

大智通第一 一切得自在

聞如來般涅槃百歲後一切智見布現於世
聞摩竭國界欺羅梨城有王名阿儵其德甚
巍巍猶彼天帝無異有大威德聰明黠慧堪
任與彼論議視民如子彼夜欲冥之時便作
是思惟我今所願已果更無希望當擁護人
民今當設何方便爲何業當興起何事使世
人民皆蒙其德作是思惟已即夜睡瞑於夢
中便聞此偈
審諦甚微妙 三世所敬事 當廣布舍利
最勝取滅度
聞此語已彼王即驚覺時王已覺便作是歎
善哉彼衆生 取滅度之後 舍利天所傳
我等當承事
口傳耳所聞是時大王即召群臣集大衆以

此義問彼言我當以何義恤化人民彼群臣
人民各自陳言或言供養如來舍利或言祭
祀神天是時王便作是說當以至誠語擁護
其法我昨夜夢中便作是聞思惟此舍利甚
善哉爲此世故我等宜擁護世間人民自旣
獲福衆生得度已功德無有量當行威儀恩
慈皆使見照明我於夢中聞如是語又說此
偈

若聞彼音響 道場自覺知 彼是釋師子
應供養舍利

是時王集諸比丘復以此義問彼曰諸比丘

與十

十六

以法之教時王復語彼比丘言諸賢所說我
於夢中所見則是我宿植德本是時王於八
日受八關齋著純白衣撞鐘鳴鼓作倡妓樂
彈琴鼓瑟吹螺燒種種香於羅閱城欲得舍

利聞彼城裏有金券書已見金券有其形像
前世以土惠施見彼相自聞以下王須更思
惟便作是語此必當獲微妙果實我欲發開
銅函見此中文即發開函見有金券亦見文
字此券阿闍世王記
佛言有阿儵王也見此證驗即於衆中便

讀此文字於摩竭國界有羅闍城有長者名
波羅蜜多羅彼有子名毗闍耶蜜多羅第二
家名披修披陀羅有子名披修達多彼二長
者子在四衢道頭弄土戲當弄土戲時毗闍
耶蜜多羅長者子便懷歡喜便掬土惠施復
有助歡喜者如來百歲涅槃後毗闍耶蜜多
羅當出現於世緣彼土功德有王名阿儵出
沒耶種時王讀此文字便懷歡喜歎未曾有
復告群臣更讀此金券如上無異彼於此世
界人民之類皆當統領然不歎譽披修達多

共十

十七

當爲彼人臣時王便作是歎善哉大福田作
是少施獲大功德心得歡喜或有作是說我
取七塔舍利分布廣度世界是時王善哉歎
未曾有之智歡喜取彼舍利虛空之中聞神
聖聲而說此偈

當發歡悅心 善德不可稱 當廣布功德
遺舍利教化

天王於彼舍利而雨若干種華是時王起八
萬四千塔一日皆悉成是時王告彼群臣言
彼有如是真諦言教世所稱譽爲佛今已滅
度分布舍利於世界亦無衆結身淨如金亦
如白雪觀此地未曾起惡彼亦如是見此地
已擁護之所教授智不可動在巖穴中極峻
高空無有量況當統領一切一切地是福田
十力觀衆生類所起塔寺無有增減是時世

尊舍利為一切種類各各作若干種論時王
說曰猶此力無數金剛三昧碎骨而自得捨
休息云何當度此

僧伽羅刹所集佛行經卷第五

音釋

柘文夜切儵音叔切恤思律切券丘願切



法句譬喻經

西晉沙門法炬共法立譯

法句譬喻經



清刻龍藏佛說法變相圖

法句譬喻經卷第一

亦一

西晉沙門法炬共法立譯

無常品第一

昔者天帝釋五德離身自知命盡當下生世
 間在陶作家受驢胞胎何謂五德一者身上
 光滅二者頭上華萎三者欬離本座四者腋
 下汗臭五者塵土著身以此五事自知福盡
 甚大憂愁自念三界之中濟人苦厄唯有佛
 耳於是奔馳往到佛所時佛在耆闍崛山石
 室中坐禪入普濟三昧天帝見佛稽首作禮
 伏地至心三自歸命佛法聖眾未起之間其
 命忽盡便至陶家驢母腹中作子時驢自解
 走瓦坯間破壞坯器其主打之尋時傷胎其
 神即還入故身中五德還備復為天帝佛三
 昧覺讚言善哉天帝能於殞命之際歸命三

尊罪對已畢不更勤苦爾時世尊以偈頌曰
所行非常 謂興衰法 夫生輒死 此滅為樂
譬如陶家 埏埴作器 一切要壞 人命亦然
帝釋聞偈知無常之要達罪福之變解興衰
之本遵寂滅之行歡喜奉受得須陀洹道昔
佛在舍衛國精舍中為諸天人龍鬼說法時
國王波斯匿大夫人年過九十卒得重病醫
藥不差遂便喪亡王及國臣如法葬送遷神
墳墓葬送畢訖還過佛所脫服跣鞵前禮佛
足佛命令坐而問之曰王所從來衣羸形異
何所施為也王稽首曰國大夫人年過九十
間得重病奄便喪亡遣送靈柩遷葬墳墓今
始來還過覲聖尊佛告王曰自古至今大畏
有四生則老枯病無光澤死則神去親屬別
離是謂為四不與人期萬物無常難得久居

一日過去人命亦然如五河流晝夜無息人
命馳疾亦復如是於是世尊即說偈言
如河駛流 往而不返 人命如是 逝者不還
佛告大王世皆有是無長存者皆當歸死無
有脫者往昔國王諸佛真人五通仙士亦皆
過去無能住者空為悲感以損軀形夫為孝
子哀愍亡者為福為德以歸流之福祐往追
如餉遠人佛說是時王及羣臣莫不歡喜忘
憂除患諸來一切皆得道迹
昔者佛在羅閱祇竹園中與諸弟子入城受
請說法畢訖晡時出城道逢一人驅大羣牛
牧還入城肥飽跳騰轉相舐觸於是世尊即
說偈言
譬人操杖 行牧食牛 老死猶然 亦養命去
千百非一 族姓男女 貯聚財產 無不衰喪

生者日夜 命自攻削 壽之消盡 如榮穿水
佛到竹園洗足却坐尊者阿難即前稽首問
言世尊向者道中說此三偈不審其義願蒙
開化佛告尊者阿難汝見有人驅牧羣牛不
雖然見之佛語尊者阿難此屠家羣牛本有
千頭屠家日日遣人出城求好水草養令肥
長擇取肥者日牽殺之殺之過半而餘者不
覺方相舐觸跳騰鳴吼傷其無知故說偈耳
佛語尊者阿難何但此牛世人亦爾計於吾
我不知非常饕餮養五欲養育其身快心極意
更相殘賊無常宿對卒至無期朦然不覺何
異於此也時座中有貪養比丘二百人聞法
自勵逮六神通得阿羅漢眾座悲喜為佛作
禮

佛昔在舍衛國祇樹給孤獨園為諸弟子說

法時有梵志女年十四五端正聰辯父甚憐
愛卒得重病即便喪亡田有熟麥為野火所
燒梵志得此憂惱愁憤失意恍惚譬如狂人
不能自解傳聞人說佛為大聖天人之師演
說經道忘憂除患於是梵志往到佛所作禮
長跪白佛言素少子息唯有一女愛以忘憂
卒得重病捨我喪亡天性悼愴情不自勝唯
願世尊垂神開化釋我憂結佛告梵志世有
四事不可得久何謂為四一者有常必無常
二者富貴必貧賤三者合會必別離四者強
健必當死於是世尊即說偈言
常者皆盡 高者亦墮 合會有離 生者有死
梵志聞經心即開解願作比丘鬚髮自墮即
成比丘重惟非常得羅漢道

昔佛在羅閱祇耆闍崛山中時城內有姪女

人名曰蓮華姿容端正國中無雙大臣子弟莫不尋敬爾時蓮華善心自生欲棄世事作比丘尼即詣山中就到佛所未至中道有流泉水蓮華飲水澡手自見而像容色紅暉頭髮紺青形貌方正挺特無比心自悔曰人生於世形體如此云何自棄行作沙門宜當順時快我私情念已便還佛知蓮華應當化度化作一婦人端正絕世復勝蓮華數千萬倍尋路逆來蓮華見之心甚愛敬即問化人從何所來夫主兒子父兄中外皆在何許云何獨行而無侍從化人答言從城中來欲還歸家雖不相識寧可共還到泉水上坐息語不蓮華言善二人相將還到水上陳意委曲化人睡來枕蓮華膝眠須臾之頃忽然命絕胖脹臭爛腹潰蟲出齒落髮墮肢體解散蓮華

見之心大驚怖云何好人忽便無常此人尚爾我豈久存故當詣佛精進學道即至佛所五體投地作禮已訖具以所見向佛說之佛告蓮華人有四事不可恃怙何謂為四一者少壯會當歸老二者強健會當歸死三者六親歡娛會當別離四者財寶積聚要當分散於是世尊即說偈言

老則色衰 壯病自壞 形敗腐朽 命終其然
是身何用 恒漏臭處 為病所困 有老死患
嗜欲自恣 非法是增 不見聞變 壽命無常
非有子恃 亦非父兄 為死所迫 無親可怙
蓮華聞法欣然解釋觀身如化命不久停唯
有道德泥洹永安即前白佛願為比丘尼佛
言善哉頭髮自墮即成比丘尼思惟正觀即
得羅漢諸在座者聞佛所說莫不歡喜

昔佛在王舍城竹園中說法時有梵志兄弟四人各得五通却後七日皆當命盡自共議言五通之力反覆天地手捫日月移山駐流靡所不能寧當不能避此死對一人言吾入大海中上不出現下不至底正處其中無常殺鬼安知我處一人言吾入須彌山中還合其表令無際現無常殺鬼安知吾處一人言吾當輕舉隱虛空中無常殺鬼安知吾處一人言吾當藏入大市之中無常殺鬼趣得一人何必求吾也四人議訖相將辭王吾等壽筭餘有七日今欲逃命冀當得脫還乃親省惟願進德於是別去各到所在七日期滿各各命終猶果熟落市監白王有一梵志卒死市中王乃悟曰四人避對一人已死其餘三人豈得獨免王即嚴駕往至佛所作禮却坐

白佛言近有梵志兄弟四人各獲五通自知命盡皆共避之不審今者能得脫不佛告大王人有四事不可得離何謂爲四一者在中陰中不得受生二者已生不得受老三

者已老不得受病四者已病不得受死於是世尊即說偈言

非空非海中 非入山石間 無有地方所
脫之不受死 是務是吾作 當作令致是
人爲此躁擾 履踐老死憂 知此能自靜
如是見生盡 比丘馱魔兵 從生死得度
王聞佛言歎曰善哉誠如尊教四人避對一人已亡祿命有分餘復然矣羣臣從官莫不信受

教學品第二

昔佛在舍衛國祇樹精舍佛告諸比丘當勤

亦一

六

修道除棄陰蓋心明神定可免衆苦有一比丘志不明達飽食入室閉房靜眠愛身快意不觀非常冥冥懈怠無復晝夜却後七日其命將終佛愍傷之懼墮惡道即入其室彈指覺曰

咄起何爲寐 蝸螺蚌蠹類 隱蔽以不淨
迷惑計爲身 爲有被斫瘡 心而嬰疾痛
遺于衆厄難 而反爲用眠 思而不放逸
爲人學仁迹 從是無有憂 常念自滅意
正見學務增 是爲世間明 所生福千倍
終不墮惡道

比丘聞偈即時驚悟見佛親誨加敬悚息即起稽首爲佛作禮佛告比丘汝寧自識本宿命不比丘對曰陰蓋所覆實不自識也佛告比丘昔維衛佛時汝曾出家貪身利養不念

經戒飽食却眠不念非常命終魂神生蝸蟲中積五萬歲壽盡復爲螺蚌之蟲樹中蠹蟲各五萬歲此四品蟲生長冥中貪身愛命樂處幽隱以冥爲家不見光明一眠之時百歲乃覺纏綿罪網不求出要今始罪畢得爲沙門如何睡眠不知厭足於是比丘重聞宿緣慙怖自責五蓋雲除即得羅漢道

昔佛在舍衛國祇樹給孤獨園與諸天人四輩說法時有一年少比丘爲人頑愚質直踈野未解道要情意興盛思想於欲陽氣盛隆不能自制以此爲惱不獲度世坐自思惟有根斷者然後清淨可得道迹即至檀越家從之借斧還房閉戶脫去衣服坐木板上欲自斫陰正坐此陰令我勤苦經歷生死無央數劫三塗六畜皆由色欲不斷此者無緣得道

佛知其意愚癡乃爾道從制心心是根源不知當死自害墮罪長受苦痛於是世尊往入其房即問比丘欲作何等放斧著衣禮佛自陳學道日久未解法門每坐禪定垂當得道爲欲所蓋驚陽氣隆盛意惑自冥不覺天地諦自責念事皆由此是以借斧欲制斷之佛告比丘卿何愚癡不解道理欲求道者先斷其癡然後制心心者善惡之根源欲斷根者當先制其心心定意解然後得道於是世尊即說偈言

學先斷毋率君二臣廢諸營從是上道人佛告比丘十二因緣以癡爲本癡者衆罪之源智者衆行之本先當斷癡然後意定佛說是已比丘慚愧即自責言我爲愚癡迷惑來久不解古典使如此耳今佛所說甚爲妙哉

內思正定安般守意制心伏情杜閉諸欲即得定意在於佛前逮得應真

昔佛在羅閱祇國靈鷲山中爲諸天人國王大臣說甘露法有一比丘剛猛勇健佛知其意遣至山後鬼神谷中令樹下坐數息求定知息長短安般守意斷求滅苦可得泥洹比丘受教往至谷中端坐定意但聞山中鬼神語聲不見其形但有音聲悚息怖懼不能自寧意欲悔還即自念言居家大富宗族又強復出家學道獨見安處鬼神深山既無伴侶又無行人但有諸鬼數來怖人思惟如是未去之間於是世尊往到其邊坐一樹下而問之曰汝獨在此將無怖懼耶比丘稽首白言初未曾入山在此實憂須臾之間有一野象王來在邊倚樹而卧心獨歡喜遠離諸象一

何快哉佛知象意告比丘曰汝寧知是象所
由來不對曰不審佛告比丘此象眷屬大小
五百餘頭患厭小象捨來至此倚樹而卧自
念得離恩愛牢獄一何快哉象是畜生猶思
閑靜況汝捨家欲求度世方以獨自欲求伴
侶愚冥伴侶多所傷敗獨住無對亦無謀議
寧獨修道不用愚伴於是世尊即說偈言
學無朋類 不得善友 寧獨守善 不與愚偕
樂戒學行 奚用伴爲 獨善無憂 如空野象
佛說是時比丘意解內思聖教即得應真谷
中鬼神亦皆開解爲佛弟子受誓誠教不復
侵民佛與比丘共還精舍

飢渴熱渴呼吸故泉之中有升餘水而有細
蟲不可得飲二人相對曰故從遠來欲望見
佛不圖今日沒命於此也一人言且當飲水
以濟吾命進前見佛焉知其餘也一人荅曰
佛之明戒仁慈爲首殘生自活見佛無益寧
守戒而死不犯戒而生也一人即起極意快
飲於是進路一人不飲遂致殞命即生第二
忉利天上思惟自省而識宿命持戒不犯今
來生此信哉福報其不遠矣即持香華下到
佛所爲佛作禮却住一面其飲水者道路疲
頓經日乃達見佛神德至尊巍巍稽首禮畢
涕泣自陳我伴一人於彼命終感其不達願
佛知之佛言吾已明矣佛以手指曰今此天
人則是伴也全戒生天又先至矣於是世尊
披胷示之汝觀我形不奉我戒雖云見我我

不見汝也去我萬里奉行經戒此人則為在
我目前於是世尊即說偈言

學而多聞 持戒不失 兩世見譽 所願者得
學而寡聞 持戒不完 兩世受痛 喪其本願
天學有二 常親多聞 安諦解義 雖困不邪
於是比丘聞偈慚怖稽首悔過嘿思所行天
人聞偈心意欣悅逮得法眼天人聚會莫不
奉行

多聞品第三

昔舍衛國有一貧家夫婦慳惡不信道德佛
愍其愚現為貧本一沙門詣門分衛十時夫不在
其婦罵詈無有道理沙門語曰吾為道士乞
句自居不得罵詈唯望一食耳主人婦曰若
汝立死食尚巨得況今平健欲望我食但稽
時節不如早去於是沙門住立其前戴眼扞

氣便現死相身體胖脹鼻口蟲出腹殞腸爛
不淨流漫其婦見此恐怖失聲棄捨而走於
是道人忽然捨去去舍數里坐樹下息其夫
來歸道中見婦怪其驚怖其婦語夫有其沙
門見怖如此夫主瞋怒問為所在婦曰已去
想亦未遠夫即執弓帶刀尋跡往逐張弓拔
刀奔走直前欲斫道人道人即化作瑠璃小
城以自圍繞其人繞城數匝不能得入即問
道人何不開門道人曰欲使開門棄汝弓刀
其人自念當隨其語若當得入手拳加之尋
棄弓刀門故不開復語道人已棄弓刀門何
不開道人曰吾使汝棄心中惡意弓刀耳非
謂手中弓刀也於是其人心驚體悸道人神
聖乃知我心即便叩頭悔過啓道人曰我有
弊妻不識真人使我與惡願小垂慈莫便見

亦

十一

捨今欲將來勸令修道即起還歸其妻問曰沙門所在其夫具說神變之德今者在彼卿自宜往改悔滅罪於是夫妻至道人所五體悔過願為弟子跪問道人神變聖達乃爾有瑠璃城堅固難踰志明意定永無憂患行何道德致此神妙道人曰吾博學無厭奉法不懈精進持戒忍不放逸緣是得道自致泥洹於是道人因說偈言

多聞能持固 奉法為垣墻 精進難踰毀
從是戒慧成 多聞令志明 以明智慧增
智則博解義 見義行法安 多聞能除憂
能以定為歡 善說甘露法 自致得泥洹
聞為知律法 解疑亦見正 從聞捨非法
行到不死處
道人說偈已現佛光相洪暉赫奕照曜天地

夫妻驚愕精神戰懼改惡洗心頭腦打地壞二十億惡得須陀洹道

昔佛在拘睢尼國美音精舍與諸四輩廣說大法有一梵志道士智博通達眾經備舉無事不貫貢高自譽天下無比求敵而行無敢應者晝日執炬行城市中人問之曰何以晝日執炬而行梵志答曰世皆愚冥目無所見是以執炬照之耳觀察世間無敢言者佛知梵志宿福應度而行貢高求勝名譽不計無常自恃憍恣如是當墮太山地獄無央數劫求出甚難佛即化作一賢者居肆上坐即呼梵志何為作此梵志答曰以眾人冥晝夜不見明故執炬火而照之耳賢者重問梵志經中有四明法為知之不對曰不審何謂四法一者明於天文地理和調四時二者明於星

亦一

十二

宿分別五行三者明於治國綏化有方四者明於將兵固而無失卿爲梵志有此四明法以不梵志慚愧棄炬叉手有不及心佛知其意即還復身光明炳然晃照天地便持梵聲爲梵志說偈曰

若多少有聞 自大以憍人 是以盲執燭 照彼不自明

佛說偈已告梵志曰冥中之甚無過於汝而晝執炬行入大國如卿所知何如一塵梵志聞之有慚愧色即便叩頭願爲弟子佛即受之令作沙門意解妄止即得應真

昔舍衛國有大長者名曰須達得須陀洹有親友長者名曰好施不信佛道及諸醫術時得重病委頓著牀宗親知友皆就省問勸令治病死死不肯答衆人言吾事日月忠孝君

父畢命於此終不改志須達語曰吾所事師號曰爲佛神德廣被見者得福可試請來說經呪願聽其所說言行進趣何如餘道事之與不隨卿所志以卿病久不時除差勸卿請佛冀蒙其福好施日佳卿便爲吾請佛及衆弟子須達即便請佛及僧往詣其門佛放光明內外通徹長者見光欣然身輕佛前就坐慰問長者所病何如昔事何神作何療治長者白佛奉事日月君長先人恭敬齋戒祈請萬端得病經時未蒙恩祐醫藥針灸居門所忌經戒福德素所不知先人以來守死於此佛告長者人生世間橫死有三有病不治爲一橫死治而不慎爲二橫死憍恣自用不達逆順爲三橫死如此病者非日月天地先人君父所能除遣當以明道隨時安濟一者四

大寒熱當須醫藥二者衆邪惡鬼當須經戒
三者奉事賢聖矜濟窮厄德感神祇福祐羣
生以大智慧消去陰蓋奉行如此現世安吉
終無枉橫戒慧清淨世世常安於是世尊即
說偈言

事日爲明故	事父爲恩故	事君以力故
聞故事道人	人爲命事醫	欲勝依豪強
法在智慧處	福行世世明	察友在爲謀
別伴在急時	觀妻在房樂	欲知智在說
爲能師見道	解疑令學明	亦興清淨本
能奉持法藏	聞能今世利	妻子昆弟友
亦致後世福	積聞成聖智	能攝爲解義
解則戒不穿	受法猗法者	從是疾得安
是能散憂患	亦除不祥衰	欲得安隱吉
當事多聞者		

於是長者聞佛說法心意疑結燿然雲除良
醫進療委心道德四大安靜衆患消除如飲
甘露中外怡懌身安意定得須陀洹道宗室
國人莫不敬奉

昔羅閱祇國南有大山去城二百里南土諸

亦一

十四

國路由此山山道深邃有五百賊依險劫人
後遂縱橫所害狼藉衆賈被毒王路不通國
王追討不能擒獲時佛在國哀愍羣生念彼
賊輩不知罪福世有如來而目不覩法鼓日
振而耳不聞吾不徃度如石沉淵化作一人
著好衣服乘馬帶刀手執弓矢鞍勒嚴飾金
銀莊校以明月珠垂珞馬體跨馬鳴絃往入
山中羣賊見之以爲成事作賊積年未有此
便卵之投石與此何異羣賊齊頭徑前圍繞
挽弓拔刀諍欲剝脫於是化人舉弓一發使

五百賊各被一箭以刀指擬各被一瘡瘡重
箭深即皆顛倒五百羣賊宛轉卧地叩頭歸
降爲是何神威力乃爾乞蒙原赦以活微命
願時技箭使瘡除愈今者瘡痛不可堪忍化
人答曰是瘡不痛箭不爲深天下瘡重莫過

於憂殘害之甚莫過於愚汝懷貪得之憂殘
害之心刀瘡毒箭終不可愈此二事者根本
深固勇力壯士所不能拔唯有經戒多聞慧
義以此明道療治心病拔除憂愛愚癡貢高
制伏剛強豪富貪欲積德學慧乃可得除長
獲安隱於是化人即現佛身相好^{十五}挺特金顏
殊妙即說偈言

斫瘡無過憂 射箭無過愚 是壯莫能拔
唯從多聞除 盲從是得眼 闇者從得明
示導世間人 如目將無目 是故可捨癡

離慢豪富樂 務學事聞者 是名積聚德
於是五百人見佛光相重聞此偈叩頭歸命
尅心悔過刀瘡毒箭自然除愈歡喜心開即
受五戒國界安寧莫不歡喜
篤信品第四

昔者舍衛城東南有大江水既深而廣有五
百餘家居在岸邊未聞道德度世之行習於
剛強欺詐爲務貪利自恣快心極意世尊常
念其應度者當往度之知此諸家福應當度
於是世尊往至水邊坐一樹下村人見佛光
相奇異莫不驚肅皆往禮敬或拜或揖問訊
起居佛命令坐爲說經法衆人聞之而心不
信習於欺怠不信真言佛便化作一人從江
南來足行水上正沒其踝來至佛前稽首禮
佛衆人見之莫不驚怪問化人曰吾等先人

以來居此江邊未曾聞人行水上者卿是何人有何道術履水不沒願聞其意化人荅曰吾是江南愚冥之人聞佛在此貪樂道德至南岸邊不時得渡問彼岸人水為深淺彼人見語水可齊蹠何不涉渡吾信其言便爾來過無他異術佛讚言善哉善哉夫執信誠諦可度生死之淵數里之江何足為奇於是世尊即說偈言

信能度淵 攝為船師 精進除苦 慧到彼岸
士有信行 為聖所譽 樂無為者 一切縛解
信乃得道 法致滅度 從聞得智 所到有明
信之與戒 慧意能行 健夫度志 從是脫淵
於是村人聞佛所說見信之證心開信堅皆受五戒為清信士明信自修法教普聞天下昔佛在世有大長者名修羅陀財富無數信

向道德自誓常以臘月八日請佛及僧終身子孫奉行不廢長者亡時囑見勿廢見名比羅陀後日漸貧居無所有臘月已至無用供辦愁感不樂佛遣目連往問比羅陀汝父直月欲至當設何計比羅陀荅言亡父教令不敢違之唯願世尊勿見忽棄也八日中時迴光臨盼目連即還具白如是比羅陀即將妻至外家質百兩金還舍供辦一切具足佛與千二百五十眾僧往詣其舍坐畢行水下食澡竟還於精舍比羅陀歡喜不敢悔恨其日夜半諸故藏中自然寶物悉滿如故比羅陀夫婦明旦見之喜而且懼懼官見問所從得此夫妻共議當往問佛尋到佛所具白如此佛告比羅陀安意快用勿有疑難汝之履信不違父教持戒慚愧沒命不二聞施慧道七

財滿具福德所致非為災變智者能行不問男女所生之處福應自然於是世尊即說偈言

信財戒財 慚愧亦財 聞財施財 慧為七財
從信守戒 常淨觀法 慧而履行 奉教不忘
生有此財 不問男女 終已不貧 賢者識真
比羅陀聞佛所說益加篤信稽首佛足歡喜
還家具宣佛教誨其妻子遂相承繼皆得道迹

戒慎品第五

昔波羅奈國有山去城四五十里有五沙門處山學道晨旦出山人間乞食食訖還山晚暮乃到往還疲極不堪坐禪思惟正定歷年如是不能得道佛愍念之勞而無獲化作一道人往到其所問諸道人隱居修道得無勞

倦諸沙門言吾等住此去城既遠四大之身當須飲食日日供給往還疲勞經年歷歲勤苦竟已晝日往返暮輒疲頓不暇復得修道為當正爾畢命而已道人語曰夫為道者以戒為本攝心為行賤形貴真朽棄軀命食以支形守意正定內學止觀滅意得道養身順情安得免苦願諸道人明日莫行吾當供養使諸道人休息一日時五沙門意大歡喜怪未曾有安心定意不復憂行明日日中此化道人送食而來食訖安和心意憺怕於是化人為說偈言

比丘立戒 守攝諸根 食知自節 寤意令應
以戒降心 守意正定 內學止觀 無忘正智
明哲守戒 內思正智 行道如應 自清除苦
化道人說此偈已顯現佛身光相之容於是

五沙門精神震動感恩唯戒即得阿羅漢

惟念品第六

昔佛在世時弗加沙王與瓶沙王親友弗加沙王未知佛道作七寶華以遺瓶沙瓶沙王得之轉奉上佛白佛言弗加沙王與我親友遺我此華今以上佛願令彼王心開意解見佛聞法奉敬聖衆當以何物以報所遺佛告瓶沙寫十二因緣經送持與之彼王得經心必信解即寫經卷別書文曰卿以寶華見遺今以法華相上詳思其義果報深美到便誦習以同道味弗加沙得經讀之尋省反覆燿然信解喟然嘆曰道化真妙精義安神國榮五欲憂惱之原累劫習迷始今乃寤顧視流俗無可貪樂即召羣臣國付太子便自剃頭行作沙門法服持鉢詣羅闕祇城外陶家窰

中寄宿明日入城分衛食訖當至佛所奉受

經戒佛以神通知弗加沙明日食時其命將

終故從遠來不得見佛受不聞經甚可憐愍

於是世尊化作沙門往至陶家欲求寄宿陶

家語曰向有一沙門在彼窰中可共止宿也

把草入窰坐於一面問弗加沙從何所來師

爲是誰以何因緣行作沙門爲見佛未弗加

沙言吾未見佛聞十二因緣便作沙門明日

入城乃分衛已當往見佛耳化沙門言人命

危脆朝夕有變無常宿對卒至無期但當觀

身四大所由合成散滅各還其本思惟覺意

空淨無想專念三尊布施戒德能知無常見

佛無異方念明日種無益想時化沙門即說

偈言

夫人得善利 乃來自歸佛 是故當晝夜

常念佛法衆 已知自覺意 是爲佛弟子
常當晝夜念 佛與法及衆 念身念非常
念戒布施德 空不願無相 晝夜當念是
時化沙門在於窰中爲弗加沙說非常之要
弗加沙王思惟意定即得阿那含道佛知已
解爲現佛身光明相好弗加沙王驚喜踊躍
稽首作禮佛重告之曰罪對無常畢故莫恐
弗加沙王言敬奉尊教忽然別去明日食時
弗加沙王入城分衛於城門中逢新產犍牛
護犍觝殺弗加沙王腹潰命終即生阿那含
天佛遣諸弟子闍維起塔佛語諸弟子罪對
之根不可不慎也

慈仁品第七

昔佛在羅閱祇去國五百里有山山中有一
家有百二十人生長山藪殺獵爲業衣皮

食肉初不田作奉事鬼神不識三尊佛以聖
明知其應度往詣其家坐一樹下男子行獵
唯有婦女在見佛光相明照天地山中木石
皆變金色大小驚喜知佛神人皆往禮拜供
施坐席佛爲諸母人說殺生之罪行慈仁之
福恩愛一時會亦一有離別諸母人聞經歡喜前
白佛言山民貪害以肉爲食欲設微供願當
納受佛告諸母人諸佛之法不以肉食吾以
食來不須復辦因告之曰夫人生世所食無
數何以不作有益之食而殘害羣生以自濟
活死墮惡道損而無益人食五穀當愍衆生
蠕動之類莫不貪生殺彼活已殃罪不朽慈
仁不殺世世無患於是世尊即說偈言
爲仁不殺 常能攝身 是處不死 所適無患
不殺爲仁 慎言守心 是處不死 所適無患

垂拱無爲 不害衆生 無所燒惱 是應梵天
常以慈悲 淨如佛教 知足知止 是度生死
佛說偈已 男子獵還 諸婦聽經 不復行迎 其
夫驚疑怪 不如常棄肉 來歸謂有變故 至見
諸婦皆坐佛前 叉手聽經 瞋恚擊穀 欲圖毀
佛 諸婦諫曰 此是神人 勿興惡意也 即各悔
過 爲佛作禮 佛重爲說 不殺之福 殘害之罪
夫主意解 長跪白佛 吾等生長深山 以殺獵
自居 罪過累積 當行何法 得免重殃 於是世
尊即說偈言

履仁行慈 博愛濟衆 有十一譽 福常隨身
卧安覺安 不見惡夢 天護人愛 不毒不兵
水火不喪 在所得利 死昇梵天 是爲十一
佛說偈已 男女大小 百二十二人 歡欣信受
皆持五戒 佛語瓶沙王 給其田地 賜與穀食

仁化廣普 國界安寧

昔有大國王 名和默處 在邊境 未覩三尊聖
妙之化 奉事梵志 外道妖蠱 舉國奉邪 殺生
祭祀 以此爲常 時王母病 委頓著牀 使諸醫
師 不蒙湯藥 遣諸聖女 所在求請 經年歷歲
未得除瘥 更召國內 諸婆羅門 得二百人 請
入 令坐 供設飲食 而告之曰 吾大夫人 病困
經久 不知何故 乃使如此 卿等多智 明識相
法 天地星宿 有何不可 具見告示 諸婆羅門
言 星宿倒錯 陰陽不調 故使爾耳 王曰 作何
方宜 使得除愈 婆羅門言 當於城外 平治淨
處 郊祠四山 日月星宿 當得百頭畜生 種種
各異類 及一小兒 殺以祠天 王自躬身 將母
至彼 跪拜 請命 然後乃瘥 王即供辦 如其所
言 驅人象馬牛羊 百頭 隨道 悲鳴 振動天地

從東門出當就祭壇殺以祠天世尊大慈普濟衆生愍是國王頑愚之甚云何與惡殺衆生命欲救一人於是世尊將從大衆往到其國在城東門道路逢王及婆羅門輩所驅畜生悲鳴而來王遙見佛如日初出如月盛滿光相炳然照曜天地人民見者莫不愛敬所驅畜生祭餼之具皆願求脫王即前進下車却蓋爲佛作禮叉手長跪問訊世尊佛命令起問欲所至拱手荅言國太夫人得病經久良醫神祇無不周遍今始欲行解謝星宿四山五嶽爲母請命亦一冀蒙得瘥佛告大王善聽一言欲得穀食當行耕種欲得大富當行布施欲得長命當行大慈欲得智慧當行學問行此四事隨其所種還得其果夫富貴之家不貪貧賤之食諸天以七寶爲宮殿衣食自

然豈當捨甘露之食來食麤穢也祠祀淫亂以邪爲正殺生求生去生道遠殺害衆命欲救一人安得如此於是世尊即說偈言
若人壽百歲 勤事天下神 象馬用祭祀 不如行一慈

佛說偈時即放光明烈照天地三塗八難莫不歡喜各得其所國王和默聞說妙法又覩光明甚大歡喜即得道迹病母聞法五情悅豫所患消除二百梵志覩佛光相重聞其言慚愧悔過願爲弟子佛盡受之皆作沙門各得如願王及大臣請佛說法供養一月乃去以法治正國遂興隆
言語品第八

昔弗迦沙王入羅閱祇城分衛於城門中爲新產犍牛所舐殺牛主怖懼賣牛轉與他人

亦一

于三

其人牽牛欲飲之牛從後復舐殺其主其主有子瞋恚取牛殺之於市賣肉有田舍人買取牛頭貫擔持歸去舍里餘坐樹下息以牛頭掛樹枝須臾繩斷牛頭來下正墮人上牛角刺人即時命終一日之中凡殺三人瓶沙王聞之怪其如此即與羣臣行詣佛所到作禮畢却坐王位叉手白佛言大可怪世尊一頭犍牛而殺三人將有變故願聞其意佛告瓶沙王罪對有原非適今也王曰願聞其由佛言往昔有賈客三人到他國治生寄住孤獨老母舍應顧舍直見老母孤獨欺不欲與伺老母不在嘿聲捨去竟不與直老母來歸不見賈客即問比居云皆已去老母瞋恚尋後追逐疲頓乃及責索舍直三賈客逆罵詈言我前已相與云何復索同聲共舐不肯與

直老母單弱不能奈何懊惱呪誓語三賈客我今窮厄何忍欺舐於我願我後世所生之處若當相值要當殺汝正使得道終不相置殺汝乃休不爾不止佛語瓶沙爾時老母者今此犍牛是也三賈客者弗迦沙等三人爲牛所舐殺者是於是世尊即說偈言

惡言罵詈 僥陵憐人 興起是行 疾怨滋生
遜言順辭 尊敬於人 棄結忍惡 疾怨自滅
夫士之生 芥在口中 所以斬身 由其惡言
佛說是時瓶沙王官屬一切莫不恭肅願崇善行作禮而去

雙要品第九

昔舍衛國王名波斯匿王到佛所下車却蓋解劔脫履拱手直進五體投地稽首足下長跪白佛願以來日於四街道施設微食欲使

亦一

二十四

國人知佛至尊願令衆生遠鬼妖蠱悉奉五戒以消國患佛言善哉夫爲國主宜有明導率民以道求來世福王曰至真請退嚴辦手自爲飯身往奉迎佛與衆僧俱至四衢佛至就坐即行澡水手自斟酌佛食飯畢於四道頭爲王說法觀者無數時有兩商人一人念曰佛如帝王弟子猶忠臣佛陳明法弟子誦宣斯王明矣知佛可尊屈意奉之一人念曰斯王愚惑爾爲國王將復何求佛者若牛弟子猶車彼牛牽車東西南北佛亦如是子有何道而下意奉之二人俱去行三十里停宿沽酒共飲評論矚事其善念者四王護之其惡念者太山鬼神令酒入腹如火燒身出亭路卧宛轉轍中晨商人車五百乘轢殺之馬伴明日求之已殺曰還國見疑取物去不義

輕身委財逝至他國國王崩亡無太子讖書云何土有微人當王斯土故王有神馬任王必屈膝即具嚴駕神馬印綬行來國土觀者數千商人亦出國太史曰彼有黃雲之蓋斯王者氣神馬屈膝舐商人足羣臣預作香湯亦一澡浴拜爲國王於是遂處位聽省國事二十五深思曰余無微善何緣獲此必是佛恩使之然也即與羣臣向舍衛國遥稽首曰賤人無德蒙世尊慈得王此國明日願與應真衆垂意願斯一時三月佛告阿難敕諸比丘明日彼王請皆當作變化令彼國王人民歡喜各作神足往到彼國皆次就坐如法儼然下食畢訖澡手爲王說法王曰吾本微人素無快德何緣獲斯佛告王曰昔彼天王飯佛於四衢道王心念言佛如國王弟子猶臣下王種斯

我今自獲果彼一人云佛者若牛弟子猶車
彼人自種車轆之災今在太山地獄爲火車
所轆自獲其果然非王勇健所能致矣爲善
福隨爲惡禍追此爲自作非天龍鬼神所能
與於是世尊即說偈言

心爲法本 心尊心使 中心念惡 即言即行
罪苦自追 車轆於轍 心爲法本 心尊心使
中心念善 即言即行 福樂自追 如影隨形
佛說經偈已王及臣民聽者無數皆大歡喜
逮得法眼

昔耆闍崛山後有婆羅門七十餘家宿福應
度佛到其村現道神足衆人見佛光相巍巍
莫不敬伏佛坐樹下問諸梵志居此山中爲
幾何世有何方業以自供給曰居此以來三
十餘世田作畜牧以此爲業又問奉修何行

求離生死答曰事日月水火隨時祭祠若有
死者大小聚會唱生梵天以離生死佛語諸
婆羅門夫田作畜牧祭祠日月水火唱叫生
天非是長存離生死法極福無過二十八天
無有道慧還墮三塗唯有出家修清淨志履
行寂義可得泥洹於是世尊即說偈言

以真爲僞 以僞爲真 是爲邪計 不得真利
知真爲真 見僞知僞 是爲正計 必得真利
世皆有死 三界無安 諸天雖樂 福盡亦喪
觀諸世間 無生不終 欲離生死 當行道真
七十婆羅門聞佛所說欣然意解願作沙門
佛言善來比丘鬚髮自墮皆成沙門佛與共
還精舍至於中路顧戀妻息各有退意時遇
天雨益懷憂慘佛知其意便於道邊化作數
十間舍入中避雨而舍穿漏佛因舍漏而說

偈言

蓋屋不密 天雨則漏 意不惟行 姪洩爲穿
蓋屋善密 雨則不漏 攝意惟行 姪慝不生
七十沙門聞說此偈雖強自進猶懷菅菅兩
止前行地有故紙佛告比丘取之受教即取
佛問比丘以爲何紙諸比丘白佛此裏香之
紙今雖捐棄處香如故佛復前行地有斷索
佛告比丘取之受教即取佛復問曰此何等
索諸比丘白佛其索腥臭此繫魚之索佛語
比丘夫物本淨皆由因緣以興罪福近賢明
則道義隆友愚闇則殃罪集譬彼紙索近香
則香繫魚則腥漸染說習各不自覺於是世
尊即說偈言
鄙夫染人 如近臭物 漸迷習非 不覺成惡
賢夫染人 如附香熏 進智習善 行成潔芳

七十沙門重聞此偈知家欲爲穢數妻子爲
桎梏執信堅固往至精舍攝意惟行得羅漢
道昔長者須達買太子園田共造精舍奉上
世尊各請佛及僧供養一月佛爲二人廣陳
明法皆得道跡時太子祇陀歡喜還東宮歎
佛之德作樂自娛祇陀弟瑠璃常在王邊時
王素服與諸近臣及後宮夫人往詣佛所稽
首禮畢一心聽經瑠璃在後典衛御座時諸
佞臣阿薩陀等姦謀啓曰試著大王印綬坐
御座上如似王不於是瑠璃即隨其言被服
昇座諸佞臣等皆共拜賀正似大王千載遭
遇黎庶之願豈使東宮闕闕於此此之御座
豈可昇而復下也即率所領貫鉀拔劍自就
到祇洹斥徙大王不得還宮與王官屬戰祇
洹間殺王近臣五百餘人王與夫人播逆晨

夜至舍夷國中道飢餓王散蘆葍腹脹而薨
於是瑠璃遂即專制拔劍入東宮斫殺兄祇
祇知無常心不恐懼顏色不變含笑熙怡甘
心受刃命未絕間聞虛空中自然音樂聲迎
其魂神佛於祇洹即說偈言

造喜後喜 行善兩喜 彼喜惟歡 見福心安
今歡後歡 為善兩歡 厥為自祐 受福悅豫
是時瑠璃王尋興兵眾伐舍夷國殺害釋種
道迹之人殘暴無道五逆兼備佛記瑠璃不
孝不忠眾罪深重却後七日當為地獄火所
燒殺又太史記亦一記與佛同王大怖懾即乘船
入海吾今處水火不得來七日日中有自然
火從水中出燒船覆沒王亦被燒恐怖毒熱
忽然沉終於是世尊即說偈言
造憂後憂 行惡兩憂 彼憂惟懼 見罪心懾

今悔後悔 為惡兩悔 厥為自殃 受罪熱惱
佛說是已告諸比丘太子祇者不貪榮位守
死懷道上生天上安樂自然瑠璃王者狂愚
快意死墮地獄受苦無數一切世間豪貴貧
賤皆歸無常無長存者是以高士殞命全行
為精神寶佛說是時莫不信受

法句譬喻經卷第一

音釋

萎邕危切 坯鋪杯切 未蘇典切 殞羽敏切 埏足發切 埴尸埏切
連切 埴丞職切 跣蘇典切 鞮勿發切 埴尸埏切
埴埴和黏土也 跣親地也 鞮足發切 埴尸埏切
巨救切 駛疾也 餉式亮切 晡奔謹切 日
棺也 駛疾也 餉式亮切 晡奔謹切 日
觥都禮切 榮疾也 穿疾也 郢切 坑小水 餐餐 餐餐
觥都禮切 榮疾也 穿疾也 郢切 坑小水 餐餐 餐餐

法句譬喻經卷第二

亦二

西晉沙門法炬共法立譯

放逸品第十

昔佛在世時有五百賈客從海中大持七寶
 還歸本國經歷深山為惡鬼所迷不能得出
 糧食乏盡窮頓困厄遂皆飢死所齎寶貨散
 在山間時有沙門在山中學道見其如此便
 起想念吾勤苦學道積已七年不能得道又
 復貧窮無以自濟此寶物無主取之持歸用
 立門戶於是下山拾取寶物藏著一處已便
 出山求呼兄弟負馱持歸方到道半佛念比
 丘應當得度佛便化作一比丘尼剃頭法服
 粧面畫眉金銀瓔珞隨谷入山道逢沙門頭
 面作禮問訊起居道人呵比丘尼曰為道之
 法應得爾不剃頭著法衣云何復粧面畫眉

瓔珞身體也比丘尼荅曰沙門之法為應爾
 不辭親學道山居靜志云何復取非其財物
 貪欲忘道快心放意不計無常生世如寄罪
 報延長於是比丘尼為說偈言

比丘謹慎戒 放逸多憂患 變諍小致大
 積惡入火焚 守戒福致喜 犯戒有懼心
 能斷三界漏 此乃近涅槃

是時比丘尼說此偈已為現佛身相好光明
 沙門見之悚然毛豎稽首佛足悔過自陳愚
 癡迷謬違犯正教往而不返其將奈何於是
 世尊即說偈言

若前放逸 後能自禁 是照世間 念定其宜
 過失為惡 追覆以善 是照世間 念善其宜
 少壯捨家 盛修佛教 是照世間 如月雲消
 人前為惡 後止不犯 是照世間 如月雲消

於是比丘重聞此偈結解貪止稽首佛足還到樹下數息相隨止觀還淨獲道果證成阿羅漢

心意品第十一

昔佛在世時有一道人在河邊樹下學道十

二年中貪想不除走心散意但念六欲目色

耳聲鼻香口味身更心法身靜意遊曾無寧

息十二年中不能得道佛知可度化作沙門

往至其所樹下共宿須臾月明有龜從河中

出來至樹下復有水狗飢行求食與龜相逢

便欲斃龜龜縮其頭尾及其四脚藏於甲中

不能得斃水狗小遠復出頭足行步如故不

能奈何遂便得脫於是道人問化沙門此龜

有護命之鎧水狗不能得其便化沙門答曰

吾念世人不如此龜不知無常放恣六情外

魔得便形壞神去生死無端輪轉五道苦惱百千皆意所造宜自勉勵永滅度安於是化沙門即說偈言

有身不久皆當歸土形壞神去寄住何貪

心務造處往來無端念多邪僻自為招患

是意自造非父母為可勉向正為福勿回

藏六如龜防意如城慧與魔戰勝則無患

於是比丘聞說此偈貪斷婬止即得羅漢道

知化沙門是佛世尊敬肅整服稽首佛足天

龍鬼神莫不歡喜

華香品第十二

昔佛在舍衛國國東南海中有臺臺上有華

香樹樹木清淨有婆羅門女五百人奉事異

道意甚精進不知有佛時諸女自相謂曰我

等稟形生為女人從少至老為三事所監不

得自由命又短促形如幻化當復死亡不如
共至華香臺上採取香華精進持齋降屈梵
天當從求願願生梵天長壽不死又得自在
無有監忌離諸罪對無復憂患即齋供具往
至臺上採取華香奉事梵天一心持齋願屈
尊神於是世尊見此諸女雖為俗齋其心精
進應可化度即與大眾弟子菩薩天龍鬼神
飛昇虚空往至臺上坐於樹下諸女歡喜謂
是梵天自相慶慰得我所願矣時一天人語
諸女言此非梵天是三界尊號名為佛度人
無量於是諸女前至佛所為佛作禮前白佛
言我等多垢今為女人求離監檢願生梵天
佛言諸女快得善利乃發此願世有二事其
報明審為善受福為惡受殃世間之苦天上
之樂有為之煩無為之寂誰能選擇取其真

者善哉諸女乃有明志於是世尊即說偈言
孰能擇地捨監取天 誰說法句 如擇善華
學者擇地捨監取天 善說法句 能採德華
知世坏喻 幻法忽有 斷魔華敷 不覩死生
見身如沫 幻法自然 斷魔華敷 不覩死生
於是諸女聞佛此偈願學真道為比丘尼頭
髮自墮法衣具足思惟寂定即得羅漢道阿
難白佛言今此諸女素有何德乃令世尊而
就度之一聞說法出家得道也佛告阿難昔
迦葉佛時有大長者財富無數夫人姝女有
五百人其性妬惡門不妄開夫人姝女欲往
見佛終不肯聽後日國王召諸大臣上殿宴
會會輒竟日時夫人姝女見長者入會便共
至佛所稽首作禮小坐聽經各發願言令我
世世莫與惡人相遭遇所生之處恒與道德

聖人相值聞來世有佛名釋迦文願與相值
出家學道奉持訓誨佛語阿難爾時夫人姪
女五百人者今此五百比丘尼是本願懇惻
今應得度是以世尊就度之耳佛說是時莫
不敬喜

昔佛始得道在羅閱祇國教化轉到舍衛國
國王羣臣莫不宗仰時有賈客大人名曰波
利與五百賈人入海求寶時海神出掬水問
波利言海水爲多掬水爲多波利荅曰掬水
爲多所以者何海水雖多無益時用不能救
彼飢渴之人掬水雖少值彼渴者持用與之
以濟其命世世受福不可貲計海神歡喜讚
言善哉即脫身上八種香瓔校以七寶以與
波利海神送之安善往還到舍衛國持此香
瓔上波斯匿王具陳所由念是香瓔非小人

亦二

五

所服謹以貢上願蒙納受王得香瓔以爲奇
異即呼諸夫人羅列前住若最好者以香瓔
與之六萬夫人盡嚴來出王問末利夫人何
以不出侍人荅言今十五日持佛法齋素服
不嚴是以不出王便瞋恚遣人呼曰如今持
齋應違王之命不乎如是三反末利夫人素
服而出在衆人中明如日月倍好於常王意
悚然加敬問曰有何道德炳然有異夫人白
王自念少福稟斯女形情態垢穢日夜山積
人命短促懼墜三塗是以月月奉佛法齋割
愛從道世世蒙福王聞歡喜便以香瓔以與
末利夫人夫人荅言我今持齋不應著此可
與餘人王曰我本發意欲與勝者卿今最勝
又奉法齋道志殊高是以相與若卿不受吾
將安置夫人荅言大王勿憂願王屈意共到

佛所以此香瓔奉上世尊并採聖訓累劫之福矣王即許焉即敕嚴駕往到佛所稽首於地却就王位王白佛言海神香瓔波利所上六萬夫人莫不貪得末利夫人與而不取持佛法齋心無貪欲謹以上佛願垂納受世尊弟子執心護齋直信如此豈有福乎於是世尊爲受香瓔即說偈言

多作寶華 結步搖綺 廣積德香 所生轉好
奇草芳華 不逆風熏 近道敷開 德人遍香
栴檀多香 青蓮芳華 雖曰是真 不如戒香
華香氣微 不可謂真 持戒之香 到天殊勝
戒具成就 行無放逸 定意度脫 長離魔道
佛說偈已重告王曰齋之福祐明譽廣遠譬
如天下十六大國滿中珍寶持用布施不如
末利夫人一日一夕持佛法齋如此其福須

卷二

六

彌以豆矣積福學慧可到泥洹王及夫人羣臣大小莫不歡喜執戴奉行

佛在羅閱祇者闍崛山中城中有長者子五十人往詣佛所作禮却坐佛爲說無常苦空非身之法恩愛如夢會當別離尊榮豪貴亦有憂戚唯有涅槃永離生死羣殃盡滅乃可大安時五十人聞法喜悅願爲弟子佛言善來比丘鬚髮自墮法衣具足即成沙門此諸沙門有親友長者聞其出家意大代其歡喜往到者闍崛山與之相見讚言諸君快得善利乃有此志爲之設壇請佛及僧明日佛與衆會就其舍食食訖說法晡時乃還此諸新學沙門戀慕宗黨皆欲返退佛知其意將出城門見田溝中汙泥糞壤中生蓮華五色香潔其香芬熏乃蔽諸臭佛便趣之因說偈言

如田作溝 近於大道 中生蓮華 香潔可意
有生死然 凡夫處邊 智者樂出 爲佛弟子
佛說偈已即還山中賢者阿難前白佛言向
者世尊臨田溝上所說二偈不審其義願聞
其意佛告阿難汝見溝中汙泥不淨糞壤之
中生蓮華不唯然見之佛言阿難人在世間
展轉相生計壽百歲或長或短妻子恩愛飢
渴寒熱或悲或欣一凶二吉三毒四倒五陰
六入七識八邪九惱十惡猶如田溝畜藏糞
壤汙泥不淨欸有一人覺世無常發心學道
修清淨志凝神斷想自致得道亦如汙泥生
好蓮華身自得道還度宗親一切衆生皆蒙
開解亦如華香掩蔽臭穢五十比丘聞佛說
法進志堅固即得阿羅漢道

愚闇品第十三

佛在舍衛國時城中有婆羅門年向八十財
富無數爲人頑闇慳貪難化不識道德不計
無常更作好舍前房後堂涼臺煖室東西廂
廡數十梁間唯後堂前拒陽未訖時婆羅門
恒自經營指授衆事佛以道眼見此老公命
不終日當就後世不能自知而方忪忪善治
精神無福甚可憐愍佛將阿難往到其門慰
問老公得無勞倦今作此舍皆何所安公言
前房待客後堂自處東西二廂當安兒息財
物僕使夏上涼臺冬入溫室佛語老公久聞
宿德思遲談講偶有要偈存亡有益欲以相
贈不審可小廢事共坐論不老公荅言今正
大遽不容坐語後日更來當共善叙所云要
偈便可說之於是世尊即說偈言
有子有財 愚惟汲汲 我且非我 何有子財

暑當止此 寒當止此 愚多預慮 莫知來變
愚蒙愚極 自謂我智 愚而稱智 是謂極愚
婆羅門言善說此偈今實停遽後來更論於
是世尊傷之而去老公於後自投屋椽椽墮
打頭即時命過家室涕哭驚動四鄰佛去未
遠便有此變佛到里頭逢諸梵志數十人問
佛從何所來佛言屬到此死公舍為公說法
不信佛語不知無常今者忽然已就後世具
為諸梵志更說前偈義聞之欣然即得道迹
於是世尊而說偈言

愚開近智 如瓢斟味 雖久狎習 猶不知法
開達近智 如舌嘗味 雖須更習 即解道要
愚人施行 為身招患 快心作惡 自致重殃
行為不善 退見悔吝 致涕流面 報由宿習
時諸梵志重聞此偈益懷篤信為佛作禮歡

喜奉行

昔佛在舍衛國給孤獨精舍為天人說法時
波斯匿王有一寡女名曰金剛少寡來歸父
王哀愍別為宮舍作好舍宅給五百妓女以
娛樂之眾共有一長老青衣名曰度勝恒行
市脂粉香華見男女無數大眾各齎香華出
城即問行人欲何所至眾人荅言佛出於世
三界之尊度脫眾生皆得涅槃度勝聞之心
悅意喜即自念言今老見佛宿世之福便分
香直持買好華隨眾人輩往到佛所作禮却
立散華燒香一心聽法已過市取香因聽法
功德宿行所追香氣熏聞斤兩倍前嫌其遲
晚而共詰之度勝奉道即如事言世有聖師
三界之尊擊無上法鼓震動三千往聽法者
無央數人實隨聽法是以稽遲金剛之徒聞

說世尊法義深妙非世所聞悚然心歡而自
歎曰吾等何罪獨隔不聞即報度勝試為我
說之度勝白曰身賤口穢不敢便宣乞更諮
授如命說之即便遣出重告之曰具授儀式
度勝未還金剛侍女側息中庭如子侍母佛
告度勝汝還說法多所度脫說法之儀先施
高座度勝受教具宣聖旨皆大歡喜各脫衣
一領積為高座度勝洗浴承佛威神如應說
法金剛之等五百餘人疑解破惡得須陀洹
道說法甚美不覺失火一時燒死即生天上
王將人從來為救火見之已燃收拾棺殮葬
送畢訖往過佛所為佛作禮却坐常位佛問
王所從來也王叉手言女金剛不幸不覺失
火大小燒盡適棺殮還不審何罪遇此火害
惟願世尊剖告未聞佛告大王過此世時有

城名波羅奈有長者婦將姪女五百人至城
外大祠祀其法難忍他姓之人不得到邊不
問親疎來者擲著火中時世有一辟支佛名
曰迦羅處在山中晨來分衛暮輒還山迦羅
分衛來趣郊祠長者婦見之忿然瞋恚共捉
迦羅撲著火中舉身焦爛便現神足飛昇虛
空眾女驚怖泣淚悔過長跪舉頭而自陳曰
女人蠢愚不識至真羣愚荒駭毀辱神靈自
惟過疊罪惡若山願降尊德以消重殃尋聲
即下而般涅槃諸女起塔供養舍利佛為大
王而說偈言

第二

十

愚蠢作惡 不能自解 殃追自焚 罪成熾然
愚所望處 不謂適苦 臨墮厄地 乃知不善
佛告大王爾時長者婦今王女金剛是五百
侍女今度勝等五百妓女是罪福迫人久無

不彰善惡隨人如影隨形說是法時國內大小信伏歡喜咸歸三尊皆受五戒即得道跡明哲品第十四

昔有梵志厥年二十天才自然事無大小過目則能自以聰哲而自誓曰天下技術要當盡知一藝不通則非明達也於是遊學無師不造六藝雜術天文地理醫方鎮厭山崩地動擣菹博弈妓樂搏撮裁割衣裳文繡綾綺廚膳切割調和滋味人間之事無不兼達心自念曰丈夫如此誰能及者試遊諸國摧伏抵對奮名四海技術衝天然後載功竹帛垂勲百代於是遊行往至一國入市觀視見有一人坐作角弓拊筋治角用手如飛作弓調快買者諍前即自念曰少來所學自以具足邂逅自輕不學作弓若彼鬪技吾則不如矣

亦二

十一

當從受學耳遂從弓師求爲弟子盡心受學月日之中具解弓法所作巧妙乃踰於師布施財物奉辭而去去之一國當渡江水有一船師用船若飛迴旋上下便疾無雙復自念曰吾技雖多未曾習船雖爲賤術其於不知宜當學之萬技悉備遂從船師願爲弟子供奉盡敬竭力勞動月日之中知其逆順御船迴旋乃踰於師布施財物奉辭而去復至一國國王宮殿天下無雙即自念曰作此殿匠巧妙乃爾自隱遊來偶不學之若與競巧必不勝矣且當復學意乃足耳遂求殿匠願爲弟子盡心供養執持斤斧月日之間具解尺寸方圓規矩彫文刻鏤木事盡知天才明朗事輒勝師布施所有辭師而去用行天下遍十六大國命敵擗技獨言隻步無敢應者心

自貢高曰天地之間誰有勝我者佛在祇桓
逢見此人應可化度佛以神足化作沙門柱
杖持鉢在前而來梵志由來國無道法未見
沙門怪是何人頃至當問須臾來到梵志問
曰百王之則未見君輩衣裳制度無有此服
宗廟異物不見此器君是何人形服改常也
沙門荅曰吾調身人也復問何謂調身於是
沙門因其所習而說偈言

弓匠調角 水人調船 巧匠調木 智者調身
譬如厚石 風不能移 智者意重 毀譽不傾
譬如深淵 澄靜清明 慧人聞道 心淨廓然
於是沙門說此偈已身昇虛空還現佛身三
十二相八十種好光明洞達照耀天地從虛
空來下謂其人曰吾道德變化調身之力也
於是其人五體投地稽首問曰願聞調身其

卷二

上二

有要乎佛告梵志五戒十善四等六度四禪
三解脫此調身之法也夫弓船木匠六藝奇
術斯皆綺飾華譽之事蕩身縱意生死之路
也梵志聞之欣然信解願為弟子佛告沙門
善來鬚髮自墮即成沙門佛重為說四諦八
解之要尋時即得阿羅漢道

昔佛在舍衛國有山民居村五六十家去國
五百里村中有一貧家其主人婦懷妊十月
雙生二男甚大端正無比父母愛之便為作
字一名雙德二名雙福生五六十日其父牧
牛來還懈怠却卧牀上其母出田拾薪未還
此二小兒左右顧視不見父母便共相責語
一人言前世之時垂當得道正坐愚意謂命
可常退墮生死不可計劫今乃得生此貧家
作子穰草之中以稀毳自覆食飲麤惡裁自

支身如此至久云何可活皆坐前世戀慕富貴放身散意快樂須臾從爾已來長塗受苦如今憂惱當何怙恃一人荅曰我爾時小稚一時之勤竟不精進而令數世遭諸苦患此是自爲非父母作也亦二但共當之復何所言父聞二子相責如是甚大怪之謂呼是鬼祟來生災變云何數十日小兒乃作此言恐其後日殺親滅族曼小未大宜當殺之其父驚出閉門捨去到田取薪欲燃火燒殺之其母來還問夫用此薪爲夫言甚大可怪所說如此此似是鬼必破人門族以其曼小欲燒殺之其母聞此意中惘然猶豫未信小停數日更聽其言至明日夫婦俱出於戶外潛聽二兒在內相責如故夫婦重共聞之甚怪所以便共集薪密欲燒之佛以天眼見此夫婦欲燒

殺二子愍其可憐宿福應度往到其村普放光明天地大動山川樹木皆作金色村中大小驚到佛所爲佛作禮莫不歡喜知佛至神三界無比佛到雙生小兒家二兒見佛光明喜踊難量父母又驚各抱一子將至佛所問佛世尊此小兒生來四五十日所說如是甚共怪之恐作禍害欲火燒殺之正值佛來未及得燒不知此小兒爲是何等鬼魅也惟願解說是何災怪小兒見佛踊躍歡喜佛見小兒大笑口出五色光普照天地佛告小兒父母及村人大小此二小兒非是鬼魅福德之子前迦葉佛時曾作沙門少小共爲朋友同志出家各自精進臨當得道歛起邪想共相沮敗樂世榮華恃福生天下爲侯王國主長者歛起是想便墮退轉不得涅槃受此生死

彌連劫數常相鈎牽輒共雙生遇我世時今始乃生以往供養佛故餘福應度罪滅福生自識宿命是以世尊故來度之我不度者橫為火所燒於是世尊即說偈言

大人體無欲 在所昭然明 雖或遭苦樂

不高現其智 亦二 大賢無世事 不願子財國

常守戒慧道 不貪邪富貴 智人知動搖

譬如沙中樹 朋友志未強 隨色染其素

佛說是時小兒見佛其身即踊如八歲小兒

即作沙彌得羅漢道村人大小見佛光相又

見小兒形變踊大皆大歡喜得須陀洹道父

母疑解亦得法眼

羅漢品第十五

昔有一國名那黎近南海邊其中人民採真珠梅檀以為常業其國有一家兄弟二人父

母終亡欲求分異家有一奴名分那年少聰了賈販市買入海治生無事不知居家財物分為一分以奴分那持作一分兄弟擲籌弟得分那將妻子空手出舍時世飢儉唯得分那恐不相活以為愁憂奴分那白大家言願

莫愁憂分那作計月日之中當令勝兄大家

言若審能爾者放汝為良人大家夫人有私

珠物與分那作本時海潮來城內人民至水

邊取薪分那持少珠物至城外見一乞兒負

薪薪中有牛頭梅檀香可治重病一兩直千

兩金時世有一不可常得分那識之以金錢

二枚買得持歸破作數十段時有長者得重

病當得此牛頭梅檀香二兩合藥求不能得

分那持往即得二千兩金如是賣盡所得資

財富兄十倍大家感念分那之恩不違言誓

放爲良人隨意所樂分那辭行學道到舍衛國爲佛作禮長跪白佛所出微賤心樂道德唯願世尊垂慈濟度佛言善來分那頭髮自墮法衣著身即成沙門佛爲說法尋得羅漢道坐自思惟今得六通存亡自由皆主人之恩今當往度并化國人於時分那往到本國至主人家主人歡喜請坐設食食訖澡手飛昇虛空分身散體半出水火光明洞達從上來下告主人曰此之神德皆是主人放捨之福往到佛所所學如是主人荅曰佛之神化微妙乃爾願見世尊受其教訓分那荅曰但當至心供設饌具佛三達智必自來矣即便設供宿昔已辦向舍衛國稽首長跪燒香請佛唯願屈尊廣度一切佛知其意即與五百羅漢各以神足往到其舍國王人民莫不驚

肅來至佛所五體投地却坐王位食畢澡訖佛爲主人及王官屬廣陳明法皆受五戒爲佛弟子起住佛前歎分那曰在家精勤出家得道神德高遠家國蒙度我當云何以報其恩於是世尊重歎分那而說偈言

心已休息 言行亦止 從正解脫 寂然歸滅
棄欲無著 缺三界障 婬意已絕 是謂上人
若聚若野 平地高岸 應真所過 莫不蒙度
彼樂空閑 衆人不能 快哉無婬 無所欲求
佛說偈已主人及王益加歡喜供養七日得須陀洹道

亦二

十六

迷千品第十六

昔佛在舍衛國有一長老比丘字般特新作比丘稟性闇塞佛令五百羅漢日日教之三年之中不得一偈國中四輩皆知其愚冥佛

愍傷之即呼著前授與一偈守口攝意身莫犯如是行者得度世般特感佛慈恩歡欣心開誦偈上口佛告之曰汝今年老方得一偈人皆知之不足爲奇今當爲汝解說其義一心諦聽般特受教而聽佛即爲說身三口四意三所由觀其所起察其所滅三界五道輪轉不息由之昇天由之墮淵由之得道涅槃自然分別爲說無量妙法般特燿然心開即得羅漢道爾時有五百比丘尼別有精舍佛日遣一比丘爲說經法明日般特次應當行諸尼聞之皆預含笑明日來者我等當逆說其偈令之慚愧無所一言明日般特往詣尼大小皆出作禮相視而笑坐畢下食食已澡手請令說法般特即上高座自臧否曰薄德下才末爲沙門頑鈍有素所學不多唯知一

卷二

十七

偈粗識其義當爲敷演願各靜聽諸年少比丘尼欲逆說偈口不能開驚怖自責稽首悔過般特即如佛所說一一分別身意所由罪福內外昇天得道凝神斷想入定之法即時諸尼聞其所說甚怪其異一心歡喜皆得羅漢道後日國王波斯匿請佛衆僧於正殿會佛故現般特威神與鉢令特隨後而行門士識之留不聽入卿爲沙門一偈不了受請何爲吾是俗人尚猶知偈豈況沙門無有智慧施卿無益不須入門般特即住門外佛坐殿上行水已畢般特持鉢伸臂遙以授佛王及羣臣夫人太子衆會四輩見臂來入不見其形怪而問佛是何人臂佛言是般特比丘臂也近日得道向吾使持鉢門士不聽來入是以伸臂授吾鉢耳即便請入威神倍常王白

佛言聞般特本性愚鈍方知一偈何緣得道
佛告王曰學不必多行之爲上般特解一偈
義精理入神身口意寂淨如天金人雖多學
不解不行徒喪識想有何益哉於是世尊即
說偈言

雖誦千章 句義不正 不如一要 聞可滅意
雖誦千言 不義何益 不如一義 聞行可度
雖多誦經 不解何益 解一法句 行可得道
佛說偈已二百比丘得阿羅漢道王及羣臣
夫人太子莫不歡喜

昔佛在舍衛國精舍之中爲天人說法時舍
衛國中有婆羅門長者名藍達大富無極其
家貨財不可計數梵志之法當作大檀以顯
名譽盡家之財持用布施作般闍于慈供養
婆羅門五千餘人五年之中供給衣被牀榻

廿二

十八

醫藥珍奇寶物郊祠供具盡所愛惜諸梵志
等五年之中爲羅摩達長者祭祀諸天四山
五嶽星宿水火無不周遍呪願長者長夜受
福五歲已周最後一日極大布施如長者法
金鉢盛銀粟銀鉢盛金粟象馬車乘奴婢資
財七寶服飾繖蓋履屣鹿皮之衣錫杖踞牀
澡罐澡槃牀榻蓆薦所應當得事事八萬四
千盡持布施當其爾日皆來大會鬼神國王
大臣梵志大姓悉來會坐隱隱聞莫不歡
欣佛見如是歡然言曰此大姓梵志何以愚
癡所施大多福報薄少如種火中何從得報
也若我不化長離法門於是世尊便起嚴服
化從地出放大光明普照衆會大小見之怪
未曾有驚怖悚懼不知何神長者羅摩達及
諸大衆頭面著地爲佛作禮佛見衆人皆有

敬心因其恭肅便說偈言

月千反祠 終身不輟 不如須臾 一心念法
一念造福 勝彼終身 雖壽百歲 奉事火神
不如須臾 供養三尊 一供養福 勝彼百年
於是世尊告藍達曰施有四事何等爲四一
者施多得福報少二者施少得福報多三者
施多得福報多四者施少得福報亦少何謂
施多得福報少者其人愚癡殺生祭祠飲酒
歌舞破損財寶無有福慧何謂施少得報少
者以慳貪惡意施於道士俱兩愚癡是以無
福何謂施少得福多者能以慈心奉道德人
道士食已精進學誦施此雖少其福彌大何
謂施多得福多者若有賢者覺世無常好心
出財起立精舍果園供養三尊衣服牀榻廚
膳斯福如五河流入於大海福流如是世世

不斷是施多其福轉多譬如農家地有厚薄
所得不同爾時藍達長者座中會人見佛變
化聞說法言皆大歡喜諸天人神皆得須陀
洹五千梵志皆作沙門得應真道主人藍達
居家大小皆受五戒亦得道迹國王大臣皆
受自歸爲優婆塞亦得法眼

昔佛在舍衛精舍教化時羅閱祇國有一人
爲人兇惡不孝父母輕侮良善不敬長老居
門衰耗常不如意便行事火欲求福祐事火
之法日適欲沒燃大火聚向之跪拜或至夜
半火滅乃止如是三年不得其福更事日月
事日月法晝以日出夜以月明向日月拜沒
乃休止如是三年復不得福輒復事天燒香
跪拜奉上甘美香華酒脯猪羊牛犢遂至貧
困故不得福勤苦憔悴病不去門聞舍衛國

有佛諸天所宗當往奉事必望得福即到佛
所至精舍門瞻觀世尊光相晃然容顏奇異
如星中月見佛歡喜頭面作禮叉手白佛生
長愚癡不識三尊事火日月及諸天神九年
精勤永不蒙福顏色憔悴氣力衰微四大多
患死亡無日伏承世尊度人之師故遠自歸
願為福度佛告之曰汝之所事盡是妖邪鬼
魅魍魎禱祀如山罪如江海殺生求福去福
遠矣正使百劫勤苦盡敬普天猪羊持用禱
祀罪如須彌福無芥子徒自費喪豈不惑哉
又卿為人孝父母輕易賢善不敬長老憍
慢貢高三毒熾盛罪疊日深何緣得福若能
改心敬禮賢者威儀禮節供奉長老棄惡信
善修已崇仁四福日增世世無患何等為四
一者顏色端正二者氣力豐強三者安隱無

病四者盡壽終不枉橫行之不懈亦可得道
於是世尊即說偈言
祭神以求福 從後望其報 四分未望一
不如禮賢者 能善行禮節 常敬長者者
四福自然增 色力壽而安
於是其人聞佛此偈歡喜信解稽首作禮重
白佛言罪垢所蔽積罪九年僥賴慈化今得
聞解唯願世尊聽為沙門佛言善來比丘頭
髮自墮即成沙門內思安般即得羅漢道
惡行品第十七
昔佛在羅閱祇國遣一羅漢名須漫持佛髮
爪至罽賓南山中佛圖寺五百羅漢常止其
中旦夕燒香繞塔禮拜時彼山中有五百獼
猴見道人供養塔寺即便相將至深澗邊負
輦泥石效作佛圖豎木立剎弊幡繫頭且夕

禮拜亦如道人時山水暴漲五百獼猴一時漂沒魂神即生第二忉利天上七寶殿舍衣食自然各自念言從何所來得生天上即以天眼自見本形獼猴之身效諸道人戲作塔寺雖身漂沒神得生天今當下報故屍之恩各將侍從華香妓樂臨故屍上散華燒香繞之七市時山中有五百婆羅門外道邪見不信罪福見諸天人散花作樂繞獼猴屍怪而問曰諸天光影巍巍乃爾何故屈意供養此屍諸天人言此屍是吾等故身昔在此間効諸道人戲立塔寺山水暴漲漂沒吾等以此微福得生天上今故散華以報故身之恩戲爲塔寺獲福如此若當至心奉佛其德難喻卿等邪見不信正真百劫勤苦無所一得不如共往耆闍崛山禮事供養得福無限即皆

欣然共至佛所五體作禮散華供養諸天人白佛我等近世獼猴之身蒙世尊之恩得生天上恨不見佛今故自歸重白佛言我等前世有何罪行受此獼猴身雖作塔寺身被漂沒佛告天人此有因緣不從空生吾當爲汝說其所由乃往昔時有五百年少婆羅門共行入山欲求仙道時山上有一沙門欲於山上泥治精舍下欲取水身輕若飛五百婆羅門與嫉妬意同聲笑之今此沙門上下翻疾亦如獼猴耳何足爲奇也如是取水不止山水一來溺死不久佛告諸天人爾時上下沙門我身是也五百年少婆羅門者五百獼猴身是戲笑作罪身受其報於是世尊即說偈言

戲笑爲惡 已作身行 號泣受報 隨行罪至

佛告諸天人汝之近世雖為獸身乃能戲笑起作塔寺今得生天罪滅福興今者復來躬奉正教從此因緣長離眾苦佛說是已五百天人即得道迹其所共來水邊五百婆羅門聞罪福之報而自歎曰吾等學仙積有年數未蒙果報不如獼猴戲笑為福得生天上佛之道德實妙乃爾於是稽首佛足願為弟子佛言善來比丘即成沙門精進日修遂得羅漢道

昔佛在舍衛國精舍之中為天人說法時國王第二兒名曰瑠璃其年二十將從官屬退其父王伐兄太子自擅為王有一惡臣名曰那利白瑠璃王本為皇太子時王至舍夷國外家舍看到佛精舍中為諸釋子所呵罵詈無有好醜爾時見救若我為王便啓此事

亦二

十三

今時已到兵馬興盛宜當報怨即救嚴駕引率兵馬往伐舍夷國佛有第二弟子名摩訶目捷連見瑠璃王引率兵士伐舍夷國以報宿怨今當伐殺四輩弟子念其可憐便往到佛所白佛言今瑠璃王攻舍夷國我念中人當遭辛苦我欲以四方便救舍夷國人一者舉舍夷國著虛空中二者舉舍夷國人著海中三者舉舍夷國人著兩鐵圍山間四者舉舍夷國人著他方大國中央令瑠璃王不知其處佛告目捷連雖知卿有是智德能安處舍夷國人萬物眾生有七不可避何謂為七一者生二者老三老病四者死五者罪六者禍七者因緣此七事意雖欲避不能得自在如卿威神可得作此宿對罪負不可得離於是目捷連禮已便去自以私意取舍夷國人知識

檀越四五百人盛著鉢中舉著虛空星宿之際瑠璃王伐舍夷國殺三億人已引軍還國於是目連往到佛所為佛作禮自貢高曰瑠璃王伐舍夷國弟子承佛威神救舍夷國人四五百人今在虛空皆盡得脫佛告目連卿為往看鉢中人不也曰未往視之佛言卿先往視鉢中人去還尊者目連以道力下鉢見中人皆死盡於是目連悵然悲泣愍其辛苦還白佛言鉢中人者今皆死盡道德神力不能免彼宿對之罪佛告目連有此七事佛及衆聖神仙道士隱形散體皆不能免此七事於是世尊以偈說曰

非空非海中 非隱山石間 莫能於此處
避免宿惡殃 衆生有苦惱 不得免老死
唯有仁智者 不念人非惡

亦二

十四

佛說是時座上無央數人聞佛說無常法皆共悲哀念對難免欣然得道逮須陀洹證刀杖品第十八

昔有一國名曰賢提時有長老比丘長病委頓羸瘦垢穢在賢提精舍中卧無瞻視者佛將五百比丘往至其所使諸比丘傳共視之為作漿粥而諸比丘聞其臭處皆共賤之佛使天帝釋取湯水佛以金剛之手洗病比丘身體地尋震動燿然大明莫不驚肅國王臣民天龍鬼神無央數人往到佛所稽首作禮白佛言佛為世尊三界無比道德已備云何屈意洗此病瘦垢穢比丘佛告國王及衆會者如來所以出現於世正為此窮厄無護者耳供養病瘦沙門道士及諸貧窮孤獨老人其福無量所願如意譬五河流福來如是功

德漸滿會當得道王白佛言今此比丘宿有何罪困病積年療治不痊佛告王曰乃往古昔有王名曰惡行治政嚴暴使一多力伍伯主令鞭人伍伯假王威怒私作寒熱若欲鞭人責其價數得物鞭輕不得便重舉國患之亦二有一賢者爲人所訴應當得鞭報伍伯言吾是佛弟子素無罪過爲人所枉願小垂恕伍伯聞是佛弟子輕手過鞭無著身者伍伯壽終墮地獄中拷掠萬毒罪滅復出墮畜生中恒被過杖五百餘世罪畢爲人常嬰重病痛不離身爾時國王者今調達是也伍伯者今此病比丘是也賢者吾身是也吾以前世爲其所恕鞭不著身是故世尊躬爲洗之人作善惡殃福隨身雖更生死不可得免於是世尊即說偈言

枉杖良善 妄讒無罪 其殃十倍 災仇無赦
生受酷痛 形體毀析 自然惱病 失意恍惚
人所誣染 或縣官厄 財產耗盡 親戚離別
舍宅所有 災火焚燒 死入地獄 如是爲十
時病比丘聞佛此偈及宿命事自知本行尅
心自責即於佛前所患除愈身安意定即得
阿羅漢道賢提國王歡喜信解尋受五戒爲
清信士沒命奉行得須陀洹道
昔佛在舍衛國祇樹給孤獨園精舍中爲天
人龍鬼說法東方有國名鬱多羅波提有婆
羅門等五百人相率欲詣恆水岸邊有三祠
神池沐浴垢穢俛形求仙如尼捷法道由大
澤迷不得過中道乏糧遙望見一樹如有神
氣想有人居馳趣樹下了無所見婆羅門等
舉聲大哭飢渴委厄窮死斯澤樹神人現問

諸梵志道士那來今欲何行同聲答曰欲詣
神池澡浴望仙今日飢渴幸哀矜濟樹神即
舉手百味飲食從手流溢給衆飯食皆得飽
滿其餘食飲足供道糧臨當別去詣神請問
本行何德致此巍巍神荅梵志吾本所居在

舍衛國時國大臣名曰須達飯佛衆僧於市

卷二

五

買酪無提酪者左右顧視倩我提之往到精
舍使我斟酌訖行澡水儼然聽法一切歡喜
稱善無量時我奉齋暮還不食婦怪問我不
審何恨荅曰不恨也吾行於市見長者須達
於園飯佛請我往齋齋名八關其婦瞋恚忿
然言曰瞿曇亂俗奚足採納君不毀遺則禍
從此興歎迫不已便共俱食時我爾夜年壽
筭盡終於夜半神來生此爲是愚婦敗我齋
法不卒其業來生斯澤作此樹神提酪之福

手出飲食若終齋法應生天上封受自然即
爲梵志而說偈頌曰

祠祀種禍根 日夜長枝條 唐苦敗身本
齋法度世仙

梵志聞偈悉解信受旋還舍衛路由一國國

名拘藍尼有長者名曰美音爲人慈恩衆人

敬仰梵志過宿長者問曰道士何來今欲所

至具陳彼澤樹神功德欲詣舍衛造須達所

攢採齋法冀蒙得福美音喜踊宿行所追恒

自解暢宣令宗室誰能共行受齋措式合五

卷二

五

百人僉然應命本願相引咸議嚴出共詣舍
衛未至祇洹道逢須達顧問從者此何丈夫
對曰須達梵志衆等喜而追曰吾願成矣求
人得人馳趣相見同聲歎曰樹神歎德注仰
虛心具說所嗟故來投託冀覩法齋住車荅

法句譬喻經卷第三

亦三

西晉沙門法炬共法立譯

老耄品第十九

昔佛在舍衛國祇樹精舍食後爲天人帝王臣民四輩弟子說甘露法時有遠方長老婆

羅門七人來至佛所稽首於地叉手白佛言

吾等遠人伏聞聖化久當歸命而多諸難今乃得來覲觀聖顏願爲弟子得滅衆苦佛即受之悉爲沙門即令七人共止一房然此七

人覲見世尊尋得爲道不惟無常共坐房中

但思世事小語大笑不計成敗命日促盡不

與人期但共喜笑迷意三界佛以三達智知

命欲盡佛哀愍之起至其房而告之曰卿等

爲道當求度世何爲大笑一切衆生以五事

自恃何謂爲五一者恃怙年少二者恃怙端

正三者恃怙多力四者恃怙財富五者恃怙貴姓卿等七人小語大笑爲何恃怙於是世尊即說偈言

何喜何笑 念常熾然 深蔽幽冥 不如求定
見身形範 倚以爲安 多想致病 豈知不真
老則色衰 病無光澤 皮緩肌縮 死命近促
身死神徙 如御棄車 肉消骨散 身何可怙
佛說偈已七比丘意解妄止即於佛前逮得阿羅漢道

昔佛在舍衛精舍爲諸天人帝王說法時有婆羅門村五百餘家中有五百年少婆羅門修婆羅門術爲人憍慢不敬長老貢高自貴以此爲常五百梵志歛自議言沙門瞿曇自稱爲佛三達權智無敢共論者吾等可共請來論議事事詰問知爲何如即辦供具往請

佛來佛與諸弟子往到梵志村中坐畢行水
食訖澡手時有長老梵志夫婦二人於此村
中共行乞丐佛知其本大富無比曾作大臣
佛即詰問年少梵志汝等識長老婆羅門不
皆言曾識又問本爲何似也曰本爲大臣財
富無數今者何故復行乞丐皆言散用無道
是以守貧佛告婆羅門世有四事人不能行
者得福不致此貧何謂爲四一者年盛力壯
慎莫憍慢二者年老精進不貪婬泆三者有
財珍寶常念布施四者就師學問聽受正言
如此老公不行四事謂之有常不計成敗一
且離散譬如老鵠守此空池永無所獲於是
世尊即說偈言
晝夜慢惰老不止姪 有財不施 不受佛言
有此四弊 爲自侵欺 咄嗟老至 色變作耄

少時如意 老見踏踐 不修梵行 又不富財
老如白鵠 守伺空池 既不守戒 又不積財
老羸氣竭 思故何速 老如秋葉 行穢濫縷
命疾脫至 不用後悔

佛告梵志世有四時行道得福得度可免衆
苦何謂爲四一者年少有力勢時二者富貴
有財物時三者得遇三尊好福田時四者當
計萬物憂離散時行此四事所願皆獲必得
道跡於是世尊重說偈言

命欲日夜盡 及時可勤力 世間諦非常

莫惑墮冥中 當學然意燈 自練求智慧

離垢勿染汗 執燭觀道地

佛說是時放大光明照耀天地五百年少梵
志因此心解衣毛爲豎起禮佛足白佛言歸
命世尊願爲弟子佛言善來比丘即成沙門

得羅漢道村人大小皆得道迹莫不歡喜
愛身品第二十

昔有一國名多摩訶羅去城七里有精舍五百沙門常處其中讀經行道有一長老比丘名摩訶盧爲人闇塞五百道人傳共教之數年之中不得一偈衆共輕之不將同會常守精舍敕令掃除後日國王請諸道人入宮供養摩訶盧比丘自念言我生世間闇塞如此不知一偈人所薄賤用是活爲即持繩至後園中大樹下欲自絞死佛以道眼遙見如是化作樹神半身人現而訶之曰咄咄比丘何爲作此摩訶盧即具陳辛苦化神訶曰勿得作是且聽我言昔迦葉佛時卿作三藏沙門有五百弟子自以多智輕慢衆人恡惜經義初不訓誨是以世世所生諸根闇鈍但當自

責何爲自殘於是世尊現神光像即說偈言
自愛身者 慎護所守 希望欲解 學正不寐
身爲第一 當自勉學 利乃誨人 不倦則智
學先自正 如後正人 調身入慧 必遷爲上
身不能利 安能利人 心調體正 何願不至
本我所造 後我自受 爲惡自更 如鋼鑽珠
摩訶盧比丘見佛現身光像悲喜悚慄稽首
佛足思惟偈義即入定意尋在佛前逮得羅
漢道自識宿命無數世事三藏衆經即貫在
心佛語摩訶盧著衣持鉢就王宮食在五百
道人上坐此諸道人是卿先世五百弟子還
爲說法今得道跡并使國王明信罪福即受
佛教徑入宮裏坐於上座衆人心恚怪其所
以各護王意不敢訶譴念其愚冥不曉達觀
心爲之疲王便下食手自斟酌摩訶盧即爲

達觀音如雷震清詞雨下座上道人驚怖自
悔皆得羅漢爲王說法莫不解釋羣臣百官
皆得須陀洹道

昔佛在舍衛國有五百婆羅門常求佛便欲
誹謗之佛三達之智普見人心愍欲度之其
果未熟因緣未到一切罪福欲來至時自作
因緣而迎罪福此諸梵志宿有微福應當得
度福德牽之自作方宜五百梵志自共議言
當使屠兒殺生請佛及諸衆僧佛必受請讚
歎屠兒吾等便前而共譏之於是屠兒爲之
請佛佛即受請告屠兒言果熟自墮福熟自
度屠兒還歸供設飯食佛將諸弟子到屠兒
村中至檀越舍梵志大小皆共歡喜今日乃
得佛之便耳若當讚檀越福德者當以其前
後殺生作罪持用譏之佛若當說其由來之

亦三

五

罪者當以今日之福難之二宜之中今乃得
佛便耳佛到即坐行水下食於是世尊觀察
衆心應有度者即出舌覆面舐耳放大光明
照一城內即以梵聲說偈呪願
如真人教 以道活身 愚者嫉之 見而爲惡
行惡得惡 如種苦種 惡自受罪 善自受福
亦各自熟 彼不相代 習善得善 亦如種甜
佛說觀已五百梵志意自開解即前禮佛五
體投地叉手白佛頑愚不及未達聖訓唯願
愍育得爲沙門佛即聽受皆爲沙門村人大
小見佛變化莫不歡欣皆得道迹稱之賢里
無復屠兒之名佛食畢訖即還精舍
世俗品第二十一
昔有婆羅門國王名多味寫其王奉事異道
九十六種王欸一日發於善心欲大布施如

婆羅門法積七寶如山持用布施有來乞者聽令自取重一撮去如是數日其積不減佛知是王宿福應度化作梵志往到其國王出相見禮問起居曰何所求索莫自疑難梵志荅曰吾從遠來欲乞珍寶持作舍宅王言大善自取重一撮去梵志取一撮行七步還著故處王問何故不取梵志荅曰此裁足作舍廬耳後當取婦俱不足用是以不取王言更取三撮梵志即取行七步復還著故處王問梵志何以復爾荅曰此足取婦復無田地奴婢牛馬計復不足是以息意也王言更取七撮梵志即取行七步復還著故處王言復何意故梵志荅言若有男女當復嫁娶吉凶用費計不足用是以不取王言盡以積寶持用相上梵志受而捨去王甚怪之重問意故梵

本三

六

志荅曰本來乞丐欲用生活諦念人命處世無幾萬物無常旦夕難保因緣遂重憂苦日深積寶如山無益於己貪欲規圖唐自艱苦不如息意求無爲道是以不取王意開解願奉明教於是梵志現佛光相踊住空中爲說偈言

雖得積珍寶 聳高至於天 如是滿世間
不如見道跡 不善像如善 愛如似不愛
以苦爲樂像 狂夫爲所滅
於是國王見佛光相明照天地又聞此偈踊躍歡喜王及羣臣即受五戒得須陀洹道

述佛品第二十二

昔佛在摩竭提界善勝道場元吉樹下德力降魔坐自惟曰甘露法鼓聞於三千昔父王遣五人供養麻米執持有勞功報應敘此五

人者在波羅柰國於是如來從樹下起相好
嚴儀明暉天地威神震動見者喜悅至波羅
柰國未至中道逢一梵志名曰優呼辭親離
家求師學道瞻覩尊妙驚喜文集下在道側
舉聲歎曰威靈感人儀雅挺特本事何師乃
得斯容佛為優呼而作頌曰
亦三
八正覺自得 無離無所染 愛盡破欲網
自然無師受 我行無師保 志獨無伴侶
積一得作佛 從是通聖道
優呼聞偈悵惘不解即問世尊瞿曇如行佛
告梵志欲詣波羅柰國擊甘露法鼓轉無上
輪三界聖眾未曾有轉法輪遷入涅槃如
我今者也優呼大喜善哉善哉如佛言者願
開甘露如應說法梵志揖已即便過去未到
師所於道路宿至其夜半卒便命終佛以道

眼見其已終愍傷之曰世間愚癡謂命有常
見佛捨去而獨喪亡法鼓震動而獨不聞甘
露滅苦而獨不嘗展轉五道生死彌長經歷
劫數何時得度佛以慈愍而說偈言
見諦淨無穢 已度五道淵 佛出照世間
為除眾憂苦 得生人道難 生壽亦難得
世間有佛難 佛法難得聞
佛說此偈時空中五百天人聞偈歡欣皆得
須陀洹道
昔羅閱祇南四千里有國奉事梵志數千人
時國大旱三年不雨禱祠諸神無所不遍王
問梵志問其所由諸梵志言吾等當齋戒訖
竟當遣人與梵天相聞問其災異王言大善
齋戒所乏願見告示諸梵志言當得二十車
薪酥蜜膏油華香幡蓋金銀祭器盡用須之

王即辦送出至城外去城七里平廣之地積薪如山共相推獎其有不惜身者終生梵天選得七人當就火燒遣至梵天七人受祭呪願訖踧使上薪從下放火當燒殺之烟焰炯然熱氣直至七人惶懼左右求救無有救者舉聲曰三界之中寧有大慈愍念我厄者願受自歸佛遙知之尋聲往救在虛空中顯現相好七人見佛悲喜跳踴唯願自歸救我痛熱於是世尊即說偈言

或多自歸 山川樹神 厝立圖像 禱祠求福
 自歸如是 非吉非上 彼不能來 度汝眾苦
 如有自歸 佛法僧眾 道德四諦 必見正慧
 生死極苦 從諦得度 度世八難 斯除眾苦
 自歸三尊 最吉最上 唯獨有是 度一切苦
 佛說偈訖火聲尋滅七人獲安心喜無量梵

志國人莫不驚悚仰瞻世尊光相赫奕分身散體東沒西現存亡自由身出水火五色晃昱眾人見之五體歸命於是七人從薪下出悲喜交集而說偈言

見聖人快 得依附快 得離愚人 為善獨快
 守正見快 互說法快 與世無諍 戒具常快
 依賢居快 如親親會 近仁智者 多聞高遠
 於是七人說此偈已及諸梵志願為弟子佛即受之皆為沙門得羅漢道國王臣民咸各修道天尋大雨國豐民寧道化興隆莫不樂聞

安寧品第二十三

昔羅閱祇東南三百里有山民村五百餘家為人剛強難以道化宿世福願應蒙開度於是世尊化作沙門至村分衛分衛畢竟出於

村外樹下坐定入泥洹三昧至于七日不喘
不息不動不轉村人見之謂爲命終共相謂
言沙門已死當共葬送各持束薪就往燒之
火燃薪盡佛從座起現道神化光明照耀感
動十方現變畢訖還坐樹下容體靜安怡悅
如故村人大小莫不驚懼稽首謝曰山民頑
野不識神人妄以薪火加於未然自惟獲罪
重於太山唯垂慈赦不咎其怨不審神人得
無傷病乎將無愁感乎將無飢渴乎將無熱
惱乎於是世尊和顏含笑而說偈言

我生已安 不愠於怨 衆人有怨 我行無怨
我生已安 不病於病 衆人有病 我行無病
我生已安 不感於憂 衆人有憂 我行無憂
我生已安 清淨無爲 以樂爲食 如光音天
我生已安 恬淡無事 彌薪圍火 安能燒我

爾時村中五百人聞說偈已皆作沙門得羅
漢道村人大小皆信三尊佛與五百人飛還
竹園賢者阿難見佛與得道者俱來前白佛
言此諸比丘有何異德乃使世尊自往臨度
佛告尊者阿難我未下爲佛時世有辟支佛
常處是山去村不遠在一樹下欲般泥洹現
道神德便取滅度村人持薪火就往燒之斂
取舍利著寶瓶中埋在山頂各共求願願後
得道如是沙門滅度快樂也緣此福故應當
得道是故如來往度之耳佛說是時天人無
數皆得道跡

亦三

十

莫過驚怖共諍苦義云云不止佛知其言往
到其所問諸比丘屬論何事即起作禮具白
所論佛言比丘汝等所論不究苦義天下之
苦莫過有身飢渴寒熱瞋恚驚怖色欲怨禍
皆由於身夫身者衆苦之本患禍之源勞心
極慮憂畏萬端三界蠕動更相殘賊吾我縛
著生死不息皆由身興欲離世苦當求寂滅
攝心守正怕然無想可得泥洹此爲最樂於
是世尊即說偈言

熱無過姪 毒無過怒 苦無過身 樂無過滅
無樂小樂 小辯小慧 觀求大者 乃獲大安
我爲世尊 長解無憂 正度三界 獨降衆魔
佛說偈已告諸比丘往昔久遠無數世時有
五通比丘名精進力在山中樹下閑寂求道
時有四禽依附左右常得安隱一者鴿二者

亦三

十一

鳥三者毒蛇四者鹿是四禽者晝行求食暮
則還宿四禽一夜自相問言世間之苦何者
爲重鳥言飢渴最苦飢渴之時身羸目冥神
識不寧投身羅網不顧鋒刃我等喪身莫不
由之以此言之飢渴爲苦鴿言姪欲最苦色
欲熾盛無所顧念危身滅命莫不由之毒蛇
言瞋恚最苦毒意一起不避親疎亦能殺人
復能自殺鹿言驚怖最苦我在林野心恒怵
惕畏懼獵師及諸豺狼鬣鬣有聲奔投坑岸
母子相捐肝膽掉悸以此言之驚怖爲苦比
丘聞之即荅之曰汝等所論是其末耳不究
苦本天下之苦無過有身身爲苦器憂畏無
量吾以是故捨俗學道滅意斷想不貪四大
欲斷苦源志存泥洹泥洹道者寂滅無形憂
患永畢爾乃大安四禽聞之心即開解佛告

比丘爾時五通比丘則吾身是時四禽者今汝四人是也前世已聞苦本之義如何今日方復云云比丘聞之慚愧自責即於佛前得羅漢道

好喜品第二十四

昔佛在舍衛精舍時有四新學比丘相將至柰樹下坐禪行道柰花榮茂色好且香因相謂曰世間萬物何者可愛以快人情一人言仲春之月百木榮茂遊戲原野此最爲樂一人言宗親吉會觴酌交錯音樂歌舞此最爲樂一人言多積財寶所欲即得車馬服飾與衆有異出入光顯行者矚目此最爲樂一人言妻妾端正綵服鮮明香熏芬馥恣意縱情此最爲樂也佛知四人應可化度而走意六欲不惟無常即呼四人而問之曰屬坐樹下

亦三

十二

共論何事四人實具白所樂佛告四人汝等所論盡是憂畏危亡之道非是永安最樂之法也萬物春榮秋冬衰落宗親歡娛皆當別離財寶車馬五家之分妻妾美色愛憎之主也凡夫處世興招怨禍危身滅族憂畏無量三塗八難苦痛萬端靡不由之矣是以比丘捨世求道志存無爲不貪榮利自致泥洹乃爲最樂於是世尊即說偈言

愛喜生憂 愛喜生畏 無所愛喜 何憂何畏
好樂生憂 好樂生畏 無所好樂 何憂何畏
貪欲生憂 貪欲生畏 解無貪欲 何憂何畏
貪法戒成 至誠知慙 行身近道 爲衆所愛
欲態不生 思正乃語 心無貪愛 必截流度
佛告四比丘昔有國王名曰普安與鄰國四王共爲親友請此四王宴會一月飲食娛樂

快樂無比臨別之日普安王問四王曰人居世間以何爲樂一王言遊戲爲樂一王言宗親吉會音樂爲樂一王言多積財寶所欲如意爲樂一王言愛欲恣情此則爲樂普安王言卿等所論是苦惱之本憂畏之源前樂後苦憂悲萬端皆由此興不如寂靜無求無欲^{亦三}憺怕守一得道爲樂四王聞之歡喜信解佛告比丘爾時普安王者我身是也四王者汝四人是也前已論之今故不解生死莖蔓何由休息時四比丘重聞此義慙愧悔過心意開悟滅意斷欲得羅漢道

忿怒品第二十五

昔佛在羅閱祇者闍崛山中時調達與阿闍世王共議毀佛及諸弟子王敕國人不得奉佛衆僧分衛不得施與時尊者舍利弗尊者

目連尊者迦葉尊者須菩提等及波和提比丘尼等各將弟子去到他國唯佛與五百羅漢住者闍崛山中調達往至阿闍世王所與王議言佛諸弟子今已迸散尚有五百弟子在佛左右願王明日請佛入城吾當飲五百大象令醉佛來入城驅使醉象令踏殺之盡斷其種吾當作佛教化世間阿闍世王聞之歡喜即到佛所稽首作禮白佛言明日設薄施願屈世尊及諸弟子於宮內食佛知其謀吞言大善明且當往王退而去還語調達佛已受請當合前計飲象令醉伺候待之明日食時佛與五百羅漢共入城門五百醉象鳴鼻而前搪揆牆壁樹木摧折行人驚怖一城戰慄五百羅漢飛在空中獨有尊者阿難在佛邊住醉象齋頭徑前趣佛因舉手五指

應時化爲五師子王同聲俱吼震動天地於
是醉象屈膝伏地不敢舉頭酒醉尋解垂淚
悔過王及臣民莫不驚肅世尊徐前至王殿
上與諸羅漢食訖呪願王白佛言稟性不明
信彼讒言興造逆惡圖爲不軌願垂大慈恕
我迷愚於是世尊告阿闍世及諸大衆世有
八事興長誹謗皆由名譽又貪利養以致大
罪累劫不息何等爲八利衰毀譽稱譏苦樂
自古至今豈不爲惑於是世尊即說偈言
人相謗毀 自古至今 既毀多言 又毀訥訥
亦毀中和 世無不毀 欲意誹聖 不能折中
一毀一譽 但爲利名 明智所譽 唯稱正賢
慧人守戒 無所譏謗 如羅漢淨 莫而誣謗
諸天咨嗟 梵釋所稱
佛說偈已重告王曰昔有國王喜食鴈肉常

遣獵師張網捕鴈日送一鴈以供王食時有
鴈王將五百鴈飛下求食鴈王墮網爲獵師
所得餘鴈驚飛徘徊不去時有一鴈連翻追
隨不避弓矢悲鳴吐血晝夜不息獵師見之
感憐其義即放鴈王令相隨去羣鴈得王歡
喜迴繞爾時獵師具以白王王感其義斷不
捕鴈佛告阿闍世王爾時鴈王我身是也一
鴈者賢者阿難是也五百羣鴈今五百羅漢
是也食鴈國王者今大王是也時獵師者今
調達是也前世已來常欲害我我以大慈之
力因而得濟不念怨惡自致得佛佛說是時
王及羣臣莫不歡喜
塵垢品第二十六
昔有一人無有兄弟爲小兒時父母憐愛赤
心悽悽欲令成就將詣師友勸之書學其兒

驕蹇未不用心朝受暮棄初不誦習如是積年無所知識父母呼歸令治家業其兒驕誕不念勤力家道遂窮眾事弛廢其兒放縱無所顧錄標賣家物快心恣意亂頭徒跣衣服不淨慳貪搪揆不避恥辱愚癡自用人所惡賤國人咸憎謂之兇惡出入行步無與語者不自知惡反咎眾人上怨父母次責師友先祖神靈不肯祐助使我隸滯軛軻如此不如事佛可得其福即到佛所爲佛作禮前白佛言佛道寬弘無所不容願爲弟子乞蒙聽許佛告此人夫欲求道當行清淨行汝齋俗垢入我道中唐自去就何所長益不如歸家孝事父母誦習師教沒命不忘勤修居業富樂無憂以禮自將不犯非宜沐浴衣服慎於言行執心守一所作事辦改行精修人所歎慕

如此之行乃可爲道耳於是世尊即說偈言
不誦爲言垢 不勤爲家垢 不嚴爲色垢
放逸爲事垢 慳爲惠施垢 不善爲行垢
今世亦後世 惡法爲常垢

垢中之垢 莫甚於癡 學當捨此 比丘無垢

其人聞偈自知憍癡即承佛教歡喜還歸思惟偈義改悔自新孝事父母尊敬師長誦習經道勤修居業奉戒自攝非道不行宗族稱孝鄉黨稱悌善名遐布國內稱賢三年之後還至佛所五體作禮懇惻自陳尊教至真得

亦三

十六

全形體棄惡爲善上下蒙慶願垂大慈接度爲道佛言善哉鬚髮尋落即成沙門內思止觀四諦正道精進日證得羅漢道

奉持品第二十七

昔有長老婆羅門名薩遮尼捷才明多智國

中第一有五百弟子貢高自大不顧天下以鐵鎧鎧腹人問其故荅曰恐智溢出故也聞佛出世道化明遠心懷妬嫉寤寐不安語諸弟子吾聞瞿曇沙門自稱爲佛今當往問深妙之事令其心悸不知所陳即與弟子往到祇洹列住門外遙見世尊威光赫奕如日初出五情驚踊喜懼交錯於是徑前爲佛作禮佛命就坐坐訖尼捷問佛言何謂爲道何謂爲智何謂爲長老何謂爲端正何謂爲沙門何謂爲比丘何謂爲仁明何謂爲奉戒若能解荅願爲弟子於是世尊觀其所應以偈荅言

十三

十七

謂懷諦法 順調慈仁 明達清潔 是爲長老
所謂端正 非色如華 貪嫉虛飾 言行有違
謂能捨惡 根源已斷 慧而無恚 是謂端正
所謂沙門 不必除髮 妄語貪取 有欲如凡
謂能止惡 恢廓弘道 息心滅意 是謂沙門
所謂比丘 非時乞食 邪行望彼 求名而已
謂捨罪業 淨修梵行 慧能破惡 是爲比丘
所謂仁明 非口不言 用心不淨 外順而已
謂心無爲 內行清虛 此彼寂滅 是爲仁明
所謂有道 非救一物 普濟天下 無害爲道
奉持法者 不以多言 雖素少聞 身依法行
守道不忘 是爲奉法
薩遮尼捷及五百弟子聞佛此偈歡喜開解
棄捐貢高皆作沙門尼乾一人發菩薩心五
百弟子皆得羅漢道

道行品第二十八

昔有婆羅門年少出家學至年六十不能得道婆羅門法六十不得道然後歸家娶婦爲居生得一男端正可愛至年七歲書學聰了才辯出口有踰人之操卒得重病一宿命終梵志憐惜不能自勝伏其屍上氣絕復甦親族諫喻強奪殯殮埋著城外梵志自念我今啼泣計無所益不如往至閻羅王所乞索兒命於是梵志沐浴齋戒齋持華香發舍而去所在問人閻羅王所治處爲在何許展轉前行數千里至深山中見諸得道梵志復問如前諸梵志問曰卿問閻羅王所治處欲求何等荅言我有一子慧辯過人近日卒亡悲窮懊惱不能自解欲至閻羅王所乞索兒命還將歸家養以備老諸梵志等愍其愚癡即告

卷三

十八

之曰閻羅王所治處非生人可得到也當示卿方宜從此西行四百餘里有大川其中有城此是諸天神案行世間停宿之城閻羅王常以月八日案行必過此城卿持齋戒往必見之梵志歡喜奉教而去到其川中見好城郭宮殿屋宇如忉利天梵志詣門燒香翹脚呪願求見閻羅王閻羅王敕見問之梵志啓言晚生一男欲以備老養育七歲近日命終唯願大王垂恩布施還我兒命閻羅王言所求大善卿兒今在東園中戲自往將去梵志即往見兒與諸小兒共戲即前抱之向之啼泣曰我晝夜念汝食寐不甘汝寧念父母辛苦以不小兒驚喚逆呵之曰癡騃老公不達道理寄住須臾名人爲子勿妄多言不如早去今我此間自有父母邂逅之間唐自抱乎

梵志悵然悲泣而去即自念言我聞瞿曇沙
門知人魂神變化之道當往問之於是梵志
即還佛所時佛在舍衛祇洹為大衆說法梵
志見佛稽首作禮具以本末向佛陳之實是
我兒不肯見名反謂我為癡騃老公寄住須
更認我為子永無父子之情何緣乃爾佛告
梵志汝實愚癡人死神去便更受形父母妻
子因緣會居譬如寄客起則離散愚迷縛著
計為已有憂悲苦惱不識根本沉溺生死未
央休息唯有慧者不貪恩愛覺苦捨集勤修
經戒滅除諸想生死得盡於是世尊即說偈
言
人營妻子 不觀病法 死命卒至 如水湍驟
父子不救 餘親何望 命盡怙親 如盲守燈
慧解是意 可修經戒 勤行度世 一切除苦

遠離諸淵 如風却雲 已滅思想 是為知見
智為世長 淡樂無為 知受正教 生死得盡
梵志聞偈燿然意解知命無常妻子如客稽
首委質願為沙門佛言善哉鬚髮自落法衣
在身即成比丘思惟偈義滅愛斷想即於座
上得阿羅漢道

廣衍品第二十九

昔佛在舍衛國說法教化天龍鬼神帝王人
民三時往聽彼時國王名波斯匿為人驕慢
放恣情欲目惑於色耳亂於聲鼻著馨香口
恣五味身受細滑食飲極美初無厭足食遂
進多恒苦飢虛廚膳不廢以食為常身體肥
盛乘輦不勝卧起呼吸但苦短氣氣閉息絕
經時驚覺坐起呻吟恒苦身重不能轉側以
身為患便教嚴駕往到佛所侍者扶持問訊

却坐叉手白佛言世尊遠侍觀咨受無階不知何罪身為自肥不能自覺何故使爾每自患之是以違替不數禮觀佛告大王人有五事令人常肥一者數食二者喜眠三者憍樂四者無愁五者無事是為五事喜令人肥若欲不肥減食麤燥然後乃瘦於是世尊即說偈言

人當有念意 每食知自省 從是痛用薄 節消而保壽

王聞此偈歡喜無量即呼廚士而告之曰受誦此偈若下食時先為我說然後下食王辭還宮廚士下食輒便說偈王聞偈喜食減一匙食轉減少遂以身輕即瘦如前自見如此歡欣念佛即起步行往到佛所為佛作禮佛命令坐而問王曰車馬人從今為所在也何

緣步行王喜白佛前得佛教奉行如法今者身輕世尊之力是以步來知為何如佛告大王世人如此不知無常長身情欲不念為福人死神去身留墳塚智者養神愚者養身若能解此奉修聖教於是世尊重說偈言

人之無常 老如特牛 但長肌肥 無有智慧 生死無聊 往來艱難 意荷貪身 更苦無端 慧人見苦 是以捨身 滅意斷欲 愛盡無生 王重聞偈欣然意解即發無上正真道意聽者無數即得法眼

昔有七比丘入山學道十二年不能得道自共議言學道甚難毀形執節不避寒苦終身乞食受辱難堪道卒叵得罪難可除唐自勞動殞命山中不如歸家修立門戶娶妻養子廣為利業快心樂意安知後事於是七人

即起出山佛遙知之應當得度不忍小苦終墮地獄甚可憐傷佛即化作沙門往到谷中逢七比丘化人問曰久承學道何以來出七人荅言學道勤苦罪根難拔分衛乞食受辱難堪又此山中無供養者瓌瓌積年恒守儉約唐自困苦道不可得且欲還家廣求利業大作資財投老求道化沙門言且止聽我所言人命無常旦夕不保學道雖難前苦後樂居家艱難億劫無息妻子會止願同安利欲望永樂不遭患難是猶治病服毒有增無損也三界有形皆有憂惱唯有信戒心無放逸精進得道衆苦永畢於是化沙門現佛身相光像巍巍即說偈言

學難捨罪難 居止家亦難 會止同利難
艱難無過有 比丘乞求難 何可不自勉

精進得自然 終無欲於人 有信則戒成
從戒多致寶 亦從得諧偶 在所見供養
一坐一處卧 二行不放恣 守一以正心
必樂居樹間

於是七比丘見佛身相又聞此偈慙怖戰慄五體投地稽首佛足攝心悔過作禮而去還入山中殞命精進思惟偈義守一正心閑居寂滅得羅漢道

地獄品第三十

昔舍衛國有婆羅門師名不蘭迦葉與五百弟子相隨國王人民莫不奉事佛初得道與諸弟子從羅閱祇至舍衛國身相顯赫道教清美國王中宮率土人民莫不奉敬於是不蘭迦葉起嫉妬意欲毀世尊獨望敬事即將弟子見波斯匿王而自陳曰吾等長老先學

國之舊師沙門瞿曇後出求道實無神聖自稱爲佛而王捨我欲專奉之今欲與佛拊試道德知誰爲勝勝者王便終身奉之王言大善王即嚴駕往到佛所禮畢白言不蘭迦葉欲與世尊拊盡道力不審世尊爲可爾不佛言大佳結期七日當拊變化王於城東平廣好地立二高座高四十丈七寶莊校施設幢幡整頓座席二座中間相去二里二部弟子各坐其下國王羣臣大眾雲集欲觀二人拊其神化於時不蘭迦葉與諸弟子先到座所登梯而上有鬼神王名曰般師見迦葉等虛妄嫉妬即起大風吹其高座坐具顛倒幢幡飛揚雨沙礫石眼不得視世尊高座帖然不動佛與大眾庠序而來方向高座忽然已上衆僧一切寂然次坐王及羣臣加敬稽首白

卷三

三十三

佛言願垂神化厭伏邪見并令國人明信正真於是世尊即於座上忽然不現即昇虛空放大光明東沒西現四方亦爾身出水火上下交易坐卧空中十二變化沒身不現還在座上天龍鬼神華香供養讚善之聲震動天地不蘭迦葉自知無道低頭慚愧不敢舉目於是金剛力士舉金剛杵杵頭出火以擬迦葉何以不現卿變化乎迦葉惶怖投座而走五百弟子奔播迸散世尊威顏容不欣戚還到祇樹給孤獨園國王羣臣歡喜辭還於是不蘭迦葉與諸弟子受辱而去去至道中逢一老優婆夷字魔尼逆罵之曰卿等羣愚不自忖度而欲與佛比拊道德狂愚欺誑不知羞恥亦不須持此面目行於世間也不蘭迦葉與諸弟子至江水邊誑諸弟子我今投水

必生梵天若我不還則知彼樂諸弟子待之不還自共議言師必上天我何宜住一一投水冀當隨師不知罪牽皆墮地獄後日國王聞其如此甚驚怪之往到佛所白佛言不蘭迦葉師徒迷愚何緣乃爾佛告王曰不蘭迦葉師徒重罪有二一者三毒熾盛自稱得道二者毀謗如來欲望敬事以此二罪應墮地獄殃咎催逼使其投河身死神去受苦無量是以智者守攝其心內不興惡外罪不至譬如邊城與寇連接守備牢固無所畏懼內人安隱外寇不入智者自護亦復如是於是世尊即說偈言

妄證求賂行已不正 怨譖良人以枉治世
罪牽斯人身投於坑 如備邊城中外牢固
自守其心非法不生 行缺致憂令墮地獄

亦三

亦四

佛說偈已重告王曰乃往昔時有二獼猴王各主五百獼猴一王起嫉妬意欲殺一王規圖獨治便往共鬪數數不如羞慚退去到大海邊海曲之中有水聚沫風吹積聚高數百丈獼猴王愚癡謂是雪山語羣輩言久聞海中有大雪山其中快樂甘果恣口今日乃見吾當先到往行看視若審樂者不能復還若不樂者當來語汝於是上樹盡力跳騰投聚沫中溺沒海底餘者怪之不出謂必大樂一一投中斷羣溺死佛告王曰爾時嫉妬獼猴王者今不蘭迦葉是也彼一獼猴王者我身是也不蘭迦葉前世坐懷嫉妬爲罪所牽自投聚沫絕羣斷種今復誹謗盡投江河罪對使然累劫無限王聞信解作禮而去

法句譬喻經卷第三

法句譬喻經卷第四

亦四

西晉沙門法炬共法立譯

象喻品第三十一

昔尊者羅云未得道時心性麤獷言少誠信
佛敕羅云汝往到賢提精舍中住守口攝意
勤修經戒羅云奉教作禮而去住九十日慚
愧自悔晝夜不息佛往見之羅云歡喜趣前
禮佛安施繩牀攝受震越佛踞繩牀告羅云
言澡槃取水爲吾洗足羅云受教爲佛洗足
洗足已訖佛語羅云汝見澡槃中洗足水不
羅云白佛唯然見之佛語羅云此水可用食
飲盥漱以不羅云白言不可復用所以者何
此水本實清潔今已洗足受於塵垢以是之
故不可復用佛語羅云汝亦如是雖爲吾子
國王之孫捨世榮祿得爲沙門不念精進攝

心守口三毒垢穢充滿胃懷亦如此水不可
復用也佛復語羅云棄澡槃水羅云即棄佛
語羅云澡槃雖空可用盛飲食不耶白言不
可所以者何用有澡槃之名曾受不淨故也
佛語羅云汝亦如是雖爲沙門口無誠信心
性剛強不念精進曾受惡名亦如澡槃不中
盛食也佛以足指撥却澡槃應時輪轉而走
自跳數反乃止佛語羅云汝寧惜此澡槃恐
破不乎羅云白佛洗足之器賤價之物意中
雖惜不大慙懃佛語羅云汝亦如是雖爲沙
門不攝身口麤惡言語多所中傷衆所不愛
智者不惜身死神去輪轉三塗自生自死苦
惱無量諸佛賢聖所不愛惜亦如汝言不惜
澡槃也羅云聞之慚愧怖悸佛告羅云聽我
說喻昔者國王有一大象猛黠能戰其力勢

勝五百小象其王與軍欲伐逆國被象鐵鎧象士御之以雙矛戟繫象兩牙復以二劍繫著兩耳以曲刃刀繫象四脚復以鐵棒繫著象尾被象九兵皆使嚴利象惟藏鼻護不用鬪象士歡喜知象護身命所以者何象鼻軟脆中箭即死是以不出鼻鬪耳象鬪殊久出鼻求劍象士不樂念此猛象不惜身命出鼻求劍欲著鼻頭王及羣臣惜此大象不復使鬪佛告羅云人犯九惡惟當護口如此大象護鼻不鬪所以然者畏中箭死人亦如是所以護口當畏三塗地獄苦痛十惡盡犯不護口者如此大象分喪身命不計中箭出鼻鬪耳人亦如是十惡盡犯不惟三塗毒痛辛苦若行十善攝身口意衆惡不犯便可得道長離三趣無生死患於是世尊即說偈言

我如象鬪 不忍中箭 當以誠信 度無戒人 譬象調軟 可中王乘 調為尊人 乃受誠信 羅云聞佛懇惻之誨感激自勵尅骨不忘精進和柔懷忍如地識想寂靜得羅漢道 昔佛在舍衛國祇樹精舍為四部弟子天龍鬼神帝王臣民敷演大法時有長者居士名曰呵提曇來詣佛所為佛作禮却坐一面又手長跪白世尊曰久承洪化欽仰奉顏逼私不獲願垂慈恕世尊令坐即問所從來姓字為何長跪答曰本居士種字呵提曇乃先王時為王調象佛問居士調象之法有幾事乎答曰常以三事用調大象何謂三一者剛鈎鈎口著其鞞鞞二者減食常令飢瘦三者捶杖加其楚痛以此三事乃得調良又問施此三事何所攝治也鐵鈎鈎口以制強口不與

食飲以制身擴加捶杖者以伏其心正爾便
調曰作此伏者爲何所施用答曰如是伏者
可中王乘亦可令闔隨意前却無有罣礙又
問居士止有此法復有其異答曰調象之法
正如此耳佛告居士但能調象復能自調即
曰不審自調其義云何唯願世尊彰演未聞
佛告居士吾亦有三事用調一切人亦以自
調得至無爲一者至誠制御口業二以慈貞
伏身剛強三以智慧滅意癡蓋持是三事度
脫一切離三惡道自致無爲不遭生死憂悲
苦惱於是世尊即說偈言
如象名護財 猛害難禁制 繫鞵不與食
而猶暴逸焉 本意爲純行 及常行所安
悉捨降結使 如鉤制象調 樂道不放逸
能常自護心 是爲拔身苦 如象出于陷

雖爲常調 如彼新馳 亦取善象 不如自調
彼不能適 人所不至 唯自調者 能到調方
居士聞偈喜慶難量內情解釋即得法眼聽
者無數皆得道迹

愛欲品第三十二

昔佛在羅閱祇國者闍崛山精舍之中爲天
人龍鬼轉大法輪時有一人捨家妻子來至
佛所爲佛作禮求爲沙門佛即受之令作沙
門命令樹下坐思惟道德比丘受教便入深
山去精舍百餘里獨坐樹間思道三年心不
堅固意欲退還本自念捨家求道勤苦不如早
歸見我妻子作此念已便起出山佛以聖達
見此比丘應當得道愚故還歸佛以神足化
作沙門便往逆之道路相見化人即問所從
來也此地平坦可共坐語於是二人便坐息

語即荅化人吾捨家妻子求作沙門處此深山不能得道與妻子別不如本願唐喪我命勞而無獲今欲悔還歸見我妻子使相娛樂後更作計須臾之間有老獼猴去樹木之間在無樹之處於中生活化沙門問此比丘是獼猴何故獨在平地無有樹木云何樂此比丘荅化人言我久見此獼猴以二事故來住此耳何等為二一以妻子眷屬羣多不得飲食快樂恣口二常晝夜上下樹木脚底穿破不得寧息以此二事故捨樹木來住是間二人語頃復見獼猴走還上樹化沙門語比丘言汝見獼猴還趣樹木不也荅曰見之此獸愚癡得離樹木羣從憤鬧不厭勞煩而還入中化人言卿亦如是與此獼猴復何異矣卿本以二事故來入此山中何等為二一以妻

亦四

五之一

婦舍宅為牢獄故二以兒子眷屬為桎梏卿以是故來索求道斷生死苦方欲歸家還著桎梏入牢獄中恩愛戀慕徑趣地獄化沙門即現相好丈六金色光明普照感動一山飛鳥走獸尋光而來皆識宿命心內悔過於是世尊即說偈言

如樹根深固 雖截猶復生 愛意不盡除 輒當還受苦 獼猴如離樹 得脫復趣樹 衆人亦如是 出獄復入獄 貪意為常流 習與憍慢并 思想猗姪欲 自覆無所見 一切意流衍 亦四 愛結如葛藤 唯慧分別見 能斷意根源 夫從愛潤澤 思想為滋蔓 愛欲深無底 老死是用增

比丘見佛光明炳著又聞偈言悚然戰慄五體投地懺悔謝過內自改責即便却數息隨

五之二

止觀在於佛前逮得應真諸天來聽聞皆歡
喜散華供養稱善無量

昔佛在舍衛國爲天人說法時城中有婆羅
門長者財富無數爲人慳貪不好布施食常
閉門不喜人客若其食時輒敕門士堅閉門
戶勿令有人妄入門裏乞丐求索沙門梵志
不能得入與其相見爾時長者欸思美食便
敕其妻令作飲食教殺肥雞薑椒調和煮之
令熟飲食釘餽即時已辦敕外閉門夫婦二
人坐一小兒著聚中央便共飲食父母取雞
肉著兒口中如是數過初不肯廢佛知此長
者宿福應度化作沙門伺其坐食現出座前
呪願且言多少布施可得大富長者舉頭見
化沙門即罵之曰汝爲道士而無羞恥室家
坐食何爲唐突沙門荅曰卿自愚癡不知慚

羞今我乞士何爲慙羞長者問曰吾及家室
自相娛樂何故慙羞沙門荅曰卿殺夫妻母
供養怨家不知慙羞反謂乞士何爲慙羞於
是沙門即說偈言

所生枝不絕 但用食貪欲 養怨益丘塚

愚人常汲汲 雖獄有鈎鑠 慧人不謂牢

愚見妻子飾 染著意甚牢 慧說愛爲獄

深固難得出 是故當斷棄 不視欲爲安

長者聞偈驚而問之道人何故而說此語也

道人荅曰按上雞者是卿先世時父以慳貪

故常生雞中爲卿所食此小兒者往昔作羅

刹卿作估客汝父大人乘船入海輒流墮羅

刹國中爲羅刹所食如是五百世壽盡來爲

卿作子以卿餘罪未畢故來欲相害今是妻

者是卿先世時母以恩愛深固故今還與卿

作婦今卿愚癡不識宿命殺父養怨以母爲妻五道生死輪轉無際周遊五道誰能知者唯有道士見此覩彼愚者不知豈不慚羞於是長者欬然毛豎如畏怖狀佛現威神令識宿命長者見佛即識宿命尋則懺悔謝佛便受五戒佛爲說法亦四即得須陀洹道七

昔佛在舍衛祇洹說法時有年少比丘入城分衛見一年少女人端正無比心在色欲迷結不解遂便成病食飲不下顏色憔悴委卧不起同學道人往問訊之何所患苦年少比丘具說其意欲壞道心從彼愛欲願不如意愁結爲病同學諫諭不入其耳便強扶持將至佛所具以事狀啓白世尊佛告年少比丘汝願易得耳不足愁結也吾當爲汝方便解之且起食飲比丘聞之坦然意喜氣結便通

於是世尊將此比丘并與大眾入舍衛城到好女舍好女已死停屍三日室家悲號不忍埋藏身體臭脹不淨流出佛告比丘汝所貪惑好女人者今已如此萬物無常變在呼吸愚者觀外不見其惡纏綿罪網以爲快樂於是世尊即說偈言

見色心迷惑 不惟觀無常 愚以爲美善
安知其非真 以姪樂自裹 譬如蠶作繭
智者能斷棄 不眇除衆苦 心念放逸者
見姪以爲淨 恩愛意盛增 從是造牢獄
覺意滅姪者 常念欲不淨 從是出邪獄
能斷老死患
於是年少比丘見此死女已三日面目胖爛其臭難近又聞世尊清誨之偈悵然意悟自知迷謬爲佛作禮叩頭悔過受佛自歸將還

祇洹沒命精進得羅漢道所將大眾無央數人見色欲之穢信無常之證貪意望止亦得道迹

昔佛在舍衛精舍為天人鬼龍說法時世有大長者財富無數有一息男年十二三父母命終其兒年小未^{亦四}知生活理家之事費散財物數年便盡久後行乞猶不自供其父有親友長者大富無數一日見之問其委曲長者愍念將歸經紀以女配之給與奴婢車馬資財無數更作屋宅成立門戶為人懶惰無有計校不能生活坐散財盡日更飢困長者以其女故更與資財故復如前遂至貧乏長者數餉用之無道念巨成就欲奪其婦更嫁與人宗家共議女竊聞之還語其夫我家羣強勢能奪卿以卿不能生活故卿當云何欲作

何計也其夫聞婦言慚愧自念是吾薄福生失覆蓋不習家計生活之法今當失婦乞囚如故恩愛已行貪欲情著今當生別情豈可勝思惟反覆便興惡念將婦入房今欲與汝共死一處即便刺婦還自刺害夫婦俱死奴婢驚走往告長者長者大小驚懼來視見其已殺棺殮遣送如國常法長者大小憂愁念女不去須臾聞佛在世教化說法見者歡喜忘憂除患將家大小往到佛所為佛作禮却坐一面佛問長者為所從來何以不樂憂愁之色長者白言居門不德前嫁一女^{亦四}值遇愚夫不能生活欲奪其婦便殺婦及身共死一處如此遣送適還追愍痛毒情不能已過觀世尊佛告長者貪婬瞋恚世之常病愚癡無智患害之門三界五道由此墮淵展轉生死

無央數劫受苦萬端猶尚不悔豈況愚人能
得識此貪欲之毒滅身滅族害及衆生何況
夫婦於是世尊即說偈言

愚以貪自縛 不求度彼岸 貪爲財愛欲
害人亦自害 愛欲意爲田 姪怒癡爲種
故施度世者 得福無有量 伴少而貨多
商人怵惕懼 嗜欲賊害命 故慧不貪欲
爾時長者聞佛說偈欣然歡喜忘憂除患即
於座上一切大小及諸聽者破二十億惡得
須陀洹道

昔佛在舍衛精舍中爲天龍鬼神帝王臣民
說法時有遊蕩子二人共爲親友常相追隨
一體無異二人共議欲作沙門相將至佛所
爲佛作禮長跪叉手白佛言願欲作沙門唯
見聽許佛受之即作沙門佛命共止一房二

人共止但念世間恩愛榮樂更共咨嗟情欲
形體說其姿媚專著不捨念不止息不計無
常汙露不淨以此鬱怫病生於內佛以慧眼
知其想亂走意於欲放心不住是以不度佛
令一人行便自化一人入房間之言吾等所
思意志不離可共往觀視其形體知爲何如
但空想念疲勞無益二人相隨至姪女村佛
於村內化作一姪女人共入其舍而告之曰
吾等道人受佛禁戒不犯身事意欲觀女人
形容當雇直如法於是化女即解瓔珞香熏
衣裳裸形而立臭處難近二人觀之具見汗
露化沙門即謂一人言女人之好但有脂粉
芬薰衆華沐浴塗香著衆雜色衣裳以覆汗
露強熏以香欲以人觀譬如革囊盛屎有何
可貪於是化比丘即說偈言

欲我知汝本 意以思想生 我不思想汝
則汝而不有 心可則為欲 何必獨五欲
速可絕五欲 是乃為勇士 無欲無所畏
恬憚無憂患 欲除使結解 是為長出淵
佛說偈已現其光相比丘見之慚愧悔過五
體投地為佛作禮重為說法欣然得解便得
羅漢一人行還見伴顏姿欣悅於常即問其
伴獨何如斯即如事說佛之大慈愍度如此
蒙世尊恩得免眾苦於是比丘重為說偈言
晝夜念嗜欲 意走不念休 見女欲汗露
想滅則無憂
其伴比丘聞此偈已便自思惟斷欲滅想即
得法眼
利養品第三十三
昔佛將諸弟子至俱曇彌國美音精舍為天

十一

十一

人神龍說法時國王名曰優填有大夫人為
人執行仁愛顯譽清潔王珍其操每私恭敬
聞佛來化嚴駕共出往至佛所為佛作禮却
坐常位佛為國王及夫人姝女說無常苦空
人所由生會合別離怨憎會苦由福生天由
惡入淵國王夫人歡喜信解各受五戒為清
淨士女禮佛辭退還入宮中有婆羅門名曰
吉星生一好女世間少比至年十六無能訶
者懸金千兩積九十日募索智者有能訶此
女為不端正者以金與之無敢應者女以長
大應當嫁處念當與誰若有端正如我女者
以女與之聽聞沙門瞿曇釋迦之種姿容金
色世所希有當以此女往配與之便將至佛
所為佛作禮白佛言我女好潔世間無雙年
大應嫁世無匹偶瞿曇端正可以為雙故遠

將來以配世尊佛告吉星卿女端正正是卿家
好如我之好是諸佛好我好女好其道不同
卿自譽女端正姝好譬如畫瓶中盛屎尿有
何奇特好爲所在著眼耳鼻口身之大賊面
目端正身之大患破家滅族殺親殺子皆由
女色吾爲沙門一身獨立猶尚恐危況受禍
災殘賊之胤也卿自將去吾不受之於是梵
志嗔恚便去到憂填王所讚女姿媚具白王
言此女應相當爲王妃今以年大故送女與
王王見歡喜即受納之拜爲第二左夫人即
以印綬金銀珍寶賜與吉星拜爲輔臣此女
得敘每協妬嫉妖蠱迷王數譖大夫人如是
非一王返辱曰卿等妖媚言反不遜彼人操
行可貴而反譖之此女心忌猶欲害之數譖
不已王頗惑之前後心謀伺其齋時因勸白

齊四

十一

王今日之樂宜請右夫人王便普召敕令皆
會夫人持齋獨不應命反覆三呼執齋不移
王怒隆盛遣人曳出縛著殿前欲射殺之夫
人不怖一心歸佛王自射之箭還向王後射
輒還數箭亦爾王時大怖自解而問之曰汝
有何術乃致如此夫人對曰唯事如來歸命
三尊朝奉法齋過中不食加行八事飾不近
身必是世尊哀顧若茲王曰善哉豈可言不
即出吉星女還其父母以大夫人正理宮內
王與大夫人後宮太子嚴駕羣臣往到佛所
作禮却坐叉手聽法王即白佛具以如事向
佛陳之佛告大王妖蠱女人有八十四態大
態有八慧人所惡何謂爲八一者妬嫉二者
妄瞋三者罵詈四者呪詛五者鎮厭六者慳
貪七者好飾八者含毒是爲八大態於是世

尊即說偈言

天雨七寶 欲猶無厭 樂少苦多 覺者為賢
雖有天欲 慧捨不貪 樂離恩愛 為佛弟子
佛告大王 人行罪福 各有本性 所受影響 萬
倍不同 若行六德 持齋福多 諸佛所譽 終生
梵天福樂 自然佛說 是時王及夫人 姪女大
臣一切心解 皆得道迹

沙門品第三十四

昔佛在舍衛精舍之中 為天龍鬼神國王人
民說法時 有一年少比丘 晨旦著衣服 拄杖
持鉢 至大村中 分衛時 大道邊有官菜園 外
面種黍稷 其田外草中 施張發箭 若有蟲獸
盜賊來者 觸網箭發 中箭則死 有一端正年
少女子 獨守此園 人欲往者 遙喚示道 乃得
入園 不知道者 必為發箭所殺 而此女子 獨

守悲歌其聲 妖亮聽者 莫不頓車止馬 迴旋
蹀躞而欲趣之 槃桓不去 皆坐聲響 時此比
丘分衛行還 道聞歌聲 側耳聽音 五情逸豫
心迷意亂 貪著不捨 想是女人 必大端正 思
想欲見 起坐言語 便旋往趣 未到中間 意志
恍惚 手失錫杖 肩失衣鉢 殊不自覺 佛以三
達見此比丘 小復前行 為箭所殺 福應得道
為愚所迷 欲蓋所覆 憐愍其愚 欲度脫之 自
化作白衣 往到其邊 以偈呵之曰
沙門何行 如意不禁 步步著粘 但隨思走
袈裟被肩 為惡不損 行惡者死 斯墮惡道
截流自忖 折心却欲 人不割欲 一意猶走
為之為之 必強自制 捨家而懈 意猶復染
行懈緩者 勞意不除 非淨梵行 焉致大寶
不調難誠 如風枯樹 自作為身 曷不精進

說此偈已即自復形相好炳然光照天地若有見者迷解亂止各得其所比丘見佛心意燿開如冥闕明即五體投地爲佛作禮叩頭悔過懺悔謝佛內解止觀即得羅漢隨佛還精舍聽者無數皆得法眼

梵志品第三十五

亦四

十四

昔私訶牒國中有大山名私休遮陀山中有梵志五百餘人各達神通自相謂曰吾等所得正是涅槃佛始出世初建法鼓開甘露門此等梵志聞而不就宿福應度佛往就之獨行無侶到其路口坐一樹下三昧定意放身光明照一山中狀如失火山中盡燃梵志怖懼咒水滅之盡其神力不能使滅怪而捨走從路出山遙見世尊樹下坐禪譬如日出金山之側相好炳然如月星中明怪是何神就

而觀之佛命令坐問所從來梵志對曰止此山中修道來久旦欵火起燒山樹木怖而走
出佛告梵志此是福火不傷損人欲滅卿等癡結之垢梵志師徒顧相謂曰是何道士也
九十六種未有此師曰曾聞白淨王子名曰
悉達不樂聖位出家求佛將無是也徒等啓
師可共問佛梵志所行事爲如法不也師徒
之等共起白佛梵志經法名四無礙天文地
理王者治國領民之法并九十六種道術所
應行法此經爲是泥洹法不願佛解說開化
未聞佛告梵志善聽思之吾從宿命無數劫
來常行此經亦得五通移山住流更歷生死
不可計數既不涅槃亦復不聞有得道者如
汝等行非名梵志於是世尊以偈歎曰
截流而度 無欲如梵 知行已盡 是謂梵志

以無二法 清淨渡淵 諸欲結解 是謂梵志
非族結髮 名爲梵志 誠行法行 清白則賢
別髮無慧 草衣何施 內不離著 外捨何益
去姪怒癡 憍慢諸惡 如蛇脫皮 是謂梵志
斷絕世事 口無麤言 八道審諦 是謂梵志
已斷恩愛 離家無欲 愛著已盡 是謂梵志
離人聚處 不墮天聚 諸聚不歸 是謂梵志
自識宿命 本所更來 生死得盡 觀通道玄
明如能嘿 是謂梵志 佛說偈已 告諸梵志
汝等所修 自謂已達 涅槃如少水魚 豈有長
樂命本無者也 梵志聞經 五情內發 喜悅長
跪白佛 願爲弟子 頭髮自墮 卽作沙門 本行
清淨 因而得道 爲阿羅漢 天龍山神 皆得道
迹

泥洹品第三十六

昔佛在王舍城靈鷲山中 時與諸比丘千二
百五十人 俱時摩竭國王 號名阿闍世 所領
百國 各有姓名 近有一國 名曰越祇 不順王
命 欲往伐之 卽召羣臣 講宣議曰 越祇國人
富樂熾盛 多出珍寶 不首伏於我 寧可起兵
往伐之 不也 國有賢公 丞相名曰雨舍 對曰
唯然 王告雨舍 佛去是不遠 聖哲三達 無事
不貫 汝持吾聲 往至佛所 如卿意 智委悉 問
之 欲往伐彼 寧得勝 不丞相受教 卽嚴車馬
往 至精舍前 到佛所 頭面著地 爲佛作禮 佛
命令坐 公卽就坐 佛問國丞相 從何所來 公
言 王使臣來稽首 佛足 問訊起居 飡食 勝常
佛卽問公 王及國土人民 臣下 皆自平安 不
公言 國王及民 皆蒙佛恩 公白佛言 王與越
祇國 有嫌 欲往伐之 於佛聖意 爲可得勝 不

佛告丞相是越祇國人民奉行七法不可勝之王可諦思勿妄舉動公即問佛何等七法佛言越祇人數相聚會講宣正法修備自守以此爲常是謂爲一越祇國人君臣常和所任忠良教諫承用不相違戾是謂爲二越祇國人奉法相率無所不調不敢犯過上下循常是謂爲三越祇國人禮讓謹敬男女有別長幼相承不失儀法是謂爲四越祇國人孝養父母遜悌師長受誠教誨以爲國則是謂爲五越祇國人承天則地敬畏社稷奉順四時民農不廢是謂爲六越祇國人尊道敬德國有沙門得道應真方遠來者供養衣被牀卧醫藥是爲七夫爲國主行此七法難可得危極天下人共往攻之不能得勝佛告丞相若使越祇國人持一法尚不可攻何況盡持

亦四

十七之二

如是七法於是世尊即說偈言

利勝不足恃 雖勝猶復苦 當自求勝法

已勝無所生

雨舍丞相聞佛說偈即得道迹時會大小皆得須陀洹道公即從座起白佛言國事煩多

欲還請辭佛言可宜知是時即從座起禮佛

而去還至具事白玉即止不攻持佛嚴教以

化國內越祇國人即來順命上下相奉國遂

興隆

生死品第三十七

十七之二

昔佛在舍衛國祇洹精舍爲天人國王大臣

廣說妙法有一梵志長者居在路側財富無

數止有一子其年二十新娶婦未滿七日夫

婦相敬言語相順婦語其夫欲至後園中看

戲爲得爾不上春三月夫婦相將至後園中

有一柰樹高大華好婦欲得華無人與取夫
知婦意欲得柰華即便上樹正取一華復欲
得一展轉上樹乃至細枝枝折墮地傷中即
死居家大小奔波跳走往趣兒所呼天號哭
斷絕復甦中外宗族來者無數皆共悲痛聞
之者莫不傷心見之者莫不痛哀父母妻息
怨咎天地謂爲不護棺殮衣被如法遣送還
家啼泣不能自止於是世尊愍傷其愚往問
訊之長者室家大小見佛悲感作禮具陳辛
苦佛語長者止息聽法萬物無常不可久保
生則有死罪福相追此兒三處爲其哭泣懊
惱斷絕亦復難勝竟爲誰兒何者爲親也於
是世尊即說偈言

受形命如電 晝夜流難止 是身爲死物
精神無形法 作令死復生 罪福不敗亡
終始非一世 從愛癡久長 自作受苦樂
身死神不喪

長者聞偈意解忘憂長跪白佛此兒宿命作
何罪豐盛美之壽而便中天唯願解說本所
行罪佛告長者乃往昔時有一小兒持弓箭
入神樹中戲邊有三人亦在中看樹上有雀
小兒欲射三人勸言若能中雀者世稱健兒
小兒意美引弓射之中雀即死墮地三人共
笑助之歡喜而各自去經歷生死無數劫中
所在相遭共會受罪其三人中一人有福今
在天上一人生海中爲化生龍王一人今日
長者身是此小兒者前生天上爲天作子命
終來下爲長者作子隨樹命絕即生海中爲

化生龍王作子即以生日化生金翅鳥王取而食之今日三處懊惱涕哭寧可言也昔射雀者今死兒是昔雀者化生金翅鳥王是其三人助喜者今長者天龍喪子者是以其金翅鳥王而食之今日三處懊惱涕泣寧可言也以其前世助之喜故此三人者報以涕哭於是世尊復說偈言

識神造三界 善不善五處 陰行而嘿至 所生如響應 欲色不色有 一切因宿行 如種隨本像 自然報如影

佛說偈已欲使長者意解即以道力示其宿命皆見天上龍中之事長者意解欣然即起長跪叉手白佛言願及大小為佛弟子奉受五戒為優波塞佛即授戒重為說法無常之義大小歡欣皆得須陀洹道

道利品第三十八

昔有國王治行正法民慕其化無有太子以爲愁憂佛來入國便出覲尊聽經歡欣即受五戒一心奉敬唯願有子晝夜精進三時不懈有一給使其年十一常為王使忠信奉法不失威儀謙卑忍辱精進一心學誦經偈如時先起已辦香火數年之中精進如是不以爲勞卒得重病遂致無常其神來還為王作子乳哺長大至年十五立為太子父王命終襲代為王憍慢自恣姪洑欲樂晝夜耽荒不理國事臣僚廢朝民被其患佛知其行不合本職將諸弟子往到其國王聞佛來如先王法大眾奉迎稽首于地却坐王位佛告王曰士庶人民羣僚百官悉自如常不王曰為人年幼未能綏化皆蒙佛恩國土無他佛告王

曰王今自知本所從來作何功德得此王位
王曰不審頑愚不達不知先世所從來也佛
告大王本以五事得爲國王何等爲五一者
布施得爲國王萬民奉獻宮觀殿堂資財無
極二者興立寺廟供養三尊牀榻幃帳以是
爲王在於正殿御座理國三者親身禮敬三
尊及諸長德以是爲王一切萬民莫不爲之
作禮者四者忍辱身三口四及意無三惡以
是爲王一切見者莫不歡欣五者學問常求
智慧以是爲王決斷國事莫不奉行此五
事世世爲王於是世尊以偈讚曰
人知奉其上 君父師道士 信戒施聞慧
終吉所生安 宿命有福慶 生世爲人尊
以道安天下 奉法莫不從 王爲臣民主
常以慈愛下 身率以法戒 示之以休咎

處安不忘危 慮明福轉厚 福德之反報
不問尊以卑
佛告王曰王前世時爲大王給使奉佛以信
奉法以淨奉僧以敬奉親以孝奉君以忠常
行一心精進布施勞身苦體初不懈倦是福
追身得爲王子補王之榮今者富貴而反懈
怠夫爲國王當行五事何謂爲五事一者領
理萬民無有枉濫二者養育將士隨時稟與
三者念修本業福德無絕四者當信忠臣正
直之諫無受讒言以傷正直五者節貪欲樂
心不放逸行此五事名聞四海福祿自來捨
此五事衆綱不舉民困則思亂士勞則勢不
舉無福鬼神不助自用失大理忠臣不敢諫
心逸國不理臣孽民則怨若如是者身失令
名後則無福於是世尊重說偈言

夫爲世間將 修正不阿枉 調心勝諸惡
如是爲法王 見正能施惠 仁愛好利人
既利以平均 如是衆附親
佛說是時王大歡喜起住佛前五體投地懺
悔謝佛即受五戒佛重說法得須陀洹道
昔佛在舍衛國祇樹精舍爲諸天人國王大
臣四輩弟子說無上大法時舍衛國南有深
山其中常出野象有三色白青黑者國王欲
得好名鬪大象輒遣人往捕取將來付調象
師三年之中便可乘騎亦可令鬪有一神象
龍之所生身白如雪鬣尾赤如丹兩牙如金
色獵師見此非常好象還白國王有此大象
其形如是宜大王乘王即募捕象師三十餘
人遣令捕此象人衆往到象所張罾欲捕象
而此神象知諸人意即便來前如墮罾中衆

人皆來而欲捕之象便瞋恚逸躑跳之人近
者即死遠者得走象逐不置時山脇有諸年
少道人多力勇健山中學道大久未得定意
遙見此象追逐殺人道人憐愍人故自恃勇
健欲往救之佛已遙見恐此比丘爲神象所
殺即到象邊放大光明象見佛光怒止恚解
不復追逐殺人比丘見佛逆爲作禮佛爲比
丘即說偈言
勿妄燒神象 以招苦痛患 惡意爲自殺
終不至善方
比丘聞偈即本四便稽首懺悔謝過三三內自篤責深
惟爲非即於佛前逮得應真時捕象人即皆
還甦走者尋還皆得道迹
昔佛在羅閱祇者闍崛山中時國瓶沙王有
一大臣犯事免退徙著南山中去國千里又

由來無人不熟五穀大臣到中泉水流溢五穀大熟四方諸國有飢寒者俱來至此山中數年之間便有三四千家來者給與田地令得生活其中三老諸長宿年共議國之無君猶身之無首相將至大臣所舉大臣爲國王大臣荅長老曰若以我爲王者當如諸國王之法左右大臣文武將士上下朝直發女填宮租稅穀帛當如民法諸國老曰唯然奉命當隨王法即立爲王處置羣臣文武上下發調人民築城作舍宮殿觀樓民被苦毒不復堪諧皆發想念欲謀圖王諸姦臣輩將王出獵去城三四十里於曠野澤中牽王欲殺王問左右何緣殺我昔日民慕豐樂奉王以禮民困思亂破家圖國王告之言卿等自爲非我本造枉殺我者神祇知之聽我發一願死

亦四

二十三

不有恨即願曰我本開荒出穀養民來者皆活富樂無極自共舉我立爲國王依案諸國自共作此今反殺我我實無惡於此人民若我死者願作羅刹還入故身中當報此怨於是絞殺棄屍而去三日之後王神即作羅刹還入故身中自名阿羅婆即起入宮喻殺新王并後宮嫪女左右姦臣即皆殺之羅刹瞋恚出宮盡欲殺人國中三老草索自縛來向羅刹自首此是姦臣所爲非是細民所可能知乞匄原恕願還治國王曰我是羅刹那得與人共從事也食飲當得人肉羅刹急性忿不思難三老曰國是王許故當如前食飲所須當相差次國老共出宣令人民皆共探籌以此爲次家出一小兒生用作食飼羅刹王三四千家正有一戶爲佛弟子居門精進五

戒不犯隨民探籌得第一籌有一小兒當先
飼鬼王賢者大小懊惱啼哭遙向崛閣山爲
佛作禮悔過自責佛以道眼見其辛苦便自
說言因是小兒當度無數人便獨飛往至羅
刹門現變光相照其宮內羅刹見光疑是異
人即出見佛便起毒心欲前喻佛光刺其目
擔山吐火皆化爲塵至久疲頓然後降化請
佛入坐頭面作禮佛爲說經一心聽法即受
五戒爲優婆塞使吏催食奪兒將來舉家啼
哭隨道而來觀者無數爲之悲哀吏抱兒擎
食著羅刹前羅刹即持此小兒擎食至佛前
長跪白佛言國人相差次以小兒爲食我今
受佛五戒不復得食此小兒請以小兒布施
佛爲佛作給使佛爲受之說法呪願羅刹歡
喜得須陀洹道佛以小兒著鉢中擎出宮門

亦四

三十四

還其父母而告之曰快養小兒勿復愁憂衆
人見佛莫不驚愕怪是何神此兒何福而獨
救之羅刹所食奪還父母於是世尊在於大
衆中央而說偈言
戒德可恃怙 福報常隨已 見法爲人長
終遠三惡道 戒慎除苦畏 福報三界尊
鬼龍蛇毒害 不犯持戒人
佛說偈已無央數人見佛光像乃知至尊三
界無比便皆歸化爲佛弟子聞偈歡喜皆得
道迹
昔佛在波羅奈國鹿野場上爲天人龍鬼國
王臣民不可計衆而爲說法時大國王太子
將從小國王世子五百餘人往到佛所爲佛
作禮却坐一面而聽法諸太子等即白佛言
佛道清妙玄遠難及自古以來頗有國王太

子大臣長者子捨國吏民恩愛榮樂行作沙
門者不佛告諸太子世間國土榮樂恩愛如
幻如化如夢如響卒來卒去不可常保又曰
國王太子以三事故不能得道何謂二事一
者憍恣不念學問佛經妙義以濟神本二者
貪取不念布施下貧困厄羣臣將士所有財
寶不與民共以修財本三者不能遠離婬欲
愛樂之事捨棄牢獄憂煩之惱行作沙門滅
衆苦難以修身本是以菩薩所生爲王除此
三事自致得佛又有三事何謂爲三一者少
壯學問領理國土率化民庶使行十善二者
中以財施貧窮孤寡羣臣將士與民同歡三
者當計無常命不久留宜當出家行作沙門
斷苦因緣勿更生死三事不施獨無所得於
是世尊而自陳曰昔我前世作轉輪聖王名

亦四

十五

曰南王皇帝七寶導從宮觀浴池行宮戲園
及羣臣太子夫人嫫女象馬廚宰各八萬四
千有子千人勇猛精銳一人當千飛行虛空
周遊四海自在所爲無當前者其壽八萬四
千歲以法治正不枉人民爾時聖王歎自念
言人命短促無常難保但當作福以求道真
念常布施世間人民所有財物與民共之已
種福德唯當出家行作沙門斷絕貪欲乃得
滅苦王即敕梳頭人若見頭髮白便當啓我
至久數萬歲梳頭人啓言白髮已生敕令拔
之舉著桡上王見白髮涕泣命曰第一使者
忽然復至今頭已白宜當出家行作沙門求
自然道擊髮掌中自說偈言
今我上體首 白生爲被盜 已有天使召
時正宜出家

即召羣臣立太子為王行作沙門入山修道
畢人之壽即生第二天上為天帝釋太子於
後領理天下亦如大王復敕梳頭人若見白
髮便當啓我至久復啓白髮已生敕令拔之
擎著手中而說偈言

今我上體首亦四 白生為被盜美 已有天使召
時正宜出家

復召羣臣立太子為王即行作沙門入山修
道畢人之壽復生天上為天帝釋前天帝釋
畢天之壽下生世間為聖王作太子此三聖
王更為父子上為天帝下為聖王中為太子
各三十六反數千萬歲終而復始行此三事
自致得佛爾時父者今我身是也太子者賢
者舍利弗是也王孫者賢者阿難是也更相
從生展轉為王以化天下是以特尊三界無

比佛說是時國王太子并諸太子皆大歡喜
受佛五戒為優婆塞得須陀洹道

吉祥品第三十九

昔佛在羅閱祇耆闍崛山中為天人龍鬼轉
三乘法輪時山南恒水岸邊有尼乾梵志先

出耆舊博達多智德向五通明識古今所養

門徒有五百人教化指授皆悉通達天文地

理星宿人情無不瞻察觀略内外吉凶福禍

豐儉傾沒皆苞知之梵志弟子先佛所行應

當得道歎自相將至水岸邊屏坐論語自共

相問世間諸國亦四人民所行以何等事三七為世吉

祥門徒不了徃到師所為師作禮叉手白言

弟子等學久所學已達不聞諸國以何為吉

祥尼乾告曰善哉問也閻浮利地有十六大

國八萬四千小國諸國各有吉祥或金或銀

水精瑠璃明月神珠象馬乘輿玉女珊瑚珂
 貝妓樂鳳凰孔雀或以日月星辰寶瓶四輩
 梵志道士此是諸國之所好吉祥瑞應若當
 見是稱善無量此是瑞應國之吉祥諸弟子
 曰寧可更有殊特吉祥於身有益終生天上
 尼乾答曰先師以來未有過此書籍不載諸
 弟子曰近聞釋種出家爲道端坐六年降魔
 得佛三達無礙試共往問所知博採何如大
 師師徒弟子五百餘人經涉山路往到佛所
 爲佛作禮坐梵志位又手長跪白世尊曰諸
 國吉祥所好如此不審更有勝是者不也佛
 告梵志如卿所論世間之事順則吉祥反則
 凶禍不能令人濟神度苦如我所聞吉祥之
 法行者得福永離三界自致泥洹於是世尊
 而作頌曰

佛尊過諸天	如來常現義	有梵志道士
來問何吉祥	於是佛愍傷	爲說真有要
已信樂正法	是爲最吉祥	亦不從天人
希望求僥倖	亦不禱祠神	是爲最吉祥
友賢擇善居	常先爲福德	整身承真正
是爲最吉祥	去惡從就善	避酒知自節
不婬干女色	是爲最吉祥	多聞如行戒
法律精進學	修已無所爭	是爲最吉祥
居孝事父母	治家養妻子	不爲空之行
是爲最吉祥	不慢不自大	知足念反復
以時誦習經	是爲最吉祥	所聞多以忍
樂欲見沙門	每講輒聽受	是爲最吉祥
持齋修梵行	常欲見賢聖	依附明智者
是爲最吉祥	已信有道德	正意向無疑
欲脫三惡道	是爲最吉祥	等心行布施

奉諸得道者 亦敬諸天人 是為最吉祥

常欲離貪婬 愚癡瞋恚意 能習成道見

是為最吉祥 若以棄非務 能勤修道用

常事於可事 是為最吉祥 一切為天下

建立大慈意 修仁安衆生 是為最吉祥

智者居世間 常習吉祥行 自致成慧見

是為最吉祥 梵志聞佛教 心中大歡喜

即時禮佛足 歸命佛法衆

梵志師徒聞佛說 偈欣然意解甚大歡喜前

白佛言甚妙世尊 世所希有由來迷惑未及

闕明唯願世尊 矜愍濟度願身自歸佛法三

尊得作沙門 冀在下行佛言大哉善來比丘

即成沙門內思安般 逮得應真聽者無數皆

得法眼

法句譬喻經卷第四

亦

二十九

音釋

鞞 鞞 鞞居宜切 鞞也 鞞 鞞惡切 捶 捶主菜切

桎 桎 桎之日切 桎也 桎 桎惡切 捶 捶主菜切

符 符切 符也 符 符惡切 捶 捶主菜切

佛 佛切 佛也 佛 佛惡切 捶 捶主菜切

惚 惚切 惚也 惚 惚惡切 捶 捶主菜切

也 也切 也也 也 也惡切 捶 捶主菜切

孽 孽切 孽也 孽 孽惡切 捶 捶主菜切

孽 孽切 孽也 孽 孽惡切 捶 捶主菜切

孽 孽切 孽也 孽 孽惡切 捶 捶主菜切

孽 孽切 孽也 孽 孽惡切 捶 捶主菜切

孽 孽切 孽也 孽 孽惡切 捶 捶主菜切

孽 孽切 孽也 孽 孽惡切 捶 捶主菜切

孽 孽切 孽也 孽 孽惡切 捶 捶主菜切

孽 孽切 孽也 孽 孽惡切 捶 捶主菜切

菩提行經

宋西天中印度惹爛狀羅國三藏明教大師天息災奉詔譯





清刻龍藏佛說法變相圖

菩提行經卷第一 第二同卷

聖龍樹菩薩集頌

宋西天中印度慧覺爛狀羅國三藏明教大師天息災奉詔譯

讚菩提心品第一

如佛妙法體無邊 亦五 佛子正心歸命禮

佛甘露戒垂覆護 我今讚說悉依法

此說無有未曾有 亦非自我而獨專

我無自他如是時 乃自思惟觀察作

如是發心觀察時 能令我此善增長

時見如是娑婆界 此乃是彼佛世尊

此界剎那難得生 得生為人宜自慶

思惟若離菩提心 復次此來何以得

如雲覆蔽夜黑暗 閃電光明剎那現

佛威德利亦復然 剎那發意人獲福

是故善少力雖劣 能破大惡之業力

如是若發菩提心	此善勇進能超彼
思惟無量無邊劫	見佛咸說此真實
若不快樂得快樂	增長救度無邊衆
爲諸有情處衆苦	令離百千諸苦怖
受多快樂百千種	爲恒不離菩提心
彼善逝子處纏蓋	行在輪迴無所愛
若剎那說菩提心	人天歡喜悉歸命
若有受持不淨像	喻佛寶像而無價
如藥變化徧堅牢	等修持妙菩提心
菩提心寶驗無邊	價直世間無可喻
調御行人伴侶等	悉使受持而堅牢
芭蕉不實而生實	生實芭蕉而身謝
菩提心樹而清淨	恒生勝果而不盡
已作暴惡衆罪業	依菩提心剎那脫
勇猛依託無大怖	彼癡有情何不依

譬如劫盡時大火	剎那焚燒罪業薪
若讚慈尊無量言	是日善哉之智者
彼種種覺心	正智而平等
而行菩提行	喻去者欲行
智分別說已	所行如智用
大果如輪迴	福故不間斷
若彼等無邊	有情界解脫
菩提願不退	彼等好睡眠
間斷於福流	喻空無所有
劣意之有情	於解脫得生
乃思惟療除	苦惱之有情
獲得無邊福	有情無邊苦
使一一安樂	獲無邊功德
如是及眷屬	得天及仙人
如是彼有情	乃過去睡夢
	不願於自利
	使苦惱盡已
	云何而療治
	何以利父母
	淨行婆羅門
	亦如彼行意
	與彼心平等
	亦復多迷醉
	妙臂而問此
	爲自爲如來

唯願生利他 有情最勝寶 希有何得生
 種種意利他 不獨於自利 歡喜世間種
 精進世間藥 心寶與有福 而彼云何說
 云何諸有情 得一切快樂 為發菩提心
 供養於如來 迷愛樂快樂 乃喻於冤嫌

遠離與隨行 悉從於自意 若心求快樂
 苦惱種無邊 積諸善快樂 諸苦惱消除
 破壞迷惑因 善哉云何得 親彼善知識
 彼福如是得 作利若迴向 彼必返讚歎
 作善不求利 說彼是菩薩

若有布施於少食 亦五 修善供養於世間 三
 所施大小如蚊蚋 亦獲快樂得半日
 云何獲得於能仁 要度無邊有情盡
 有情無盡若虛空 一切智求自圓滿
 佛子靜念而思惟 若煩惱生自心作

數生煩惱復生疑 佛說此人墮地獄
 佛子若發菩提心 滅大罪力得勝果
 我今歸命摩尼心 救度有情得快樂
 菩提心施供養品第二

端彼摩尼恭敬心 用奉供養於如來
 及彼清淨妙法寶 佛功德海量無邊
 世間所有諸妙華 乃至妙果及湯藥
 所有珍寶澄清水 悉皆奉供而適意
 山中之寶及眾寶 適悅樹林寂靜處
 蔓華莊嚴樹光明 結果低垂枝椽椽
 人間天上香塗香 乃至劫樹及寶樹
 池水清淨復莊嚴 鵝鴻好聲極適意
 穀自然生非所種 別別莊嚴而供養
 等虛空界量廣大 此一切有悉受用
 我今所獻并子等 供養最上佛牟尼

爲我不捨於大悲 受彼最上之供養
 我以無福大貧窮 更無纖毫別供養
 我今思惟爲自他 願佛受斯隨力施
 我自身施一切佛 以自身等徧一切
 加被我作上有情 有情恒常佛教化
 我得如來加被已 化利有情無怖畏
 過去罪業悉遠離 未來衆罪不復作
 寶光明處甚適悅 天蓋莊嚴奉真如
 水精清淨復光明 種種妙堂香浴作
 大寶瓶滿盛香水 復著適意諸妙華
 洗浴如來無垢身 亦五 我當讚詠獻歌樂
 清淨香熏上妙衣 用蓋覆彼最上色
 我今獻此上衣服 願佛慈悲哀納受
 種種柔軟妙天衣 彼莊嚴中而最上
 供養如來并普賢 及彼文殊觀自在

護戒品第三
 持戒爲護心 護之使堅牢 此心不能護
 云何能護戒 喻醉象不降 不患於疼痛
 放心如醉象 當招阿鼻等 念索常執持
 繫縛於心象 得離放逸怖 獲一切安樂
 若能繫一心 一切皆能繫 若自降一心
 一切自降伏 師子熊虎狼 夜叉羅刹等
 一切地獄卒 皆悉是其寃 若怖一切寃
 無邊苦惱集 皆因心所得 佛世尊正說
 地獄衆苦器 及熱鐵丸等 誰作復何生
 貪瞋癡所有 由彼諸罪心 佛生諸世間
 三界心滅故 是故無怖畏 若昔行檀施
 今世而不貪 今貧勿煩惱 過去云何悔
 若人心少分 行檀波羅蜜 是故說果報
 同一切布施 亦五 若人心持戒 五 嫌誰而牽殺

瞋心之冤家	殺盡等虛空	大地量無邊
何皮而能蓋	履用皮少分	隨行處處覆
外我性亦然	所有誰能勸	但勸於自心
外我而自伏	身貧而無福	彼果同所行
若心施一衣	感果而增福	諸行若修持
心念恒不捨	一切無利心	虛假宜遠離
一切心法財	宜祕密觀察	離苦獲安樂
彼得超世間	我云何修行	修行唯護心
是故我觀心	恒時而作護	喻獼猴身瘡
一心而將護	人中惡如是	恒常而護心
怖苦惱之瘡	我一心常護	破壞於衆合
心瘡乃無怖	常作如是行	不行人中惡
人中罪不犯	自然而不怖	我欲盡身命
利行而供養	別別身命盡	善心而不退
我欲守護心	合掌今專作	心念念之中

一切方便護	喻於重病人	諸事不寧忍
散亂心亦然	不堪諸事業	心散亂不定
聞思惟觀察	如器之滲漏	於水不能盛
由多聞之人	於信方便等	過失心不定
獲不寂靜罪	心不決定故	迷惑賊所得
所有之福善	偷墮於無處	煩惱衆盜賊
魔著故得便	由魔羅發起	破壞善生命
守彼意根門	惡不能牽去	念彼罪苦惱
次復獲安住	善哉隨師教	獲得善念生
奉於教誨師	當一心供給	於諸佛菩薩
剎那心決定	當怖畏憶念	慈哀現面前
塵心而不定	去去不復還	若能守意門
護之住不散	我今護此心	恒常如是住
喻木之無根	不生惡枝葉	眼觀於色相
知虛假不實	物物恒諦觀	是故而不著

亦五

六

因見而觀察	觀之令不惑	所來觀見已
安畏以善來	欲行不知道	望四方生怖
決定知方已	觀心行亦然	智者之所行
思惟於前後	是善是惡等	如是事不失
不住於此身	離此復何作	云何住此身
當復觀中間	觀內心亦然	而用諸方便
以法為大柱	縛之令不脫	當以如是意
觀我之所在	諸識皆如是	攝令剎那住
若怖因業力	能趣求快樂	修彼檀戒度
乃至大捨等	若修菩提因	彼別不思惟
一向修自心	當起如是見	如是修諸善
不起於怖畏	而令諸煩惱	決定不增長
種種正言說	見在而甚多	觀覽悉決了
破疑網得果	如草被割截	念佛戒能忍
剎那行此行	獲得殊勝果	欲於諸正說

皆悉得通達	當觀照自心	常修於精進
喻木之無情	無言無所作	見自心亦然
決定令如是	心起於輕慢	如彼迷醉人
惟求自讚譽	非彼修行者	若他人於我
而生於毀謗	謂是瞋癡等	住心恒似木
如木不分別	利養尊卑稱	亦不為眷屬
乃至承事等	利他不自利	但欲為一切
是故說我心	堅住恒如木	一心住如木
於尊親朋友	乃至於三業	不生憎愛怖
觀察於煩惱	如空而不著	當勇猛堅牢
受持為恒常	無善慚可怖	當一心求他
清淨住三昧	為他所尊重	雖居童稚位
不使他瞋惱	自亦不瞋他	慈悲恒若此
我受持禪那	使意恒寂靜	為一切有情
恒居無罪處	念念須臾間	多時為最勝

如是受持心	不動如須彌	鷲貪肉不厭
人貪善亦然	身心不修行	云何能出離
云何護身意	一切時自勤	汝等何所行
各各專一心	迷愚不自制	妄貪如木身
此身不淨作	云何返愛戀	骨鎖肉連持
外皮而莊飾	自覺令不貪	解脫於慧刃
割截諸身分	令見中精髓	審觀察思惟
云何見有人	一心如是觀	審諦不見人
云何不淨身	貪愛而守護	處胎食不淨
出胎飲血乳	不如是食飲	云何作此身
豺鷲等貪食	不分善與惡	要同人愛身
受用成業累	但如是護身	至死無慈忍
與豺鷲無別	汝何恒此作	身死識不住
衣食寧可留	身謝識必往	受用云何貪
是故今作意	不貪如是事	如是不遠離

得彼諸不善	如似人生身	肢體求成就
受身智不增	輪還徒自困	於世親非親
悅顏先慰喻	如是常自制	心念恒不捨
笑不得高聲	不戲擲坐具	輕手擊他門
諦信恒自執	如盜如猫鷲	求事行無聲
修心亦如此	當離於麤穢	他人之所嫌
無義利不說	恒得諸弟子	言上而尊愛
一切所言說	聞之使稱善	觀彼作福事
稱讚令歡喜	衷私說彼德	彼聞心必喜
欲讚說彼時	先觀彼德行	修諸歡喜事
難得彼誠心	勤修利他德	當受快樂報
憎愛苦宜捨	來生大苦故	此苦我不住
來生大快樂	善言聲柔輒	悲根聞生喜
顯彼適意事	當信真語實	恒悲念有情
愛護如愛眼	為彼住真實	必當得成佛

彼真實得成	各此利朋友	剎那修功德
離苦大安樂	功德殷勤修	恒作而自得
不銜不覆藏	誰云諸事等	檀波羅蜜等
殊妙而最上	別行非最上	利下無遠離
佛如是利他	恒常之所切	如來之教中
見彼慈悲事	三界師入滅	分別出家人
食有可不可	不離三衣等	將求妙法身
不苦惱衆生	於衆生如是	隨意獲圓滿
捨非須盡命	彼捨要平等	悲心當清淨
果報自圓滿	淨心而重法	不執器杖等
不持傘蓋頭	無諸輕慢事	爲男子女人
說法深廣大	不分人勝劣	令彼重平等
法之不廣大	乃及非法行	遠離不敬禮
樂說於大乘	齒木及澆唾	不棄於淨地
淨水及淨舍	勿得棄便利	喫食勿滿口

食勿令有聲	食時不語言	亦勿大開口
坐不得垂足	行亦不掉臂	不與女同乘
亦不同坐卧	諸所不律事	人見心不喜
一切人既覩	遠離而不敬	人問於道路
不得一手指	雙手而指之	示其道所至
凡所諸行步	不弄臂作聲	亦勿妄彈指
威儀如是守	師雖已化滅	四儀應當學
奉戒行不輕	決定獲聖果	菩薩行無量
所說無有邊	當以清淨心	決定而奉行
於一晝一夜	分之各三時	行道普懺悔
住佛菩提心	菩提心自住	亦令他獲得
佛子住學戒	一心如是持	佛戒體清淨
不見有纖毫	恒作如是行	彼福無有量
無始爲有情	行行而不別	如是爲有情
化令一切覺	當知善知識	如命不可捨

菩薩戒最上	大乘法亦爾	解脫依師學
而能生吉祥	佛佛說智經	讀之見戒法
若人心護戒	所行悉已見	若身若心位
當微細觀察	口誦身不行	當得何所喻
譬如重病人	空談於藥力	虛空藏經中
說謨羅波底	如是集戒定	廣如經所說
聖龍樹菩薩	一心之所集	隨所住之處
勸恒伸供養		

菩提行經卷第一

齊五

十

菩提行經卷第二

聖龍樹菩薩集頌

宋西天中印度惹爛歇囉國三藏明教大師天息災奉詔譯

菩提心忍辱波羅蜜多品第四

奉行諸善業	施戒而先導	供養於如來
百千劫無盡	修行於羸提	瞋罪而不立
觀種種體空	是故一心忍	不得貪快樂
守意令平等	心有瞋惱病	無睡恒不足
彼此有施主	供給於利養	隨彼愛重心
無得生瞋惱	凡諸親近事	不起於憎嫌
於彼無所瞋	乃得其安樂	忍如是等事
若對於冤家	於瞋若能除	世世獲安樂
冤若生於心	於愛亦無喜	若餐瞋惱食
無忍善不壞	彼食我大冤	於我無善利
知彼冤不食	是故忍堅牢	凡見冤來去

歡喜而不瞋	於冤若起瞋	善利終滅盡
忍心常若此	令瞋不得起	住忍無時節
瞋冤自不生	若人自保愛	不作惡口業
口業若不離	後感冤家苦	畏苦不出離
不行眾苦因	是故堅忍心	獲得諸快樂
彼訥陵誡子	邪見求解脫	刀割火燒身
無利由能忍	愚癡無正見	虛受大苦惱
我以菩提心	云何苦不忍	蚊蚤壁虱等
常飢渴苦惱	大癢煩苦人	住忍而不見
寒熱并雨風	病枷鎖捶打	被諸苦惱事
忍不求快樂	殺他血流迸	堅牢心勇猛
割身自見血	怕怖而驚倒	智者心清淨
常懼瞋惱侵	與煩惱相持	忍心恒勇猛
蛇腹行在地	喻瞋伏於心	殺之謂無勇
殺彼得最勝	如來大悲者	愍苦說輪迴

使識罪根本	住忍而不作	父母何計心
懼子遭淪溺	持心離瞋怒	自遠大苦報
譬如無智人	令罪而得生	修行而無智
瞋生亦復爾	欲住不思議	當須持自心
於此生愛重	令瞋不生起	若貪彼塵境
而生種種罪	因彼諸業力	而不得自由
於境若不貪	彼集無因立	和合心無故
是故無有生	不貪而不生	無得而自說
我得如是故	是生不思議	彼無生不生
是得云何有	瞻察於彼此	滅盡得無餘
此心恒清淨	喻隨色摩尼	所變悉從因
無因相何有	過去行行時	彼行何所作
隨彼所行因	等因而感果	一切須由因
因善惡由心	說求性寂靜	如是有何過
若取和合因	是樂於苦惱	此心不可住

智人應自勸	是故見冤家	想作善知識
因行如是行	當獲得快樂	如是諸有情
由業不自在	自在若成就	誰肯趣於苦
散亂心緣塵	心被刺不覺	食斷食增瞋
於苦而返愛	自若無福行	返愛纏縛業
如餐毒藥食	墮於生死崖	自住是煩惱
誠由不自護	欲解脫他人	此事何由得
煩惱迷昏濁	而致於自殺	毒盛無有悲
云何瞋不護	自性既愚迷	於他行燒亂
生彼瞋無疑	如火而能燒	有情性愚時
所行諸過失	愚迷故若此	如煙熏虛空
若人瞋不護	愚迷無智故	喻持杖勸人
而增彼瞋惱	我於過去生	苦惱諸有情
是故於今身	被苦惱能忍	我身喻於鐵
受彼燒鎚煅	如彼鐵持身	何得有其苦

我今看此身	如無情形像	雖被諸苦惱
而瞋無所起	愚迷起愛業	不知其苦本
得苦緣自過	云何生瞋惱	喻受地獄苦
飛禽劒林等	知自業所生	何處有瞋惱
我得如是業	此過知所起	設令入地獄
不由他所作	欲盡我之業	無量無有邊
我業既如是	長時受地獄	我此過如是
彼實我冤家	云何分別知	愚迷瞋造作
若人自護持	對冤忍不恚	是心功德生
地獄云何入	盡我之所行	得因如彼時
不忍瞋不護	破壞於修行	意無相無形
散亂即破壞	由身護持故	身苦當忍受
我於口惡業	衆過而不作	身不被衆苦
云何心有瞋	我於今生中	淨心行利行
於利益既無	何事於食飲	凡所作爲事

要在於利他	彼無利非愛	定獲罪無疑
不如今殞沒	無貪邪壽命	邪命住雖久
死當墮苦趣	譬如在夢中	百年受快樂
如真實得樂	覺已知暫非	喻彼時無常
壽命之延促	覺此二事已	彼何得快樂
久處於歡娛	自謂得多益	如行人被劫
裸形復空手	福利隨過減	罪根還復生
福盡罪不生	爲獲不瞋利	彼何爲破壞
一向作不善	如是不思惟	無善不破壞
無得讚於瞋	破壞有情故	如是心利他
彼瞋無由生	爲彼修心人	忍於不住故
見彼煩惱生	是讚忍功德	塔像妙法等
有謗及破壞	佛等無苦惱	我於彼不瞋
於師并眷屬	不作於愛業	今因過去生
見之而自勉	覺心觀有情	恒在衆苦惱

見彼如是已	於苦惱能忍	瞋恚與愚癡
分別過一等	於此毒過咎	何得說無過
云何於過去	而作害他業	如是諸業因
間斷此何作	如佛福亦然	我今一心作
與一切有情	慈心互相觀	喻火燒其舍
舍中而火入	舍中若有草	彼火自延蔓
如是還喻心	和合於瞋火	燒彼福功德
剎那無所有	若人殺在手	放之善可稱
地獄苦能免	此善誰不實	若人在世間
少苦不能忍	地獄苦無量	瞋因何不斷
我以如是苦	<small>亦五</small> 歷百千地獄	<small>十四</small> 一一為利他
所作不自為	我無如是等	諸大苦惱事
以離世間故	為利如是行	離苦獲快樂
彼皆讚功德	得彼如是讚	云何而不喜
彼既得如此	無礙之快樂	利他行最上

智者何不勉	如是最上行	得快樂不修
此見若不捨	破壞於正見	若敬愛於他
以德自稱讚	他德既稱讚	乃是自敬愛
當發菩提心	為一切有情	令得諸快樂
云何瞋有情	佛為三界供	欲有情成佛
世利得不實	彼煩惱何作	若人之骨肉
乃及諸眷屬	養育與命等	不喜瞋何生
如彼求菩提	當用菩提心	而不愛有情
福自捨何瞋	若人有所求	出財大捨施
所求既不獲	不如財在舍	清淨功德福
何障而不獲	得已自不受	如住瞋修行
作罪與作福	不同不隨喜	亦復不依作
當自一無得	若愛於冤家	欲求其歡喜
復求諸讚說	此事無因得	雖欲利圓滿
返苦而無樂	<small>亦五</small> 菩提心不忍	<small>十五</small> 於利不成就

煩惱之惡鈎	牽人不自在	猶如地獄卒
擲人入湯火	我本求利他	何要虛稱讚
無福無壽命	無力無安樂	自利行不圓
智者應須覺	後後而自行	當愛樂圓滿
修行要稱讚	若持刃自殺	如世不實事
無益無利樂	譬如破壞舍	日照內外見
亦由稱讚非	須用心明了	汝思惟於聲
起滅而平等	心如此利他	當行如是行
於他何所受	而行於利益	彼既獲快樂
我利益非虛	彼彼獲利樂	以一切讚我
云何而於我	無別威德樂	彼如是讚我
以愛彼自得	彼無緣若此	如愚如迷者
此讚我雖獲	速破而勿著	憎惡正德者
由此而瞋作	是讚成障礙	我今不發起
護不墮惡趣	為彼行無我	若解諸有情

利養尊卑縛	今有情解脫	彼意云何瞋
若人欲捨苦	來入解脫門	此是佛威德
云何我瞋彼	此瞋我不作	於福障礙故
修行平等忍	彼無不獲得	自身諸過失
忍辱故不作	過失不作故	彼福而獲得
若人福無有	安忍而自生	常令安住忍
云何說障礙	世求利益人	不於施作障
障礙出家故	是不得出家	世間諸難得
求者而能與	我唯說善利	於過無所得
以彼菩提行	遠離於所寃	如出舍中藏
是故云不難	懺悔於業因	彼初為先導
是故於忍果	如是而得生	彼無我所心
此心乃住忍	成就不思議	供養於妙法
此心為利他	乃至以壽命	或以寃不供
云何別說忍	於彼彼惡心	各各與忍辱

於如是得忍	因供養妙法	佛土衆生土
大牟尼說此	於彼奉事多	能感於富貴
如來及於法	與有情平等	尊重於佛故
尊有情亦然	立意乃如是	於自無所作
以彼大平等	平等於有情	大意於有情
慈心而供養	發心如佛福	如佛福可得
是故佛法行	佛有情平等	佛無所平等
功德海無邊	佛功德精純	無功德能比
雖三界供養	見之而不能	佛法等之師
是最上有情	供養諸有情	當如此作意
於自之眷屬	不能起利行	於他之奉事
不作得何過		
破壞身入無間獄	若彼作已我復作	
廣大心爲彼一切	如是當行於善事	
喻世人爲自在主	由於已事不稱情	

云何而爲彼作子	我作非彼奴僕性
喻佛入苦而無苦	如得快樂復歡喜
要歡喜彼一切佛	佛喜爲彼能作此
如身煩惱而普有	欲一切之悉充足
於有情苦亦復然	我無方便空悲愍
是故此苦我遠離	救一切苦與大悲
先憍惱於忍辱人	彼罪我今而懺悔
我今奉事於如來	同於世間諸僕從
衆人足蹈我頂上	受之歡喜而同佛
世間一切賤能作	以悲愍故無有礙
見此一切無比色	彼如是尊誰不敬
如是奉事於如來	如是爲自利成就
如是爲除世苦惱	如是我今乃出家
譬如一王人	能調伏大衆
以長親王故	彼一而非獨
	蓋有王之力量
	衆非一能調

制斷不怯劣	亦無有過失	悲愍心住忍
力若地獄卒	將護於有情	如事以惡王
瞋非王所令	如彼地獄苦	煩惱於有情
彼苦而自受	喜非王所與	如得於佛等
善心於有情	此心何不受	將護於有情
後當得成佛	見感尊重稱	此喜何不見
無病復端嚴	快樂而長命	富貴作輪王
斯皆從忍得		
菩提心精進波羅蜜多品第五		
智者行忍辱	菩提住精進	懈怠遠離福
如離於風行	精進力何解	彼要分別說
懈怠不精進	如毒宜自觀	貪味於睡眠
謂快樂無事	輪迴苦可嫌	而從懈怠生
煩惱之舍宅	懈怠力牽入	已到無常門
云何今不知	精進為自他	此行汝不見

懈怠復睡眠	此如屠肆牛	若此而不見
一切道皆斷	彼既無所得	云何樂睡眠
若得於威儀	無常而忽至	施為不可及
何以住懈怠	精進而不修	安然若精進
忽然趣無常	思惟而苦苦	見彼焰魔門
苦惱復情急	刹那而淚下	眷屬不能救
聽聞地獄聲	自念業熱惱	身住不淨處
驚怖不能極	地獄苦極惡	惡業何復作
如魚鼎中活	彼得如是怖	地獄業作已
乃受湯火苦	身糜爛苦惱	如何得清淨
魔王多苦人	捉人送無常	無常苦可畏
此見懈怠果	愚迷著睡眠	此過而不劣
入於大苦河	復不得人身	除樂最上法
無邊樂種子	懈怠并戲策	苦因汝何樂
見負瞋力多	知彼自精進	自他各所行

如自他平等	我何得菩提	而無分別作
以如來真實	實言正解脫	彼蚊蚋蝘蠅
及蟲蝦蟇等	若獲精進力	亦當得菩提
彼我何生人	能知利不利	恒知諸精進
何不得菩提	或捨於手足	於此而生怖
愚迷違師教	此利彼不知	斷壞及燒煮
無邊皆拔出	無數俱脫劫	而未得菩提
歷此無數苦	久久證菩提	喻若毒苦傷
毒盡苦皆出	作一切醫人	救療諸病苦
是故苦消除	一切病皆少	是故說救療
甜藥不利病	上醫療大病	甜藥皆不與
前後皆如是	智者咸所行	後後而進修
身肉而捨用	智者觀身肉	喻菜而生有
枯謝棄糞土	是捨不名難	若身所作苦
心謂其虛作	智者心非惡	彼無惡業苦

知法意快樂	具福身快樂	無此虛輪迴
得苦云何悲	求盡過去罪	深利他福海
此力菩提心	二乘等要急	如是利不樂
行行何得苦	菩提心輦輿	智者乘得樂
為成就有情	樂施方便力	身力苦怖作
觀之唯稱讚	斷如是分別	增長於精進
我身而能捨	超過身方便	我消除自他
無數之過失	一一之過失	若劫盡無餘
彼過一一盡	我無有纖毫	無邊苦已脫
我心云何損	我求多功德	為利於自他
學一一功德	劫盡學無盡	纖毫之功德
我生不曾作	或當得生處	虛度無所有
我樂興大供	供養佛世尊	為貧不能作
而願不圓滿	不施怖者安	不修毋快樂
如入母胎藏	母唯病苦惱	過去為雜法

我今得果報	所生既如是	當行何法行
一切善心根	世間之牟尼	彼根恒不退
常得好果報	煩惱苦纏綿	而得種種怖
於他愛障難	生罪而自感	若人於處處
能起於善願	而感彼彼福	獲得供養果
若人於處處	作罪取快樂	而感彼彼報
獲得苦器侵	月藏中清涼	廣博妙香潔
佛音味第一	非修而不得	而彼善逝子
得解善逝法	如蓮出最上	亦如仁覺月
焰魔之獄卒	牽引於罪魂	火坑及洋銅
燒煮悉皆入	焰熾殺器仗	斷肉百千觔
墮落熱鐵地	斯由多不善	是故心作善
極微細觀察	依彼金剛幢	修學而作觀
初學觀和合	不觀汝非學	而無最上名
汝要迴心作	生中之所作	增長於罪苦

上事業不修	彼下不求勝	三種事應知
由業煩惱力	將來之惡因	於此云何作
世間之煩惱	拘人不自由	我如人不能
是故我無作	下業之所修	云何令安住
當觀我無我	而此我所作	一滴之甘露
鳥食變金翅	我意謂微劣	能脫少苦難
瞋作無心難	以不善罪故	無心見發起
廣大勝難及	是故清淨心	頌作此文句
使知彼三界	我遠離戲論	我得勝一切
無人能勝我	我今而自知	是佛師子子
有情離我人	而彼得最上	不降懈怠寬
懈怠寬自降	以惡趣所牽	身善速破壞
由僕從愚惡	寄食而受瘦	彼受於一切
修行住我慢	而此得名聲	下劣云何說
如是若勇猛	自勝彼冤家	勇猛行此修

慢冤而不勝	彼慢心若起	此實我冤家
勝果雖欲生	是果悉皆捨	喻精進師子
煩惱獸中見	煩惱獸千萬	雖眾不能敵
世有大苦惱	人自悉具見	煩惱不降伏
乃得如是苦	我寧使頭落	及剗剔心腸
煩惱諸冤家	一切我不降	因修此精進
得彼慢業盡	獲得勝果報	自感嬉戲樂
為快樂修因	彼却不獲得	所修不決定
亦得不殊勝	輪迴欲不足	喻貪刀刀蜜
福甘露若貪	食之後轉美	是故業寂靜
感妙果隨行	如日溫月寒	晝夜而相逐
精進之有力	能破於懈怠	獲得遠離故
深心而愛樂	煩惱棒堅牢	鬪彼念慧劍
喻棒劍相持	同彼女人學	執劍手無力
失之而怖急	念劍失亦然	地獄而在心

世間知善人 不肯飲毒血 心過亦復然
 心過而不作 出家精進心 喻執持油鉢
 鉢墜必當死 墜之故驚怖 著睡眠懈怠
 喻毒蛇在懷 不去當被傷 去之宜須急
 一一之深過 要迴心思惟 此過不可守
 云何我復作 和合之業因 斷以正念劍
 云何名自位 此念而獲得 正念心不發
 纖毫不能滅 來業如往行 一切報皆得
 如彼觀羅綿 隨風而來往 精進人亦然
 增上如是得

菩提行經卷第二

菩提行經卷第三第四同卷

亦六

聖龍樹菩薩集頌

宋西天中印度意彌跋囉國三藏明教大師天息災奉詔譯

菩提心靜慮般若波羅蜜多品第六

佛喜精進增亦六安住禪定意 愍彼散心人

煩惱世間住 我今知身心 不生於散亂

是故遠世間 亦遠離疑惑 利益行可愛

愛不離世間 智者乃思惟 是故此皆捨

依於奢摩他 尾鉢奢曩等 如是而起行

破壞於煩惱 先求奢摩他 不藉世間行

無常而恒有 於愛何得要 若見於千生

不復起愛著 不樂尾鉢捨 亦不住等持

見已不止足 是患過去渴 如實而不見

安得盡煩惱 意緣於愛集 被煩惱燒然

思惟彼下墮 短命須臾住 善友不長久

堅固法不成 行與愚迷同 決定墮惡趣

何得同愚迷 以毒分牽故 而於自眷屬

剎那獲怨恨 凡夫性異生 喜怒而無定

多瞋承事難 遠離於善利 下劣心自讚

縛著憎愛罪 彼不捨於瞋 當墮於惡趣

迷愚不攝心 為此無功德 自讚毀謗他

輪迴樂自得 愚迷之所持 住是等不善

不善不和合 彼事皆獲得 一身我所樂

而意無所貪 遠離於愚迷 當得愛承事

不為於讚歎 住於何善事 略如蜂造蜜

寂靜得成就 我行一切處 如未曾有者

恒得於多人 讚歎而敬愛 若迷於處處

得意樂快樂 以此於世間 得生死怖畏

是故彼智者 怖畏於生死 知千種苦惱

住之決定受 若於剎那頃 自修於精進

獲得好名稱	亦復多利養	以彼同利人
毀我非功德	若此加毀謗	我謂讚歡喜
雖毀謗不瞋	稱讚亦不喜	謂佛及有情
種種皆如是	稱讚得功德	毀謗招苦報
世間不思惟	是謂愚癡故	自性苦同住
彼生何所樂	愚迷非朋友	此乃如來說
若在於愚迷	自利無不愛	若入利他門
如是為自愛	不毀於有情	不一心承奉
損於利物行	如煩惱壞善	如彼天宮殿
及於樹根舍	隨彼愛樂心	從意得為上
自性之廣大	斯為無礙處	彼所未曾見
亦不能觀察	富貴喻坏器	雖成不堅牢
受用然自由	苦惱而速至	如盜他人衣
分之著身上	行住不自在	苦惱當求離
稱量於自身	彼實苦惱法	我此如是身

是身必當壞	觀察於此身	性與身相離
性然無所壞	身當為豺食	一生定一死
有情界如是	彼復見何事	諸大各分去
如人遠路行	欲及於住舍	憂苦彼別無
唯求無障礙	喻輪迴亦然	咸受於生住
真至於四人	彼方獲遠離	如是之一身
冤家所不讚	真至如是成	不厭患世間
過去世間時	生死無悔恨	所行行不近
能離世間苦	念佛心口同	無有人嫌毀
是故身意調	寂靜無煩擾	如是我恒行
滅盡諸煩惱	解脫於自心	復解脫一切
得此心平等	於今世後世	斷彼苦惱縛
乃至地獄等	若有男女等	合掌多恭敬
善利非算數	無罪可稱說	有善用自金
遠離棄擲怖	此行若能行	得最上寂靜

彼人有此獲	我自得無異	明了如是行
何不趣寂靜	一心住貪愛	此為下趣牽
業感燄魔門	前見見可怖	彼門是汝寃
煩惱今不同	分明住貪愛	今見何能脫
過咎自藏護	一一他眼見	彼今所食噉
妬忌何不護	飛鷲常所貪	唯愛此肥肉
復以血莊嚴	此食徧所重	喻見鬼形容
枯瘦及行動	相貌既如是	觀之堪可怖
口吻及牙涎	皆從不淨生	不淨非所堪
食飲彼何愛	觀羅綿藏觸	細滑樂嬉戲
臭穢豈不漏	欲者心自迷	此貪謂苦蓋
迷者堅樂著	無著即無事	云何而不離
衰老相隨生	肉泥加飾染	不識彼空幻
而復樂歎吻	如袋不淨滿	迷人不思惟
不淨如是多	彼汝何喜行	身肉非淨成

愚智而皆見	自性元無心	云何妄愛肉
若彼無愛心	是得分明見	若能無彼此
自不見歎吻	別有非不淨	而自不希有
如是不自淨	彼汝非希有	愚迷不淨心
體喻於蓮華	慧日照開敷	非淨身何愛
不淨今無常	染愛今不正	欲出正淨身
云何由染愛	云何歎吻他	由貪彼不淨
於彼不淨地	種子生增長	汝受不淨身
此身唯蟲聚	是身既非淨	非淨不可愛
不淨而不一	而汝自不嫌	無別不淨器
此器孰多愛	龍腦香米等	食飲而適悅
入口味最上	是地合清淨	若此甚分明
彼不淨不離	穢惡棄尸林	是身同若此
皮剝肉潰爛	見之得大怖	既能知彼已
復何生愛樂	白檀香復潔	身無如是妙

云何殊勝香	用心而別愛	自性臭若貪
不樂於寂靜	亦於法諸香	一切皆染汗
若復髮甲長	牙齒兼垢黑	垢膩之所持
惡性身裸露	狂亂自癡迷	欲用行大地
復持諸器仗	一心待自殺	寒林枯骨形
見乃發惡聲	聚落枯骨動	迷人返愛樂
不淨乃如是	此苦爲彼愛	如彼那落中
無苦痛不受	少年貪受樂	不求勝善力
少年如不求	老至欲何作	如彼日將落
爲作困不就	復如鹿獸群	至夜空還去
錫杖鉢隨行	在路而困苦	如犢隨母行
無所畏亦爾	若自爲欲迷	自賣爲僕從
彼不得自在	亦復隨業牽	如女產林野
如戰命難保	迷者爲欲誑	恃我感奴僕
斷欲者心淨	於苦能審察	見彼欲火燒

亦六

五

復若毒槍刺	迷人求欲境	喜獲安守護
無利事無邊	清淨皆破壞	世間虛幻財
愚人忙忙貪	輪迴往來苦	解脫於何時
如是貪欲味	欲者受不少	喻牛牽重車
至彼口無草	欲味與無草	見者人難得
見已破知非	剎那覺希有	而身爲作此
一切時疲倦	勝定業不修	必當墮地獄
彼百俱胝劫	分受困不覺	彼行大苦苦
不爲求菩提	無器仗毒火	無山崖冤等
離欲者若此	說離地獄苦	遠離如是欲
生愛樂分別	愛樂非空處	而諍善林地
善財月光明	白檀涼香潔	廣寶樓閣間
行住甚適悅	善林聲不鬧	清淨風長扇
彼處而寂靜	思惟心爽利	若處何可親
空舍巖樹下	捨愛離煩惱	自在護根識

是處主宰無	自在隨行住	歡喜受快樂
何推帝釋天	觀功德智慧	如是等諸法
復正菩提心	消除於疑惑	先當如是觀
重自他不二	我自一切行	苦樂亦平等
手作多種事	守護如一身	世壞不壞法
苦樂等亦爾	如已之別苦	一一皆消盡
如是我受持	為於有情等	我若愛於他
令得平等樂	彼得快樂已	於自勝何奪
我若不愛他	彼得諸苦怖	彼苦怖不脫
於自當何勝	苦害今若得	而由不愛護
未來苦害身	云何而可護	我若住邪見
復起於我慢	如是別得生	如是別得死
作罪不作罪	如彼手與足	手足苦不同
云何同說護	以此知不合	心住於我慢
是合當盡斷	彼自宜隨力	種子集次第

亦六

六

排行若軍伍	若此而無苦	彼不知何得
苦本非主宰	世一切不勝	若住於尸羅
是苦不能立	若住戒清淨	能障一切苦
一切苦無因	諸苦而無有	悲苦云何多
何力而能生	思惟於世間	是故悲苦多
一苦而非多	見有情獲得	悲苦如是生
於自他平等	自苦不消除	欲消除他苦
是故妙人月	說彼有情句	善者如是觀
他苦平等護	設在無間中	如鵝遊蓮池
為解脫有情	彼若歡喜海	如是恒不足
如彼解脫味	作是利他已	無我無有疑
利他無所求	果報誰云愛	是故我如此
無德而自謂	悲心與護心	為他如是起
智者細微知	輪羯羅血等	智者得了此
觀察物不實	是身非別作	何以自不知

以自知他身	如是故不難	自知已有過
不知他功德	自性不樂捨	徒觀察他施
此身之和合	因緣如拍手	此是世間緣
有情何不知	云何學無生	如學而自知
自身而非身	以自如他身	如是而利他
作已不疑慮	^{亦六} 果熟而自受	^七 當獲彼無生
是故世間學	悲心與護心	此愛心自蔽
深重如煩惱	知有情怖畏	為師而示學
若能如是學	雖難而不退	沙門見怖畏
彼無得護者	若自及與他	急速而當救
瞋如冤怖多	無愛爾獲少	以最下祕密
自他轉行利	水陸與飛空	勿令當住殺
猶若於今時	救度於飢渴	若人為財利
殺父毀三寶	見世惡莊嚴	死得阿鼻財
何有於智者	見愛而供養	見冤不欲觀

供養云何說	斯鬼而自利	捨之而何受
利他而不生	云何捨受用	以自利害他
地獄而別生	自害而利他	諸功德具足
作意善逝見	如是行別處	下劣不自愛
愚癡投惡趣	自利知微細	今當墮奴僕
利他微細知	當為自在主	世有諸苦者
昔自迷貪愛	世諸快樂者	於他昔利樂
何要多種說	此中間已見	愚迷樂自為
牟凡利他作	不求佛菩提	輪迴何得樂
自苦欲與他	迴轉無由得	觀察於後世
善利不成就	於奴僕起業	主者而返受
互相之利樂	迷者見而離	而返互相苦
當受惡苦報	若得世間災	乃至驚怖苦
彼一切自作	云何而此作	不能捨自身
於苦不能離	如不離於火	不能速燒害

自苦若能除	能消除他苦	以彼自他受
是故而取喻	汝今無別思	利益諸有情
汝決定作意	因業有分別	眼以見為能
所觀不為眼	手以執為用	所持寧為手
但為諸有情	亦不住身見	誰見乃善逝
常行如是利	見彼下品人	而起自他見
雖觀彼憎愛	我心不疑惑	作此善無我
獲得無我我	大毀及讚歎	無苦亦無樂
我所作業因	獲彼善安住	謙下世最上
無德乃有德	以彼德不稱	一切德自有
謙下而若此	勝我由斯得	離戒見煩惱
由得無我力	如醫諸病人	隨藥力痊差
我如是救療	自見而云何	然自有功德
彼德我無住	地獄之惡門	於彼愁不生
以有功德故	斯乃為智者	若自平等觀

利益自增長	自利分尊卑	鬪諍而成就
此一切世間	誰得見功德	若此功德名
不聞此人得	罪蓋覆心寶	是不自供養
於自利益分	而總不獲得	有見而暫喜
久久必不喜	如是一切人	哂笑而毀訾
下劣心我慢	自勝嫌人同	誇智慧顏容
種族財富等	以此為自德	常欲聞稱讚
聞讚生勝心	歡喜而得樂	以此為得利
自謂功德力	宿造纖毫因	得此不正業
盡此少報已	永在於輪迴	如是輪迴中
受彼百千苦	過於無邊劫	不知其出離
被苦常大困	罪心而不覺	如是不知覺
久久發善種	後見如來言	真實得功德
汝若見過去	不受彼惡業	菩提正快樂
比樂不得離	是故而取喻	彼輪揭羅等

汝云何更作	我慢及不善	諸行及己身
觀之而不見	獲得如是離	利他汝常行
自樂而苦他	此行乃下劣	汝自之一心
於他作憎愛	中間忽思惟	何時何此作
乃自捨快樂	他苦亦不行	寧自落其頭
更不造別過	乃至於小過	此大年尼說
以別勝善等	於他暗稱讚	喻僕人事主
當事於有情	彼住於過失	無定無功德
自如不知人	作此功德意	汝若緊迅作
自為及為他	彼緊迅若此	必苦惱自退
此修乃第一	而未得其力	喻新住威儀
以財而驚怖	如此受持身	降心不散亂
汝當如是住	汝此何不作	以是常觀察
妄心令不起	如此調伏我	息一切過失
見我去何處	無明一切壞	同彼過去時

如汝之壞我	自利我今有	此遠離不遠
如人賣於他	苦多不自在	汝有情不與
雖名不散亂	是故如以人	付獄卒不殊
獄中種種事	被害亦長久	此得為自利
怨念彼不生	不作於自愛	而自愛得有
若見自護持	護持不實故	此身乃如如
而作於守護	得上品柔輭	到此亦復然
若此而得到	如地一切受	若不能圓滿
何人求用意	愛心之煩惱	而不能破得
如彼久富貴	不能求一切	若貪於他物
不受於賢名	是故求增勝	身心不放逸
彼愛終滅盡	此動此不覺	諸惡不淨身
此我云何執	我此身云何	雖活而必死
與土而無異	我見何不破	為此不實身
虛受於苦惱	何更於無情	復起於瞋怒

我今徒育養 終爲豺鷲食 至此無愛瞋
彼愛何能立 若彼住瞋怒 當歡喜供養
彼如是不知 何爲作辛苦 我今愛此身
乃爲我所親 一切愛自身 云何我不愛
是故我捨身 爲捨於世間 觀此多過咎
喻如持業器 彼業世間行 我去而隨身
靜念不散亂 當斷於無明 是故破煩惱
我處於禪定 邪道不牽心 自名最上住

菩提行經卷第三

菩提行經卷第四

聖 龍 樹 菩 薩 集 頌

宋西天中印度慈爛跋羅國三藏明教大師天息災奉詔譯

菩提心般若波羅蜜多品第七

如來智慧仁 為一切世間 令求遠離苦

是故智慧生 真如及世間 今說此二法

知佛真如故 說法而智慧 彼世間凡夫

見二種相應 害及勝害等 乃世相應事

彼二事見已 見之乃為智 智見世間性

是喻於真如 此說無去來 智者無不見

色等甚分明 乃世相應事 不淨而為淨

智者喻有利 為知世間故 是說世間性

為見於真如 見以刹那住 世間行相應

此行無過失 如女人不淨 異世諸害事

謂佛福虛幻 使我云何信 有情若幻境

云何復生滅 彼因集和合 乃得於幻緣

有情種子生 云何有真實 殺彼虛幻人

無心性等罪 平等心虛幻 罪福得生起

真言力等持 幻境心無著 以彼種種幻

種種因業生 何有於一人 得於一切力

若住於真如 或住於淨戒 如是即佛行

誰云菩提行 因緣當斷盡 幻化不可得

因緣若斷盡 無生而自得 若不住疑妄

幻境而不立 幻境若彼無 一切不可得

如是即真如 得現於心體 心如是若分

虛幻何由見 心不自見心 世尊之所說

如劔刃雖利 雖利不自斷 自性由若斯

復喻如燈光 破闇然得名 而不云自照

又若水精珠 體本唯清澈 因青而有青

影現隨眾色 非青而現青 如心而自作

又如彼燈光	智者知此說	智慧此開通
知者何所說	雖開而不開	如人無所覩
石女義不生	與此義不二	亦同無心識
緣念無所得	非念而別生	虛妄念如毒
謂若因若果	為法而自說	有談眼藥方
見瓶而無藥	若見聞覺知	此有而非有
念斷於苦因	此實念當念	念念而無別
此心當平等	前塵常惑人	了之無所有
如幻而不實	妄心而自見	住塵處輪迴
喻空無所依	住塵性亦然	亦無有所得
若與不善俱	不善汝所得	若心有取捨
施一切如來	如是用心意	而有何功德
幻境一切知	煩惱云何斷	於彼幻三毒
遠離而不作	知於煩惱心	彼作而未盡
於彼得見時	空有意無力	煩惱性非盡

與空而相雜	至彼無所學	彼後乃得盡
彼性而無得	亦復不能見	彼性若無住
云何住此身	若性而無有	身住於無性
是性如去來	隨現而無著	劫樹與摩尼
能如意圓滿	佛變化亦然	當為斯行願
喻法呪林樹	呪成而枯壞	毒等雖久害
彼彼皆消除	菩薩之修行	所作諸事業
菩提行最勝	佛樹能成就	以彼平等行
而住於寂靜	及作不思議	供養得何果
隨彼所行因	而得於彼果	供養等真實
得果而稱實	云何得法空	實得解脫法
不離牟尼道	當得於菩提	汝不求大乘
何法求圓滿	二乘得成就	成就非圓滿
若彼所作因	怖畏於大乘	別怖怖非實
此怖實名怖	此法要當知	大乘之所論

亦六

十二

亦六

十三

離暗知煩惱	因法知於空	欲速一切知	不得謗於法	此空審觀察	是故待不疑	迷彼苦空事	而得於此果	迷空彼若此	不受當何作	解脫力若怖	輪迴得成就	迦葉大尊者	如言之不知	彼汝云不覺	了 _{十四} 一切過患	一味之平等	諸佛無不說	是義乃大乘	大乘行平等	說法之一時	如識而無得	如應正等覺	所說之妙法	若心之不空	復得名為著	心性若云空	此受而有得	安住有著心	是得名處處	愛業而羸劣	是無有癡愛	受愛得相緣	斯由解脫力	愛取不相緣	以此無執持	解脫心無著	煩惱得消滅	煩惱業消除	僧知法出離	心若有著處	涅槃不可得	離此為他法	知彼外道論	法乃僧根本
-------	-------	-------	-------	-------	-------	-------	-------	-------	-------	-------	-------	-------	-------	-------	----------------------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------

此說色下品	彼一切智心	煩惱悉清淨	彼自性如是	彼一而言有	餘色咸不實	亦無於自性	彼色如是知	喻樂暫和合	有情塵所翳	無父亦無子	知聲色如是	而色復何受	如彼一父子	思惟無真實	彼聲近於心	彼知色如是	若受於色聲	乃近於智智	此智非聲受	彼聲何以聞	若智之不知	彼智難知故	彼智既決定	聲恒受一切	若說聲智離	彼離云何知	如是諸法等	一切皆無我	說彼智與聲	脂肪及腸胃	便利汗熱風	九漏并六識	牙齒髮爪甲	骨肉并血髓	鼻洩唾膿涎	彼言審觀察	苦物生於苦	是苦怖得生	彼苦因空作	彼何得生怖	若於彼物怖	斯即名我所	如是我無所	苦怖云何得
-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------

思惟一覺心	彼等彼若無	愛若虛不實
云何住於見	無我而無心	此心喻畫像
是心智相應	清淨愚癡破	如是之自心
彼作云何作	彼愚癡無行	此我而虛作
有行自出離	而無惡業果	破壞業若為
善果云何得	此二之行果	互相破成就
彼說知不虛	彼自而無事	因果定相應
惡見要不生	此行而實住	作受今當說
過去未來心	彼我無有生	此心生我破
我無復生起	如芭蕉作柱	無所能勝任
我心生亦然	是得善觀察	有情若不有
此行云何為	彼行今若為	而為有癡事
有情何實無	癡喻其愛事	若滅於苦惱
當斷於癡事	我慢為苦因	癡是得增長
彼事心不迴	觀空為最上	無足無脛膝

亦六

十五

無腰復無腿	無臂亦無肩	無臍無胸背
無肋兼無脇	無手亦無鼻	無項復無頭
骨鎖等皆爾	觀此一切身	不行於一處
彼行於處處	何處自安住	以彼身手等
一切處皆住	彼一身如是	乃至於手等
無內無外身	何獨身手等	手等無分別
云何彼復有	彼既無癡身	寧云意手等
住已近殊勝	觀者知人喻	若彼因和合
木人此可同	若了如是相	彼身同此見
如是捨足指	手指亦皆捨	彼初觀節合
後見節自離	此身破已竟	彼住分別見
分別見此身	得喻如虛空	如是之夢色
智者何所樂	設施若無身	何有男女等
若喜真得苦	此者何不解	觀察此云何
愛樂深煩惱	樂者之不實	如彼無執受

汝苦復云何	如彼自無得	彼有苦微細
既微而不說	以彼微細故	不說令他喜
因瞋而苦生	既生而有滅	若於定有見
於生自不受	如是而既知	如是觀因果
禪愛或相應	得生彼疑地	善根之所利
皆為於何人	彼此何和合	和合而何得
人喻於虛空	雖合而無入	無入而非合
是無分別行	不求和合名	若見而無見
和合彼不求	云何名得生	有物非和合
如導而先知	而彼識無相	不住於和合
彼觸法如是	何受而得生	我今何所為
而得於苦害	若不得所受	苦害而不覺
此位彼得見	何愛不遠離	今見此夢觸
自心之幻化	既見彼觸性	彼受汝亦得
先世與後世	念念而無受	若此觀自身

亦六

十六

受亦無所得	所受既不實	彼即知無有
若此無自身	云何如是害	色性之自住
無根無中間	無內無外心	別處亦不得
身若無異處	無合無分別	有情之自性
寂靜彼無所	智者若先知	云何而有著
智者同智故	彼生何得著	是智是後得
是智云何得	如是一切法	雖生而無得
如是法若無	是法云何二	彼餘法若是
有情皆寂靜	彼他心有疑	於自即無有
彼定彼後有	此法無彼此	思惟於自心
是二互相住	如得於正住	一切智者說
若有諸智者	獲得於智智	智者得是智
彼即是無位	智者得是智	有得而無住
無住即無生	彼說於涅槃	若彼之二法
如是極難住	若法由於智	智者何因有

是智由於知	知者無所得	二法互相由
是有情無性	無父定無子	欲子生何得
有父而有子	彼二法亦爾	芽從種子生
種子得何求	知從智所生	彼實何不行
芽從智種生	知從智芽有	若彼知不知
何得有智智	一切人因緣	彼前皆已說
因果所生起	等喻如蓮華	因果何由作
皆從於過去	此果云何得	由過去業力
世間因自在	自在彼何說	如是得後有
彼彼名何雜	是事唯不定	非心非賢聖
過惡無善報	彼何得自在	不見如虛空
不見自過去	自在不思議	此理不應說
彼主何最上	彼亦自無定	善惡各自性
智者知無邊	因業有苦樂	彼說何等作
先因若不有	果報誰云得	云何不作恒

彼無於別見	彼作既無別	何得見彼彼
若見和合因	無復云自在	此和合無主
彼法乃無主	彼愛不自愛	此愛而無作
所得而由他	何云自在作	彼不作過去
謂若恒不滅	愛此最上數	謂世間恒常
有情塵暗蔽	住此惡功德	謂此說最上
此說世間惡	一三之自性	不合而無有
是德無所有	彼各各三種	功德雖無聲
此聲有還遠	如衣等無心	由此生快樂
色性之亦然	觀之性無有	彼等快樂因
有無若衣等	此衣等快樂	此乃性快樂
彼等之快樂	不能得久遠	彼得是微細
云何彼麤細	快樂如是實	思惟何不受
離麤得微細	微細不久遠	一切物亦然
久遠何不得	快樂得不麤	快樂不常定

彼無有所生	此說不真實	彼真實德生
彼得無欲住	為食不淨食	而有於因果
愛無價之衣	買觀羅種子	不愛世間癡
彼住真如智	彼智世間有	云何而不見
同彼世間量	若此分明見	世量而非量
彼無妄言說	^{亦六} 是故觀真如	^{十八} 彼空而不生
知性之不觸	是性而無執	彼性實非實
是故非實性	是故彼夢覺	此疑彼無有
彼性若見有	乃不實生著	是故知彼性
無因即無所	一切皆無主	因緣中安住
由彼無別異	不住復不去	於實彼若迷
返為世間勝	為從因所生	為從幻化作
何來彼何去	了知而若此	若此而了知
乃見彼無性	云何知假實	同於影像等
性若云自有	是因何所立	彼若是不有

彼因故不用	有無之性相	因俱胝百千
彼位云何性	何得於別性	彼性無性時
是性何時得	無性即無生	當依彼性行
性無過去性	而由性不生	無有性無性
喻幻化和合	一切有無性	有如是不滅
此一切世間	是故不生滅	知行空不實
喻夢喻芭蕉	分別滅不滅	一切不可得
性空乃如是	何得而何受	不實恒若斯
彼彼云何得	何苦何快樂	何愛何不愛
彼愛何所愛	^{亦六} 要當知自性	^{十九} 世間亦可知
何名為無上	^{亦六} 何人何所親	何生而何得
一切喻虛空	彼此受皆失	歡喜瞋相對
因喜或鬪諍	瞋惱諸邪行	一切令破壞
罪惡自愛樂	是得惡趣名	死即墮惡趣
得苦而無悔	或往來天中	生生而得樂

捨於多罪崖	謂真實如是	如是真無性
復互相憎愛	說彼將來惡	溺無邊苦海
色力并壽命	彼得而唯少	雖獲於快樂
而由飢困者	眠睡災昏迷	如虛幻和合
當盡彼虛幻	若此而難得	彼學何所作
何行何斷除	彼彼諸魔事	斯為大罪崖
於彼多正道	難勝而不行	復於剎那中
難得生覺悟	過去未來苦	難竭煩惱海
而於此苦海	我恨苦求離	如是此安住
若自不樂住	如須臾須臾	入火而澡浴
見如自利	而受於此苦	無老死自在
彼行因如是	從彼惡法來	感惡而前死
苦火熱如是	我何時得息	自作於快樂
福雲生繚繞	以我何見知	而說知慧空
稽首具足知	稽首福德重	

菩提心迴向品第八

菩提行若此	思惟於行福	菩提行莊嚴
一切人皆得	乃至一切處	身心苦惱者
彼得此妙福	歡喜快樂海	若有不自在
而處輪迴者	使得世間樂	及得菩薩樂
若有世界中	乃至於地獄	而令彼等人
悉受極快樂	寒苦得溫暖	熱苦得清涼
菩薩大雲覆	復浴法水海	鐵樹鐵山峯
劍林光閃爍	一切成劫樹	罪人喜安樂
喻迦那摩迦囉拏	鴛鴦鵝鴈聲適悅	
池沼清淨無濁穢	微妙諸香生喜樂	
地獄爐炭聚	而得摩尼聚	熱地水精嚴
復寶山和合	以如是供養	善逝宮皆滿
炭火熱劍雨	今後灑華雨	彼劍互相殺
今後華互散	爛搗諸身肉	喻君那華色

肉骨與火同	棄墮柰河水	以我善力故
令得天宮殿	彼光如千日	彼滿那枳你
焰魔之獄卒	見者不驚怖	烏鷲等飛類
悉離惡食苦	愛彼普快樂	此得何善生
福喻於虛空	觀此上下等	如見金剛手
速滅除災患	降彼華香雨	破滅地獄火
云何名快樂	云何名歡喜	處彼地獄者
得見觀自在	同一切威德	俱胝髻童子
大悲菩提心	救度於一切	以彼天供養
天冠及天華	乃至悲心華	適悅寶樓閣
天女之言說	百千種歌詠	讚大聖文殊
及普賢菩薩	以此善功德	同於地獄者
大聖觀自在	觀察地獄苦	無量苦可怖
手出甘露乳	濟彼諸餓鬼	與食與洗浴
令飽滿清涼	離苦得快樂	如彼北洲人

亦六

三

色力并壽命	聾者得聞聲	盲者得見色
妊娠及產生	喻摩耶無苦	雖衣雖飲食
莊嚴而清淨	一切隨求意	得利復得益
怖者不受怖	不樂而得樂	煩惱得無惱
見者皆歡喜	病者獲安樂	解脫一切縛
無力而得力	愛心互相施	安樂於十方
行道一切至	惡事皆滅盡	當成就好事
乘船商賈人	得滿所求意	安樂到彼岸
親等同嬉戲	飢饉時路行	得伴無所畏
不怖賊與虎	復不怖迷醉	曠野無病難
耄幼無主宰	賢聖悉加護	諸煩惱解脫
悲愍信智慧	具足相修行	恒得宿命通
而得無盡藏	乃至虛空藏	無緣無方便
無少才不喜	有情之名聞	當得大名稱
出家若醜陋	當得具色相	若彼有三界

使彼得丈夫	亦離高下品	當破我慢意
今我一切福	利諸有情等	當離一切罪
恒作善利事	菩提心所行	菩提行不退
遠離我慢業	當得佛授記	一切有情等
得無量壽命	壽命得恒長	破壞無常聲
劫樹苑適悅	一切方皆得	妙法而適意
同佛佛圓滿	彼諸高下石	如掌而平坦
柔軟瑠璃色	一切地皆得	諸大菩薩眾
普徧諸國土	以自住光明	莊嚴於大地
諸樹及飛禽	光明於虛空	說法聲不住
諸有情常聞	佛及佛子等	彼彼恒得見
無邊供養雲	供養於世尊	天雨依時節
穀麥咸豐實	世間得具足	王法得依行
藥力倍增盛	明力皆成就	羅刹擊吉你
斯等皆悲愍	無有苦有情	無罪復無病

亦六

三三

不輕慢下劣	煩惱無所得	讀誦而自在
隨意而行住	眾集乃恒常	成就於僧事
苾芻住淨戒	復得一切解	觀察於心業
捨離諸煩惱	苾芻所得利	當遠離鬭諍
諸出家亦然	不得破禁戒	得戒而守護
恒樂盡諸罪	若彼不破戒	得益往天趣
若彼持鉢者	為得於善利	得清淨種子
名聞滿諸方	永不受罪苦	恒行無苦處
無邊諸有情	供養一切佛	當受一天身
彼成佛世間	不思議有情	樂佛而得樂
願為於世間	菩薩得成就	彼尊若思惟
彼有情令得	辟支佛安樂	及得聲聞樂
天人阿修羅	意重而恒護	若彼宿命通
出家此恒得	若彼歡喜地	文殊師利住
我若以彼位	隨力而能與	若知和合住

得生於一切 若有欲見者 及有欲聞者
 如是彼得見 文殊師利尊 如日照十方
 為一切有情 彼文殊修行 我得如是行
 彼或住虛空 或住於世間 今我住亦然
 得壞世間苦 世間若有苦 彼一切我得
 世間一切善 菩薩之樂得 一藥救世間
 一切皆富樂 一切同利養 佛教而久住
 以善意清淨 歸命於文殊 我說善知識
 清淨此增長

菩提行經卷第四

音釋

坏 銼杖切 未也 歛 吻武粉切 口相就也 剥
 址角切 潰 胡對切 躑 魯果切 口邊也 剥
 刻剗也 自壞也 躑 赤體也 產 差 差 楚
 懈 切 差 矢 忍切 笑 皆 蔣氏切 澈 直列
 病除也 晒 不壞曰晒 皆 非毀也 澈 直列
 也 脛 下頂切 膝 屈疾切 腿 他偏切 臍 音 繚

繞 緣蓮條切 閃 閃切 閃 閃切 閃 閃切 閃 閃切
 也 妊 娠 人妊切 如深切 娠 孕也 老 昏莫切 也 搗 都都切 築 築切



金剛頂一切如來真實攝大乘現證大教王經

唐特進試鴻臚卿三藏沙門不空奉 詔譯



清刻龍藏佛說法變相圖

金剛頂一切如來真實攝大乘現證大教王
經卷上 亦七

唐特進試鴻臚卿三藏沙門不空奉 詔譯

一 深妙秘密金剛界大三昧耶修習瑜伽儀第

一

稽首薄伽梵 亦七 大毗盧遮那 一 能為自在王

演說金剛界 無邊功德法 成五解脫輪

三十七智身 我今歸命禮 瑜伽大教王

開演一佛乘 如來三密藏 是乘無比喻

最上最第一 唯佛不共智 相應成佛門

為令悟入者 圓成淨法身 三世薄伽梵

皆依此法成 是故諸如來 敬禮如理法

若修此法者 善住於師位 備族姓相好

調柔心正直 以戒常嚴身 以戒常嚴身

清淨無所畏 於此秘密乘 決定深信解

空有性相義	隨化道應知	住大悲方便
引接諸群品	能令所依者	頓獲如來位
已入金剛界	諸佛大壇場	生在如來家
受法王灌頂	瞻禮於聖會	不捨菩提心
恭敬阿闍黎	等同一切佛	所有言教誨
皆當盡奉行	於諸同學處	不生嫌恨心
敬如金剛手	乃至諸舍識	亦不應輕惱
諸天神仙等	皆不應禮事	勿應毀陵蔑
所觀諸法具	不應故騎薦	爲此大場內
諸聖所執持	親從阿闍黎	得傳教灌頂
明解三摩耶	諸正徧知道	通明廣略教
瑜伽身語心	妙解曼拏囉	了真言實義
如是阿闍黎	諸佛所稱讚	等同薄伽梵
大毗盧遮那	即是諸如來	金剛蓮華手
虛空巧業尊	故應堅守護	本尊三昧耶

倍過於身命	常修外儀式	洗漱嚼齒木
嗽荳蔻塗香	令身口香潔	不應食薰雜
酒肉諸殘觸	飲食離諸過	不應與他人
同牀鋪座卧	常潔身淨服	令內外無垢
不應常爪甲	居穢違教故	內所爲六根
用三密淨除	<small>亦七</small> 外謂諸儀則	法香水灌頂
或外緣不備	即以法淨除	此理趣最勝
當觀念唵字	淨除內外垢	不沐而成浴
盥滌等虛空	無垢如法界	事理俱相應
如來最稱讚	初起金剛定	普覺諸群品
行即如來行	坐即如來坐	諸入無言說
一音徧法界	後與大悲念	利樂盡無餘
有情器世間	嚴淨如來土	若自他建立
勝大曼拏囉	選地結壇場	如經之所說
上施妙天蓋	周帀悉懸旛	珠鬘鈴珮等

間錯垂供養	賢妃闕伽水	金銀寶器盛	復以燒香熏	修行瑜伽者	足步蹈蓮華	怒目除不祥	及一乘法僧	勸請願迴向	卽字發智火	名如理作意	法安住法位	成三密三身	塗香徧塗手	寂光華藏印
布散諸尊位	燒香華塗香	及以淨梵等	陳設壇四邊	每入曼拏囉	趣於精室門	即五體投地	即長跪合掌	具法者應入	燒除虛妄因	心如理成就	是名為法界	真言行菩薩	復用燒香熏	即以定慧手
散時華莊嚴	燈明及飲食	真言香水灑	諦心為供養	觀身如普賢	閉戶稱卽字	敬禮世尊足	運心對聖衆	金剛三摩地	情器等虛空	是名為法性	復加身口心	應當善修習	結淨器世間	觀念離塵法

真言如是稱
 唵引囉儒波誑怛薩囉達摩引
 次當淨三業 觀身本清淨 誦此真言明
 得三業皆淨
 淨身真言曰
 唵引薩囉訖婆囉唎馱薩囉達摩薩囉訖婆囉唎度憾亦七
 由此真言故 其身成法器 於虛空觀佛
 徧滿如胡麻 則誦徧照明 歷然見諸佛
 觀佛真言曰
 欠囉日囉訖馱觀亦七
 警覺諸如來 檀慧相鈎豎 進力二相柱
 是名為起印
 唵引囉日囉訖底瑟姪訖唎亦七
 卽字想於心 變成五智杵 應想徧身中

所有微塵數 為金剛薩埵 金剛掌舒臂
全身委地禮 捨身徧法界 奉獻阿闍尊
盡禮事諸佛

真言曰

唵引薩嚩怛他誡哆一布咀播引薩他合曩
野怛摩合喃二禰哩也合哆野弭三薩嚩怛
他引誡哆四嚩日囉合薩怛嚩五地瑟姪
合娑嚩合捨六吽七

次想怛略字 於額金剛寶 想身為寶形
身中微塵數 想成金剛藏 全身以額禮

金剛掌於心 奉獻寶生尊 想於無邊刹
首持五佛冠 灌一切佛頂

真言曰

唵引薩嚩怛他誡哆一布惹鼻曬迦野怛摩
合喃二禰哩也合哆野弭三薩嚩怛他誡哆

四嚩日囉合囉怛那五合鼻曬左娑嚩合捨
怛略六

觀

統哩字於口 即想八葉蓮

觀身為蓮華 身中微塵數 想成金剛法
全身以口禮 金剛掌於頂 奉獻無量壽

徧想諸佛會 而請轉法輪

真言曰

唵引薩嚩怛他誡哆一布惹鉢囉合嚩哆曩
野怛摩合喃二禰哩也合哆野弭三薩嚩怛
他誡哆四嚩日囉合達磨五鉢囉合嚩哩哆
合野娑嚩合捨六統哩以七合

觀

阿字想於頂 變為業金剛

觀身普金剛 身中微塵數 皆成金剛業
全身以頂禮 當心金剛掌 奉獻不空尊
想於普集會 觀金剛業身 而作大供養

真言曰

唵引薩縛怛他誡哆一布惹迦磨拏阿怛摩
 合二喃二禰哩也合哆野弭三薩縛怛他誡哆
 四縛日囉合迦磨五俱嚩娑縛合捨六阿
 七

次結金剛持大印 禪慧檀智反相又
 右膝著地置頂上 一一想禮如來足
 舒指從頂如垂帶 從心旋轉如舞勢
 金剛合掌置頂上

真言曰

唵引薩縛怛他誡哆一迦野弭縛枳唧哆二
 縛日囉合鉢囉合拏每三縛日囉合滿娜喃
 迦嚩彌四 唵引縛日囉合吻尾一
 歸命十方等正覺 最勝妙法菩薩衆
 以身口意清淨業 殷勤合掌恭敬禮

無始輪迴諸有中 身口意業所生罪
 如佛菩薩所懺悔 我今陳懺亦如是
 諸佛菩薩行願中 金剛三業所生福
 緣覺聲聞及有情 所集善根盡隨喜
 一切世燈坐道場 覺眼開敷照三有
 我今胡跪先勸請 轉於無上妙法輪
 所有如來三界主 臨般無餘涅槃者
 我皆勸請令久住 不捨悲願救世間
 懺悔勸請隨喜福 願我不失菩提心
 諸佛菩薩妙衆中 常為善友不厭捨
 離於八難生無難 宿命住智相嚴身
 遠離愚迷具悲智 悉能滿足波羅蜜
 富樂豐饒生勝族 眷屬廣多常熾盛
 四無礙辯十自在 六通諸禪悉圓滿
 如金剛幢及普賢 願讚迴向亦如是

亦七

六

行者廣大願 次應發勝心 願一切有情
如來所稱讚 世間出世間 速成勝悉地
合掌真言曰

唵引薩縛怛他誡哆一商悉哆入薩縛薩怛
縛合喃二薩縛悉馱藥三三播你演合就引

怛他誡哆唎室左合地底瑟姪合就引去聲
引五

𑖀 𑖂

摩吒於兩目 應觀為日月

二手金剛拳 各安於腰側 徧視空中佛

諸佛皆歡喜 所有香華等 及餘供養具

因此目瞻觀 去垢成清淨 辟除成結果

真言曰

唵引縛日囉合涅哩合瑟致合麼吒

福智二羽合 十度初分交 名為金剛掌

一切印之首

真言曰

唵引縛日囉合惹禮引

即彼金剛掌 十度結為拳 名為金剛縛

能解結使縛

真言曰

唵引縛日囉合二滿馱引

即以金剛縛 能淨第八識 亦除雜染種

𑖀 𑖂

怛囉合吒二字 想安於兩乳

一羽金剛縛 掣開如戶樞

真言曰

唵引縛日囉合滿馱怛囉合吒引

即以金剛縛 禪智屈入掌 檀慧戒方間

想召無漏智 入於藏識中

真言曰

唵引縛日囉合吠捨唎引

即以前印相 進力拄禪智 以附於心門

無漏智堅固

真言曰

唵引縛日囉合母瑟致合鍤

二羽金剛縛 忍願豎如針

繞誦真言已

自身成普賢 坐於月輪上

身前觀普賢

真言曰

唵引三摩野薩怛鍤三合

行者次應結 大誓真實契

二羽金剛縛

檀慧禪智豎 忍願交入掌

指面令相合

以二度刺心 名為大悲箭

以射厭離心

極喜三昧耶 警覺本誓願

真言曰

唵引三摩野斛合素怛囉薩怛鍤三合

行者次應結 降三世大印

二羽忿怒拳

檀慧背鉤結 進力二背豎

身想念怒王

八臂而四面 笑怒恐怖形 四牙熾盛身
右足筮左直 踰大天及后 厲聲誦真言
旋轉於十方 左轉為辟除 右旋成結界

真言曰

唵引遜婆賴遜婆賴亦七吽一吃哩合賀拏合屹

哩合賀拏合吽二屹哩合賀拏合播野合吽三

阿曩野斛婆誡鍤四縛日囉合吽五發吒六引

次結金剛蓮 二羽金剛縛 檀慧禪智豎

蓮華三昧耶 得成蓮華部 轉輪之主宰

真言曰

唵引縛日囉合鉢納摩合三摩野薩怛鍤合

引

阿賴耶識中 違背菩提種 次結法輪印

摧破厭離輪 即前蓮華印 檀慧而交豎

摧制於自心 即滅二乘種

真言曰

吽引枳重娑普合吒引野二摩賀尾囉

識三罽日覽合罽日囉合馱羅四薩帝曳五

合曩嘶切

次結大欲印 二羽金剛縛 禪入智虎口

隨誦而出入

真言曰

唵引素囉哆一罽日覽合唵吽引鍍斛二薩摩

野薩怛鍍三合引

大樂不空身 印契同於上 普願諸有情

速證如來地亦七 修行瑜伽者九 自成大深智

菩提大欲滿 圓成大悲種

真言曰

唵引摩賀素佉一罽日覽合娑引馱野二薩

罽薩怛吠三 合毗喻合唵吽引鍍引斛四

次結召罪印 二羽金剛縛 忍願伸如針

進力屈如鉤 起大悲愍心 來去而觀想

召諸有情罪 自身三惡趣 衆罪召入掌

黑色如雲霧 衆多諸鬼形

真言曰

唵引薩罽播波一迦唵灑合拏二尾戍馱曩

三罽日囉合薩怛罽四 合三摩野五 吽六 唵七引

次結摧罪印 八度內相又 忍願如前豎

應觀獨鈷杵 當觀自身相 變成降三世

厲聲誦真言 內心起慈悲 忍願應三拍

摧諸有情罪 三惡皆辟除

真言曰

唵引罽日囉合播拏一尾娑普合吒引野二

薩罽播野滿馱曩三鉢囉合謨訖囉合野

四 薩縛播波誡底毗藥_五 合 薩縛薩怛縛_六
六 薩縛怛他誡哆_七 縛日囉_八 三摩野_九 吽_十
怛囉_{十一} 吽_{十二}

次應淨業障 令滅決定業 二羽金剛掌
進力屈二節 禪智押二度 結此業障除

真言曰

唵 引 縛日囉_一 羯囉摩_二 合 尾戍馱野_三 二 薩
縛囉拏額_四 沒馱薩帝曳_五 合 曩_六 三 摩野
五 吽_六

次成菩提心 自他令圓滿 即如蓮華契

檀慧禪智豎_{亦七} 安於頂之左

真言曰

唵 引 贊捺嚕_一 多嚩_二 三 滿哆婆捺囉_三 合 枳
囉尼_四 尼_五 皆 摩賀囉日哩_六 合 拈_七 尼_八 盈_九 吽_十
運心諸有情 月上如來威 速成如普賢

瑜伽經所說 應結跏趺坐 支節不動搖
應結等印持 二羽金剛縛 仰安於齋下
端身勿動搖 舌拄於上腭 止息令微細
諦觀諸法性 皆由於自心 煩惱隨煩惱
蘊界諸處等 皆如幻與焰 如乾闥婆城
亦如旋火輪 又如空谷響 如是諦觀已
不見於身心 住寂滅平等 究竟真實智
即觀於空中 諸佛如胡麻 徧滿虛空界
想身證十地 住於如實際 空中諸如來
彈指而警覺 告言善男子 汝之所證處
是一道清淨 金剛喻三昧 及薩般若等
尚未能證知 勿以此為足 應滿足普賢
方成最正覺 身心不動搖 定中禮諸佛
真言曰
唵 引 薩縛怛他誡哆 一波娜滿那南迦嚕弭

亦七

十一

行者聞警覺 定中普禮已 唯願諸如來
 示我所行處 諸佛同告言 汝應觀自心
 既聞是說已 如教觀自心 久住諦觀察
 不見自心相 復想禮佛足 白言最勝尊
 我不見自心 此心為何相 諸佛咸告言
 心相難測量 授與心真言 即誦徹心明
 觀心如月輪 若在輕霧中 如理諦觀察
 真言曰
 唵引唧哆鉢囉訖底 一 味淡迦嚕弭 二
 藏識本非染 清淨無瑕穢 長時積福智
 喻若淨月輪 無體亦無事 即說亦非月
 由具福智故 自心如滿月 踊躍心歡喜
 復白諸世尊 我已見自心 清淨如滿月
 離諸煩惱垢 能執所執等 諸佛皆告言
 汝心本如是 為客塵所翳 菩提心為淨

汝觀淨月輪 得證菩提心 授此心真言
 密誦而觀察
 真言曰
 唵引冒地唧哆 一 母怛摩訖那野弭 二
 能令心月輪 圓滿益明顯 諸佛復告言
 菩提心堅固 復受心真言 觀金剛蓮華
 真言曰
 唵引速乞叉 二 摩嚩日囉 三 合
 觀五股金剛真言曰
 唵引底瑟姤 二 嚩日囉 三 合
 汝於淨月輪 觀五智金剛 令普周法界
 唯一大金剛
 漸廣真言曰
 唵引娑頗 二 囉嚩日囉 三 合
 漸略真言曰
 亦七

唵引僧賀引囉囉日囉二合
應當知自身 即為金剛界
真言曰

唵引囉日囉二合怛摩二合句憾
自身為金剛 堅實無染壞 復白諸佛言

我為金剛身 時彼諸如來 便勅行者言
觀身為佛形 復授此真言

唵引野他一引薩囉怛他誡哆二合薩怛二合他憾
既見身成佛 相好皆圓備 諸如來加持

現證實相智 不改前印相 應誦此真言
唵引薩囉怛他誡哆一鼻三冒地涅哩二合唵

二縛日囉二合底瑟吒二合
次結四如來 三昧耶印契 各以本真言

而用加持身 不動佛於心 寶生尊於額
無量壽於喉 不空成就頂

真言曰

唵引縛日囉二合薩怛囉二合地瑟姪二合安縛
二合捨二合吽三

唵引囉日囉二合囉怛曩二合地瑟姪二合安縛
二合捨二合怛略三合

唵引囉日囉二合達囉磨二合地瑟姪二合安縛
二合捨二合紇哩三合

唵引囉日囉二合羯囉磨二合地瑟姪二合安縛
二合捨二合嚧三

既已加持身 次應授灌頂 五如來印契
各如三昧耶 徧照灌於頂 不動佛於額

寶生尊頂右 無量壽頂後 不空成就佛
應在頂之左

真言曰
唵引薩囉怛他誡帶一濕囉二合哩也二合鼻囉

罽 二 鍍 三

三 唵引縛日囉合薩怛嚩二合鼻瑟左捨二吽

唵引縛日囉合囉怛曩二合鼻瑟左捨怛略

二合

唵引縛日囉合鉢納磨三合鼻瑟左捨訖哩

以二

唵引縛日囉合羯囉磨二合鼻瑟左捨二噯

三

次於灌頂後 應繫如來髮 四方諸如來

皆三昧耶契 額前二羽分 三結於頂後

向前如垂帶 先從檀慧開

真言曰

唵引縛日囉合馱怛味二合摩擺鼻訖左捨

鍍

唵引縛日囉合薩怛嚩二合摩擺鼻訖左捨

鍍

唵引縛日囉合囉怛曩二合摩擺鼻訖左捨

鍍

唵引縛日囉合鉢納磨二合摩擺鼻訖左捨

亦七

十四

鍍

唵引縛日囉合羯囉磨二合摩擺鼻訖左捨

鍍

次於諸有情 當興大悲心 無盡生死中

恒被大誓甲 為淨佛國土 降伏諸天魔

成最正覺故 被如來甲冑 二羽金剛拳

當心舒進力 二度相縈繞 心背次兩膝

齋腰心兩肩 喉頸額又頂 各各三旋繞

徐徐前下垂 先從檀慧散 印能護一切

天魔不能壞

真言曰

唵引砧

次應金剛拍 平掌而三拍 由此印威力

縛解解者縛 便成堅固甲 聖衆皆歡喜

獲得金剛體 如金剛薩埵

真言曰

唵引噶日囉合觀史野合斛合聲入

次結現智身 二羽金剛縛 禪智入於掌

身前想月輪 於中觀本尊 諦觀於相好

徧入金剛已 本印如儀則 身十五前當應結

思惟大薩埵亦七

真言曰

唵引噶日囉合薩怛噶合噫

次結見智身 印契如前相 已彼智薩埵

應觀於自身 鈎召引入縛 令喜作成就

真言曰

唵引噶日囉合薩怛噶合涅哩合捨也合

次結四明印 召引入自身 印如降三世

屈進初如鈎 次進力互交 仍屈頭相拄

次互相鈎結 次腕合而振 由此四明印

召引縛令喜

真言曰

唵吽鍍斛

次陳三摩耶 當結金剛縛 忍願豎如針

成本尊瑜伽

誦三摩耶薩怛鍍合 徧入背後而月輪

於中應觀薩埵體 我三昧耶薩怛鍍

真言曰

唵引三摩庾哈一摩賀引三摩庾哈二

次成就法界 奉事諸如來 有情器世間

淨妙為佛土 勝上智觀察 內外無所有

三世等虛空 道 觀念欠字門

次發智風輪 道 憾字相應起

當觀輪圍山 道 劍字寶嚴飾

又於虛空觀 道 鏡字徧照尊

大悲流乳水 成香乳大海 道

海中觀鉢囉字 字門成金龜 其身之廣大

無量喻若曩 道 背觀唵哩字

變為妙蓮華 八葉有三層 赤色具臺藥

皆悉有光明 道 臺中觀素字

出妙高山王 亦七 四寶之所成 十六 四層及四峯

七金山圍繞 山間復有海 皆八功德水

瑜伽者觀念 了了悉分明

欠憾劍鍍鉢囉合唵哩以合素

成就海真言

唵引尾摩路引娜地吽

成就山真言

唵引阿左擺吽

於妙高山頂 觀佛法界宮 五智之所成

五峯寶樓閣 淨妙超諸界 種種勝莊嚴

即結金剛輪 輪壇之密印 由此印威力

則成諸輪壇 二羽金剛拳 進力檀慧鉤

於中現觀想 輪壇如來教 即於寶閣中

而觀曼拏囉

真言曰

唵引縛日囉合作羯囉合吽

次應誦啟請 不改前印相 想白諸聖眾

降此曼拏囉

啟請真言曰

野便焰合額 亦七 一尾覲囊合娑作羯囉合悉第 十七

二寫哆畝鼻嚩囉三嚩日囉合俱拏嚩係觀
四毗焰合哆毗焰合摩五娑覩合薩娜曩莫
六八聲

次結開門印 想開大檀門 二羽金剛拳
檀慧應相鉤 進力豎側合 每門誦真言

氣 應呼而掣開 從東而右轉

每方面向門 若方所小狹 即於觀想中

運心如本教

真言曰

唵引嚩日囉合娜嚩合嚩 唄娜伽合吒野

二三摩野三鉢囉合吠捨野四吽五

次結啓請印 啓白諸世尊 二羽金剛縛

忍願應豎合 進力屈如鉤 中後而不著

稱名而啓請 三唱此伽陀

真言曰

阿演去觀薩吠步嚩一廼迦娑引略鉢囉合
拏二弭哆勢沙迦三叢切句囉摩略合薩乞
又合怛訖哩合怛四曩跢婆嚩五娑嚩合娑
嚩六聲娑嚩合焰步七毛曩哆婆嚩娑嚩合
婆嚩八聲

次觀佛海會 諸聖普雲集 交臂作彈指

指聲徧法界

真言曰

唵引嚩日囉合三摩惹弱八聲

諸如來集會 皆在於虛空 誦百八名讚

禮曼拏聖衆

讚歎真言曰

嚩日囉合薩怛嚩二合摩賀薩怛嚩二合嚩

日囉合薩嚩怛他誡哆三三滿跢婆引捺囉

二合嚩日囉合你也五二合嚩日囉合播拏六
亦七 十八

曩謨引娑觀合帝七

嚩日囉合囉惹一素沒馱誡哩也三合嚩日

囉合俱剎捨三怛他引誡哆四阿謨引佉囉

惹五嚩日囉合你也六合嚩日囉合迦囉沙

七合曩謨引娑觀合帝八

嚩日囉合囉誡一摩賀引燥企也二合嚩日

囉合嚩拏嚩三商迦囉四摩囉迦摩五賀嚩

日囉六合左播七曩謨引娑觀合帝八

嚩日囉合娑引度一素嚩日囉合誡哩也二

二嚩日囉合觀瑟醮三合摩賀囉帝四鉢囉

合謨引你也合囉惹五嚩日囉合你也六合

嚩日囉合賀囉沙七合曩謨引娑觀合帝八

嚩日囉合囉怛曩二合素嚩日囉合囉他合

二嚩日囉合迦捨三摩賀引摩拏四阿迦捨

誡婆五嚩日囉合茶也六合嚩日囉合誡婆

七曩謨引娑觀合帝八

嚩日囉合帝惹一摩賀引入嚩合擺二嚩日

囉合素哩也三合吟曩鉢囉合娑四嚩日囉

合囉濕弭五合摩賀帝惹六嚩日囉合鉢囉

合婆七曩謨引娑觀合帝八

嚩日囉合計觀一素薩怛嚩合囉他二合嚩

日囉特嚩合惹三素妬灑迦四囉怛曩合計

觀五摩賀嚩日囉六合嚩日囉合拽瑟醮合

七曩謨引娑觀合帝八

嚩日囉合賀娑一摩賀賀娑二嚩日囉合悉

弭哆三摩賀引納部合哆必哩合底四鉢囉

合謨引你也合囉惹五嚩日囉合你也六合

嚩日囉合畢哩合帝七曩謨引娑觀合帝八

嚩日囉合達囉磨二合素薩怛嚩合囉他合

二嚩日囉合鉢捺摩三合素戍達迦四路計

濕縛合二囉五素縛日囉合二乞又六合縛日囉

合寧怛囉七合曩謨引娑覩合二帝八

縛日囉合二底乞又三合摩賀野曩二縛日

囉合二句捨三摩賀引庾馱四曼祖室哩五合

縛日囉合二儼鼻哩也六合縛日囉合二沒第七

曩謨宰親帝八

縛日囉合二係親一摩賀引曼拏二縛日囉合二

左引羯囉三合摩賀曩野四素鉢囉合二囉怛

曩五合縛日嚕合二怛他六縛日囉合二曼拏七

曩謨引娑覩合二帝八

縛日囉合二婆灑一素尾你也合二誡哩也三合

縛日囉合二惹播三素悉帝那阿縛者四縛日

囉合二尾你也五合誡哩也六合縛日囉合二婆

灑七曩謨引娑覩合二帝八

縛日囉合二羯磨一素縛日囉合二惹拏二合羯

磨縛日囉三合素薩縛誡囉四合縛日囉合二

謨五摩護那哩也六合縛日囉合二尾濕縛

七合那謨引娑覩合二帝八

縛日囉合二囉乞又二合摩賀吠哩也二合縛

日囉合二縛摩三摩賀涅哩合二唎四去聲 訥欲馱

曩五素尾哩也合二誡哩也六合縛日囉合二尾

哩也七合曩謨引娑覩合二帝八

縛日囉合二藥乞又二合摩護播野二縛日囉

合能瑟吒囉三合摩賀婆野四摩囉鉢囉合二

摩唎你五合縛日嚕合二誡哩也六合縛日囉

合贊拏七那謨引娑覩合二帝八

縛日囉合二散第一素薩賴地也二合縛日囉

合滿馱三鉢囉合二謨引左邊四縛日囉合二母

瑟吒野五合誡囉合二薩摩琰六縛日囉合二母

瑟鉢七合曩謨引娑覩合二帝八

次結四明印 印如降三世 鉤屈進度招
索進力如環 鎖開腕相鉤 鈴合腕似振
各誦本真言

真言曰

唵日囉合矩捨弱

唵日囉合播捨吽

唵日囉合娑普合吒鍤

唵日囉合吠捨阿聲

次應金剛拍 令聖眾歡喜

真言曰

唵引唵日囉合^{亦七}哆囉觀史也合^{于二}斛聲

次入平等智 捧闕伽香水 想浴諸聖身

當得灌頂地

真言曰

唵引唵日囉合娜迦唵吽

曩莫三滿多沒馱喃 誡誡曩三娑摩娑摩

三娑唵合賀^{四引}

次結振鈴印 右杵左振鈴 心入聲解脫

觀照般若理

真言曰

唵引唵日囉合播拏吽

唵引唵日囉合健吒觀瑟也合^{入聲}斛聲

金剛頂一切如來真實攝大乘現證大教王

經卷上

音釋

蔑^{其結切} 慕^{莫白切} 筮^{當割切} 躡^{達合切} 屹^{山切}

魚^{訖居切} 扇^{例車切} 齋^{車皆切}

金剛頂一切如來真實攝大乘現證大教王經卷下 亦八

唐特進試鴻臚卿三藏沙門不空奉 詔譯

金剛界大曼拏囉毗盧遮那一切如來族秘

密心地印真言羯磨部第二

稽首薄伽梵 大毗盧遮那 能為自在王

演說金剛界 羯磨諸儀則 印契及真言

供養諸如來 次結羯磨印 於心而修習

諦觀心月輪 而有羯磨杵 應結金剛拳

等引而兩分 右羽金剛拳 以握力之端

左拳安於齋 右羽垂觸地 左拳如前相

右羽為施願 二羽仰相叉 進力豎相背

彈指橫其端 左拳復安齋 右羽施無畏

是五如來契

彼彼真言曰

唵引縛日囉合馱觀鍍

唵引阿屈芻合毗野合吽

唵引囉怛曩合三婆縛怛略合

唵引路計濕縛合囉囉引惹訖哩以合

唵引阿謨佉悉第惡

次當結羯磨 四波羅蜜契 各如本佛印

而誦於真言

彼彼真言曰

唵引薩怛縛合縛日哩合吽

唵引囉怛曩合縛日哩合怛略合

唵引達囉摩合縛日哩合訖哩以合

唵引羯囉磨合縛日哩合嚧

次結十六尊 羯磨契之儀 右拳安腰側

右羽擲擲杵 二拳交抱脅 進力鉤以招

二拳如射法 當心作彈指 進力如寶形

於心旋日輪 右肘拄左拳 二拳口仰散

左蓮右開勢 左手想持華 右手如把劍

覆拳進力拄 於齋而平轉 並至口仰散

先從禪智舒 旋舞心兩頰 金剛掌於頂

二拳被甲冑 進力檀慧互 二拳而相合

一六大士印 亦八 內外八供養 并及於四護

印相今當說 二拳各腰側 向左小低頭

二拳以繫鬘 從額頂後散 二拳側相合

從齋至口散 二拳如舞儀 旋轉掌於頂

以金剛掌儀 燒香等四印 以降三世印

鉤索等四攝 並拳向下散 仰散如捧獻

禪智豎如針 開掌塗於脣 進屈如鉤形

進力曲相捻 二度便相鉤 合腕微搖動

彼彼真言曰

唵引縛日囉合二薩怛囉合二嚩

唵引縛日囉合二羅惹惹囉

唵引縛日囉合二羅誡斛聲

唵引縛日囉合二娑度索

唵引縛日囉合二羅怛曩合二唵

唵引縛日囉合二帝惹暗引

唵引縛日囉合二計覩盃合二

唵引縛日囉合二賀娑郝聲

唵引縛日囉合二達磨紇哩以合二

唵引縛日囉合二底乞叉拏合二淡

唵引縛日囉合二係覩矜引

唵引縛日囉合二婆灑盃

唵引縛日囉合二羯磨劍

唵引縛日囉合二咯乞叉合二哈

唵引縛日囉合二藥乞叉合二呬

唵引縛日囉合二散地鍍

唵引縛日囉合二囉細斛

唵引縛日囉合二摩利怛囉合二吒引

唵引縛日囉合二擬帝儼聲

唵引縛日囉合二涅哩合二帝曳合二訖哩合二吒引

唵引縛日囉合二度閉婀

唵引縛日囉合二補澀閉合二唵

唵引縛日囉合二路計溺

唵引縛日囉合二巘第虐

唵引縛日囉合二矩舍喲

唵引縛日囉合二播舍吽

唵引縛日囉合二娑普合二吒引 鍤

唵引縛日囉合二吠舍斛聲

右心左按地 繞輪壇四面 各一稱真言

安立賢劫位

真言曰

吽引吽短

賢劫千如來 十六大名稱 先畫彌勒尊

次明不空見 一切滅惡趣 離一切憂暗

香象勇猛尊 虛空藏智幢 無量月光光

賢護光網尊 次畫金剛藏 無盡慧辯積

普賢大光明 及餘上首尊 最初置阿字

或書十六名 金剛智種子

聖天之儀軌 依教而安立 地居空行天

巧智善安布 諸尊悉地相 次第應當明

彼彼真言曰

唵引昧怛哩合二野娑縛合二賀引

唵引阿目佉娜唵捨合二曩野娑縛合二賀引

唵引薩縛播野惹憾娑縛合二賀引

唵引巘馱賀悉底合二娑縛合二賀引

唵引戊囉野娑縛合二賀引

唵引阿迦捨誡囉婆合二娑嚩合二賀引
唵引誡惹合二捉曩計妬娑嚩合二賀引
唵引阿弭哆鉢囉合二娑娑嚩合二賀引
唵引贊捺囉合二嚩日囉合二鉢囉合二娑娑嚩合二賀引

唵引婆捺囉合二播囉娑嚩合二賀引

唵引入嚩合二囉顛鉢囉合二娑娑嚩合二賀引

唵引嚩日囉合二薩囉婆合二娑嚩合二賀引

唵引阿乞又合二摩底娑嚩合二賀引

唵引三滿哆婆捺囉合二野娑嚩合二賀引

金剛界大曼拏囉毗盧遮那一切如來族祕

密心地印真言三昧耶部第三

爾時薄伽梵 大毗盧遮那 能為自在王

演說金剛界 三昧之儀軌 次結三昧耶

於舌觀金剛 先合金剛掌 便成金剛縛

亦八

五

忍願如劔形 進力附於背 忍願豎如針
及屈如寶形 移屈如蓮葉 面合於掌中
檀慧禪智合 是為五佛印

彼彼真言曰

嚩日囉合二惹拏合二喃合二娑合二去

嚩日囉合二惹拏合二喃合二娑合二

嚩日囉合二惹拏合二喃合二怛合二略合二

嚩日囉合二惹拏合二喃合二噫

次結三昧耶 四波羅蜜契 各如佛之契

別別誦真言

彼彼真言曰

嚩日囉合二室哩合二吽

嚩日囉合二嬌哩合二怛合二噓

嚩日囉合二哆囉合二紇哩合二以合二

佉合二哩合二拏合二斛

次結十六尊	八供養四攝	三昧耶印契
忍願豎如針	小大鬪而豎	次以金剛縛
進力屈如鉤	因鉤便交豎	不解縛彈指
大豎次反屈	不改大與次	舒六而旋轉
前二亦不改	中縛下四幢	不易前印相
反開散於口	由縛禪智豎	進力屈如蓮
由縛豎忍願	屈上節如劍	忍願從入縛
四豎五豎交	由縛進力連	禪智開偃附
六度又而覆	大各捻小甲	進力針當心
進力檀慧開	小豎進力鉤	縛大捻小根
進力拄其背	縛偃豎禪智	此印展當額
從齋口仰散	旋舞掌於頂	由縛而下散
從縛仰開獻	由縛禪智針	解縛摩於會
由縛進力鉤	禪入智虎口	上四交如環
禪智入掌搖	四印而一縛	別別誦真言

亦八

*

彼彼真言曰
 三摩野薩怛鍍合阿曩野薩怛縛合阿斛素
 佉 娑度娑度 素摩賀怛鍍合嚕補你庚
 合咳 阿他鉢囉合底 賀賀賀吽郝 薩
 縛迦哩 釋佉砌娜 沒馱冒地 鉢囉合
 底捨左娜合素嚩始怛鍍合顛唎婆合野怛
 鍍合設咄嚕合薄乞又合薩嚩悉地 摩賀
 囉底 嚕播戍陞 戍嚕合怛囉合嫂佉也
 合薩縛布唵 鉢囉合賀擺合禰顛 跋擺
 誡弭 素帝惹擬哩合素嚩馱擬聲入阿野醯
 囉 阿醯吽吽 四娑普合吒鍍 佉吒噫
 噫聲入
 金剛界大曼拏囉毗盧遮那一切如來族祕
 密心地印真言供養部第四
 敬禮毗盧尊 能為自在王 演說供養部

供養諸如來 次結供養契 應結金剛縛
印相從心起 初結徧照尊 羯磨之印儀

真言曰

唵引薩嚩怛他誡哆一嚩日囉合二馱怛味合二

二弩哆囉布惹三娑頗合二囉拏四三摩曳

五吽

次結金剛薩埵羯磨印 觸地手

唵引薩嚩怛他誡哆一嚩日囉合二薩怛嚩合二

二弩哆囉布惹三娑頗合二囉拏四三摩曳五

吽六

次結金剛寶羯磨印 施願手

唵引薩嚩怛他誡哆一嚩日囉合二囉怛曩合二

二弩路囉布惹三娑頗合二囉拏四三摩曳五

吽六

次結金剛法羯磨印 法定手

唵引薩嚩怛他誡哆一嚩日囉合二達囉摩合二

二弩路囉布惹三娑頗合二囉拏四三摩曳五

吽六

次結金剛業羯磨印 最上手

唵引薩嚩怛他誡哆一嚩日囉合二迦囉磨合二

二弩路囉布惹三娑頗合二囉拏四三摩曳五

吽六

次心上金剛縛密語曰 入嚩手十六

唵引薩嚩怛他誡哆一薩嚩怛磨合二顛哩也

合二哆曩二布惹娑頗合二囉拏三迦囉磨合二嚩

日哩合二噫五

右脅密語曰

唵引薩嚩怛他誡哆一薩嚩怛摩合二顛哩也

合二怛曩二娑度迦囉三布惹娑頗合二囉拏四

迦囉磨合二觀瑟致合二索六

額上密語曰

唵引曩莫薩嚩怛他誡哆一鼻曬迦二囉怛

寧合毗喻三合嚩日囉合摩拏唵四引

心上旋轉如日輪轉相密語曰

唵引曩莫薩嚩怛他誡哆一捨播哩布囉拏

二即跢摩拏亦八馱三嚩合惹詣哩合毗喻合

嚩日囉合馱合嚩合惹五擬哩合怛覽引二合

口上笑處解散密語曰

唵引曩莫薩嚩怛他誡哆一摩賀必哩合底

二鉢囉合謨你也合迦唎毗喻三合嚩日囉

二賀細郝四

口土密語曰

唵引薩嚩怛他誡哆一嚩日囉合達囉磨合

二哆三摩地僻三薩覩合弩弭四摩賀達囉

磨二合擬哩合訖哩以三合

五

右耳密語曰

唵引薩嚩怛他誡哆一鉢囉合惹拏合播囉

弭哆二鼻顛囉賀三賴三薩覩合弩弭四摩賀

具灑弩猊淡五

左耳密語曰

唵引薩嚩怛他誡哆一作羯囉合乞叉合囉

二播哩嚩唎哆合曩三薩嚩素怛唎四怛

曩野曳五薩覩合弩弭六薩嚩曼拏囉吽七

頂後密語曰

唵引薩嚩怛他誡哆一散馱薄灑二沒馱僧

擬底鼻誡喃亦八薩覩合弩弭四嚩日囉合嚩

際作五

香頂上密語曰

唵引薩嚩怛他誡哆一度播銘伽三母捺囉

二合娑頗合囉拏三布惹迦囉弭四合迦囉

二

迦囉引八聲

華右肩上密語曰

唵引薩嚩怛他誡哆一補瑟跋訶鉢囉訶摩

囉二娑頗訶囉拏三布惹羯囉弭四二合枳哩

枳哩五

燈右跨上密語曰

唵引薩嚩怛他誡哆一路迦入嚩訶囉二娑

頗訶囉拏三布惹羯囉弭四二合娑囉婆囉五

塗復置心上密語曰

唵引薩嚩怛他誡哆一彥馱銘伽三母捺囉

二合娑頗訶囉拏三布惹羯囉弭四二合俱嚕

俱嚕五

次結散華契 觀察於十方 言我今勸請

諸佛轉法輪 復應作是念 今此瞻部洲

及於十方界 人天意生華 水陸所有華

皆持獻十方 一切大薩埵 部中諸眷屬

契明密語天 我為普供養 一切諸如來

而作事業故

密語曰

唵引薩嚩怛他誡哆一補瑟波訶布惹銘伽

二 三母捺囉三二合娑頗訶囉拏四三摩曳吽

五

又結燒香契 而作是思惟 人天本體香

和合變易香 如來羯磨故 我今皆奉獻

密語曰

唵引薩嚩怛他誡哆一馱馱布惹銘伽二三

母捺囉三二合娑頗訶囉拏四三摩曳吽五

次結燈契已 而作是思惟 人天本體生

及差別光明 為作事業故 我今皆奉獻

密語曰

唵引薩嚩怛他誡哆一你播布惹銘伽二三

母捺囉三合娑頗合囉拏四三摩曳吽五

三昧耶寶契 應作如是念 此界及餘界

寶山諸寶類 地中及海中 彼皆為供養

如來羯磨故 我今皆奉獻 當誦此密語

密言曰

唵引薩嚩怛他誡哆一冒轆焰合誡囉怛曩

合稜去聲迦囉二布惹銘伽三母捺囉三合娑

頗合囉拏三摩曳吽四

次結嬉戲契 應作是思惟 人天之所

種種諸戲弄 玩笑妓樂具 皆為供養佛

而作事業故 我今當奉獻 縛大捻小根

進力拄其背

密語曰

唵引薩嚩怛他誡哆 賀寫囉寫二枳哩合

末八

十一

弩囉底三掃企也合弩路囉四布惹銘伽三

母捺囉五合娑頗合囉拏三摩曳吽六

薩埵三昧耶 應作是思惟 如是劫樹等

能與種種衣 嚴身資具者 彼皆為供養

而作事業故 我今當奉獻 誦此秘密言

密言曰

唵引薩嚩怛他誡哆一弩哆囉縛日嚕合播

摩三摩地二娑嚩曩播曩三部惹曩嚩娑曩

四布惹銘伽三母捺囉五合娑頗合囉拏三

摩曳吽六

羯磨三昧耶 而作是思惟 於虛空藏中

所有諸如來 我為承事故 想一一佛前

而皆有已身 以親近侍奉 當誦此密語

真言曰

唵薩嚩怛他誡哆一迦野嚩哩也合哆曩二

布惹銘伽三母捺囉二合娑頗訶囉拏三摩
曳吽

達磨三昧耶 而作是思惟 我今即此身
與諸菩薩等 觀得法實性 平等無有異
既作無有異 而誦此密言

密語曰

唵引薩嚩怛他誡哆一呬路嚩哩也二合怛曩

二布惹銘伽三母捺囉二合娑頗訶囉拏三

摩曳吽

寶幢三昧耶 應觀生死中 一切衆生類

苦惱之所纏 深生哀愍故 我今為救護

并護菩提心 未度者令度 未安者令安

皆令得涅槃 及兩種種寶 所求令滿足

作是思惟已 而誦此密言

密語曰

亦八

十二

唵引薩嚩怛他誡哆一摩賀嚩日嚩訶娜婆
二合嚩娜曩二合播囉弭哆三合布惹銘伽三母捺
囉四合娑頗訶囉拏三摩曳吽

次結香身契 三昧耶塗香 而作是思惟

願一切衆生 三業諸不善 願悉皆遠離

一切諸善法 願悉皆成就 而誦此密言

密語曰

唵引薩嚩怛他誡哆一呬路囉摩賀冒地也

二合賀囉迦二合試擺播囉弭哆三合布惹銘伽三

母捺囉二合娑頗訶囉拏三摩曳吽

結羯磨觸地 復應作是念 願一切衆生

慈心無惱害 遠離諸怖畏 相視心歡喜

諸相好莊嚴 成甚深法藏 當誦此真言

密言曰

唵引薩嚩怛他誡哆一呬路囉摩賀達囉磨

二 嚩胃連 二 乞產 二 底播囉 弭哆 三 布惹銘
 伽三母捺囉 二 合 娑頗 二 囉拏三摩曳 吽
 聞勝精進契 三昧耶甲冑 而作是思惟
 願一切衆生 行菩薩行者 被堅固甲冑
 密語曰

亦八

十三

唵 引薩嚩怛他誡哆 一 僧娑囉播哩底也 二
 誡弩哆囉 二 摩賀尾哩也 二 播囉弭哆 三 布
 惹銘 伽三母捺囉 二 合 娑頗 二 囉拏三摩曳
 吽

結三摩地契 華方佛羯磨 應作是思惟
 願一切衆生 調伏於煩惱 隨煩惱寃讎
 獲甚深禪定 而誦此密語

密語曰

唵 引薩嚩怛他誡哆 一 弩踰囉摩賀掃企也
 二 尾賀囉 二 地也 二 曩播囉弭哆 三 布惹銘

伽三母捺囉 二 合 娑頗 二 囉拏三摩曳 吽
 次結徧照尊 羯磨勝契已 而作是思惟
 願一切衆生 成就五種明 世間出世間
 智慧普成就 而得真實見 除煩惱障智
 辯才無畏等 佛法嚴其心 而誦此密語

密語曰

唵 引薩嚩怛他誡哆 一 弩哆囉枳禮 二 捨惹
 拏 二 野 二 嚩囉拏 嚩娑曩 三 尾曩野曩 四 摩
 賀鉢囉 二 惹拏 二 播囉弭哆 五 布惹銘 伽三
 母捺囉 二 合 娑頗 二 囉拏三摩曳 吽

勝上三摩地 印契次應結 二 羽外相又
 禪智令相捨 仰安於懷中 應作是思惟
 證法真實性 空無相無作 諸法悉如是
 觀已誦密言
 密語曰

唵引薩嚩怛他誡哆一合虞合醯野合摩賀鉢
囉合底播底二布惹銘伽三母捺囉二合娑
頗合囉拏三摩曳吽

次應合指爪 而作是思惟 二羽金剛縛
進力禪智口 我今出語言 願一切衆生

悉皆令得聞亦八 誦此祕密言十四

密言曰

唵引薩嚩怛他誡哆一合嚩枳也合嚩哩也合

怛曩二布惹銘伽三母捺囉三合娑頗合囉

拏三摩曳吽

如是廣作佛事已 次應諦心為念誦

衆會眷屬自圍繞 住於圓寂大鏡智

當結金剛三昧耶 而誦金剛百字明

次誦金剛薩埵明 三徧五徧或七徧

真言曰

唵引嚩日囉合薩怛嚩合三摩野一摩弩播

擺野二嚩日囉合薩怛嚩合怛味三合弩播

底瑟姹合涅哩合唵娑銘娑嚩五素妬瑟欲

合銘娑嚩六阿努囉訖妬合銘娑嚩七素布

瑟欲合銘娑嚩八薩嚩悉朕銘九娑嚩鉢囉

合野嗟十薩嚩羯磨素十一左銘唧哆室哩合

藥俱嚩十二計賀引賀賀斛娑誡五

薩嚩怛他引誡哆六嚩日囉合摩銘閔左聲

七嚩日囉合娑嚩八摩賀引三摩野九薩怛

嚩合噫十二

次應捧珠鬘亦八 誦真言七徧十五 復以加持句

如法而加持 端坐如儀則 應以金剛語

一千或一百 隨意而念誦

真言曰

唵引嚩日囉合薩怛嚩合

二羽捧珠鬘 本真言七徧 捧至頂及心
千轉以加持

真言曰

唵引縛日囉二合虞醯野二合惹播三摩曳吽

既加持珠已 住等引而誦 不極動舌端

唇齒二俱合 成就諸密教 金剛語離聲

循身觀相好 四時不令間 百千是為限

又復應過是 神通及福智 見世同薩埵

念誦分限畢 捧珠發大願 結三摩地契

入法界三昧 行者出三昧 即結根本印

念本明七徧 復結八供養 以妙音讚歎

獻闍伽香水 以降三世印 左旋而解界

次結三昧拳 一誦而掣開

次結羯磨拳 三誦三開手 從彼彼出生

所有一切印 於彼彼當解 由此真言心

真言曰

唵引縛日囉二合穆乞又二合穆呾

次結奉送印 二羽金剛縛 忍願如蓮葉

指端安時華 誦已而上擲 為奉送聖眾

真言曰

唵引訖哩二合妬縛入聲薩縛薩怛縛二合囉

他二合悉第娜三合哆野他四合弩誡孽瑳馱

五合沒馱尾灑野六合布曩囉誡七合摩曩野覩

八合唵引縛日囉二合薩怛九合囉二合目乞又二合目

十合聲

次當結寶印十一合 二羽金剛縛 進力如寶形

禪智亦復然 印相從心起 安於灌頂處

分手如繫鬘 次結甲冑印

真言曰

唵引縛日囉二合囉怛曩二合鼻誦左捨二合薩

縛母娜覽合銘三涅哩合稚俱嚕四縛日囉

合二 迦縛左曩鍍五唵引砧

次結被甲已 齊掌而三拍 令聖眾歡喜

以此心真言 解縛得歡喜 獲得金剛體

真言曰

唵引縛日囉合二觀瑟野合二斛合二聲

奉送聖眾已 當結加持契 誦明加四處

灌頂被甲胄 又為拍印儀 如前禮四佛

懺悔并發願 然後依閑靜 嚴飾以香華

住於三摩地 讀誦大乘典 隨意任經行

金剛頂一切如來真實攝大乘現證大教王


經卷下

音釋

擲楚尤切 擲直隻切 鞞亭夜切

亦八

亦七



文殊師利菩薩及諸仙所說吉凶時日善惡宿曜經

宋內供奉三藏沙門不空奉詔譯
弟子上都草澤楊景風修註



清刻龍藏佛說法變相圖

文殊師利菩薩及諸仙所說吉凶時日善惡
宿曜經卷上 亦九

宋內供奉三藏沙門不空奉詔譯

弟子上都草澤楊景風修註

三藏以乾元二年翻出此本端州司馬史

亦九

瑤執受纂集不能品序使義繁猥恐學者
難用於是草澤弟子楊景風親承三藏指
揮使爲修註筆削已了繕寫奉行凡是門
人各持一本于時歲次玄枵時唐廣德之
二年也

序分定宿直品第一

天地初建寒暑之精化爲日月烏兔抗衡生
成萬物分宿設宮管標羣品日理陽位從星
宿順行取張翼軫角亢氐房心尾箕斗牛女
等一十三宿迄至虛宿之家恰當子地之中

分爲六宮也但日月天子俱以五星臣佐而日光焰猛物類相感以陽獸師子爲宮神也月光清涼而物類相感以陰蟲巨蟹爲宮神也又日性剛義月性柔惠義以濟下惠以及臣而日月亦各以神宮均賜五星以速至遲即辰星太白熒惑歲鎮排爲次第行度緩急於斯彰焉凡十二宮即七曜之躔次歷示禍福經緯災祥又諸宮各有神形以彰宮之象也又一宮配管列宿九足而一切庶類相感月廣五十由旬得繫命以求吉凶大體屬於日月日廣五十一由旬風精太白廣十由旬空精歲星廣九由旬月精辰宿廣八由旬火精熒惑廣七由旬日精土星廣六由旬星最小者廣一俱盧舍日宮下面玻黎之寶火精之質也温舒能照萬物月宮下面瑠璃之寶

清涼能照萬物日月諸曜衆生業置於空中乘風而止當須彌之半踰健陀羅之上運行於二十七宿十二宮焉宮宿之分今具說之更爲圖書耳

第一星四足亦九張四足翼一足太陽位焉其神如師子故名師子宮主加得財事若人生屬此宮者法合足精神富貴孝順合掌握軍旅之任也

第二翼三足軫四足角二足辰星位焉其神如女故名女宮主妻妾婦人之事若人生屬此宮者法合難得心腹多男女足錢財高識故合掌官房之任

第三角二足亢四足氐三足太白位焉其神如秤故名秤宮主寶庫之事若人生屬此宮者法合心直平正信敬多財合掌庫藏之任

第四氏一足房四足心四足熒惑位焉其神如蝎故名蝎宮主多病剋禁分之事若人生屬此宮者法合饒病薄相惡心事妬忌合掌病患之任

第五尾四足箕四足斗一足歲星位焉其神如弓故名號弓宮主喜慶得財之事若人生屬此宮者法合多計策足心謀合掌將相之任

第六斗三足女四足虛二足鎮星位焉其神如摩竭故名摩竭宮主鬪諍之事若人生屬此宮者法合心亦九羸五逆不敬妻合掌刑殺之任

右已上六位總屬太陽分已下六位總太陰分
第七虛二足危四足室三足鎮星位焉其神

如餅故名餅宮主勝疆之事若人生屬此宮者法合好行忠信足學問富饒合掌學館之任

第八室一足壁四足奎四足歲星位焉其神如魚故名魚宮主加官受職之事若人生屬此宮者法合作將相無失脫有學問富貴忠直合掌吏相之任

第九婁四足胃四足昴一足熒惑位焉其神如羊故名羊宮主有景行之事若人生屬此宮者法合多福德長壽又能忍辱合掌厨饈之任

第十昴三足畢四足觜二足太白位焉其神如牛故名牛宮主四足畜牧之事若人生屬此宮者法合有福德足親友長壽得人貴敬合掌馬廐之任

第十一甯二足參四足井三足辰星位焉其
神如夫妻故名姪宮主胎妊子孫之事若人
生屬此宮者法合多妻妾得人愛敬合掌戶
鑰之任

第十二井一足鬼四足柳四足太陰位焉其
神如蟹故名蟹宮主官府口舌之事若人生
屬此宮者法合惡性欺誑聰明而短命合掌
刑獄訟之任

上古白博又二月春分朔于時曜躔婁宿遷
齊景正月中氣和庶物漸榮一切增長梵天

歡喜命為歲元亦九景風曰唐建寅為歲初天竺

正月二三四至于十二則天竺皆據白月十
五日夜太陰所在宿為月故呼建卯為角月
建辰為辰月則但呼角辰心箕之月亦不論
若建辰及正二月也此東西二之異義學
者先宜曉之今又
一一詳釋如左也
角月景風曰唐之二月也
斗建卯位之辰也

第一〇八冊 文殊師利菩薩及諸仙所說吉凶時日書卷宿曜經 一四・一三四九

氏月景風曰唐之三月也
心月景風曰唐之四月也
箕月景風曰唐之五月也
女月景風曰唐之六月也
室月景風曰唐之七月也
婁月景風曰唐之八月也
昂月景風曰唐之九月也
觜月景風曰唐之十月也
鬼月景風曰唐之十一月也
星月景風曰唐之十二月也
翼月景風曰唐之正月也
新演如左景風曰以梵本初觀學言隱密唐
之迷惑不曉其中意非久習致功卒難行用
今請演舊為新取正月日列為立成之前更
為月建十二辰圖參之以官名會之以宿次
然後則曉然可觀義理不
隱庶當代高才知此意也

唐月建之圖

亦九

五

六一七 龍 藏

每十二日日數

正二三四五六七八九十十一月月月月月月月月月月月

一日 虛室奎胃畢參鬼星翼角氐心
 二日 危壁婁昴觜井柳張軫亢房尾
 三日 室奎胃畢參鬼星翼角氐心箕
 四日 壁婁昴觜井柳張軫亢房尾斗
 五日 奎胃畢參鬼星翼角氐心箕牛
 六日 婁昴觜井柳張軫亢房尾斗女
 七日 胃畢參鬼星翼角氐心箕牛虛
 八日 昴觜井柳張軫亢房尾斗女危
 九日 畢參鬼星翼角氐心箕牛虛室
 十日 觜井柳張軫亢房尾斗女危壁
 十一日 參鬼星翼角氐心箕牛虛室奎
 十二日 井柳張軫亢房尾斗女危壁婁
 十三日 鬼星翼角氐心箕牛虛室奎胃

十四日 柳張軫亢房尾斗女危壁婁昴
 十五日 星翼角氐心箕牛虛室奎胃畢
 十六日 張軫亢房尾斗女危壁婁昴觜
 十七日 翼角氐心箕牛虛室奎胃畢參
 十八日 軫亢房尾斗女危壁婁昴觜井
 十九日 角氐心箕牛虛室奎胃畢參鬼
 二十日 亢房尾斗女危壁婁昴觜井柳
 二十一日 氐心箕牛虛室奎胃畢參鬼星
 二十二日 房尾斗女危壁婁昴觜井柳張
 二十三日 心箕牛虛室奎胃畢參鬼星翼
 二十四日 尾斗女危壁婁昴觜井柳張軫
 二十五日 箕牛虛室奎胃畢參鬼星翼角
 二十六日 斗女危壁婁昴觜井柳張軫亢
 二十七日 牛虛室奎胃畢參鬼星翼角氐
 二十八日 女危壁婁昴觜井柳張軫亢房

亦九

六

二十九日 虛室奎胃畢參鬼星翼角氐心

三十日 危壁婁昴觜井柳張軫亢房尾

仙人問言凡天道二十八宿有闕有狹四足均分則月行或在前後驗天與說差互不同宿直之宜如何定得菩薩曰凡月宿有三種

合法一者前合二者隨合三者並合知此三

則宿直可知也云何為前合奎婁胃昴畢觜

六宿為前合也云何為並合參井鬼柳星張

翼軫角亢氐房十二宿為並合云何為隨合

心尾箕斗牛女虛危室壁十宿為隨合凡宿

在月前月居宿後為前合月在宿前宿在月

後如犢隨母為隨合宿月並行為並合也

景風曰凡天象之法西為前東為後如月在宿東宿在月西則是宿在月前月在宿後他皆做

此頌曰

六宿未到名前合 十二宿月左右合

九宿如犢隨從母 奎宿直應當知耳

序宿直所生品第二

昴圖昴六星形如剃刀火神也姓其尼裴若食乳酪此宿直日宜火作煎煮計算畜生合

和酥藥作牛羊坊舍種蔣入宅伐逆除暴剃

頭並吉若用裁衣必被火燒此宿直生人法

合念善多男女勤學問有容儀性合慳澁足

詞辯景風曰中國天文昴七星主胡兵西方

然合索經文說星多不與中國

相符覽者遠生疑惑今請依中國天文一一

圖其星於脚下發讀之者高明則心無味矣

畢圖畢五宿形如車鉢闍鉢底神也姓瞿曇

食鹿肉此宿直日宜農桑種蔣修理田宅通

決溝渠修橋道作諸安久之事不宜放債及

出財納穀米若用裁衣女多饒事務此宿直

生人法合多財產凡男女性聰明好布施有

儀景風曰中國天文畢星主邊兵西方之宿也

莆圖莆三星形如鹿頭月神也姓婆羅墮闍

食鹿肉此宿直日宜作舍屋及造旌纛牀帳

家具入新宅嫁娶沐浴裝束入壇祭星曜除

災害吉此日裁衣必被鼠咬此宿生人法合

有名聞景行美容貌心肚鎮淨愛服藥必得

力心口隱密舉動不輕躁為人好法用愛禮

儀中國天文莆三星主軍之士西方之宿也

參圖參一星形如額上點魯達羅神姓盧醯

底邪那食血此宿直日宜求財及穿地賣乳

酪煮酥壓油及諸剛猛之事若用裁衣終慎

鼠厄此宿生人法合猛惡梗戾嗜瞋好合口

舌毒害心硬臨事不怯景風曰中國天文參十星主將軍西方宿

井圖井二星形如屋楸日神也姓婆私瑟吒

食酥餅此宿直日宜惠施貧窮必獲大果凡

有所作必得成就又宜祭天宜嫁娶納財唯

不宜合藥食若用裁衣必相分離此宿生人

法合錢財或有或無情愛聲名作人利官縱

有官厄還得解脫受性饒病亦多男女高古

義有急難若論景行稍似純直景風曰中國天文井八星亦九

主天門南方之宿也

鬼圖鬼三星形如餅藥利訶馭撥底神也姓

謨闍邪那食蜜麩稻穀華及乳粥此宿直日

宜作百事名譽長壽若理王事及諸嚴飾之

相拜官昇位入壇受鎮學密法吉若用裁衣

有吉祥勝事此宿生人法合分相端正無邪

僻足心力合多聞有妻妾豐饒財寶能檢校

處分又親景風曰中國天文鬼五星主官僚南方之宿也

柳圖柳六星形如蛇神也姓曼陀羅邪食鱗

蛇肉此宿直日宜作剛猛斷決伐逆除惡攻

城破賊吞害天下若用裁衣後必遭失此宿

生人法合輒眼饒睡性靈梗戾嗜瞋不伏人

欺又好布施亦好解脫耽著情事難得心腹

景風曰中國天文柳八宿主厨饒之任南方之宿也

星圖星六星形如牆薄伽神也姓瞿必略邪

那食六十日稻此宿直日宜種蒔雜物不宜

種五穀宜修宅舍祭祀先亡若用裁衣後必

損失此宿生人法合愛諍競不能壓捺嗜瞋

怒父母生存不能孝養死後方崇饗追念足

奴婢畜乘資產有名聞善知識亦多惡知識

一生之間好祈禱神廟

景風曰中國天文星七星主衣服南方宿

張圖張二星形如杵婆藪神也姓瞿那律邪

食乳粥此宿直日宜喜慶事求女婚娶修宅

拜官作新衣受長密法學道承仙並吉若用

裁衣必被官奪此宿生人法合足妻妾多男

女出語愜人意甚得人愛少資財智策亦不

多業合得人財

景風曰中國天文張六星南方之宿也

翼圖翼二星形如跌利邪摩神也姓遏啞黎

食粟蘇此宿直日所作皆吉宜田宅築牆穿

塹修農業種蒔凡諸安久之事並吉若用裁

衣後必更得此宿生人法合愛騎乘鞍馬駕

馭車牛布施喫用觸處遊從為人穩口語受

性愛音樂

景風曰中國天文翼二十二星主府縣事南方之宿也

軫圖軫五星形如毗婆恒利神也姓跋蹉邪

那食乳粥此宿直日宜急速事遠行外國修

理衣裳學藝業婚娶開園圃並吉此宿生人

法合有諸寶物合遊歷州縣稟性嫉妬為人

少病能立功德兼愛車乘

景風曰中國天文軫四星主車乘騎

南方之宿也

角圖角二星形如長幢瑟室利神也姓僧伽

羅邪那此宿直日宜嚴飾造衣裳寶物錦繡之事觀兵行軍祭祀天神賞賜將士並吉若用裁衣終當逃亡此宿生人法合善經營饒六畜所作事多合又手巧所作愜人情只合有二男景風曰中國天文角二星主天門東方之宿也

亢圖亢一星形如火珠風神也姓蘇那食大麥飯菘豆酥此宿直日宜調象馬又宜教擊鼓婚娶結交種蒔並吉若用裁衣後必得財此宿生人法合統領頭首辯口詞能經營饒財物淨潔裝束愛喫用造功德足心力益家

本九
風景風曰中國天文亢四星主東方之宿也

氏圖氏四星形如角因伽陀羅祇尼神也姓邏怛利食烏麻雜華此宿直日宜種蒔五穀果木酒不宜起動房舍車馬之事若用裁衣多逢親識此宿生人法合有分相好供養天

佛心性解事受性良善承君王優寵富饒財物利智足家口景風曰中國天文氏四宿主侵害東方之宿也房圖房四星形如帳布密多羅神也姓多羅毗邪食酒肉此宿直日宜交婚姻喜慶吉祥之事及受戒律入壇受灌頂修仙道昇位並

吉若用裁衣後必更裁此宿生人法合有威德足男女饒錢財合快活紹本族榮家風景風曰中國天文房四星主天道東方之宿也

心圖心三星形如階因陀羅神也姓僧訖利底耶那食粳米蔬乳此宿直日宜作王者所須事兼宜嚴服昇位登壇拜官試畜乘索摩

理身修功德吉不宜出財及放債若用裁衣必遭死亡盜賊此宿生人法合處族眾得愛敬承事君王多蒙禮權惡獎善運命耳景風曰中國天文心三星主明堂印政東方之宿也

尾圖尾二星形如師子頂毛你律神也姓迦
底那食乳果華草此宿直日宜沐浴厭呪置
宅種樹合藥散阿伽陀藥并入壇並吉若用
裁衣必遭爛壞此宿生人法合足衣食多庫
藏性慳澁志惡戾諍競合得外財力性愛華

藥景風曰中國天文尾九星主後宮士東方宿也

箕圖箕四星形如牛步水神也姓婆邪尼食
瞿阿紺苦味此宿直日宜穿地造舍開渠水

種華藥修園圃醞酒醬吉若用裁衣後必得
病此宿生人法合遊涉江山經營利潤為人

耐辛苦立性好姪逸婦女饒病愛酒景風曰中國天文箕四星主姪東方之宿耳

斗圖斗四星形如象步毗說神也姓毗邪羅
那食蜜麵稻華此宿直日宜著新衣及安久
之事置庫藏修理園林造車乘營田宅寺宇

作兵器並吉若用裁衣多得美味此宿生人

法合愛鞍馬歷山林愛祈禱祀結交賢良多

技能足錢財景風曰中國天文牛六星主江湖北方之宿也

牛宿吉甚吉祥其宿三星形如牛頭風梵摩

神也姓奢擊邪那食乳粥香華藥此宿生人

法合福德所作不求景風曰索天竺牛宿為吉祥之宿每日午時直

車敬天以午時為吉祥之時也瞿曇氏以歷年者牛宿吉祥女圖術是也今泥牛星又與中國亦別系中國天文牛宿六星開渠河北方之宿也

女圖女三星形如黎格毗數幻神也姓目揭

連邪那食新生酥及鳥此宿直日宜為公事

置城邑立卿相發兵造戰具并學技能穿耳

理髮索摩並吉不宜初著新衣或因之致死

又不宜諍競若用裁衣必足病此宿生八法

合足心力少病好布施守法律勤道業榮祖

宗景風曰中國天文女四星主苑府土北方之宿亦九

十二

虛圖虛四星形如訶黎勤婆娑神也姓婆私迦邪食於大豆喻沙和上云水乳煮如狀為喻沙相也此宿直日宜建急事學問及沐浴乞子法供養婆羅門置城邑營兵馬及初著新衣嚴飾冠帶並吉若用裁衣多得糧田此

宿生人法合足穀多貯積長命富勝蒙君王寵愛又好饗禱神廟終多快樂不合辛苦景風

曰中國天文虛二星主宰相位北方之宿也

危圖危一星形如華穩婆魯擊神也姓丹荼邪食羴羊肉此宿直日宜合藥避病穿池種

麻商人出行納財造船醞酒並吉若用裁衣必遭毒厄此宿生人法合嗜酒耽姪耐辛苦心膽硬與人結交必不久長無終始又能處

分事務解藥性多瞋景風曰中國天文危三星北方之宿也

室圖室二星形如車輶阿醯多陀難神也姓

闇邪食一切肉此宿直日宜為剛猛事勘逐罪人捕姦捉非若為吉事不宜若用裁衣必遭水厄此宿生人法合決猛惡姓嗜瞋愛劫奪能夜行不怕處性輕躁毒害無慈悲景風曰中國天文室二星主宗廟北方之宿也

亦九

十三

壁圖壁二星形如立竿尼陀羅神也姓瞿摩多羅食大麥飯酥乳此宿直日宜造城邑婚娶永久長壽增益吉慶不宜南行若用裁衣多得財物此宿生人法合承君王恩寵為性慎密慳澁有男女愛供養天佛亦好布施不

多愛習典教景風曰中國天文壁二星主圖書祕法北方之宿也

奎圖奎三十二星形如小艇逋涉神也姓曼茶鼻邪食肉及飲此宿直日宜造倉庫及牛馬坊校筭畜牧醞酒鎔糟冠帶出行並吉若用裁衣必得寶器此宿生人法合有祖父產

業及有經營得錢財總合用盡後更得之事

無終始為性好布施亦細遊業合遊蕩足法

用慕善人作貴勝律儀之事無終始賞男女

愛教學典教

景風曰中國天文奎十
六星主武西方之宿也

婁圖婁三星形如馬頭乾闥婆神也姓說邪

尼食烏麻雜菜此宿直日宜為急速之事合

和服藥內牛馬吉若用裁衣必增益衣服此

宿生人法合多技能少疾病好解醫方性好

和合布施足田疇多遊從合事君王受性勤

公務稟志慎密

景風曰中國天文婁三
星主棟苑西方之宿也

胃圖胃三星形如三角閣摩神也姓婆粟及

婆食烏麻稻米蜜肉此宿直日宜為公事及

王侯修善事並吉用剛猛伐逆取叛除凶去

姦非並吉若用裁衣必損減資福此宿生人

法合膽硬惡性靈耽酒嗜肉愛驅策劫奪疆

暴稟志輕躁足怨敵饒男女多僕從

景風曰中國天

文胃三星形如角主
兵軍西方之宿也

凡畢翼斗壁為安重宿此等直日宜造宮殿

伽藍館宇寺舍種時修園林貯納倉庫收積

穀米結交朋友婚姻策命時相造家具設學

亦九

十四

供養入道場及安穩并就師長入壇受灌頂

法造久長之事並吉唯不宜遠行索債舉保

進路造酒刺頭翦甲博戲若此宿生人法合

安重威肅正福德有大名聞

凡背奎為和善宿此宿直日宜入道門學藝

習真言結齋戒立道場灌頂造功德設音樂

及吉祥事喜慶求婚舉放對君王參將相冠

帶公行服藥合和並吉若此宿生人法合柔

輒溫良聰明而愛典教

凡參柳心尾為毒害宿此等宿直日宜圍城

破營設兵掠賊災陣破敵劫盜擄蒲射獵並
 吉若此宿直日生人法合慘毒剛猛惡性
 凡鬼軫婁為急速宿此等宿直日宜放債貸
 錢買賣交關進路出行調六畜習乘鷹鷂設
 齋行道入學受業服藥入道場受灌頂市買
 並吉此宿生人法合剛猛而捷疾有筋力
 凡星張箕室為猛惡宿此等宿直日宜守路
 設險劫掠相攻擄蒲博戲造兵謀斷決囚徒
 放藥行酪射獵祭天祀神承兵威並吉此宿
 生人法合凶害猛殺宜捨身出家作沙門
 凡井亢女虛危五星為輕躁宿又為行宿此
 等宿直日宜學乘象馬騎射馳走浮江汎舟
 奉使絕域和國入蕃又勸行禮樂揀閱兵馬
 種蒔造酒合和藥並吉此宿生人法合澆薄
 不然則質直平穩

凡昴氏為剛柔宿此等宿直日宜鍛鍊爐冶
 修五行家具及造瓦買賣之事又宜設藥送
 葬鑽鍊酥乳計筭畜生入宅王者作盟會並
 吉此宿生人法合為寬柔而猛君子之人流
 也景風曰今經文言語多有中國之俗如擄蒲戲和國入蕃之類並是翻譯言譯西國東語庶覽之者悉之不以文害意者也
 序三九祕宿品第三
 一九之法

命宿	榮宿	衰宿	安宿	危宿
成宿	壞宿	友宿	親宿	

 二九之法

業宿	榮宿	衰宿	安宿	危宿
成宿	壞宿	友宿	親宿	

 三九之法

胎宿	榮宿	衰宿	安宿	危宿
成宿	壞宿	友宿	親宿	

 此法以定人所生日為宿直為命宿為第一
 次以榮宿又次衰宿及安宿危宿成宿壞宿

友宿親宿如是九宿為一九之法其次則次

業宿為首以下九准前為二九之法次即以

胎宿為首以下九准前三九之法而周二十

七宿眾為秘密景風曰假如有二月五日

宿以次宿宿為榮宿參為衰宿并為安宿鬼

為危宿柳為成宿星為壞宿張為友宿翼為

親宿軫為業宿角為榮宿亢為衰宿並同友

直如女胎宿虛為榮宿已下准前是為三九

之法他皆准此

三藏云凡與人初結交者先須看彼人宿命

押我何宿又看我宿命押彼人何宿大抵以

榮成友親為善堪結交自餘並惡不可與相

知以為祕法耳亦九景風曰案太史有舊編九執

譯庶用傳之

流行萬代耳

凡命胎宿直日不宜舉動百事業宿直日所

作皆吉祥衰危壞宿日不宜遠行出入及

遷移買賣裁衣剃頭剪甲並不吉壞日又宜

禳鎮降伏怨讎及討伐暴惡安日移動遠行

修園宅卧具作壇場並吉危日宜結交婚姻

歡會宴聚吉成日修門道合藥求仙吉友親

日宜結交朋友大吉凡日月直星沒犯逼守

命胎之宿此人是厄會之時也宜修功德持

真言念誦立道場以禳之若犯業宿及榮安

成友親等宿並所求不遂百事逆遭亦宜修

福念善若犯衰危壞等宿者則所求稱意百

事通達景風曰凡欲知五星所在者天竺曆

術推知何宿具知也今有迦葉氏瞿

曇氏拘摩羅等三家天竺曆並掌在太史閣

然今之用多瞿曇氏曆與大術相參俱奉耳

序七曜直品第四

夫七曜日月五星也上曜子天神六直人所

以司善惡而主理吉凶也行一日一易七日

一周周而復始直神善惡言具說之耳景風

求七曜直日法今具在此經卷

末第八歷算法中具備足矣

日精曰太陽太陽直日宜策命拜官觀兵習戰持直言行醫藥放羣牧遠行造福設齋祈神合藥內倉庫入學論官並吉不宜諍競作誓行姦對陣不得先起若人此曜直日生者法合足智策端正美貌孝順短命若五月五日得此曜者則其歲萬物豐熟若有虧蝕地動者則萬物莫實不千日為殃

月精曰太陰太陰直日宜造功德成就作喜樂僚教女人裁衣服造家具安牀穿渠修井竈買賣財物倉庫內財洗頭割甲著新並吉不宜婚嫁入宅結交私出行大凶奴婢逃走難捉得囚繫者出遲不宜殺生及入陣並凶此日生人合多智策美貌樂福田好布施孝順若五月五日得此曜者歲多疾病秋足霜冷若有虧蝕地動者則歲中饒疾死

火精曰熒惑熒惑直日宜決罰罪人國取盜賊作欺誑事買金寶牛羊動甲兵修戎具教旗剋賊必勝訴先起合藥種蒔割甲結婚不得出財徵債禁者難出病者必死若此直日生人法合醜陋惡性妨親害族便弓馬多瞋若五月五日得此曜者則歲中多諍競若虧蝕地動者則歲中多有兵馬損傷

水精曰辰星辰星直日宜入學事師長學功技能攻城又宜舉債公行怨敵伏讎得財唯不宜修造宅舍對戰鬥敵作賊妄語並凶被囚者即後必有陰謀說動當時若五月五日得此曜者則歲中有水災虧蝕地動則百物不熟人多瘴癘耳

木精曰歲星歲星直日宜策命使王及求善知識并學問禮拜修福布施嫁娶作諸吉事

請謁及結交入宅著新衣沐髮種果木調伏象馬買奴婢並吉若為凶事則大凶若人此日生者法合貴重榮祿若五月五日得此曜者歲中豐熟若有虧蝕地動則公王必死

金精曰太白太白直日宜見大人官長沐浴冠帶求親結婚良友置饌宜入宮室並吉逃亡難得畋獵并戰不吉若人此日生者法合短命好善人皆欽慕若五月五日得此直日者則歲中驚擾之事若虧蝕則六畜多損傷耳

土精曰鎮星鎮星直日宜修園圃買賣田地口馬合藥伏怨放火立精舍作井竈吉唯不宜結婚冠帶及公行若人此日生者法合足聲名少孝順信朋友若五月五日得此直者則合歲中多土功若虧蝕地動則國中人民

不安泰景風曰茫茫造化乃為陰陽精曜運天虛神直地吉凶之應惟人信之故凡人公行不得面衝七曜若衝當日曜遭大厄若衝土曜女有死厄若衝金曜則災祥併至乃為頌曰火日月建德貴神眷歲背鎮死金衝併至

祕密雜占品第五

亦九

十九

凡如七曜運文犯著人六官宿者必有災厄一者命宿二者事宿三者意宿四者聚宿五者同宿六者克宿從命數第十為事宿第十四為意宿第十六為聚宿第二十為同宿第二十三為克宿景風曰有人屬妻宿者而數得單得軫則軫為克宿也他皆准此數之即得也若七曜犯命宿則亡失錢財必多災厄若犯事宿則招殃咎若犯意宿則必多愁苦若犯聚宿則亡失財囚閉若犯同宿則離圻不安家口衰耗若犯克宿亡財失官勢力衰損若

七曜總不犯此六處者則所為皆得景風曰皆損共

三九秘宿相參然後定灾厄也頌曰

十事規求鎮不來 四意愁煩困惱也

十六聚失災厄形 二十同路相乖背

十三尅挫勢力名

七曜與此宿不犯者則百惡澄清

凡日在本宮及第三第六第十位為果大吉

熒惑守本宿大有災厄耳月在本命宮及第

六第七第三宮即果吉歲星與氏第三第七

劣九宮者吉辰與氏第四第十宮者並吉太

白在本命宮者合有大厄凡人有災厄時可

持真言立道場而用禳之

若有人不記得本所屬宿而來問疾者何以

答之曰皆先須看人初來之時觸著處而斷

之則可知耳若觸頭者則屬昴宿若先觸額

者則屬畢宿若先觸眉者屬背宿若先觸眼

者則屬參宿若觸兩頰及耳者則屬井宿若

先觸牙及骨者則屬鬼宿若觸齒者則屬柳

宿若觸項者則屬星宿若觸右肩者則屬張

宿若觸左肩者則屬翼宿若觸手者則屬軫

宿若觸頰頤者則屬角宿若觸^{亦九}缺盆及項胃

上者則屬亢宿若觸臆者則屬氏宿若觸右

臂者則屬房宿若觸左臂者則屬心宿若觸

心脾骨者則合屬尾宿若觸左脅者則屬箕

宿若觸右脅者則屬斗宿若觸臍者則屬牛

宿若觸腹肚者則屬女宿若觸小腹下者則

屬虛宿若觸胯腿及後分者則屬危宿若觸

右腿胫者則屬室宿若觸左腿胫者則屬壁

宿若觸膝肘者則屬奎宿若觸脛者則屬婁

宿若觸脚者則屬胃宿

景風曰若人不得本
生月日者則知本所

屬宿用此法以定之和
尚以此法門為祕密耳

凡軫星太陽直畢宿太陰直星宿土直井宿
火直柳宿水直鬼宿木直房宿金直此等七
日名為甘露吉祥日宜學道求法受密印及
習真言凡尾宿太陽直女宿太陰直壁宿水

直昴宿火直井宿木直張宿金直亢宿土直
此等七日名為金剛峯日宜降伏魔怨持日
天子真言凡胃宿太陽直鬼宿太陰直翼宿
火直參宿水直辰宿木直奎宿金直柳宿土
直右此等七日名為羅刹日不宜舉動百事
唯射獵及諸損害之事也

序黑白分品第六

凡月有黑白兩分從一日至十五日為白月
分從十六日至三十日為黑月分每月白月
一日三日五日七日九日十一日十三日黑

月一日三日五日七日九日十一日十三日
所向皆成就名為吉祥日

又白月四日夜八日晝十一日夜十五日晝
黑月三日夜七日晝十日夜十四日晝為凶
惡時所作不成就

又白月二日六日九日十二日又黑月六日
九日十二日十四日此等平時隨立宿曜
為吉凶

又黑月四日十一日夜八日十五日晝白月
三日十日夜七日十四日晝凶惡氣生時所
及招殃咎

凡凶惡之日日中已後却成吉時凶惡之夜
夜半已後却成吉時乃為頌曰

一三五七九 十一與十三 於二白黑分
所作皆成就 黑三夜七晝 十夜十四晝

白四夜八晝 一夜十五晝 於此白黑分晝夜不成就 日中夜已後 所求皆成就 序日名善惡品第七

從一日至十六日 景風曰一日即是白月之一日也今恐讀者難會故略云 名爲建名日 梵

黑白之言直裁日數之爾 天宜爲業善學道求仙及事師尊宿並吉唯不宜遠出行耳

凡二日十七日名爲得財日爾造化神宜合藥按摩工巧出行結交婚親增益田宅並吉

凡三日十八日名爲威力得日 本九 延下 宜摧敵除逆習戰畜獸犛訓下人營田種蒔大吉

凡四日十九日名爲猛武日 閻羅 天下 宜作惡業殺害殘賊摧伏叛逆則吉爲善事却凶

凡五日二十日名圓滿日 于天 宜 爲善業修營牀帳及車乘衣服營田宅結婚並吉

凡六日二十一日名爲求名日 童子 神下 宜爲久長安定事營宅宇寢廟及建國邑伽藍牛馬坊廡等並吉不宜出行凡七日二十二日名爲友朋日 北斗 天下 宜結交慶喜安定和藥王者初服及造旌旗帷帳並吉唯不宜遠行

凡八日二十三日名爲大戰日 婆藪 天下 宜爲力用之事造兵仗城壘穿壕塹並吉

凡九日二十四日名爲凶猛日 毗舍 閻 下 宜圍城縛敵進途伐逆不宜入宅及削髮並凶

凡十日二十五日名爲善法日 善法 神下 宜安久之事及急速飛捷穿鑿井竈修道作功德伽藍順法之事並大吉

凡十一日二十六日爲慈猛日 自在 天下 宜新立宅舍營建城廟館宇廡坊及設火祭祀天神並吉

亦九

三三

文殊師利菩薩及諸仙所說吉凶時日善惡宿曜經卷下 亦十

宋內供奉三藏沙門不空奉詔譯

弟子上都草澤楊景風修註

西國每一月分爲白黑兩分八月一日至十

五日爲白月分亦十以其光生漸明白之謂也八月十六日至

三十日爲黑月分以其光減損暗黑之謂也文殊師利菩

薩說時日偈云

一三五七九 十一與十三 於二黑白分

所作皆成就 黑三夜七晝 十夜十四晝

白四夜八晝 一夜十五晝所謂一夜者十夜也勸頌者

賈省文也於此黑白月 晝夜不成就

日中及中夜 已後皆通吉

擇日

每八月一日十六日三日十八日五日二十

日七日二十二日九日二十四日十一日二十六日十三日二十八日已上是吉日所作吉祥事必成就

擇時

八月四日夜八日晝十一日夜十五日晝十

八日夜二十二日晝二十五日夜二十九日

晝已上日晝夜之時所作皆不吉爲事不成

惡猶不可作何況善事如於鹹鹵之地種物

不生

八月二日六日九日十二日十四日十七日

十九日二十一日二十三日二十四日二十

七日三十日

已上平日若與好宿好曜并者即吉如與

惡宿曜并者即凶夫凶惡晝日中已後通

吉用凶惡夜夜半已後亦通吉用

白黑月所宜吉凶曆

每月一日十六日梵云鉢闍鉢底下此云梵王下

是建名日宜為善業學伎藝苦節修行布施

等事及作愛敬增益長久定事並吉不宜遠

行

二日十七日是得財日梵云苾利訶馭鉢底亦十

神下此云造化神下宜按摩合藥作工巧法遠行進

路結交婚姻

三日十八日是威力日梵云毗紐神下亦云那羅

延天宜摧敵除逆調習象馬四足諸畜等及

訓獎惡人下賤之類營田種蒔有大為作事

皆吉十八日夜惡中夜已後還吉

四日十九日是猛武日梵云閻謨神下作惡

業日是殺害日與一切不善事殘酷業皆悉

相應宜摧敵破逆吉餘並凶四日夜不吉中

夜已後吉

五日二十日是圓滿日梵云蘇謨神下此云月天

下宜修福善業作卧具牀座衣服莊飾物及

車輦等物營田宅結婚凡諸慶樂事並吉

六日二十一日是求名日梵云摩羅神下此云

童子宜諸久長安定之事營田宅及天廟福

舍伽藍建城邑立牛馬等諸畜坊廐並吉不

宜遠行進路

七日二十二日是朋友日梵云七娑怛沙邪

仙神下此云北斗下宜結朋友安定之事王者服

新衣及熏幟牀座卧具大寶嚴飾之物並吉

二十二日晝惡午後吉

八日二十三日是力戰日梵云婆娑善神下

宜力用之事宜修造攻戰之具置邊衝險固

城壘穿塚壟調乘象馬等事並吉八日晝惡

午後吉

九日二十四日是凶猛日梵云嚕達囉尼神

下宜圍城縛敵進途伐逆取毒不宜入宅修

理髮凶

十日二十五日是善法日梵云蘇達謨神下

此云善法神下宜作久長事及急速事置井穿鑿坑

灑行法修道人作功德福舍伽藍凡諸順法

及愛敬等事皆吉二十五日夜不吉半夜已

後通吉

十一日二十六日是慈猛日梵云嚕捺嚕神

下此云自在天下宜新立宅舍營天廟城邑官曹館

室伽藍殿塔及火祭室功德福舍並吉十一

日夜惡中夜後還吉

十二日二十七日是名聞日梵云阿逸都神

下此云天子下宜作久長安定事及修輦輿嚴飾

頭髮置倉生藏等吉不宜放債取債

十三日二十八日是最勝日梵云鉢折底神

下此云天魔神下所為急速事修衣服華鬘金寶嚴

飾等事又宜愛敬之事取婦人及乘車輿等

並入壇場習行道術並吉

十四日二十九日是勇猛日梵云藥芻神下

宜往擒縛相詭誑事暴虐惡人作非法之物

宜行詐妄詭誘怨敵彼必信受不宜遠行進

路二十九日晝惡午後吉

十五日三十日是吉相日梵云必多盧神下

此云冤靈神下宜祭先亡亦婆羅門大祠求安隱


法及布施供養父母尊者諸天持齋戒施食

及諸祭祠吉十五日晝惡午後吉

右每月日所宜用吉凶如前必審用之萬

不失一其晝夜善惡並如前嘉釋二十七

宿十二宮圖
 唐十二次又說以其天二十八宿之故十二宮猶
 年以星曜記日不用甲子者以宿曜於人
 尤切於事允當故經云日有一倍力焉
 四倍力曜有八倍力好時之力量倍焉



西國皆以十五日望宿為一月之名故二月
 為角月西國以二月為歲首以其道齊景正
 日夜停分時淑氣和草木榮茂一切
 增長故梵天三月名氏月四月名心月五月
 折為曆元 三月名氏月四月名心月五月
 名箕月六月名女月七月名室月八月名婁
 月九月為昴月梵語昴星名迦提迦西國五
 月十五日雨安居至八月十
 五日滿已後五月十五日滿已後至九月十
 五日已來自恣故號為迦提但取星名而已
 今中國加提即是事而妄十月名觜月十一
 月名鬼月十二月名星月正月名翼月夫欲
 知二十七宿者日先須知月望宿日欲數一
 日至十五日已前白月日者即從十五日下
 宿逆數之可知欲知十六日已後至三十日
 即從十五日下午宿順數即得但依此即定
 二月十五日為角日十四日是軫日十三日
 是翼日若求十五日已後者即十五日是角
 日十六日是亢日十七
 日是氐日他皆倣此

夫欲求人所屬宿者即於圖上取彼生月十

五日下午宿從此望宿逆順數之至彼生日止則求得彼人所屬宿也

又法略算求人本命宿先下生日數又虛加十三訖即從彼生日望宿用上位數順除數盡則止即得彼人所屬命宿假令有人二月十七日生者則

先下十七為位又虛加十三共得三十即從二月望宿角亢房二十七宿一周法除之訖餘三算即角餘一九餘二氏餘三則彼人是辰宿生他皆倣此

夫取宿直者皆月臨宿處則是彼宿當直又月行有遲疾宿月復有南北前後隨合如何可知則以後頌言求之可解頌曰

六宿未到名合月 十二宿月左右合

九宿如犢隨母行 從奎宿數應當知

頌言六宿未到名合月者則從奎婁胃昂畢觜此六宿月未至宿月則名彼宿直也十二宿月左右合者即參井鬼柳星張翼軫角亢

亦十

六

氏房等此十二宿日臨彼宿上及前後南北並取屬彼宿用得也九宿如犢隨母行者則配月為母配宿為犢則月居宿前宿居月後如犢母之像也當以此頌復驗之於天則宿日用之無差此皆大仙密說也

二十七宿所為吉凶曆

昂宿宜火作煎煮等事檢算畜生印畜生融酥和合作牛羊諸畜坊舍及牧放入溫室種蒔黃色赤色等物入宅及石金作等吉宜伐逆除怨作剃剪之具賣物求長壽求吉勝事不宜修理鬢髮及遠行道路宜莊飾冠帶佩服金雕等寶物
畢宿宜農桑種蒔修田宅嫁娶作厨舍作食作畜生舍通決渠河修橋梁作諸安定之事作衣服並吉不宜取債放債宜納穀及酒食

雜物不宜生財菑宿作急要事及和善事並吉宜種蒔白汁樹草等又宜王者作舍作燾牀座又入新宅嫁娶修理髮洗浴作求吉勝法著新衣嚴飾作喜樂調畜生作除災謹身呪術壇場之法祭星曜作髻並吉

亦十

七

參宿宜求財及諸剛嚴事穿池賣有乳畜生造熟酥壓油代酒壓甘蔗種甘蔗畝獵及置關津等

井宿有所惠施必獲大果有所置事必成就宜作諸祭法婆羅門祭天法宜嫁娶及納婦人必子息繁盛此宿所作事皆成吉唯不宜合藥服

鬼宿所作皆吉求聲譽長壽若爲生事及諸端嚴相將其服拜官勝位有所爲求並皆吉祥福德增長又宜遠行進路修理髮著新衣

及洗浴等事並吉

柳宿宜嚴飾事是伐逆圍城掩襲討潛竊詭誓詐敵人時此宿雨者必蚊蝻苗稼滋盛吉星宿凡諸種蒔皆吉唯不宜種氈宜取五穀等種芸薑又宜修宅祭先亡將五穀入宅作諸住定業並吉亦宜修理鬢髮

張宿宜喜慶事求女嫁娶修理宅作衣服嚴飾物作愛敬法等並吉

翼宿所作皆吉置宅垣牆穿壕作市作城邑作車輿修農商業種蒔嫁娶凡作諸安定之事並吉

軫宿宜諸急速事遠行向外國修理鬚髮取象調象乘象學技藝求女嫁娶服著衣裳穿池修園圃造垣牆等吉除蕩竊逆南行大吉角宿宜嚴飾事取雜色衣作安膳那服藥及

取珊瑚金銀赤銅摩尼金剛諸寶物等諸珍
帛物王者嚴服觀兵及進路作求安隱祭祀
天神寶賜將士金銀百穀衣物入城作華鬢
卧具歌舞詠唱并餘技藝等並吉

亢宿宜調馬騾驢等必易馴快利宜教擊諸

鼓樂等嫁娶結朋友宜發遣怨讎亦十不宜自行

動宜種蒔樹木種穀小豆大豆烏麻等皆吉

氏宿宜作農具種大麥小麥稻粟等并種蒔

諸果樹並吉凡諸有大為作事並不可作宜

醞酒漿宜種氎栽樹甘蔗等並吉

房宿宜結朋友婚姻凡和諸善事喜樂吉祥

事交好往還及攝情受戒布施發使置官修

道學藝工巧等吉

心宿宜作王者所須事亦宜嚴服昇位及取

捉象馬調乘諸畜等宜按摩必得身分潤滿

宜事王者及取左右驅使人等宜修鬢髮作
農桑業唯除營功德事自餘不可輒出財與
人及放債凶

尾宿宜作服著事蒔樹種根及取煎吉又宜

剛嚴事洗浴除滅厭呪種壓蒲萄甘蔗置宅

置藏作愛喜事合湯及散阿伽陀藥并壇場

事並吉

箕宿宜剛嚴事又掘溝渠穿池井通決河流

種水生華及根實者修園圃醞酒漿及作橋

梁等並吉

斗宿宜著新衣及安久事置藏修亦十理園林造

車輿等乘載之物營田宅城邑福寺舍等作

戰具及諸用物並吉

女宿凡為公事皆吉出城外發教命除逆敵

置城邑立宰輔發兵作戰具取與及呈學技

藝穿耳修理鬢髮按摩並吉不宜著新衣及
競財穿池等宜供養尊者諸天父母及諸貴
勝

虛宿宜諸急速事宜學問及夜欲作求子法
其法不宜晝作主產闈官宜供養婆羅門置
城邑及置兵官財等又宜還人財物賣畜生
著衣著莊嚴具作商業新置技藝並吉

危宿宜合藥取藥服藥置藥並大吉又宜嚴
峻破惡之事穿河池等及種麻豆等發遣商
人納財置吏取醫置藏造舟船醞酒漿等及
沽賣商販吉不宜出財

室宿宜作端嚴事勘逐罪非除滅兇逆誑詭
敵人諸事並不宜作

壁宿宜作求長壽增益法不宜南行宜造城
邑取衣取財嫁娶婚姻等喜善事皆吉

奎宿取珍寶宜造倉庫及牛羊坊校算畜生
造酒融酥及作堤堰研眼藥著新衣服飾莊
嚴遠行進路作和善事急速事並吉
婁宿宜諸急速事與藥取藥調乘象馬及出
賣等並吉

胃宿宜為公事及王者之善事亦宜作嚴整
之事伐逆除兇并調訓在下及馬等畜生並
吉

安重畢翼斗壁此四是安重宿宜造莊宅官
殿寺觀義堂種蒔栽接修立園林貯納倉庫
收積穀麥結交投友成禮為婚冊君王封將
相授官榮錫班職造裝具設齋供入道修行
及祈安穩并就師學入壇場受灌頂造一切
久長事務悉須為之皆吉唯不宜舉債充保
遠行進路造酒剃毛髮除爪甲結仇嫌懷讎

隙習姪慾學擣菹等並凶

和善甯角房奎此等四是和善宿宜入道門
學技藝能習呪法結齋戒入壇受灌頂建功
德設音樂吉祥事慶善業成禮求婚還錢舉
債見君王參宰相服飾新衣裳冠帶好珠寶
作交關管家業進途結親友服湯藥醫療服
造一切穩善事務悉須爲之吉

毒害參柳心尾此等四是毒害宿宜圍城破
營徵兵喫賊欺誑鬪爭列陣交鋒申決烈破
和合行盜劫設誓擣菹博戲造械具戰具閱
兵馬點募健兒採覘寇敵斬決兇逆誅戮罪
人施毒藥施礮害調習象馬練漉鷹犬一切
猛浪事務悉須爲之吉其尾宿日宜種蒔苗
稼栽接樹木營造宅屋立園林一切嚴固鬪
競剛柔猛浪辛苦等事並宜作之

第十

十一

急速鬼軫牛婁此四是急速宿宜放錢貸債
買賣交關行途進路徃使征伐賈客上道商
主過磧調伏畜生教習鷹犬設齋行施習讀
經書教人典誥學諸技能服食湯藥并受佩
持護身之術豎幢建旌麾造扇障營蓋傘入
壇場受灌頂騎象馬乘輦一切事務悉須爲
之

猛惡胃星張箕室此五是猛惡宿宜守路嶮
行劫行盜構鬪端起設誑博戲擣菹彊梁侵
奪姦非淫穢圍城斫營造械具戰具畫兵謀
放毒藥施礮害斬決怨敵誅戮罪逆禳祭星
辰祈禱軍福一切艱難事務悉須爲之又張
宿宜作愛敬法又其箕宿宜鑿井穿坑填水
渠開河路一切勞擾事務悉須爲之
輕井亢女虛危此等五是輕宿或各行宿宜

學乘騎象馬驢騾駝驘及水牛等諸畜調習
 野獸并捉乘騎汎舟繫棹渡水浮江奉使聘
 域說敵和死徵納庸調收斂租稅觀音樂看
 大禮買賣興販營造車乘點閱兵士一切輕
 捷事務悉須爲之又其危井宿宜管稼穀
 造酒醴穿坑通決河渠合湯藥並吉

剛柔昴氏此二是剛柔宿或名平等宿兼善
 惡帶剛柔辛苦之務穩善之事悉須爲之又
 宜鍛鍊鐵銷鏢金銀打釵釧鈿環珮造作五
 行調度燒餅瓦器設齋造葬焚屍埋殯鑽燧
 變火擊酪出酥壓蒲萄搗沙糖放牛行禮遣
 馬逐羣檢幸廐牧點數畜生造軍器械具從
 域出莊返城移入新宅棄卻舊墟室答責非
 爲決戮罪過并王者盟誓結信一切如此事
 務悉須爲之吉又其氏宿宜種蒔華藥栽接

亦十

十二

樹木吉

行動禁閉法

日屬軫宿不得向北路行縱吉時亦不可行
 日屬女宿不得向東路行縱吉時亦不可行
 日屬鬼宿不得向西路行縱吉時亦不可行
 日屬婁宿不得向南路行縱吉時亦不可行

第七秤宮 取角亢日 第十一餅宮 取危室日

第五獅子宮 取星張日 第九弓宮 取箕斗日

第八蝎宮 取房心尾日 第十二魚宮 取壁奎日

第六女宮 取翼軫日 第四蟹宮 取鬼柳日

第三男女宮 至參井日 第十摩竭宮 至女虛日

第一羊宮 至婁胃昂日 第二牛宮 至畢觜日

大

右犯此辰宿日越路發行兵馬人衆
 不免輸他損失

裁縫衣裳服著用宿法

昴必火燒畢饒事務甯必鼠咬參必逢厄

井必相分鬼必吉祥柳必棄失星必喪服

張必官奪翼必獲財軫必恒久角必安隱

亢得美食氏必覩友房必益衣心必盜賊

尾必壞爛箕必得病斗得美味女必得疾

虛必得糧危必毒厄室必水厄壁必獲財

奎必獲寶婁必增衣胃必減衣

虛奎鬼并婁畢軫 角亢氏房翼斗壁

此以上宿可裁縫 衣著衣裳並大吉

三九祕要法

初九畢命觜參衰井安鬼危柳成星壞

張友翼親

二九軫 角 亢 氏 房 心 尾

箕 斗

三九女 虛 危 室 壁 奎 婁

胃 昴

三九法者皆從本所屬宿為初九第一命宿

依次第二為榮宿第三衰宿第四安宿第五

危宿第六成宿第七壞宿第八友宿第九親

宿即初九行也第十宿為二九行頭為業宿第

十一復為榮宿第十二衰宿第十三安宿第

十四危宿第十五成宿第十六壞宿第十七

友宿第十八親宿即是二次第十九宿即為

三九行頭為胎宿第二十為榮宿第二十一

衰宿第二十二安宿第二十三危宿第二十

四成宿第二十五壞宿第二十六友宿第二

十七親宿即三九行

此則是二十七宿周而復始是為三九之法

三九之法宿者祕要之術所欲與事營求入

官拜職移徙遠行所爲所作一一自看從已
身所屬宿今日復是何宿於三九中復善惡
如何與我本生宿善惡相宜否如是勘已即
看後占若榮宿日即宜入官拜職對見大人
上書表進獻君王興營買賣裁著新衣沐浴
及諸吉事並大吉出家人剃髮割爪甲沐浴
承事師主啓請法要並吉
若安宿日移徙吉遠行人入宅造作園宅安
坐卧牀帳作壇場並吉
若危宿日宜結交定婚姻歡宴聚會並吉
若成宿日宜修道學問合和長年藥法作諸
成就法並吉
若友宿日親宿日宜結交定婚姻歡宴聚會
並吉
若命宿日胎宿日不宜舉動百事值業宿日

所作善惡亦不成就甚衰
若危壞日並不宜遠行出入移徙買賣婚姻
裁衣剃頭沐浴並凶
若衰日唯宜解除諸惡療病
若壞日宜作鎮厭降伏怨讎及討伐沮壞姦
惡之謀餘並不堪
此所用三九法於長行曆縱不是吉相已身
三九若吉但用無妨
又一說云命宿胎宿危宿壞宿此宿日不得
進路及剃髮裁衣除爪甲並凶
夫五星及日月陵犯守逼命胎之宿即於身
大凶宜修功德造善以禳之若陵逼業宿者
及榮安成友親之宿即所求不遂諸途迤坎
亦宜修福福者謂入灌頂及護摩并修諸功
德如五星陵犯守逼衰危壞等宿即身事並

遂所作稱心官宦遷轉求者皆遂如此當須問知司天者乃知此年此月熒惑鎮歲辰星太白及日月等在何宿以此知之其法甚妙宜細審詳也以見至理

七曜直日曆品第八

夫七曜者所謂日月五星下直人間一日一易七日周而復始其所用各各於事有宜者有不宜者請細詳用之忽不記得但當問胡及波斯并五天竺人總知尼乾子未摩尼常以蜜日持齋亦事此日為大日此等事持不忘故今列諸國人呼七曜如後

日曜太陽 胡名蜜 波斯名曜森勿

天竺名阿你泥以底耶合

月曜太陰 胡名莫 波斯名婁禍森勿

天竺名蘇上摩

火曜熒惑 胡名雲漢 波斯名勢森勿

天竺名盎哦囉迦

水曜辰星 胡名啞丁逸切 波斯名掣森勿

天竺名部引陀

木曜歲星 胡名鶻勿斯 波斯名本森勿

天竺名勿哩訶娑跋底丁以切

金曜太白 胡名那歇 波斯名數森勿

天竺名戌羯羅

土曜鎮星 胡名枳浣 波斯名翕森勿

天竺名賒乃以室折囉十六

右件七曜上運行於天下直於人間其精靈

神驗內外典籍具備自南西北三方諸國一

切皆悉用之出入行來用兵出陣學藝及一

切舉動無不用其宿曜時日唯東大唐一國

未審知委其曜亦每日分為八時平明即是

所直之曜乃至酉戌則八時而周夜亦分爲
八時轉到明日曉時即次後曜當直如是細
解用之萬不失一七曜占

太陽直日

其日宜冊命拜官受職見大人教旗鬪戰申
威及金銀作持呪行醫遊獵放羣牧王公百
官等東西南北遠行及造福禮拜設齋供養
諸天神所求皆遂合藥服食割甲浣頭造宅
種樹內倉庫捉獲逃走入學經官理當並吉
其日不宜諍競作誓行姦必敗不宜先戰不
宜買奴婢此日生者足智端正身貌長大性
好功德孝順父母足病短命若五月五日得
此曜者其歲萬事豐熟其日若日月蝕及地
動者其處萬物不生

太陰直日

亦下

十七

其日宜造功德必得成就作喜樂朋僚教女
人裁衣服造家具安坐席穿渠造堤塘修井
竈買賣財物倉庫內財洗頭割甲著新衣並
大吉其日不嫁娶入宅結交私情出行不問
近遠行大凶奴婢逃走難得禁者出遲殺生
行惡入賊者必凶此日生者多智美貌樂福
田好布施孝順若五月五日遇此曜者其年
多疫疾多霜冷加寒其日若日月蝕并地動
其年疫死後多虛耗

熒惑直日

其日宜決罰罪人圍取盜賊作誑事買金寶
置牛羊羣動兵甲修甲仗教旗打賊入陣必
勝姦盜者成作誓勿畏宜出獵先經官府者
勝宜種田及種果木調馬療病合藥並吉不
宜下血者其日成親著新衣洗頭割甲入宅

結交火下出財皆不吉宜徵債禁者難出病者必重其日生者醜陋惡性妨眷屬便弓馬能言語勇決難養若五月五日遇此曜者其年多鬪諍後兵賊饒疫病畜生死損此日有日月蝕及地動其年多兵馬傷者多死

辰星直日

其日宜入學及學一切諸巧工皆成放債本利具獲割甲剃頭遠行者財宜伏怨敵不宜修造宅舍遇戰敵勿先鬪看卜問囚必謾語作誓並凶被禁自出失物及逃走必獲其日生者饒病不孝妨財物長成已後財物自足有智長命能言語有詞辯得人畏敬若五月五日遇此曜者其年江水泛溢百物不成加寒若此日日月蝕并地動歲多饑儉

歲星直日

亦十

十八

其日宜冊命及求善知識并學論議受法禮拜造功德布施謁官成親交喜樂入宅著新衣洗頭宅內種果木修倉庫內財調馬買奴婢及嫁娶內象馬造宅作諸事並吉不宜作誓作賊必敗妄語爭競必凶其日亡者未得出埋不宜祭亡人吊死問病其日生者宜與人養長成牧之長命有智心善得大人貴重於父母有相錢財積聚若五月五日遇此曜者其歲萬物豐四時調順如此日日月蝕及地動王公已下交厄

太白直日

其日宜見大人及諸官長洗頭著新衣冠帶成親平章婚事結交友會朋流置官舍逃走難得勿畋獵并戰陣不吉繫者出邊生者短命好善孝順人皆欽慕五月五日遇此曜者

人畜例驚失必狂賊擾亂候取良日從東擊勝此日月蝕及地動者其歲足風復有雷電損多少田苗

鎮星直日

其日宜修園圃買賣田地買口馬宜合藥伏

怨家放野燒打牆作竈一切事十九之一總合作將入

宅吉舉哀葬吉鞍馬上槽內倉庫並吉不宜

結婚作喜樂服新衣及遠行其日生少病足

有聲名樂善孝順信於朋友若五月五日遇

此曜者有土功威重事此日月蝕及地動

者世界不安威重人厄

七曜直日與二十七宿合吉凶日曆

曜與宿合者假如正月十五日是軫宿

其日忽是太陽直即是好日他皆做此

太陽直日月與軫合 太陰直日月與畢合

火曜直日月與尾合 水曜直日月與柳合
木曜直日月與鬼合 金曜直日月與房合
土曜直日月與星合

已上名甘露日是大吉祥宜冊立受灌頂法造作寺宇及受戒習學經法出家修道一切

並吉

太陽直日月與尾合 太陰直日月與女合

火曜直日月與壁合 水曜直日月與昴合

木曜直日月與井合 金曜直日月與張合

土曜直日月與亢合

已上名金剛峯日宜作一切降伏法誦日天子呪及作護摩并諸猛利等事

太陽直日月與胃合 太陰直日月與鬼合

火曜直日月與翼合 水曜直日月與參合

木曜直日月與辰合 金曜直日月與奎合

二十

土曜直日月與柳合

已上名羅刹日不宜舉百事必有殃禍擇太

白所在八方天上地下吉凶法

凡月

一日十一日二十一日太白常在東方

二日十二日二十二日常在東方

三日十三日二十三日常在正南方

四日十四日二十四日常在西方

五日十五日二十五日常在西方

六日十六日二十六日常在西方

七日十七日二十七日常在北方

八日十八日二十八日常在東方

九日十九日二十九日常在中央入地

右太白如上一月轉者每月亦然恒常隨天

轉無休息至日月在時未末世已來年月日

亦然常轉無盡太白是關戰大將軍常須順行勿令逆之若准此出入移徙遠行及嫁娶拜官鬪戰世間雜事等造作行用皆如上日時順行用者大勝吉利如逆行不順此太白所在行法者皆凶戰不勝所有移徙遠行等亦無利益常須順之凡舉事皆吉

文殊師利菩薩及諸仙所說吉凶時日善惡

宿曜經卷下

音釋

襲席入切掩其馴詳倫切闍衣炎切堰於曉切
襲不備曰襲馴擾也闍音樓堰於壘
水為覘候也積積諸氏翁迄及
也鑿盜於浪積切翁切



僧伽斯那所撰菩薩本緣經

吳月支優婆塞支謙譯

僧伽斯那所撰菩薩本緣經



清刻龍藏佛說法變相圖

僧伽斯那所撰菩薩本緣經卷第一 聚一

吳月支優婆塞文謙譯

毗羅摩品第一

若心陋劣者 雖多行布施 受者不清淨

故令果報少 若行惠施時 福田雖不淨

能生廣大心 果報無有量

我昔曾聞過去有王名地自在受性暴惡好
 行征伐時有小國八萬諸王首戴寶冠常來
 朝侍其王口惡身行無善常為非法侵凌他
 境王有輔相大婆羅門修清淨行智人所讚
 口言柔軟不宣麤惡有所造作能速成辦面
 目端嚴為世所敬四毗陀典靡不綜練諸婆
 羅門所有經論通達解了無有遺餘是時輔
 相年已衰邁遇病未久奄爾即世王及人民
 聞其終歿心生懊惱思慕難忍時王思念不

去須臾即爲臣民而說偈言
如何此大地 一旦無人治 如海無主船
隨風而東西 我所尊敬者 出家已成就
口善言柔軟 常能利益世 如何便終歿
令我心惱悶 猶如無燈明 而入於闇室
爾時諸臣即白王言唯願大王寬意莫愁勿
謂國中更無有任爲輔相者是婆羅門雖復
命終其子年幼聰明黠慧顏貌端正世無及
者發言柔軟悅可衆心修行忍辱心常寂靜
無有憍慢貢高自大博學多聞無書不綜利
益衆生猶如梵王名毗羅摩唯願大王即命
此人以爲輔相時王答言彼若有子如汝說
者我從昔來所未曾聞諸臣復言大王是婆
羅門子常求正法離於邪法愛護已法未能
爲人王即答言子若是才人何得違毀先人

家法若離先業則不得名求正法者是人先
父常以正法佐吾治國能令吾等遠離衆惡
雖作如是治國理務終不破失婆羅門法如
其彼人如汝說者便可召來諸臣奉命即遣
使者召毗羅摩將詣王所到已就座斂容而
踞說如是言大王今日以何因緣而見顧命
王即答言汝不知耶我之薄祐汝父輔相不
幸薨殞大地傾喪人民擾動我爲之憂其心
迷悶時毗羅摩即白王言夫愛別離非王獨
有如此皆是有爲法相也大王昔來不曾聞
耶若天龍鬼神阿脩羅乾闥婆迦樓羅緊那
羅摩睺羅伽沙門婆羅門若老若少悉無得
離是終歿者大王一切衆生決定有之大王
譬如火性悉能燒然一切之物無常之法亦
復如是悉能壞滅一切衆生王不知耶是老

病死能喪衆生如四衢道頭華果之樹常爲
多人之所抖擻大王譬如駛河常流不停衆
生壽命亦復如是大王如金翅鳥投龍宮中
搏撮諸龍而食噉之亦如師子在獐鹿群威
猛如我曾聞菩薩往昔已來因緣墮於龍中
受三毒身所謂氣毒身毒觸毒其身雜色如
七寶聚光明自照不假日月才貌長大氣如
排風其日照朗如雙日出常爲無量諸龍所
繞自化其身而爲人像與諸龍女共相娛樂
住毗陀山幽邃多諸林木華果茂盛甚可愛
樂有諸池水八味具足常在其中遊止受樂
經歷無量百千萬歲時金翅鳥爲飲食故乘
空束身飛來欲取當其來時諸山碎壞泉池
枯涸爾時諸龍及諸龍女見聞是事心大恐
怖所服瓔珞華香服飾尋悉解落裂在其地

諸龍夫人恐怖墮淚而作是言今此大怨已
來逼身其紫金剛多所破壞當如之何龍便
答曰卿依我後時諸婦女尋即相與來依龍
復念言今此婦女各生恐怖我若不能作擁
護者何用如是殊大之身我今此身爲諸龍
王若不能護何用生爲行正法者要捨身命
以擁護他是金翅鳥之王有大威德其力難
堪除我一身餘無能禦我今要當捨其身命
以救諸龍爾時龍王語金翅鳥汝金翅鳥小
復留神聽我所說汝於我所常生怨害然我
於汝都無惡心我以宿業受是大身稟得三
毒顧有是力未曾於他而生惡心我今自忖
審其氣力足能與汝共相抗禦亦能遠焰大
火投乾草木五穀臨熟遇大惡電一切衆生
在三界中流迴死法亦復如是大王如是死

法非以親近財貨求贖軟言誘恤而可得脫亦不可以四兵威力逼迫禦之令其退散是故當知如是死法決定而有是衆生常法以是義故大王於此不應生憂時王聞已心生歡喜復向諸臣說如是言未曾有也如是童子年雖幼稚乃說先宿耆舊之言時王即語毗羅摩言汝不知耶汝之先父愛護於吾猶如赤子是故我今感其恩重憂愁迷悶吾今輕弱頑囂無智如汝所說吾永無分汝今若見垂顧矜哀願紹先嗣纂繼家業我當誠心盡壽歸依時毗羅摩衆一即作是念我今如何一旦對至今聞此言莫知所作猶如羸人步涉高山復作是念今者承嗣毗輔國正於諸人民雖多利益然我所修純善之法則爲虧損君治國土稱萬姓心當有無量諸過患事所

謂刑罰劫奪他財威凌天下或擯或驅要當隨王行如是法若行正法我善則損今我若欲修行善法則不上稱大王聖懷若稱王法善法日衰作是念時王復白言大師今者何所思慮時毗羅摩即答王言我今所念當以何術令王身及國人民悉得利益無諸衰耗亦復思惟王與國人福德過患若先行善後行於惡則不名人大王若爲實語而作怨憎不爲諂言而作親厚寧爲說正法墮於地獄不說邪諂生於天上大王我今思惟籌量是事大王若有人能思惟是義當知是人則能利益一切衆生王聞是語心生歡喜復作是言大師我等若能如是行法所修善法則爲不損時毗羅摩即奉王命纂承先父輔相之業然後漸漸勸化是王及八萬四千小王修衆一

持正法亦令其國所有人民背捨遠惡不貪
五欲時王修行無量善法如毗羅摩等無差
別也時毗羅摩見王如是心生歡喜而作是
言我今已爲修治國土然我善法無所衰損
復作是念我今當以何等因緣勸諸衆生悉
令安住阿耨多羅三藐三菩提道然諸衆生
受性不同或欲聞法或貪財貨或嗜五欲或
樂愛語或好情鬧多人親附或好隨逐善人
之行或樂多受心無厭足我今幸有大智方
便悉能攝取一切衆生安止住於阿耨多羅
三藐三菩提我亦復有餘方便譬如日出雖
能照了一切天下然不能爲盲者作明我亦
如是雖復能爲一切衆生說無上道然不能
爲無慧目者而作利益我今復當以衣服飲
食而給足之令其飽滿心歡喜已然後復當

爲之說法令其信受時毗羅摩思是義已即
至王所作如是言我今已爲無量衆生作法
事已聚集三法所謂修行正法聚集錢財所
願成就則令一切國土安樂無有怨讎正法
增長猶如初月好名流布八方上下唯願大
王聽我修行無上正法爾時大王聞是語已
心生驚喜衣毛爲豎白言大師諸欲所作願
具告勅毗羅摩言我今欲作一切大施施中
所須願爲我辦爾時大王即於城外安曠之
處莊嚴施場唯願大王善言誘喻諸作使者
無令於我而生瞋恨爾時大王及給使者皆
悉歡喜敬意供辦飲食所須尋於諸方擊鼓
宣令若諸衆生凡有所須衣服飲食卧具醫
藥象馬車乘香華瓔珞末香塗香舍宅燈明
悉來集此當相奉給復說偈言

發一

六

我為利益 諸世間故 隨諸衆生 所須之物
乃至身體 手足肉血 捨離之時 猶如草芥
汝等若受 是供養時 則當一心 思惟善法
受供養已 不應貪著 當以善法 利益一切
若以我力 能速涅槃 以為衆生 流轉生死
是故久住 不取涅槃 無量衆生 隨老死獄
我欲拔之 永離遠離

時毗羅摩菩薩摩訶薩所設供具令無量百
千萬億衆生隨意所須悉得充足善言說法
諸大德我今忘身以憂汝身汝等今已受我
供養好自利益當觀正法若死至時雖有父
母妻子親族無量財寶不能令命住一念頃
及其命盡獨至他世父母妻子親族財寶無
隨去者唯有業行不相捨離復為大衆而說
偈言

為父母親族 修行於惡法 命終墮三趣
無有隨逐者 於今現在世 若受苦惱時
雖有父母兄 不能受少分 況於未來世
而當有代者 是故當一心 莫為他行惡
諸大德汝等今身安隱無患所謂衰老肺病
疾逆頭痛已無是病當勤修行一切善法是
毗羅摩菩薩摩訶薩以二攝法攝取衆生所
謂財法滿九十日過夏已訖奉施嚫願所謂
金盤具足八萬盛以銀粟八萬銀盤盛以金
粟八萬小牛八萬乳牛悉從一犢是一一牛
乳日一斛純以白氈纏覆其身金角銀蹄莊
嚴映飾八萬童女形體端正金寶瓔珞以自
莊嚴一一女人有一侍女供給使令令皆淨
潔是諸女人各有一牀或金或銀瑠璃玻瓈
象牙香木種種茵蓐以敷其上牛車八萬象

馬八萬及諸倉庫錢財珍寶不可稱計如是
 等物悉莊嚴已而作是念今是施物將無少
 耶爾時菩薩為諸婆羅門說如是言汝等當
 知我今集聚如是種種金銀女人車乘象馬
 倉穀珍寶正為汝等幸可少時寂然無言聽
 我所願然後隨意共分而去爾時一切諸婆
 羅門寂然無聲是隨菩薩為諸眾生自諫其
 心汝心所作常求果報猶如獼猴入於稠林
 而說偈言

我今所布施 普為諸眾生 如是之布施
 實不望其報 願悉施眾生 等受於快樂
 以汝貪善故 久在於天上 亦以貪惡故
 久住於地獄 復以貪著故 作此大施主
 或作貧窮人 或行於大施 或時以自在
 守則而慳貪 或以自在故 自墜於貧苦

或復以縱逸 久在於生死 輪轉無窮已
 猶如輪轉地 我在久遠來 隨順敬事汝
 雖作如是事 不能令汝喜 汝今當安住
 不動寂靜中 我今所布施 悉為諸眾生
 爾時毗羅摩菩薩即以右手執持澡罐以大
 慈悲熏修其心憐愍一切諸眾生故涕泣流
 淚而作是念我今所施不為梵王摩醯首羅
 釋提桓因假使更有勝是三者亦不希求唯
 求佛道欲利眾生斷諸煩惱我今當捨己身
 妻子奴婢僕使珍寶舍宅唯求解脫不求生
 死我今所施柔軟女人願諸眾生於未來世
 悉得斷除所有貪欲今我所施五種牛味願
 諸眾生於未來世常能惠施他人法味今我
 所施如是敷具願諸眾生於未來世悉得如
 來金剛座處我今所施種種珍寶願諸眾生

於未來世悉得如來七菩提寶作是語已從
上座所循行澡水而水不下猶如慳人不肯
布施爾時菩薩即作是念今此澡水何緣不
下復作是念將非我願未來之世不得成耶
誰之遮制令水不下將非此中無有大德其
餘不應受我供耶或我所施不周普耶或是
我僕使不歡喜耶將非此中有殺生耶我今
定知不因衆生我今所施亦是時施亦不觀
來是受非受而此罐水何緣不下爾時菩薩
見婆羅門爲此諸女生貪嫉心而起瞋恨各
各說言彼女端聚一正我應取之汝不應取彼牛
肥壯我應取之汝不應取金銀繫粟乃至珍
寶亦復如是爾時菩薩見諸婆羅門貪心諍
物互相瞋恚即作是言是諸受者貪欲瞋恚
愚癡亂心不能堪受如是供養如車軸折輻

輻破壞不任運載我亦如是種子良善而田
薄惡以此受者心不善故令是澡水不肯流
下我今雖作如是布施亦無有人教我令發
阿耨多羅三藐三菩提心而我自爲一切衆
生故發是心今當自試若我審能愍衆生者
罐水當下即以左手執罐瀉之水即流下菩
薩右手諸婆羅門見是事已各生慚愧離所
施物修行梵行諸婆羅門尋共稽首求請菩
薩以爲和尚菩薩憐愍即便受之教令修學
四無量心以是因緣命終即得生梵天上令
無量衆生發阿耨多羅三藐三菩提心菩薩
摩訶薩行檀波羅蜜時不見此是福田此非
福田亦不分別多親少疑是故菩薩若布施
時或多或少或好或惡應以一心清淨奉上
莫於受者生下劣心

一切施品第二

一切諸菩薩 為利衆生故 捨棄已身命

猶如草糞穢

如我曾聞過去有王名一切施是王初生即向父母說如是言我於一切無量衆生尚能棄捨所重身命況復其餘外物珍寶是故父母敬而重之為立名字字一切施從其初生身與行施漸漸增長譬如初月至十五日其後不久父王崩背即承洪業霸治國土如法化民不枉萬姓擁護自身不豫他事終不侵陵他餘隣國隣國若故來討罰希能擒獲救攝貧民給施以財恭敬沙門婆羅門等常以淨手施衆生食口常宣唱與是人衣與是人食及與財寶愛護是人瞻視是人爾時菩薩常行如是善布施時隣國人民聞王功德悉

來歸化其土充滿間無空處猶如山頂暴漲之水流注溝坑谿澗深處亦如半月海水潮出其國外來歸化之民充滿側塞亦復如是其餘隣國漸失人民各生瞋恨即共集議當共往討作是議已尋嚴四兵來向其國爾時邊方守禦之人遠來自王隣國怨賊今已相逼猶如暴風黑雲惡兩王即告言卿等不應惱亂我心即說偈言

隣國所以來討我國正為人民 庫藏金寶快哉甚善當相施與 我當捨之 出家學道多有國王 為五欲故 侵奪人民 貯聚無厭當知是王 命終之後 即墮地獄 畜生餓鬼是故我今不能為身侵害衆生奪他財物以自免者爾時大臣及諸人民各作是言唯願大王莫便捨去臣等自能當禦此敵王且觀

聚一

十一

之臣等今日當以五兵戟牟劍稍奮擊此賊足如暴風吹破雨雲王即答言咄哉卿等吾已久知卿等於吾生大愛護尊重恭敬亦知卿等勇健難勝雄猛武畧策謀第一但彼敵王今作此舉都不爲卿正爲吾耳假使彼來不損卿等何得乃生如是惡心吾久知此五盛陰身爲衆箭的卿不知耶吾久爲卿說諸菩薩應於衆生生一子想汝今不應於他衆生生瞋害心畢定當知墮于地獄是故應當一心修善當說是時賊已來至高聲大叫王聞聲已即問群臣此是何聲諸群臣察各懷悲感舉聲哀號咸作是言惡賊無辜多害人民譬如惡雷傷害五穀亦如猛火焚燒乾草又如暴風吹拔大樹又如師子殺害諸禽獸怨賊殺害亦復如是爾時諸臣不受王教即

各散出莊嚴四兵便逆共戰軍無主將尋即退散兵衆喪命不可稱計時王登樓說如是言因惡欲故令人行惡如是諸欲猶如死屍行廁糞穢如何爲此而行惡耶愚人貪國興誣競心猶如衆鳥競誣段肉是諸衆生常有怨憎謂老病死云何不自觀察是怨反更於他而生誣競一切施王思是義時敵國怨王即入宮中王於爾時便從水竇逃入深山至稠林中得免怨賊其地清淨林木種種華果無量不可稱計水清柔軟八味具足衆鳥鳧鴈禽獸難計王見是已心生歡喜復作是言吾今真實得離家過患無量衆生常爲老病死怖逼惱今得此處清淨安樂快不可言此林乃是修悲菩薩之所住處亦是破壞四魔之人堅固牢城我今已得清潔浣浴離衆垢

衆一

十二

故我今與此衆鹿爲伴身心安隱極受上樂爾時怨王得其國已即便唱令求覓本王若有能得一切施王若殺若縛將來至此吾當重賞隨其所須一切給與以其先時常自稱讚能行正法些毀吾等暴虐行惡是故吾今欲得見之示其修善所得果報爾時他方有一婆羅門貧窮憔悴唯仰乞活遭遇官事無所恃賴聞王名字好行惠施即從其國來欲造詣乞求所須既於中路飢渴疲乏止息林中即便讚言是處寂靜聖人住處亦是神仙離欲之人求解脫者斷絕飲食不畜奴婢不乘車馬少欲知足食噉稗子諸根藥草大悲心者之所住處亦是一切飛鳥走獸無怖畏處自在天王爲令衆生見家過患故化是處爾時一切施王聞是語已心生歡喜便往見

之共相問訊便命令坐時婆羅門即便前坐坐已一切施王便以所有衆味甘果而奉上之既飽滿已王即問言大婆羅門是處可畏無有人民是中唯是閑靜修道之人獨住之處仁何緣來婆羅門言汝不應問我是事汝是福德清淨之人聚一遠離家居牢獄繫縛何緣問我如是之事汝不應聞濁惡之聲若他犯我我則犯他若他奪我我則奪他喪失財賄親族凋零以在家故受如是事大德汝今已斷一切繫縛安住山林如大龍象自在無礙一切施菩薩即作是言汝今發言清淨柔軟何故不共於此住止婆羅門言若欲聞者我當爲汝具陳說之我本生處去此懸遠薄祐所致遇王暴虐猶如師子在鹿群中終無一念慈善之心我王暴虐亦復如是於諸人民

無有慈愍有罪無罪唯貨是從我從生來小心畏慎曾無毫釐犯王憲制橫收我家繫之囹圄從我責索金錢五十若能辦者我當赦汝居家罪戾若不肯輸吾終不捨要當繫縛幽執鞭撻尅日下期當輸金錢家窮貧苦無由能辦曾聞此國一切施王好行惠施攝護貧人所行惠施無有斷絕如春夏樹華果相續亦如曠野清泠之水渴人過遇自恣飲之猶如大會無人遮止我今畧說假使有人人有千頭頭有千口口有千舌舌解千義欲歎是王所有功德不能得盡彼王成就如是名德我今居家遇王暴虐橫羅罪戾更無恃賴故欲造詣陳乞所須然我心中常作此念我今何時當到其所隨意乞求若彼大王必見憐愍能給少多我家可得全其生命若不得

者我亦不久當復殞歿爾時菩薩聞是事已心悶躄地猶如惡風崩倒大樹時婆羅門即以冷水灑其王身還得蘇息時婆羅門復問大仙汝聞我家受是苦惱心迷悶耶是中清淨汝所愛樂能生悲心我今遇之尚無愁苦聚一十四汝今何緣生是苦惱王即答言汝本發意欲造彼王是汝薄相正值不在汝今若往必不得見故令我愁爾時婆羅門言為何處去施王答言有敵國王來奪其國位今者逃命在空山林唯與禽獸而為等侶時婆羅門聞是語已尋復悶絕一切施王復以冷水灑之令悟即慰喻言汝今可坐且莫愁苦婆羅門言我於今日命必不全所以者何本所願求今悉滅壞我何能起定當捨命一切施王爾時即起慈悲之心作如是念可愍道士所願不

果譬如餓鬼遠望清水到已不獲心悶躡地是婆羅門亦復如是復更喚言咄婆羅門汝可起坐汝可起坐一切施王即我身是汝本欲見今得遇之何故愁苦婆羅門問王今善言慰喻於我有錢財耶王即答言我無錢財但有方便可能令汝大得珍寶婆羅門言云何方便王復答言我先聞彼怨家之王居我國已於大眾中唱如是言若有能得一切施王若斷其命檢繫將來吾當重賞隨意所須我從昔來未曾教人行於惡法是故不令汝斬我頭但以繩縛送詣彼王所以者何除身之外更無錢財然我此身今得自在幸可易財以相救濟善哉善哉婆羅門吾今得利以不堅身易得堅身道士且觀設使我身在此命終屍棄曠野草木無異雖有禽獸而來食

噉爲何所利今以如此灰土之身貿易乃得真金寶物我復何情而當惜之時婆羅門聞是語已悲涕而言何有此理所以者何汝今乃是無上調御衆生父母善爲愛護大歸依處能滅一切無量衆生所有怖畏所作廣大不望相報於諸衆生常生憐愍能於閻世作大庭燎我當云何破滅正法繫縛汝身送怨王耶假使將王至彼怨所獲得金寶我復何心舒手受之假使受者手當落地譬如男子爲長養身故父母肉是人雖得存濟生命與死何異我亦如是設縛王身將送彼怨雖多得財以贖家居我所不貴時王答言如此之言復何足計汝若於我必生憐愍我自束縛隨汝後行詣彼怨家汝無罪咎我可得福婆羅門言敬如王命當隨意作說是語已王即

自縛共婆羅門相隨至城其王舊臣及諸人
民當見王時悉生驚怪咄婆羅門汝是羅刹
非婆羅門汝是羅刹非婆羅門汝本實是暴
惡鬼神奸偽詐現婆羅門像無有悲心真是
死魔常求殺人汝今令此王身滅沒猶如月
蝕七日並照大海乾竭無上法燈今日盡滅
旃陀羅種汝今云何手不落地汝身何故不
陷入地如師子王已死之後誰不能害是一
切施王久已遠離國城妻子倉庫珍寶一切
諍競退入深山修寂滅行於汝何怨而將來
此舉城人民同聲願言諸大仙聖護世四王
願加威神擁護是王令全生命時婆羅門聞
是語已心生怖畏將一切施疾至王所作如
是言大王當知我今已得一切施王怨王見
已心即生念是王年壯身體姝好容貌端正

其力難制是婆羅門年在衰弊形容枯悴顏
貌醜惡其力無幾云何能得是王將來竊復
生念將非梵王自在天王那羅延天釋提桓
因四天王耶怨王即問誰為汝縛婆羅門言
我自縛之怨王咄言遠去癡人復更問言汝
將非以呪術之力而繫縛耶汝身羸劣彼身
端嚴猶如帝釋云何能繫縛假使有人自言
能吹須彌山王令如碎末是可信不爾時怨
王即告大臣汝等當知今此難事為是夢中
是幻化耶將非我心悶絕失志錯謬見于是
老獼猴云何能縛帝釋身耶諸臣當知豈可
以藕根中絲懸須彌山耶可以兔身度大海
耶可以蚊蚋盡海底耶時婆羅門聞是語已
即向怨王而說偈言
大王今當知 我實不能縛 是王慈悲故

為我而自來 如以網盛風 是事為甚難
正使天帝釋 亦復不能為

爾時怨王即向一切施王說如是言汝以畏
我故入深山谿谷林木空曠之處唯與禽獸
共相娛樂少欲知足飲水食果以草為數不
與我諍然我怨心猶未得滅我今自在能相
誅戮以何因緣來至此耶爾時一切施王嬉
怡微笑無有畏懼身心容豫如師子王而作
是言汝不知耶我身即名一切施王我欲成
就本誓願故今來在此有三因緣一者為婆
羅門而求錢財二者以汝先募若得我身將
來此者當重賞之三者我先誓願當一切施
是故我來欲捨身命汝今當觀若我此身命
終入地為何所益我本所以逃入山林非以
畏故但為愛護諸眾生耳汝今自在怨心未

滅我今來此隨意屠割而得除怨心則安隱
是故汝今應早為之即說偈言

於怨生瞋恨 則自焦其心 譬如灰下火
猶能燒萬物 因心著瞋恚 命終墮地獄
猶如惡毒箭 中則身命滅 若瞋於怨憎
心不得寂靜 譬如病目者 不能見正色
此身肉血成 骨髓肪膏腦 屎尿涕唾等
薄皮裹其上 是身如行廁 無主無有我
於王有何怨 而常生瞋恚 生老病死賊
常來侵王身 何故於是中 反生親友想
我身四大成 王身亦復然 今若見瞋者
是則為自瞋

是故大王不應生瞋若故瞋者今得自在幸
可隨意早見屠戮先所開幕可賞是人我今
必定捨命不悔以是因緣願諸眾生能一切

施及得捨名爾時怨王聞是語已從御座起
 合掌敬禮一切施王作如是言唯願大王還
 坐本座汝是法王正化之主我是羅刹暴惡
 之人汝是世燈為世父母我是世間弊惡大
 賊專行惡法劫奪他財汝是法稱正法明鏡
 我非法稱常欺誑他猶如盲人不自見過如
 我等輩罪過深重是身久應陷入此地所以
 遷延得至今日實賴仁者執持故耳今捨此
 地及以已身奉施仁者一切施王即為怨王
 廣說法要令其安住於正法中大以財寶與
 婆羅門遣還本土菩薩摩訶薩如是修行檀
 波羅蜜時尚捨如是所重之身況復外物所
 有財寶

僧伽斯那所撰菩薩本緣經卷第一

音釋

陘陘侯夾切 抖抖音斗 擻擻音動 叟叟音叟 駛駛音疾
 紫紫即委切 罌罌音銀 纂纂作管切 憤憤音古 嘍嘍音對
 初觀切 澡澡音早 洗洗音也 罐罐音也 稍稍音翔 穉穉音也
 穉也 穉也 囹圄囹音陵 圜圜音音 肪肪音方 十九

僧伽斯那所撰菩薩本緣經卷第二 聚二

吳月支優婆塞支謙譯

一切持王子品第三

菩薩摩訶薩 為諸眾生故 一切所重物

無不以惠施

聚二

一

如我昔曾聞過去有王其王有子名一切持
年在幼少形容端正猶如滿月眾星中明眾
生視之無有馱足威儀安詳如須彌山智慧
甚深猶如大海忍辱成就猶如大地心無變
易如閻浮檀金常為一切人天所愛猶如入
味清淨之水於諸世間其心平等猶如日月
等照於物滿眾生願如如意寶見諸乞者心
生歡喜猶如慈母見所愛子是時王子當說
偈言

我今得自在 所有無量財 悉與眾生共

如日皆等照 見有乞求者 終不言無有
無所求索者 亦復施與之

王子菩薩諸根寂靜猶如梵天財賄具足如
毗沙門王為諸眾生供給走使猶如弟子事
師和尚心常愛念一切眾生猶如父母念所
生子教化眾生法則禮儀如大博士王子菩
薩悉得成就如是功德心常樂施一切眾生
如是之物施與是人如是之物施與其甲是
人恐怖我當安慰修行正法無有廢捨所施
之物謂金銀琉璃玻璃真珠硨磲碼瑙珊瑚
璧玉種種器物及諸衣服牀卧敷具車乘舍
宅田地穀米奴婢僕使象馬牛羊隨有所須
悉能與之譬如大雨百穀滋長恒以五指施
人財物猶如五龍降注大雨王子菩薩常行
布施日日不絕設使一日無人來乞顏色顛

頓心爲愁感猶如初月煙霧所覆無有光明
爾時諸臣於此王子悉生嫌恨

咄哉我王 愚癡無智 有財不食 後世安在
見不能用 亦不訶子 分散庫藏 施無功者
庫藏盡已 民當迸散 民既散已 怨至誰護

假設無護 命當不全 命既不全 國復誰居

爾時大臣及諸人民各思是事爾時父王有
一白象行蓮華上力能降伏敵國怨讎以有
此象故令他國不能侵凌時有邊方怨敵之
王常作是念我當云何而設方便得彼白象
即遣諸人詐爲苦行婆羅門像往詣王子求
索白象爾時王子見諸大臣生瞋恚心故乘
白象出城遊觀欲向一林即於其路見婆羅
門既見王子心大歡喜祝願且言願使王子
紹繼大王無上之位壽命無量隣國歸德天

下太平王子我等悉是婆羅門也居在遠方
常承王子好喜布施故從遠來道路飢渴備
受衆苦王子當知我等受持清淨禁戒多所
讀誦無書不綜王子功德流布十方聞風稱
讚無不愛樂能令衆生所願滿足有來乞者
無一空還汝所乘象願見施與爾時王子即
作是念今若不與則違本要設當與者非我
所有復是父王所愛重者即便語言君等若
須金銀瑠璃種種車乘奴婢之屬我悉能與
此白象者既非我有不得自在復是父王所
乘之象云何輒當以相惠施計是白象價直
幾許我當與直不令汝等有貧乏也何必正
欲得此白象汝婆羅門憐愍衆生出家受戒
久已遠離一切之物何用是象汝若得者或
更有患諸婆羅門復作是言我等不用錢財

珍寶唯須是象乘之入山求覓好華供養諸天已當令衆生若生天上或入涅槃王子本願欲利益他我亦如是欲利益他爾時王子聞是語已即生悲心便下白象復作是念此象雖是父王所有今以布施大臣人民必當見嫌欲利益他何得計是然我所施不求名聲生天人中以是因緣令諸衆生斷諸煩惱作是願已便持白象施婆羅門自乘一馬還欲入城諸婆羅門既得象已便共累騎迴還而去忽爾之間已到本國時諸大臣即共集聚疾至王所白言大王今日快善所重白象王子已持施婆羅門諸婆羅門得已乘去今到敵國以王先時見其布施金銀珍寶不訶責故致令今日復以白象施與怨家大王世間惡子多諸過患飲酒擣蒲貪色費用臣等

敢奏願不咎責王子若能從今已往更不以財惠施於人則可聽住若不止者便當擯之遠著深山爾時父王即召其子作是念言怪哉我今云何一旦爲諸大臣不令我子隨行施我今慚愧猶如婦人怖畏姑公即向其子而說是言卿從今始莫復貪著一切功德可離捨心行正法者應著草衣服嗽水果遠處深山卿今不應挑其右目以治左眼卿於今日如何一旦惱亂我心及諸大臣夫爲人法先安其親然後乃當及餘他人卿今云何以我白象施與怨家爾時王子合掌長跪敬禮父王臣所布施不爲貪欲瞋恚愚癡不爲名聲不求生天人中豪貴非是顛狂錯亂心作爲求正法作是施耳大王當知臣今雖復擁護父母兄弟妻子及其死時雖有親族誰

能隨去唯見正法逐之不捨臣若無心行善
法者猶望大王苦言教勅如何一旦信用邪
言斷臣行善王先勅臣放捨捨心捨心是臣
本性根源云何可捨猶如地性不可捨堅乃
至火性不可捨熱如魚投陸命何能存如王
僮僕六情具足身體完具與天無異是人云
何與王給使王家所有車乘姝女金銀珍寶
從何處得當知皆是過去施業今得是報大
王當知一切餓鬼飢火所逼身心焦惱如此
皆是貪惜因緣若諸天中七寶宮殿壽命長
遠當知皆是布施因緣大王臣今所施火不
能燒水不能漂王家盜賊怨家債主不能侵
奪所施之物於諸趣中能作親厚是天乘載
是所施物在生死中隨逐臣身如犢隨母如
王所勅欲令臣止布施之心若不能捨當徒

乘二

五

深山雖至深山苟施心不息貧窮之人亦復
當來臣本誓願實樂山林所以未啓慮不賜
放大王今已聽真得本願正爾奉辭涉路進
發所以者何山林之中是閑靜處仙聖所樂
能離貪欲瞋恚愚癡臣若至彼必能自利爾
時王子即禮王足右繞三匝奉辭而去次至
母所跪禮如常右繞三匝禮足而出復至妻
所而作是言卿好住此供養父母守護其子
此即是汝修行正法我今欲去遠至山林何
以故我先常願欲入深山修行其志父王今
聽是故我當速往至彼以副我心與諸禽獸
共爲等侶飲食水草足自存活汝是王女身
體柔軟端正詳雅何能堪忍如是苦事故應
住此不須隨我其妻聞已心悶懊惱身體掉
動如芭蕉葉悲號啼泣椎胸拔髮舉聲大哭

唱言柰何君有何罪乃令父王擯之深山大
王寬慈王法治化愛民如子云何一旦驅擯
乃爾君之愛形身色柔軟如瞻婆華云何一
旦當卧棘刺土石之上如今在宮五樂自娛
設當入山唯聞虎狼師子毒獸諸惡音聲怪
哉大王慈愛之心今日安在如何父親變成
離薄以小因緣一旦成怨爾時王子即答妻
言善哉王女汝有深智精進勇猛是我善伴
設我不是應當訶責云何乃出如是麤言諸
王爲國共相戰諍皆爲貪欲瞋癡所惱是我
福緣乃令父王聽我入山修行正法汝今不
應生不歡喜耶世中常法王若衰老則立太
子令知國事國事殷湊多諸過咎咎既鍾身
無逃避處王今未衰便能放捨聽我入山修
學其志世間過咎求不見及汝今何故不歡

卷二

六

喜耶汝便好住我今欲去妻便答言妾之父
母處與君時日月大地及四天王悉皆證知
初婚之日君自發言誓不相捨如何今日便
欲獨往當如日月及以猛火明與質俱不相
捨離君今云何而欲見捨爾時王子悉以家
財布施貧乏即以兩肩荷負二子携將其妻
往雪山中王子到已食果飲水以存性命晝
夜修習慈悲之心復作是念我本在家雖受
五欲未若今日處山歡娛如是之樂釋提桓
因所受欲樂所不及也是諸衆生不知正法
微妙之味如鳥不知蓮華之味是時王子常
爲衆生思惟是義妻常入山採於果菰以自
供給是時有一老婆羅門其形醜惡人所惡
見從遠方來王子見已即命令坐行水施果
然後問訊汝何緣至此耶將非馱家之過患

乎壯應在家極情五欲今已衰老死時將至
捨來修道甚是快事是中閑靜無有家過汝
若樂此我之所有甘果冷水常相供給不令
有乏婆羅門言無欲想者應住於此我今欲
想猶未能滅是故不能於此住也大仙汝且
觀之我身雖老頭白齒落行步顫掉目視矇
矇舌乾口燥不能語言頭重難勝猶如太山
耳聽不了身體衰變而有欲想猶如壯時大
仙當知我年朽邁身力羸損家貧空乏困於
僕使若欲滿我本所願者幸可惠施二奴僕
使菩薩聞之即作是言怪哉今日若言無有
則非本誓若言有者今實空貧婆羅門言君
今遲疑何所思慮將慮我非婆羅門受持禁
戒博學人耶若有此慮我實是也菩薩答言
我本在家多有僕使金銀珍寶庫藏盈溢當

于爾時見有乞者終不言無今在此山悉不
持來何處當得以相副稱所以遲疑思是事
耳婆羅門言我今衰老氣力空竭故從遠來
乞求所須汝從本來凡見乞者曾不發言我
無所有今日何故發如是言大仙若能憐愍
給施二奴我當還國若不能者我必此死爾
時王子即作是念我今當作何等方便發遣
此人爾時二子近在不遠山中遨戲復作是
念我今當爲一切衆生作不空因緣即喚其
子子既至已菩薩抱之復作是念我今二子
生長深宮身體柔軟未經寒苦如何一旦違
離父母爲他僮僕復作是念我今何緣計如
是事若不修行難行苦行何緣得成阿耨多
羅三藐三菩提以是因緣我當行之願以此
行速得成就阿耨多羅三藐三菩提我今捨

此所愛二子不求生天人中果報轉輪聖王
帝釋梵四天王願此功德悉與衆生成無上
道爾時菩薩手執二子授婆羅門作如是言
汝婆羅門我此二子猶如我命幼稚無知未
解人語雖復似人未有所識今持相與以爲
僕使恐母來至可速將去爾時二子迴捉父
衣而白父言父今何緣持我兄弟與此惡婆
羅門我等從今永離父母年既幼小未有所
識無覆無護云何能活我等何故受此苦惱
今墮他手命必不全如犯王法則受刑罰我
等愚小未有所犯何緣今日乃見是苦假使
實犯猶望恕放況無所犯而橫見枉設父於
我愛心已斷但爲人法復不應爾老小可慙
愚智有之父今何爲特見苦毒假使爲法而
見捨者喪失慈惻豈是法耶我雖幼稚亦曾

聞說婆羅門法若有擁護妻子因緣得生梵
天爾時菩薩聞是語已身心戰動即自訶責
何緣乃爾汝不知耶從昔已來流轉生死一
切衆生何者非怨何者非子汝今闇蔽盲無
見耶何不繫念思惟分別汝今直爲彼將二
子便如是動耶若死至時當云何乎爾時菩
薩訶責心已即得定住語婆羅門汝速將去
是時二子即白父言且聽小住須我母至跪
拜問訊辭去不晚菩薩答言汝等但去吾與
汝母當隨汝後時婆羅門將其二子速疾發
引是時二子隨路還顧迴視父面悲號啼哭
菩薩爾時更復訶心汝今不應復更戰動當
觀受形老死熾然子去未遠復立誓願我今
捨子實是難行願此因緣得成阿耨多羅三
藐三菩提除諸衆生一切繫縛時婆羅門發

脚未遠即作是言甚奇王子世間希有如言
 則行施我二子所修善法具足成就今此二
 子當於何賣唯有還至本祖王國時婆羅門
 即將二子往詣王宮是時祖王見其二孫悲
 喜交集問婆羅門汝於何處得此二兒婆羅
 門言且聽彼雪山中大王之子名一切持以
 此二子施我為奴王聞是語扼腕而言怪哉
 我子愛法太過乃至不惜所愛兒息汝今還
 我當與汝直婆羅門言敬如王命即受珍寶
 還歸其家時菩薩妻在空中林中左目睜動心
 驚不樂所採雜華尋即萎枯器中二果迸出
 墮地二乳驚動汁自流出有鳥在前連聲鳴
 叫即作是念今此瑞應必定不祥將非我夫
 命根斷耶或是虎狼師子惡獸食噉我子復
 非遨戲墮山死乎念是事已便還所止尋見

菩薩近一石崖在草敷上傾身而坐即作是
 念我夫在此定無他慮便前白言二子者為
 安隱不菩薩答言二子安隱妻復言曰我今
 耳中實聞安隱但未見之猶懷憂戚菩薩答
 言汝但少坐自當見之妻便却坐復重告言
 汝不知我本誓願耶一切所有要當施人汝
 朝出後有婆羅門來從我乞尋以二子而布
 施之妻聞是語其心迷沒舉身自撲悶絕躡
 地爾時菩薩以水灑之水灑之後還得醒悟
 身體戰動坐說偈言

怪哉為正法 而行於苦行 以子布施時
 云何心不亂 君心非剛鐵 而未永離愛
 云何能以子 而用施於人 我子既稚小
 端正無及者 面色如蓮華 目如優鉢羅
 自食於水果 亦不相煩累 如何無人情

一旦以施他 此路多石沙 荆棘惡刺等
 彼人無慈悲 當將至何處 君今不見耶
 彼諸獐鹿等 猶來求推覓 況君為其父
 不見此山中 一切諸樹木 以失我子故
 悉皆而啼哭 一切諸樹木 悉無有心識
 猶尚能如是 況復有心者
 爾時其地有芭蕉樹舉身戰動妻尋語言汝
 夫亦以子息施人無慈愍耶何故如是舉身
 戰動爾時其妻念子悲號東西馳走不安其
 所菩薩復言甚善甚善已得入山修行善法
 云何令心受如是苦空喪閑居修善妙理怪
 哉王子雖有深智精勤勇猛而不能解生死
 過患父母妻子兄弟怨憎誰能於中識其根
 源見兒過去或為汝怨彼若遭苦汝則歡喜
 今為汝子別便憂惱設使死亡強將去者復

卷二

十一

可於我起瞋恚耶汝本不聞諸仙聖言
 若少壯老 皆歸於死 猶如果熟 自然落地
 汝本不觀 一切生死 猶如夢中 邪見事耶
 無常死王 將諸眾生 雖有父母 誰能救之
 譬如師子 搏撮諸麋 彼雖有母 亦不能救
 是老病死 常害眾生 猶如果樹 多人所擲
 譬如坯器 值天降雨 悉皆爛壞 無有遺餘
 三界眾生 亦復如是 遇無常雨 無得免者
 今營此業 明造彼事 樂著不觀 不覺死至
 如是二子 必定當捨我今為法而以施人汝
 當歡喜不應愁苦我雖捨子子必安樂是故
 不應生大苦惱王子菩薩說是語已其妻寂
 默更無所陳爾時釋提桓因即作是念怪哉
 菩薩無所愛惜即下化身為婆羅門至菩薩
 所而說偈言

大仙今當知 名聞徹梵天 能行於大施
愛樂於正法 今我所求索 蓋亦不足言
唯願大正法 滿我之所願

菩薩答言我今身命悉爲一切無所愛惜況
餘外物錢財珍寶假使有者實不愛也我本
在家多有庫藏象馬車乘奴婢僕使悉以給
施諸婆羅門無所遺惜但今現在空無所有
唯身與婦若必須者實復不愛婆羅門言汝
能爾者便可以妻而見惠施菩薩答言嫉妬
惜心久以遠離汝小聽我爲其說法菩薩報
妻是婆羅門從我乞汝汝意云何妻便答言
隨意自在我今屬君何得自從即捉妻手授
婆羅門時婆羅門語菩薩言今此婦人顏貌
端正身體姝妙色像第一道路險難多有寇
賊我今單獨去必不達且還相寄莫復餘施

卷二

十二

菩薩復言我今賴君破壞牢獄斷絕繫縛汝
今復欲還我牢獄繫縛我耶婆羅門言若見
憐愍必令得者願還受之經須臾時菩薩憐
愍故少時還受竟復何苦婆羅門言我若失
期不得還者慎莫更以施與餘人已是我有
不得任意說是語已即便還去去此不遠復
更化作餘婆羅門還菩薩所而作是言汝能
利益一切衆生譬如樹常出甘果我於遠
方久承風味是故褰裳而來相造當滿所願
菩薩答言唯有一妻先已施人今唯有身猶
得自在若須相給婆羅門言不須汝身唯須
二目能相給者深抱至念爾時菩薩即作是
念是婆羅門從我乞目爲作何等復作是念
我何所計是身猶如塚間死屍以不堅牢質
易堅牢應當歡喜何所思慮爾時菩薩捉法

陀羅木而作誓言我今悉爲一切衆生棄捨
二目無所貪惜我先捨婦持用施人願此功
德鍾及衆生永斷貪欲施子因緣令離愛習
今施二目悉令衆生得清淨法眼菩薩摩訶
薩作是願已便以木錐向目欲挑時婆羅門
尋前提手且莫挑出目今屬我更莫餘施菩
薩答言我今一身云何一日連受二寄先婆
羅門已寄我婦汝今寄眼我當云何而得守
護時婆羅門即復帝釋身語菩薩言婦目二
物悉是我有今相付囑莫復餘施爾時帝釋
即飛而去於虛空中雨四種華空中聲出宣
告諸天汝等當知此人增長菩提道樹不久
當得阿耨多羅三藐三菩提菩薩摩訶薩行
檀波羅蜜其事如是無所不捨一切衆生若
聞是事應於菩薩悉生歡喜

善吉王品第四

菩薩行施時 定心究竟作 乃至魔波旬

不能得斷絕

我昔曾聞過去有王名曰善吉爲欲成於菩
提之道常行利益修集正法於諸衆生無刀
杖想面目端正世中少雙言常含笑無有麤
獷供養父母尊重師長恭敬沙門出家道士
自行十善亦勸人行常行布施無有斷絕若
有貧窮困悴之人身體羸瘦衣裳不障菩薩
見已即生憐愍舉身戰動猶被毒箭心竊念
言是諸衆生慳惜因緣癡人不識雖受人形
形相具足以無福故常從他乞皆由先世不
肯布施以慳嫉妬而自覆蔽現世報熟而受
是苦猶如田夫愚癡無智遠至妻家道路飢
渴既入其舍復值無人即盜粒米滿口而辭

未咽之頃家人即至是人慚愧復不得咽惜
不吐棄家人見已即問之言君患何等乃如
是乎是人聞已默然無言爾時妻家眷屬大
小即將良醫而為診之見其口頰堅如木石
更無餘計即以刀剗是人二頰既破之後亦
無膿汚但見生米滿其口中是人以是覆藏
盜事得是現報猶如女人覆藏懷妊臨產之
日受大苦惱發聲大喚乃令一切悉共知之
人亦如是覆藏諸罪報執之時苦惱所逼現
露於世或坐慳惜嫉妬居心而受此苦我今
杜塞一切諸路不令慳妬而來入心我今當
集一切所施安止衆生於布施中時善吉王
思是事已常行布施無有休息當其施時心
喜無量當是時也魔王波旬愁憂不樂而作
是言怪哉善吉云何一旦為我怨對而欲空

虛我之境界我有大力能伏諸仙飲水食果
行諸苦行善能成辦諸呪術者我射華箭乃
至一發令持戒者悉皆破壞譬如風吹驅折
大樹我今波旬雖射三發恐不能令善吉菩
薩身心傾動何以故外道諸仙無有智慧慈
悲之心不求利他正為自樂是故被箭尋即
退散善吉菩薩有大智慧慈悲心厚不求自
樂常為一切我今雖射乃至三發猶恐不能
令其退散何以故是人必定為諸衆生求無
上道不久當得阿耨多羅三藐三菩提故及
其未成我於中間或可留難令其破壞譬如
有人始遇患苦或有醫師少給湯藥則可令
差亦如小樹初生之時以爪能斷及其長大
雖有百斧伐之猶難曼此菩薩未成無上正
真之道當速壞之時善吉王多行布施疲極

獨處靜坐而息爾時波旬在上空中身出光明過絕日月而說是語善吉大士善哉善哉汝今真能推求正法愛念衆生猶如慈母愛念其子善男子汝欲增長一切善法而反熾然一切惡法猶如有人欲食甘露而食毒藥欲求安樂而反入賊欲安隱身反服非藥欲除斷渴愛反飲鹹水欲斷婬欲反樂衆女善男子汝不知耶有諸檀越以施因緣皆墮地獄是故我今憐愍汝故種種分別汝當受持從今以往當斷施想生慳惜心爾時波旬即化作地獄滿中罪人以示善吉復作是言如是人等皆由先世好行布施貪求正法是故今日悉墮是中受大苦惱大王當知是中罪人雖以刀斧共相斫截支節段段悉墮在地而命猶存不肯死也以熱銅鑊周而纏身舉

身烟出命亦不盡雖以千釘釘控其身猶張牛皮亦復不死東西馳走常遇熾火冷熱諸風逼切其身或有惡風吹散其體或被鎚打令如塵末飢吞鐵丸渴飲洋銅或入刀林攀緣劔樹或在火鑊隨湯上下糜爛猶如熟豆是諸衆生雖受如是種種苦惱然其命根亦不肯盡大王當知我今從王無所求欲亦復不須供養之具以王修行邪僻之道是故我今爲說正道時善吉王見地獄中如是衆生即生悲心而作是念如是衆生流轉生死無有出期已受無量種種苦惱今復於此地獄受苦可愍可傷何時當得斷諸苦惱令無有餘如是衆生先行惡法今受苦報自作自受實非我咎我今定知是諸無量受苦衆生皆由先世身口意業多作不善故令今日墮是

衆二

十六

罪中定不緣施而受此苦也時善吉王以慈悲心向波旬而作是言善哉大士汝真慈悲有憐愍心善說道非道相若使施者受如是苦諸受施者復在何處波旬答言善哉菩薩汝有深智能問是義諦聽諦聽當爲汝說時魔波旬以已神力即時化諸天色像以天瓔珞寶鬘華香莊嚴其身無量妓樂以爲娛樂諸天嫖女侍使左右種種諸樹常出甘果華樹瓔珞衣服飲食等樹羅列在前無量衆鳥相和而鳴其聲和雅甚可愛樂處處多有流泉浴池金色蓮華布於水上無老病死苦惡音聲身處七寶微妙宮殿魔化是已即示菩薩善男子諸受施者悉皆如是受無量上樂是故汝今應捨施心從是以後可得受是微妙果報爾時善吉即作是念如是之言顛倒

卷二

十七

虛妄無有義理所以者何我未曾見訶黎勒樹能生甘蔗廁糞之中而出淨蓮華純真妙金變爲銅鐵信心擅越受地獄苦如是之言多所虧損此言顛倒定是魔說即作是言善哉善哉善能分別如是功德汝則已爲攝取於我復語魔言汝今當知如蠅蟲翅所有風力不能吹動須彌山王以汝風力欲令我動亦復如是如先所說言諸施主以施因緣墮於地獄諸受施人生天上者正合我願願我從今獨爲施主常墮地獄令諸衆生悉爲受者生於天上一身受苦令多受樂豈非菩薩本誓願耶我今定知汝是波旬汝亦不能常與我戰我從昔來常集施心汝今云何卒令我捨菩薩摩訶薩修行如是檀波羅蜜乃至天魔不能留難

僧伽斯那所撰菩薩本緣經卷第二

音釋

也	也	也	也	也	也
割	動	也	也	也	也
也	獷	矇	搏	蒲	搏
鏢	居	音	音	音	音
鏢	惡	明	蒙	搏	抽
音	也	也	不	戲	居
鏢	也	切	也	也	切
鏢	也	齧	腕	腕	腕
鏢	也	助	腕	腕	腕
鏢	也	也	腕	腕	腕
鏢	也	切	腕	腕	腕
鏢	也	診	腕	腕	腕
鏢	也	章	腕	腕	腕
鏢	也	忍	腕	腕	腕
鏢	也	切	腕	腕	腕
鏢	也	候	腕	腕	腕
鏢	也	剗	腕	腕	腕
鏢	也	切	腕	腕	腕
鏢	也	音	腕	腕	腕
鏢	也	目	腕	腕	腕
鏢	也	間	腕	腕	腕
鏢	也	動	腕	腕	腕

僧伽斯那所撰菩薩本緣經卷第三 聚三

吳月支優婆塞支謙譯

月光王品第五

菩薩摩訶薩 行無上道時 爲諸衆生故
乃至捨頭目

我昔曾聞是迦尸國過去有王名曰月光修

苦提道爲求法利常訶諸欲其王形體端嚴
姝好才智過人天下少雙質直不諂所言柔
軟至誠無欺遠離瞋恚同止歡樂恭敬沙門
諸婆羅門慈仁孝順供養父母隣國諸王承
服德故而重伏之遙揖爲友名德流布徧於
諸方常能利益無量衆生擁護國土所有人
民猶如慈母愛其赤子又於後時竊生此念
我當云何令諸衆生心歡喜耶即命大臣而
作是言卿等今可莊嚴此城懸諸華蓋堅寶

幢幡掃灑燒香以華散地無令人民而有憂
苦悉以寶瓔珞瓔珞其身衣服被飾極令鮮
明諸臣跪諾敬奉王命即出宣告舉城人民
卿等各各莊嚴城郭所有里巷極使清淨令
如三十三天宮殿時月光王乘一大象出於
宮殿即命一臣卿持我聲告諸人民我今莊
嚴如此城郭非爲貪欲貢高憍慢畏怖他怨
以禦寇敵亦不求作轉輪聖王我今所以莊
嚴此城唯欲令諸一切衆生受無量樂不墮
地獄畜生餓鬼卿等今日宜應於我起父母
兄想善知識想若入我宮當如已舍所須之
物隨意自取我今大施莫自疑難取物之後
當行善法供身之餘復當轉施諸人若須我
身命亦不愛也唯願一切皆受安樂時月光
王說是言已宮中所有微妙寶物使人負出

隨意布施視諸人民猶如父母兄弟赤子顏色和悅猶如秋月一切人民瞻戴是王如父如母如兄如弟善心視王目如初蓮當于爾時國中人民無有持刀杖者悉皆隨王奉行十善猶如牛王諸牛隨從亦如衆星隨逐於月譬如衆商隨商主後亦如衆兵隨逐主將譬如蒲萄其子甘故生果亦甘如梅檀樹根華俱香是月光王令諸人民等行十善亦復如是當是時也其國乃至無有一人瞋嫉憍慢貢高剛強盜人財物奸犯他妻兩舌惡口貪恚邪見是月光王雖非聖帝而其人民悉行十善是時人民雖無草衣果菰之食而其體貌與仙無異皆貪深山空閑之處以愛王故不能捨離時王如是行善法已有諸沙門婆羅門等稱傳其德徧滿諸方爾時有一老

婆羅門捨家愛欲居在雪山長髮鬚爪爲梵行相結草障身水果禦飢聞有人言月光王者好施無慳聞是語已因往本習即生惡念猶如猛火投之膏油膏油既至倍復熾然亦如毒藥投生血中其力則盛譬如渴人飲於鹹水如秋增熱春多洩唾是婆羅門住深山中聞王功德增益瞋恚亦復如是猶師子瞋聞獐鹿聲是婆羅門增長瞋恚亦復如是復作是念一切世間皆悉愚癡無有智慧而爲是王之所誑惑我今當往求索一物審如是王能捨離不復作是念但不有人從乞身命若有索者必當退轉作是念已即出深山棄捨淨法瞋恚增長口如赤銅銜屑切齒暉曠角張譬如惡龍放電殺穀如金剛杵摧破大山如阿脩羅王遮捉日月猶如暴雨漂沒村

落猛盛大火焚燒乾草是婆羅門亦復如是
持是惡心往迦尸城月光王所示現如是本
習惡相身體戰動口言寒吃行不直路手拳
繚戾眉髮迅麗頭鬚刺豎覆手五指如五龍
頭心中毒盛猶如惡蛇瞋氣佛鬱煙燄俱起
詐言大王我在雪山遙聞王名歡喜踊躍無
量我觀諸王無如汝比而此土地功德難量
復得值遇如是法王大王今日爲利益他應
當自捨所有身命修正法者卧寤常安我今
欲請大王一事王即答言大婆羅門不須多
語請列所作隨其所須悉當奉施若象馬車
牛金銀瑠璃衣服珍寶奴婢使人悉當給與
婆羅門汝今當知是諸衆生三毒所惱流轉
生死無有脫期老病死法常害衆生唯我一
人能獨出離但爲衆生故久住世耳隨汝所

愛悉當與之婆羅門言王若能爾先當定心
莫令傾動王即答言我從昔來常立誓願心
難得動我爲衆生發菩提心尚捨身命況餘
外物汝今當知家有錢財不能施者當知是
人則爲守奴猶如毒樹雖生華實無人受用
井深繩短水無由得有財不施亦復如是若
見乞者面目顰蹙當知是人開餓鬼門婆羅
門言善哉大王搆之虛言復何所益若能爾
者以頭見施時諸大臣聞是語已語婆羅門
言怪哉大賊從何處來以此人口宣無義言
即以土石競共打空復共唱言如此人者非
婆羅門何處當有衣草鹿皮長髮節食宣說
如是棘刺之言身體被服猶如仙聖口所發
言劇旃陀羅身行口言不相副稱當知必定
非婆羅門乃是羅刹弊惡鬼神咄哉惡人汝

今來此欲乾我等正法河耶如金翅鳥欲食法龍斷法雨乎汝如惡風吹滅法炬是大惡象欲拔法樹成死惡人無有道理口發言時舌何不縮如何大地能載汝形日光赫燄不焦汝身云何彼河不漂汝去時婆羅門語諸大臣汝等癡人何故見訶譬如惡狗吠彼乞者汝今疑我非婆羅門從遠求耶非是博學出家人乎汝等愚惡亦不能知諸婆羅門所有威力汝不知耶日月虧盈大海鹹苦闍菟神仙吞飲恒河十二年中斷絕不流自在天王面上三日瞿曇仙人於釋身上化千女根婆私吒仙變帝釋身爲羯羊形毗仇大仙食須彌山如食乳糜如此之事盡是我等婆羅門力我今來此亦不爲卿空言綺飾誰當不能君王自言能一切施我今從乞有何可責

聚三

五

時月光王即語諸臣卿等今者不應見遮我今當令此婆羅門所願滿足汝當觀察我今治國無有貪婬瞋恚愚癡所得果報今已成就捨身時到如蛇脫皮汝等當知我今以此不堅之身易彼堅身不堅之財貿易堅財不堅之命貿易堅命如我先時常爲汝說大人之法今正是時亦常勸汝向於正法閉塞諸惡開諸善門於菩提中種諸善根薄諸煩惱漸解家繫如我所得如是功德汝亦當得是故我今放捨身命汝當歡喜不應憂苦若我貪身不能爲者猶當苦言慰喻令作況我今日能自開割而汝反更遮固不聽譬如有人以草易毳服毒愈病我亦如是捨不堅牢身得堅牢身時諸大臣復作是言于今不應計如是事得堅牢身時諸大臣復作是言王今

不應計是事也所以者何大王乃是臣等所依王今此身一切共有共有之法何得獨爲一婆羅門而欲放捨捨此身已財施之事云何能辦若不能辦受苦者衆王身雖一天下共之云何今日獨欲自在譬如多人共一妙寶有人獨用豈得自在王身今者亦復如是爾時大王和顏悅色向諸大臣復作是言汝等先當起慈愍心觀婆羅門然後我當捨頭施之爾時大王告婆羅門汝小遠去聽我慰喻諸臣民已當相發遣時婆羅門即便小却爾時大王告諸臣言汝不知我本日所願常欲利益諸衆生耶我已爲汝所作成辦復當滿此婆羅門願此婆羅門曾於往昔與我有怨餘報未畢常以繫心更無餘緣可以償之要當捨頭而今未畢自我受身常行正法今

乘三

六

爲此人亦行正法卿等速去喚婆羅門令還本處作如是言汝無巧智不知時宜於大衆中求索我頭何故不於僻靜之處而求索耶我今爲汝諫喻諸臣令汝安隱得全性命設不諫者汝之身命何得全濟汝小遠去至彼靜處須我發遣諸大臣已我當就汝斷頭相施時婆羅門聞王語已即便遠去爾時大王遣諸臣已即便至彼婆羅門所言汝今若爲我怨所遣索我頭者我亦於汝無讎嫌心若自來索有何因緣汝婆羅門應起慈心設起慈心即當生天怨心如火汝當速滅瞋恚在心不見法義修忍之人除去瞋恚汗心形不端正猶如雲霧障蔽淨月出家之人所不應生生瞋恚者不得端正猶如飲酒噫氣臭穢婆羅門言汝今所說唯爲妙善而我麤

獮何能信受但施我頭無更餘言我今聞汝
所說雖善聞已倍更增益瞋恚猶如膏油投
之猛火時王答言我從生來未曾勸人而爲
惡事今此身者隨汝自斫是身可惡猶如糞
坑實不愛之但憐愍汝墮地獄耳婆羅門言
言地獄者爲在何處爾時大王即起悲心而
作是言怪哉衆生咄哉世間乃無一人修行
善法爲已利者我雖種種勸諫是人而其本
心猶樂行惡譬如蒼蠅在蜜器中有人拔出
心猶樂著以樂著故乃至喪命是婆羅門亦
復如是時婆羅門持一利刀以鹿皮覆即便
出之捉王頭髮繫之樹上以瞋恚心欲斬王
頭刀誤不及斫斷樹枝時婆羅門謂已斫竟
即生歡喜以是菩薩及諸天神威德力故乃
至不見其王身首爾時樹神語婆羅門言何

處當有婆羅門人受畜利刀殺害人命汝手
云何不墮於地地何不裂陷汝身耶云何於
此清淨人邊生是惡心汝身所以不陷地者
賴是菩薩擁護汝故時婆羅門謂得真實斷
菩薩頭怨心得解即便還去王亦還官身安
無損菩薩摩訶薩行檀波羅蜜時能作如是
無所不捨

兔品第六

菩薩摩訶薩 若墮於畜生 所行諸善法
外道不能及

如我曾聞菩薩往昔曾爲兔身以其先世餘
業因緣雖受兔身善於人語言常至誠無有
虛誑智慧成就遠離瞋恚於人天中最爲第
一慈悲熏心調和軟善悉能消滅諸魔因緣
言行相副真實無諂殺害之心求無復有安

住不動如須彌山與無量鬼而爲上首常爲諸鬼而說是言汝等不知墮惡道耶是身可患夫惡道者地獄畜生餓鬼阿脩羅如是等名畜生餓鬼阿脩羅如是等名爲惡道汝等今當至心諦聽墮惡道因緣所謂十惡我於往昔曾聞諸仙聚三分別開示心亦思惟今當爲汝畧解說之四法根本多諸過患所謂貪欲瞋恚愚癡憍慢因貪欲心行十惡者墮於餓鬼因瞋恚心行十惡者墮於畜生因愚癡心行十惡者墮於地獄因憍慢心行十惡者墮阿脩羅因此四法所往之處常受苦惱汝等當觀地獄中有猛火熾然利刀剝常爲狗犬之所噉食鐵喙諸鳥挑啄其目灰河壞身猶如微塵復爲諸椎之所打碎利斧刀劍截其手足寒冷惡風吹劈其身二山相拍身處

其中汝等當知設我盡壽至百千世解說如是地獄衆生不能得盡如是地獄有種種苦汝今復當聽餓鬼中種種諸苦所謂飢渴所逼身體乾枯於無量歲初不曾聞漿水之名乃至穢糞求不能得頭髮長利纏繞其身故令身中支節火然遙望見水至則火坑飢渴所逼往趣糞穢復有惡鬼神持刀杖固遮今說此事倍令我心驚畏怖懼阿脩羅者雖受五欲與天無別憍慢自我無謙下心遠善知識不識不信聚三三寶亦復不爲善友所護於世間中起顛倒想雖見諸佛心無敬信於上諸天常生惡心繫念伺求諸天過失汝等當知憍慢之結多諸過咎無所利益所以衆生不成道果無不由此憍慢熾盛自是非彼譏刺訶責世間衆生以憍慢故增長邪見邪見因

緣誹謗三寶謗三寶故受阿脩羅阿脩羅中
所受眾苦若為故欲盡說不可得盡以愚癡
因緣墮畜生中多受眾苦受種種形食種種
食種種語言行住不同無足二足四足多足
水陸空行牛羊駝驢猪豚雞狗飛鳥走獸如
是等輩常為愚癡之所覆蔽常處盲冥無有
智慧各各相於起殺害想互相怖畏猶如怨
賊常為獵師屠膾所殺復為師子虎狼豺犬
無量惡獸之所攫食常墮坑塹窟索羅網生
則負重死則剝剝駕犁挽車鐵鉤鉤斲鞫絆
拘執常苦飢渴口乾舌燥雖有所須口不得
宣稚小孤迸遠離父母水草無量常不充足
畜生惡報世間現見是故我今畧為汝等而
解說之如我先業惡因緣故受是兔身唯食
水草恒多怖畏是故汝等應修善法善法因

緣生人天中雖人道中有諸苦惱劇於諸天
猶當發願願生人中譬如官法為犯罪者造
作土窖凡有三重重罪之人置在最下中罪
之人置之中間罪極輕者置于上重行惡業
者亦復如是極重惡者墮于地獄中品惡者
受畜生身最下品者生餓鬼中遠離如是三
品惡已得生人中生人中已行善不善行上
善者入於涅槃如已舍宅是時兔王常為諸
兔宣說如是善妙之言爾時有一婆羅門種
獸世出家修學仙法不惱眾生離欲去愛和
顏而言身無羸^{末上}獷飲水食果及諸根藥少欲
知足修寂靜行長養髮爪為梵行相是時仙
人忽於一時遙聞兔王為兔說法聞以心悔
而作是言我今雖得生於人中愚癡無智不
如是兔王生畜生中曉了善法譬如日光障

蔽月光我亦如是雖生人中爲彼畜生之所障蔽彼雖畜身或是正法之將或是梵王大自在天我今聞彼所說之法心調柔和譬如人熱入清冷水怪哉師子多行惡業受是獸身云何復當殺如是兔如是兔者乃是純善形雖如是乃能修行仙聖之法雖生畜生而能宣說善惡之相我從本來無可諮稟尊敬之處今得遇之甚善無量是時仙人即起合掌往至兔所至兔所已却坐一面合掌向兔而作是言汝是正法之身將不受兔身所有必定純善之法唯願爲我具足說之我所修學長養鬚髮草衣食果今實猷之譬如鑽水求酥是實難得我亦如是終身長髮草衣食果雖修苦行正法難得我今雖得生於人中受人形體遠善知識修行惡法如七葉華正

卷三

十一

可遠瞻不中親近我亦如是修行惡法有智之人視之遠去終不親近汝真梵王假受兔身兔時答言大婆羅門若我所言悅可汝心甚不愛也所以者何我久已離慳慳之結往昔發心便當涅槃但爲衆生故久住生死時婆羅門聞是語已心生歡喜汝是大士能爲衆生久處是中即便隨逐經歷多年飲水噉果與兔無別是時世人多行惡法以是因緣今天炎旱草木華果枯乾不出海池井泉諸水焦涸其地所有林木蓬茹藁草地土人民收拾去盡時婆羅門飢窮困苦和顏向兔而作是言我今欲去願不見責兔聞是已即生念言今此大仙不樂此處故欲相捨即前問言此處何過有何相犯大仙當觀身服如是芻草之衣令心愁惱非所宜也如婆羅門入

姪女舍甚非家法也婆羅門言汝之所說實入我心是處清淨實無過患諸兔自修亦不相犯但我薄祐困乏飲食是故俛仰欲相捨去汝今當觀一切衆生無不因食以活此身汝之所說善妙法要今雖遠離要當終身佩之心腑不令忘失汝復當知我心無慈爲穢食故而相捨離時兔答言汝所爲者蓋是小事云何乃欲相捨離去婆羅門言我空飲水已經多日恐命不全是故置宜欲相捨離兔聞是已念言善哉是婆羅門乃能爲法飲水多日即便說言汝若去者我則更無如是福田唯願仁者明受我請雖知菩薩於福田中心無分別然施極苦飢渴衆生其福最大雖知二目的是常所護然當先救苦痛之處汝今是親善知識是我所尊有大功德是故我今

卷三

十三

欲施微供汝今當知人有四種施亦有四所謂下者下中下者智者智中智者云何下者施時發心求於諸有下中下者畏怖故行於布施智者有恭敬心而行布施智中智者有大悲心而行布施我今於是四施之中趣行一施唯願明旦必受我請時婆羅門即作是念此兔今日爲何所見見死鹿耶或死兔乎心即歡喜然火誦呪是兔其夜多集乾薪告諸兔言汝等當知是婆羅門今欲捨我遠去他家我甚愁懊惱身體戰慄世法如是無常別離虛誑不實猶如幻化合會有離猶如秋雨有爲之法如是等無量過患諸行如夢熱時之燄衆生命盡無可還者汝等今者知世法如是而不能離是故汝等要當精勤壞三有乎爾時兔王竟夜不眠爲諸兔衆說法如

僧伽斯那所撰菩薩本緣經卷第四 聚四

吳月支優婆塞支謙譯

鹿品第七

菩薩摩訶薩 行六波羅蜜 乃至上怨中

終不生惡心

聚四

我昔曾聞菩薩往世墮畜生中而爲鹿身兩脅金色脊似瑠璃餘身雜廁種別難名蹄如碑礪角如金精其身莊嚴如七寶藏常行利益一切衆生所有善法具足成就身色光燄如日初出諸天敬重爲立名字號金色鹿爲無量鹿而作將導而是鹿王多行慈悲精進智慧具足無減有大勇猛善知人語爲調衆生示受鹿身爾時鹿王遊於雪山其中多有叢林華果流泉浴池若諸禽獸共相憎惡生賊害心以是菩薩威德力故悉滅無餘在空

寂處常教諸鹿遠離諸惡修行善法告諸鹿言汝等當聽諸行之中當觀小惡猶如毒食如是小惡不當受之當觀小善爲親友想常應親近精勤受持汝等諸鹿以身口意行諸惡故墮畜生中不能修行所有善法愚癡覆故受是畜身經無量世難得解脫生死之中欲受樂者要因正法而爲根本夫正法者能護衆生不墮惡趣爲度煩惱苦海之人而作橋梁如人處險要因机杖亦如執炬覩見諸器行正法者亦復如是夫正法者最可親近不可破壞能示衆生無上大道是能爲受樂者聞是法能令喜心不斷行是法者心無所畏是法能除一切諸惡譬如良藥療治衆病以是因緣常應憶念不令忘失若忘失者此生空過一切世間皆悉虛誑唯有布施忍辱

慚愧智慧之法乃是真實若能修行如是等
法是則名為具足正法為諸鳥獸當說是法
令諸聽者心離婬欲當是時也猶如賢聖遠
離諸惡不加侵害復於後時與諸群鹿遊止
一河其水廣大深無涯底暴漲急疾多所漂
沒壞諸山岸吹拔大樹一切鳥獸無敢近者
時有一人為水所漂恐怖惶遽莫知所至身
力轉微餘命無幾舉聲大喚天神地祇誰有
慈悲能見救濟苦哉我今日與室家別今日
困頓誰可歸依我昔曾聞世有一鹿修學仙
法有大慈悲唯是當能深見濟拔是時鹿王
在眾鹿前聞如是聲即便驚視誰受苦厄發
如是言我聞是已其心苦惱如彼受苦等無
差別尋告諸鹿汝當隨意各自散去吾欲觀
覓平整之處自恣飲水以充渴乏諸鹿聞已

尋即四散鹿王即便尋聲求之見有一人為
水所漂復為木石之所振觸多受苦惱鹿王
見已即作是念水急駛疾假使大魚亦不能
度我今身小力亦微末竟知當能度是人不
寧令我身與彼俱死實不忍見彼獨受苦復
作是念若使是人在於陸地為象所困可得
為作方便救護今在此水漂疾急速我當云
何而得救拔我設入水不能濟者一切聞知
當見嗤笑自知不能何故入水我今雖有慈
悲之心身力微末恐不能辦我今要當倍加
精進以不休息而往救之即作是言汝今不
應生怖畏心我今入水猶如草木假使身滅
要當相救是時鹿王躡身投河至彼人所即
命溺人令坐其背溺人即坐安隱無慮猶如
有人安坐榻席其河多有木石之屬互相振

觸身痛無賴是時鹿王擔負溺人至死不放
劣乃得出至于彼岸溺人爾時既得救拔安
隱出已即語鹿王我之父母所長養身為已
滅沒今之身命實是汝有汝雖鹿王身命相
屬所可勅使唯垂告語爾時鹿王告其人言
汝今且聽我於汝所不求功果亦無有心生
貢高想我今不惜如是身命但欲為他而作
利益汝今當知我受獸身常處於林野自在
隨意求覓水草雖不侵犯居民邑落然是我
罪多諸怨憎兼復怖畏師子虎狼諸惡走獸
射獵之徒無所歸依無守護者我雖鹿身雜
色微妙一切世間悉無見者以相救濟唯汝
見之昔我立誓若見若厄要令度脫人雖有
力見苦不救當知是人為無果報如不種子
不收果實若念我者當善攝口知思念恩賢

聖所讚不知恩者現世惡名流布於外復為
智者之所訶責將來之世多受惡報知恩之
人二世安隱悲施因緣而得自在不修多聞
具大智慧雖無水浴清淨無垢離諸香熏得
無上香離諸瓔珞得真莊嚴遠離所依而得
自護雖無刀仗人無侵者汝當知之知恩之
人所得功德說不可盡不知恩者所得過患
亦復無量是故汝今應善護口爾時溺人聞
是語已悲喜交集涕淚橫流即禮鹿足而作
是言汝常說法示諸衆生涅槃正道汝如良
醫除斷衆生心熱病苦汝是世間第一慈父
是尊是導實貪隨侍朝夕稟受我若遠離經
一念頃必當為惡無所堪任我今設去雖有
形體當相遠離而心未敢生捨離想也說是
語已尋便即路鹿王望之遠不見已即還本

處衆鹿之中是時溺人既還家已忘恩背義
破滅法炬自焦其心斫伐法樹乃植毒林心
爲惡器盛衆怨結爲現世利即至王所而白
王言大王當知臣近入山見有一鹿身色微
妙如七寶貫在衆鹿中而爲上首猶如滿月
處衆星中其皮雜色任覆御乘臣知此鹿遊
住之處時王聞已心驚喜曰卿示吾處吾自
往取溺人答王敬奉所勅王即嚴駕令在前
導千乘萬騎隨後而往是時鹿王在衆鹿中
疲極而眠爾時虛空多有衆鳥見王軍衆各
相謂言是王必爲金色鹿來時有一鳥即至
鹿所啄鹿王耳鹿王驚悟心即念言此鳥何
緣來見覺之從昔已來衆鳥等類顧復圍繞
無敢近者今日何故觸犯我身鹿即起立遙
望王軍四方雲集已來近至復作是念如是

衆四

五

衆鳥實無過咎譬如有人所尊陷墜以手牽
拽豈是過耶爾時鹿王即知是彼溺人白王
說我身色及以住處復作是念是諸衆生無
慈悲心世間所有師子虎狼常是我怨聞我
說法怨心即息是人無理得生人中忘恩背
義反於我所而生毒害如妙香花置之死屍
即時可得人不喜見是人亦爾爲得現世少
許樂分捨離將來無量樂報爾時鹿王即向
諸鹿而作是言汝等莫愁王今所以來至此
者正爲我身不爲汝也我今雖能逃避遠去
亦能壞碎彼之軍衆要當畢命自往王所若
我如是汝等便當東西波迸乃至喪命是故
我今爲汝等故當往王所但隨我後莫生恐
怖當令汝等安隱無患汝等當知我若發心
欲入涅槃即能得之所以不取正爲汝等我

至王所設使喪命但令汝等安隱全濟吾無所恨作是語已即王王所溺人見已尋示王言所言鹿王此即是也作是言已兩手落地時王見已即便下馬心驚毛豎而作是言汝手云何斷落如是即捨刀仗獨往鹿所鹿見王時心中愁惱王作是念彼雖獸身非實鹿也即是正法勇出之王爾時鹿王即白王言大王何緣放捨刀仗身體流汗狀似恐怖若使於我生恐怖者我是修慈終不相害如月生火無有是處時王聞已心得安隱即向鹿王而作是言是人何緣兩手落地然如向言能施我等無所怖畏云何是人直示汝身得如是報汝向自言能施眾生無所畏怖云何乃令是人如是若言不施一切世間即當火然時鹿王復白王言譬如有人犯官重事

卷四

六

惱觸無諍清淨比丘如是之人得大重罪不知恩者亦復如是得大重罪王今當知是人自作自受其報非我因緣王即問言唯願廣說我樂聞之鹿王答言願王問彼不須我說王即問人卿今何故二手落地是時溺人即為其王廣說本緣王既聞已即作是念作是事已云何當得不受報也若有困厄依恃他人乃至一念常應報恩況復多時受斯重恩而不能報反生賊害豈當不受如是報也如人熱時止息涼樹是人乃至不應侵損是樹一葉受恩不忘亦復如是爾時國王復向鹿王長跪叉手而作是言我從今日常相歸依鹿王答曰審能爾者敬受來意王復言曰汝今愛我願求何等鹿王答曰若能於我生尊想者今當諦聽我是獸身唯賴水草以自存

活餘無所求大王當知是人昔爲水所漂困
無救護者餘命無幾我於爾時猶能救之王
今若有慈悲之心當視是人如赤子想若視
是人即亦視我是人愚癡無知可愍命終之
後必墮地獄經無量歲備受衆苦是故應當
於是人所生慈愍心大王譬如有人多諸子
息愛無偏黨然於病者心則偏重菩薩亦爾
於惡衆生偏生悲愛以是衆生懷惡法故是
故菩薩爲諸衆生發菩提心爾時大王復更
斂容而作是言汝今真是調御大師護持正
法救濟危厄歸依之處能除衆生一切怖畏
是諸衆生多行惡法身應陷地所以不沒諒
由大士護持故也從今已往施諸鹿群無所
畏樂我今終身願爲弟子若汝來世成無上
道願先濟度於是國王說是語已即告群臣

舉國人民自今爲始不得遊獵殺害爲業菩
薩摩訶薩行尸波羅蜜時雖受獸身於諸怨
憎乃至不生一念惡心

龍品第八

菩薩摩訶薩 處瞋猶持戒 況生於人中
而當不堅持

如我曾聞菩薩往昔以恚因緣墮於龍中受
三毒身所謂氣毒身毒觸毒其身雜色如七
寶聚光明自照不假日月才貌長大氣如韞
風其日照朗如雙日出常爲無量諸龍所繞
自化其身而爲人像與諸龍女共相娛樂住
毗陀山幽邃之處多諸林木華果茂盛甚可
愛樂有諸池水八味具足常在其中遊止受
樂經歷無量百千萬歲時金翅鳥爲飲食故
乘空束身飛來欲取當其來時諸山碎壞泉

池枯涸爾時諸龍及諸龍女見聞是事心大恐怖所服瓔珞華香服飾悉解落裂在其地諸龍夫人恐怖墮淚而作是言今此大怨已來逼身其噴金剛多所破壞當如之何龍便答曰卿依我後時諸婦女尋即相與來依附龍龍復念言衆四今此婦女各生恐怖我若不能作擁護者何用如是殊大之身我今此身為諸龍王若不能護何用生爲行正法者要捨身命以擁護他是金翅鳥之王有大威德其力難堪除我一身餘無能御我今要當捨其身命以救諸龍爾時龍王語金翅鳥汝金翅鳥小復留神聽我所說汝於我所常生怨害然我於汝都無惡心我以宿業受是大身稟得三毒顧有是力未曾於他而生惡心我今自忖審其氣力足能與汝共相抗禦亦能

遠燄大火投乾草木五穀臨熟遇天惡雹或變大身遮蔽日月或變小身入藕絲孔亦壞大地作於江海亦震山嶽能令動搖亦能避走遠去令汝不見我今所以不委去者多有諸龍來依附我所以不與汝戰諍者由我於汝不生惡故金翅鳥言我與汝怨何故於我不生惡心龍王答言我雖獸身善解業報審知少惡報逐不遠猶如形影不相捨離我本與汝所以俱生如是惡家悉由先世集惡業故我今常於汝所生慈愍心汝應深思如來所說衆四
非以怨心能息怨憎唯以忍辱然後乃滅譬如大火投之乾薪其燄轉更倍常增多以瞋報瞋亦復如是時金翅鳥聞是語已怨心即息復向龍王說如是言我今於汝常生怨

心然汝於我乃生慈心龍王答言我先與汝俱受佛語我常憶持抱在心懷而汝忘失了不憶念金翅鳥言唯願仁者為我和尚善為我說無上之法我從今始惠施一切諸龍無畏說是語已即捨龍宮還本住處爾時龍王遣金翅鳥還本處已慰喻諸龍及諸婦女汝見金翅生怖畏者不其餘衆生覩見汝時亦復如是生大怖畏如汝諸龍愛惜身命一切衆生亦復如是當觀自身以喻彼身是故應生大慈之心以我修習慈心因緣故令怨憎還其本處流轉生死所恃怙無過慈心夫慈心者除重煩惱之妙藥也慈是無量生死飢餓之妙食也我等往昔以失慈心故今來墮此畜生之中若以修慈為門戶者一切煩惱不能得入生天人中及正解脫慈為良藥

更無過者諸龍婦女聞是語已遠離恚毒修習慈心爾時龍王自見同輩悉修慈心歡喜自慶善哉我今所作已辦我雖業因生畜生中而得修行大士之業爾時龍王復向諸龍而作是言已為汝等作善事竟為已示汝正真之道復為汝等然正法炬閉諸惡道開人天路汝已除棄無量惡毒以上甘露補置其處欲請一事汝等當知於十二月前十五日閻浮提人以八戒水洗浴其身心作清淨為人天道而作資糧遠離憍慢貢高貪欲瞋恚愚癡我亦如是欲效彼人受八戒齋法汝當知之若能受持如是八戒雖無妙服而能得洗浴雖無墻壁能遮怨賊雖無父母而有貴姓離諸瓔珞身自莊嚴雖無珍寶巨富無量雖無車馬亦名大乘不依橋津而度惡道受

八戒者功德如是汝今當知吾於處處常受持之諸龍各言云何名為八戒齋法龍王答言八戒齋者一者不殺二者不盜三者不婬四者不妄語五者不飲酒六者不坐卧高廣牀上七者不著香華瓔珞以香塗身八者不作倡妓樂不往觀聽如是八事莊嚴不過中食是則名為八戒齋法諸龍問言我等若當離王少時命不得存今欲增長無上正法熾然法燈請奉所勅佛法之益無處不可何故不於此中受持亦曾聞有在家之人得修善法若在家中行善法者亦得增長何必要當求於靜處龍王答言欲處諸欲心無暫停見諸妙色則發過去愛欲之心譬如濕地雨易成泥見諸妙色發過去欲心亦復如是若住深山則不見色若不見色則欲心不發諸龍

聚四

十一

問言若處深山則得增長是正法者當隨意行爾時龍王即將諸龍至寂靜處遠離婬欲瞋恚之心於諸衆生修大慈心具足忍辱以自莊嚴開菩提道自受八戒清淨持齋經歷多日斷食身羸甚大飢渴疲極眠睡龍王修行如是以戒具足忍辱於諸衆生心無害想時有惡人至龍住處龍眠睡中聞有行聲即便驚覺時諸惡人見已心驚喜相謂曰是何寶聚從地湧出龍見諸人心即生念我為修德來至此間而此山間復有惡逆破修德者若令彼人見我真形則當怖死怖死之後我則毀壞修行正法我於往昔以瞋因緣受是龍身三毒具足氣見觸毒如是諸人今來至此必貪我身斷絕壽命時諸惡人復相謂曰我等入山經歷多年求覓財利未曾得見如

是龍身文彩嚴莊悅可人目剥取其皮以獻我王者可得重賞時諸惡人尋以利刀剥取其皮龍王爾時心常利樂一切世間即於是人生慈愍想以行慈故三毒即滅復自勸喻慰沃其心汝今不應念惜此身汝雖復欲多年擁護而對至時不可得免如是諸人今爲我身貪其賞貨當墮地獄我寧自死終不令彼現身受苦諸人尋前執刀剝龍復思惟若人無罪有人肢解默受不報不生怨結當知是人爲大正士若於父母兄弟妻子生默忍者此不足貴若於怨中生默受心此乃爲貴是故我今爲衆生故應當默然而忍受之若我於彼生忍受者乃爲真伴我之知識是故我今應於是人生父母想我於往昔雖無量世故捨身命初未曾得爲一衆生彼人若

衆四

十二

念剥此皮已當得無量珍寶重貨願我來世常與是人無量法財爾時龍王既被剥已遍體血出苦痛難忍舉身戰動不能自持爾時多有無量小蟲聞其血香悉來聚集啖食其肉龍王復念今此小蟲食我身者願於來世當與法食菩薩摩訶薩行尸波羅蜜時乃至剥皮食肉都不生怨況復餘處也

僧伽斯那所撰菩薩本緣經卷第四

音釋

机舉履切 振直庚切 嗤赤之切 啄音卓 拽
羊列切 鞞蒲拜切 韋韋冥也

那先比丘經



那先比丘經

失譯人名附東晉錄



清刻龍藏佛說法變相圖

那先比丘經卷上

聚五

失譯人名 附東晉錄

佛在舍衛國祇樹給孤獨園時諸比丘僧比丘尼優婆塞優婆夷諸天王大臣長者人民及事九十六種道者凡萬餘人日於佛前聽經佛自念人衆日多身不得安佛意欲捨人衆去到閑屏處坐思惟念道佛即捨人衆去入山至校羅叢樹間其樹有神佛坐其下思念清淨之道去叢樹不遠有羣象五百餘頭中有象王賢善知善惡之事譬如人狀象輩衆多周匝象王邊中有雄雌長齒中齒少齒者象王渴欲行飲水時諸小象走居前入水飲飲已於水中走戲撓撓水令濁惡象王不能得清水飲象王飢欲行食草諸小象復走居前食噉美草走戲蹈踐其上象王不能得

淨草食象王自念我羣衆多患是諸象及小象子撓水令濁令草不淨而返常飲濁水食足踐之草象王自念我欲棄是諸象去至一屏處快耶象王即棄羣而去轉行入山到校羅叢樹間象王見佛佛坐樹下心大歡喜則前至佛所低頭屈膝爲佛作禮却在_一一面住佛自念我棄衆人來在是間象王亦復棄衆象來到是樹間其義適同佛爲象王說經言佛於人中最尊象王於諸象中亦尊佛言我心與象王心適相中合我與象王俱樂是樹間象王聽經竟心即開解曉知佛意便視佛所彷徨經行處以鼻取水灑地以鼻撈草掃地以足踏地令平好象王日朝暮承事如是久後佛便取無爲泥洹道去象王不知佛處爲周旋行求索佛不得啼泣愁憂不樂不敢

食飲時國中有佛寺舍在山上名迦羅洹中有五百沙門共止其中皆已得阿羅漢道常以月六齋日誦經至明時象王亦在山上近於寺邊象王知有六齋日誦經至其日象王常行入寺聽經諸沙門知象王喜聽經欲誦經時須象王來到乃誦經象王聽經徹明不睡不卧不動不搖象王數聞經承事佛故久後象王亦以壽終死便得爲人作子生婆羅門家不復聞佛經亦不見沙門便棄家入深山學婆羅門道在山上止近比亦有一婆羅門道人俱在山上相與往來共爲知識其一人自念我馱世間縣官憂苦老病死後當入地獄餓鬼畜生貧窮中用是故我除頭鬚被袈裟作沙門求度世無爲道其一人自念我願欲求作國王得自在令天下人民皆共屬

我隨我教令兩人共願如是久後二人各復
壽終得於世間作人其一人前世宿命欲求
作國王者生於海邊爲國王太子父母便字
子爲彌蘭其一人前世宿命欲求度世無爲
泥洹道者生於天竺屬賓縣父母便字爲陀
獵生便被袈裟俱生所以與袈裟俱生者本
宿命所願其家有一象王亦同日生天竺名
象爲那父母便因象字其子名爲那先那先
長大年十五六有舅父字樓漢樓漢作沙門
有絕妙之才世間無比眼能徹視耳能徹聽
自知所從來生行即能飛出能無間入無孔
自在變化無所不作天上天下人民及蝸飛
蠕動之類心所念樓漢皆預知之那先便自
往到舅父計自說言我意佛道欲除頭鬚被
袈裟作沙門今我當爲舅父作弟子寧可持

我作沙門耶樓漢知那先宿命作善有慧甚
重哀之因聽令作沙彌那先始作小沙彌受
十戒日誦經學問思惟經戒即得四禪悉知
諸經獨未受大沙門戒於時國山中有佛寺
舍名曰憇禪憇禪寺中有五百沙門皆得阿
羅漢道中有第一阿羅漢名頽陂曰能知天
上天下來見在之事那先年滿二十因作
大沙門受大沙門戒便到憇禪寺中至頽陂
曰所時五百阿羅漢適以十五日說大沙門
戒經在講堂上坐大沙門皆入那先亦在其
中衆沙門悉坐頽陂曰悉視坐中諸沙門心
皆是阿羅漢獨那先未得羅漢道頽陂曰便
說譬喻經言若入折米米正白中有黑米即
別不好今我坐中皆清白獨那先爲黑未得
阿羅漢道那先聞頽陂曰說經如是大愁便

起爲五百沙門作禮已即出去那先自念我
不宜在是座中坐我亦未得度脫其餘沙門
皆已度脫譬若衆師子中有狐狗今我亦如
是我從今不得道者不復入衆中坐也頽陂
曰知那先意便呼那先著前以手摩那先頭
汝今得阿羅漢不久勿愁憂也頽陂曰便欲
坐止那先那先復有一師年八十餘字迦惟
曰其縣中有一優婆塞大賢善常日飯迦惟
曰弟子那先至爲師持應器行取飯具師令
那先口含水行到優婆塞家取飯具優婆塞
見那先年少端正行與人絕異宿知有慧預
聞有明志之名能說經道優婆塞見那先入
其舍中便即起立前爲作禮却又手言我飯
諸沙門日久來嘗有爲我說經者今從我那
先求哀願爲我說經解我愚癡那先即自念

我受師教令我口含水不得語我今吐水者
爲犯師戒如是當云何那先念優婆塞亦高
才有志我爲其說經想即得道那先便吐水
而坐即爲說經人布施作善奉行經戒今世
安隱後世便生天上下生人中即富明慧富
貴後不復入地獄餓鬼畜生中人不奉行經
戒者於今世苦後世復墮三惡道中無有出
時優婆塞聞經心即歡喜那先知優婆塞心
歡喜便復說深經言世間萬物皆當過去無
有常在者萬物過去皆苦世間人身亦如是
世間人皆言是我身過我許是皆不得自在
泥洹道者最樂泥洹者不生不老不病不死
不愁不憂諸惡勤苦皆悉消滅那先說經已
優婆塞即得第一須陀洹道那先亦自得須
陀洹道優婆塞大歡喜便爲那先好美飯那

先語優婆塞先取具著師鉢中那先飯竟澡漱訖畢持飯具還與師師見飯具言若今日持飯具來大好已犯衆人約當逐出汝那先愁不樂師言會衆比丘僧衆比丘僧悉會坐師言那先犯我曹衆人約來當共逐出不得止衆中也頽陂曰說譬喻言如人持一箭射兩準如是曹人不應逐出也那先自說得道亦令優婆塞得道不應逐出那先師迦維曰言正使一箭中百準會爲衆人約不得留止餘人悉不能如那先得道當已絕後不逐出那先者餘人復效無以却後衆坐中皆默然隨師教即逐出那先那先便以頭面著師足起遍爲衆比丘僧作禮禮竟便去入深山中坐樹下晝夜精進念道不懈便自成得阿羅漢道能飛行亦能眼徹視耳徹聽亦能知他

人心所念自知前世所從來生得阿羅漢已便即來還入愁禪寺中諸衆比丘僧中叩頭求哀悔過愁禪諸比丘僧諸比丘僧即聽之那先作禮竟便出去那先轉行入諸郡縣街曲里巷爲人說經戒教人爲善中有受五戒者中有得須陀洹道中有得斯陀含道者中得阿那含道者中有作沙門得阿羅漢道者第一四天王第二忉利天帝釋第七梵天王皆來到那先前作禮以頭面著足却坐那先皆爲諸人說經名字徹聞四天那先所行處諸天人鬼神龍見那先無不歡喜者皆得其福那先便轉到天竺舍竭國止泄坻迦寺中有前事故知識一人在海邊作國王太子名彌蘭彌蘭少小好喜讀經學異道悉知異道經法難異道人無有能勝者彌蘭父王壽

終彌蘭即立為國王王問左右邊臣言國中
道人及人民誰能與我共難經道者邊臣白
王言有有學佛道者人呼為沙門其人智慧
博達能與大王共難經道今在北方大秦國
國名舍竭古王之宮其國中外安隱人民皆
善其城四方皆復道行諸城門皆雕文刻鏤
宮中婦女各有處所諸街市里羅列成行官
道廣大列肆成行象馬車步男女熾盛乘門
道人親戚工師細民及諸小國皆多高明人
民被服五色焜煌婦女傅白皆著珠環國土
高燥珍寶衆多四方賈客賣買皆以金錢五
穀豐賤家有儲畜市邊羅賣諸美羹飯飢即
得食渴飲蒲萄雜酒樂不可言其國王字彌
蘭以正法治國彌蘭者高才有智明世經道
能難去來見在之事明於官事戰鬪之術智

謀無不通達時王出城遊戲諸兵衆屯繞外
其王心自貢高我為王能答九十六種經道
人所問不窮人心適發便豫知所言王語諸
傍臣曰尚早入城亦無所作是間寧有明經
道人沙門能與我共難經說道者無王傍臣
名沾彌利望羣沾彌利望羣白王言然有沙
門字野愁羅大明經道能與王共難經說道
王便勅沾彌利望羣行往請來沾彌利望羣
即行請野愁羅言大王欲見大師野愁羅言
大善王欲相見者當自來耳我不往也沾彌
利還白王如是王即乘車與五百騎共往到
寺中王與野愁羅相見前問訊已便就坐五
百騎從悉皆亦坐王即問野愁羅言卿用何
故棄家捐妻子剃頭鬚被袈裟作沙門乎卿
所求何等道野愁羅報王我曹學佛道行忠

政於今世得其福後世亦得其福用是故我除頭髮被袈裟作沙門王問野愁羅言有人白衣有妻子於家有妻子行忠政於今世得其福不後世亦得其福不野愁羅言白衣於家有妻子有行忠政於今世得福於後世亦得其福王言白衣於家有妻子有行忠政於今世後世同得其福卿無故而棄妻子除頭髮被袈裟作沙門爲野愁羅便默然無以報王傍臣白言是沙門大明健有智迫促未及說耳王傍臣舉手言王得勝王得勝野愁羅便默然受負王即左右顧視諸優婆塞諸優婆塞面亦不慙王念是諸優婆塞面亦難慙者獨復有明經健沙門能與我相難者耳王語沾彌利寧復有明慧沙門能與共難經說道者無時那先者諸沙門師常與諸沙門俱

出入諸沙門皆使說經那先時皆知諸經要難能說十二部經說經而種種別異章斷句解已知泥洹之道無有能窮者無有能得勝者能解諸疑能明思者所言智如江海能伏九十六種道爲佛四輩弟子所敬爲諸智者所歸仰常以經道第五教授人那先來到舍竭國其所相隨弟子皆復高明那先如猛師子沾彌利白王有異沙門字那先智慧深妙明諸經要能解諸疑無所不通能與王共難經道王問沾彌利審能與我共難經道不沾彌利應唯然能與王共難經道尚能與第七梵天共難經道何況於人王即勅沾彌利便行請那先來沾彌利即往到那先所白言大王欲相見那先即與諸弟子相隨到王所王雖未嘗與那先相見那先在衆人中被服行步與

人絕異王遙見隱知是那先王自說言我前
後所見人衆大多入大座中大多未嘗自覺
恐怖如今日見那先那先今日定勝我我定
不如矣我心惶惶不安也沾彌利白王言那
先已來在外那先既至王問沾彌利何所是
那先者沾彌利因指示王王即大歡喜正我
所隱者竟是那先王即見那先衣被行步與
衆人絕異那先即到前相問訊語言王便大
歡喜因共對坐那先語王言佛經說言人安
隱最爲大利人知獸足最爲大富人有所信
最爲大厚泥洹道者最爲大快王便問那先
卿字何等那先言父母字我爲那先便呼我
爲那先有時父母呼我爲維先有時父母呼
我爲首羅先有時父母呼我維迦先用是故
人皆識知我世間人皆有是字耳王問那先

誰爲那先者王復問言頭爲那先耶那先言
頭不爲那先也王復問眼耳鼻口爲那先耶
那先言眼耳鼻口不爲那先王復問頸項肩
臂足手爲那先耶那先言不爲那先王復問
脛脚爲那先耶那先言不爲那先王復問顏
色爲那先耶那先言不爲那先王復問苦樂
爲那先耶那先言不爲那先王復問善惡爲
那先耶那先言不爲那先王復問身爲那先
耶那先言不爲那先王復問肝肺心脾脉腸
胃爲那先耶那先言不爲那先王復問顏色
苦樂善惡身心合是五事寧爲那先耶那先
言不爲那先王復問假使無顏色苦樂善惡
身心無是五事寧爲那先耶那先言不爲那
先王復問聲響喘息爲那先耶那先言不爲
那先王復問何所爲那先者那先問王言名

車何所為車者軸為車耶王言軸不為車那
先言輞為車耶王言輞不為車那先言輻為
車耶王言輻不為車那先言轂為車耶王言
轂不為車那先言轆為車耶王言轆不為車
那先言輓為車耶王言輓不為車那先言輿
為車耶王言輿不為車那先言扛為車耶王
言扛不為車那先言蓋為車耶王言蓋不為
車那先言合聚是諸材木著一面寧為車耶
王言合聚是諸材木著一面不為車也那先
言假令不合聚是諸材木寧為車耶王言不
合聚是諸材木不為車那先言音聲為車耶
王言音聲不為車那先言何所為車者王便
默然不語那先言佛經說之如合聚是諸材
木用作車因得車人亦如是合聚頭面耳鼻
口頸項有臂骨肉手足肝肺心脾腎腸胃顏

色聲響氣息苦樂善惡合聚名為人王言善
哉善哉王復問那先能與我共難經說道不
那先言如使王持智慧與我相問者能相難
王持驕貴者意不能相難王問那先言智者
諸何等類那先言智者談極相詰語相解語
相上語相下語有勝有負正語不正語自知
是非是為最智智者不用作瞋怒智者如是
王復問那先言王者語何等類那先言王者
語自放恣敢有違戾不如王語者王即強誅
罰之王者語如是王言願用智者語不用王
者語莫復持對王者意與我語與我語當如
與諸沙門語當如與諸弟子語當如與諸優
婆塞語當以與眾沙門給使者語無得懷恐
怖極正心當相開悟那先言大善王言我欲
有所問那先言王便問王言我已問那先言

第五

十一

我已答王言答我何等語那先言王亦問我何等語王言我無所問那先亦無所答王內自思惟念是沙門大高明慧我甫始當多有所問王意自念曰欲冥當云何明日當請那先歸於宮中善相難問王告沾彌利語那先今日迫冥明日相請歸於宮中善相難問沾彌利望羣即白那先言曰欲冥王當還宮明日王欲請那先那先言大善王即騎馬還宮於馬上王續念那先字意念欲言那先那先念至明日明日沾彌利望羣及傍臣白言王審當請那先不王言當請之沾彌利望羣言請者當使與幾沙門俱來王言在那先欲與幾沙門俱來耳王主藏者名慳慳白王言令那先與十沙門俱來可耳王復言聽那先欲與幾沙門俱來耳慳復白王言令那先與十

沙門俱來可王復言聽那先自在欲與幾沙門俱來慳復白王令那先與十沙門俱來可耳王聞慳語大數王便瞋怒慳所汝真慳無輩汝字爲慳不望汝強惜王物自汝物當云何汝不知逆我意當有誅罰之罪王言可去哀赦汝罪今我作王爲不能堪飯沙門耶慳便慙愧不敢復語沾彌利望羣即往到那先所便前作禮白言大王請那先那先言王當令我與幾沙門俱行沾彌利望羣言自在那先欲與幾沙門俱行那先便與野愁羅等八十沙門俱行沾彌利望羣悉俱行且欲入城沾彌利望羣道中並問那先昨日對王言無有何用爲那先那先問沾彌利望羣卿意何所爲那先者沾彌利望羣言我以喘息出入命氣爲那先那先問沾彌利望羣言人氣一

出不復還入其人寧復生不沾彌利望羣言
氣出不還定爲死也那先言如人吹笳氣一
出不復還入如人持鍛金甯吹火氣一出時
寧得復還入不沾彌利望羣言不復還入如
人以角吹地氣一出時寧復還入不沾彌利
望羣言不復還入那先言同氣出不復還入
人何以故猶不死沾彌利望羣言喘息之間
我不能知願爲我曹解說之那先言喘息之
氣皆身中事如人心有所念者舌爲之言是
爲舌事意有所疑心念之是爲心事各有所
主分別視之皆空無有那先也沾彌利望羣
心即開解便受五戒爲優婆塞那先便前入
宮到王所上殿王即爲那先作禮而却那先
即坐八十沙門皆共坐王極作美飯食王手
自著那先前飯衆沙門飯食已竟澡手畢訖

王即賜諸沙門人一張袈裟袈裟華屣各一量
賜那先野憇羅各三領袈裟各一量華屣王
語那先野憇羅言留十人共止遣餘人令去
那先即遣餘沙門令去留十人共止王勅後
宮諸貴人妓女悉於殿上帷中聽我與那先
共難經道時貴人妓女悉出殿上帷中聽那
先說經時王持座坐於那先前王言當說何
等那先言王欲聽要言者當說要言王言卿
曹道何等最要者用何等故作沙門那先言
我曹欲棄世間勤苦不欲更後世勤苦用是
故我曹作沙門我曹用是爲最要善王言諸
沙門皆不欲更今世後世勤苦故作沙門耶
那先言不悉用是故作沙門沙門有四輩王
言何等四那先言中有負債作沙門中有畏
縣官作沙門者中有貧窮作沙門者中有真

欲棄滅今世後世勤苦故作沙門那先言我本至心求道故作沙門耳王言今卿用道故作沙門耶那先言我少小作沙門有佛經道及弟子諸沙門皆多高明我從學經戒入我心中以是故棄今世後世勤苦故作沙門王言善哉王問言寧有人死後不復生者不那先言中有於後世生者中有不復生者王言誰於後世生者誰不復生者那先言人有恩愛貪欲者後世便復生人無恩愛貪欲者後世不復生也王言人以一心念正法善故後世不復生耶那先言人以一心念正法念善智慧及餘善事故後世不復生王言人以一心念正法善與智慧是二事其義寧同不那先言其義各異不同王問那先牛馬六畜頗有智無有智那先言牛馬六畜各自有智其

心不同那先言王曾見獲麥者不左手持麥右手刈之那先言智慧之人斷絕愛欲譬如獲麥王言善哉王復問那先何等為餘善事者那先言誠信孝順精進念善一心智慧是為善事王言何等為誠信者那先言誠信者聚五無所復疑信有佛有佛經法信有比丘僧信有阿羅漢信有今世信有後世信有孝順父母信有作善得善信有作惡得惡得信是以後心便清淨即去離五惡何等五惡一者貪婬二者瞋恚三者睡眠四者戲樂五者所疑人不去是五惡心意不定去是五惡意便清淨那先言譬如遮迦越王車馬人從瀾渡水今水濁惡過渡以去王渴欲得水飲王有清水珠置水中水即為清王便得清水飲之那先言人心有惡譬如濁水佛諸弟子得度死

生之道心以清淨如珠清水人却諸惡誠信
清淨譬如明月珠王言善哉善哉王問言人
精進誠信者云何那先言佛諸弟子自相見
輩中脫諸惡心中有得須陀洹者中有得斯
陀含者中有得阿那含者中有得阿羅漢者
中有因相效奉行誠信者皆亦得度世道那
先言譬如山上大雨其水下流廣大兩邊人
俱不知水深淺畏不敢渡如有遠方人來視
水隱知水廣狹深淺自知力勢能入水便得
渡過兩邊人眾便效隨後亦得渡去佛諸弟
子亦如是見前人淨心得須陀洹斯陀含阿
那含阿羅漢道皆從善心精進所致也佛經
言人有誠信之心可自得度世道人能制止
却五所欲自知身苦者乃能得度世人皆從
智慧成其道德王言善哉善哉王言何等為

孝順者那先言諸善者皆為孝順凡三十七
品經皆由於孝順為本王言何等為三十七
品經那先言有四意止有四意斷有四神足
有五根有五力有七覺意有八種道行王復
問那先言何等為四意止者那先報王言佛
說一為身身觀止二為觀痛痒痛痒止三為
觀意意止四為觀法法止是為四意止王復
言何等為四意斷那先言佛說已分別止四
事不復念是為四意斷以得四意斷便自得
四神足念王復問何等為四神足念那先言
一者眼能徹視二者耳能徹聽三者能知他
人心中所念四者身能飛行是為四神足念
王復問何等為五根者那先言一者眼見好
色惡色意不貪著是為根二者耳聞好聲惡
罵聲意不貪著是為根三者鼻聞香臭意不

貪著是為根四者口得美味苦辛意不貪著
是為根五者身得細滑意亦不喜身得麤堅
意亦不惡是為五根王復問何等為五力者
那先言一能制眼二能制耳三能制鼻四能
制口五能制身令意不墮是為五力王復問
何等為七覺意者那先言一意覺意二分別
覺意三精進覺意四可覺意五猗覺意六定
覺意七護意是為七覺意王復問何等為八
種道行那先言一直見二直念三直語四直
治五直業六直方便七直意八直定是為八
種道行凡是三十七品經皆由孝順為本那
先言凡人負重致遠有所成立皆由地成世
間五穀樹木仰天之草皆由地生那先言譬
如師匠圖作大城當先度量作基址已乃可
起城那先言譬如伎人欲作當先淨除地平

乃作佛弟子求道當先行經戒念善因知勤
苦便棄諸愛欲便思念八種道行王言當用
何等棄諸愛欲那先言一心念道愛欲自滅
王言善哉善哉王復問言何等為精進者那
先言持善助善是為精進那先言譬如垣牆
欲倒從邊柱之舍欲傾壞亦復柱之是為精
進那先言譬如國王遣兵有所攻擊兵弱欲
不如王復遣兵往助之兵便得勝人有諸惡
如兵少弱時人持善心消滅惡心譬如王增
兵得勝持五善心消五惡心譬如戰鬪得勝
是為精進助善如是那先言精進所助致人
善道已得度世道無有還期王言善哉王復
問何等為意當念諸善事者那先言譬如人
取異種華以縷合連繫之風吹不能散那先
復言譬如王守藏者知王帑藏中金銀珠玉

聚五

十七

瑠璃珍寶有多少道人欲得道時意念三十七品經譬如正所謂念度世之道者也有道意因知善惡知當可行知當不可行分別白黑自思惟以後便棄惡就善那先言譬如王有守門者知王有所敬者知王有所不敬者知有利王者知有不利王者守門者知王所敬者知利王者便內之知王不敬者知不利王者守門者即不內那先言人持意亦如是諸善者當內之諸不善者不當內守意制心譬亦如是那先說經言人當自堅守護其意及身中六愛欲持意堅守自當有度世時王言善哉善哉王問那先言何等爲一其心者那先言諸善中獨有一心最第一人能一其心諸善皆隨之那先言譬如樓陛當有所倚諸爲善者皆著一心那先言譬如王

將四種兵出行戰鬪象兵馬兵車兵步兵皆導引王前後佛諸經戒及餘善事皆隨一心亦譬如兵那先說經言諸善中一心爲本學道人衆多皆當先歸一心人身生死過去如水下流前後相從無有住時王言善哉王復問何等爲智慧者那先言我前說己人有智慧能斷諸疑明諸善事是爲智慧那先言譬如持燈火入冥室火適入室便亡其冥自明明人有智慧譬如火光那先言譬如人持利刀截木人有智慧能截斷諸惡譬如利刀那先言人於世間智慧最爲第一人有智慧能得度脫生死之苦王言善哉王言那先前後所說經種種別異但欲趣却一切惡耶那先言然佛經所說種種諸善者但欲却一切惡也那先言譬如王發四種兵雖行戰鬪初發

行時意但欲攻敵耳佛所說經種種諸善但欲共攻去一切惡耳王言善哉善哉那先說經甚快也王復問那先言人死所趣善惡之道續持故身神行生耶更賀他神行生耶那先言亦非故身神亦不離故身神那先因問王身小時哺乳時身至長大時續故身非王言小時身異那先言人在母腹中始隨精時至精濁時故精耶異也堅爲肌骨時故精耶異也初生時至年數歲時故精耶異也如人學書時傍人寧能代其工不王言不能代其工那先言如人犯法有罪寧可取無罪之人代不王言不可那先以精神罪法語王王意不解王因言如人問那先那先解之云何那先言我故小時身耳從小至大續故身爾大與小時舍爲一身養是命所養那先問王言

譬如人然燈火寧至天明不王言然燈油至明那先言燈中炷火至一夜時續故火光不至夜半時故火光不至明時故火光不王言非故火光那先言然燈從一夜至夜半復更然燈火耶向晨時復更然燈耶王言不中夜起更然火續故一炷火至明耳那先言人精神展轉相續亦譬如是一者去一者來人從精神生至老死後精神更趣所向生展轉相續是非故精神亦不離故精神人死以後精神乃有所趣向生那先言譬如乳湮化作酪取酪上肥煎成醍醐寧可取醍醐與酪上肥還復名作乳湮其人語寧可用不王言其人語不可用那先言人神乳湮從乳湮成酪從酪成肥從肥成醍醐人神亦如是從精神生從生至長從長至老從老至死死後神更復

受生一身死當復更受一身譬如兩主更相
然王言善哉善哉王復問那先人有不復於
後世生者其人寧能自知不那先言然有能
自知者王言用何知之那先言其人自知無
恩愛無貪欲無諸惡用是故自知後世不復
生那先問王譬如田家耕犁種穀多收斂著
篋中至後歲不復耕不復種但仰篋中穀食
其田家寧復望得新穀不王言其田無所復
望那先言其田家何用知不復得穀王言其
田家不復耕不復種故無所望那先言得道
亦如是自知已棄捐恩愛苦樂無有貪心是
故自知後世不復生王復言其人於後世不
復生者於今寧有智異於人不那先言然有
智異於人王言寧能有明不那先言然有明
王言智與明有異同乎那先言智與明等耳

王言有智明者寧悉知萬事不寧有所不及
知不那先言人智有所及有所不及王言何
等爲智有所及有所不及那先言人前所不
學前所不及知人前所學前所及知智者所
見人及萬物皆當過去歸空不得自在人心
所貪樂皆種苦本從是致苦慧者知非常成
敗之事是智爲異於人王問言人有智慧癡
愚所在那先言人有智慧諸愚癡皆自消滅
那先言譬如人持燈火入冥室室中皆明冥
即消滅智如是人有智慧諸癡愚皆悉消滅
王言人智今爲所在那先言人行智以後智
便消滅智所作者故作那先言譬如人夜於
火下書火滅字續在智者如是有所成已智
便消滅其所作續在王言智有所成已便自
滅是何等語那先言譬如人備火豫作戒火

五瓶水如有失火者其人持五瓶水水滴滅
火火滅以後其救火人寧復望得完瓶歸家
用不王言其人不復望瓶破火滅豈復望瓶
耶那先言道人持五善心消滅諸惡亦譬如
瓶水滅火王言何等爲五善那先言一者信
善有惡二者不毀經戒三者精進四者有慧
念善五者一心念道爲是五善人能奉行是
五善者便得智慧便知身及萬物非常便知
苦不得自在便知空無所有那先言譬如醫
師持五種藥詣病者家以藥飲病人病者飲
藥得愈聚五醫寧復望得故藥復行治人不王言
不復望得故藥那先言五種藥者如五善智
其醫者如求道人其病者如諸惡愚癡者如
病人得道度世者如病得愈人智所成致人
度世道人已得道智亦自滅那先言譬如健

鬪人把弓持箭前行向敵以五箭射敵得勝
其人寧復望箭歸歸不王言不復望箭那先
言五箭者人五智也智人從智得道如健鬪
得勝敵家諸惡者如諸惡道人持五善心滅
却諸惡諸惡皆滅善智即生人從善智得成
度世道者常在不滅王言善哉王言如人得
道後世不復生者後寧復更苦不那先言或
有更苦者或有不更苦者王言更苦不更苦
云何那先言身更苦耳心意不更苦王言身
更苦心意不更苦云何那先言身所以更苦
者其身見在故更苦心意棄捐諸惡無有諸
欲是故不復更苦王言假令得道人不能得
離身苦者是爲未得泥洹道耶王言人得道
已亦無恩愛身苦意安何用爲得道王言假
令人得道已成當復何留那先言譬如果物

那先比丘經卷中

聚六

失譯人名附東晉錄

王問人更樂者爲善耶不善也人更苦爲善耶爲不善也佛得無不說有樂或有苦王言如使有爲無有苦那先問王言如人燒鐵著手中寧燒人手不復取冰著手中其冰寧復燒人手不王言然兩手皆威也那先問王言如是兩手中物皆熱耶王言不兩熱那先言兩冷耶王言不兩冷也那先言兩手中皆燒那先言我重問王王前後兩熱當言兩熱兩冷當言兩冷何緣一冷一熱能同言燒人手乎王言智慮甚淺近不能及是難也願那先爲我解之那先言佛經說之凡有六事令人內喜有六事令人內愁復有六事令人不喜亦不愁外復有六事令人愁王問何等爲六

事令人內喜那先言一者目有所視復有所望是故令人內喜二者耳聞好聲復有所望是故令人內喜三者鼻聞好香復有所望是故令人內喜四者舌得美味復有所望是故令人內喜五者身得細滑復有所望是故令人內喜六者心得樂受復有所望是故令人內喜如是六事令人內喜王復問何等爲外六事令人喜那先言一者眼見好色念之不可常得皆當棄捐便自思惟審然無常是故令人外喜二者耳聞好聲念之不可常得皆當棄捐是故令人外喜三者鼻聞好香念之不可常得皆當棄捐是故令人外喜四者口得美味念之不可常得皆當棄捐是故令人外喜五者身得細滑念之不可常得皆當棄捐是故令人外喜六者心念愛欲思惟念之

是皆無常皆當棄捐念之是以後更喜是爲六事令人外喜王復問何等爲內六事令人內愁那先言一者令人內愁者目所不喜而見之令人內愁二者耳不所欲聞而聞之令人內愁三者鼻不欲所臭而嗅之令人內愁四者口不欲所得而得之令人內愁五者身不欲所著而著之令人內愁六者心不可所喜而有之令人內愁是爲六事令人內愁王復問何等爲外六事令人不喜那先言一者目見惡色令人不喜二者耳聞惡聲令人不喜三者鼻聞臭腥令人不喜四者舌得苦辛令人不喜五者身著麤堅令人不喜六者心有所憎令人不喜是爲外六事令人不喜王復問何等爲六事令人不喜亦不喜那先言一者目有所見亦不喜不喜二者耳有所聞

音亦不喜亦不喜三者鼻有所嗅亦不喜亦不喜四者口有所得亦不喜亦不喜五者身有所觸亦不喜亦不喜六者心有所念亦不喜亦不喜是爲內六事令人不喜不喜王復問何等爲外六事令人愁者那先言一者日所見死者因自念身及萬物無常其人自念言我有是念何以不得道因外愁二者耳不樂好音其人自念言我有是念何以不得道因外愁三者鼻不喜臭香其人自念言我有是念何以不得道因外愁四者口不味苦甜其人自念我有是念何以不得道因外愁五者身不好細滑亦不得麤堅其人自念言我有是念何以不得道因外愁六者心不喜愛欲其人自念言我有是念何以不得道因外愁是爲六事令人外愁王言善哉善哉王復

問那先人以死後誰於後世生者那先言名與身於後世生王問那先故人名身行生耶那先言不也非故名亦非故身持是名身於今世作善惡乃於後世生耳王言如使今世用是名身作善惡於後世身不復生者極可作善惡徑可得脫不復更諸苦耶那先言於今世作善後世不復生者便可得脫無耶人作善惡不止當後生耳是故不得脫那先言譬如人盜他人果菰其主得盜果者將至王前白言是人盜我果其盜者言我不盜是人果是人所種小栽耳本不種果也我自取果我何用爲盜我不盜是人果我不應有罪過那先問王言如是兩人共爭誰爲直者誰不直者王言種栽家爲直本造所種盜者無狀應爲有罪那先言盜何用爲有罪王言所以

盜者有罪本種栽家所種從栽根生故上有果耳那先言人生亦譬如人今世用是名身作善惡乃生於後世今世作善惡者是本也那先言譬如人盜他人禾穞其主得盜便牽問之汝盜我禾穞爲盜者言我不盜卿禾穞卿自種禾我自取穞我何用爲犯盜兩人相牽至王前白如是誰爲直者誰爲不直王言種禾穀爲直盜者爲不直那先言何以知盜禾穞者爲不直王言是種禾者爲本有不種禾者爲無緣何有穞那先言人生亦譬如人今世用是名身作善惡乃生於後世今世作善惡者是其本也那先言譬如人冬寒於一舍中然火欲自溫炙其人棄火而去稍然及壁土燒屋連及樓舍舍主因言起火者牽至王前白言是人起火延及燒我樓舍

然火者言我然小火自温炙耳我不燒樓舍
那先問王誰爲直者王言本然火者爲不直
本所生也那先言人生亦爾譬如人今世用
是名身作善惡乃生於後世今世作善惡者
是本也那先言譬如人夜然燭火著壁欲用
自照飯食燭稍却及壁上及竹木木材便燒
一舍火大熾延及燒一城中舉城中人民共
咥言汝何爲燒一城中乃如是然火者言我
但然小燭火以自照飯食耳是自大火非我
火也如是便共爭訟相牽至王前那先問王
言如是誰爲直者誰爲不直者王言然火者
爲不直那先言何以知王言本是火所生也
汝飯食已不當滅火也而令火燒一城中那
先言人生亦譬如人今世用是名身作善
惡乃生於後世今世作善惡者是其本也人

聚六

五

用不知作善惡故不能得度脫那先言譬如
人以錢娉求人家小女以後女長大他人復
更求娉求女得女以爲婦前所娉家來自說
言汝反取婦爲後家言汝自小時娉女我自
大時娉婦我何用爲嬰汝婦耶便相牽詣王
前那先言王如是誰爲直者誰爲不直者王
言前娉家爲直那先言王何以知王言是女
本小今稍長大是故知爲直也是前娉家婦
也那先言人生亦譬如人今世用是名身
作善惡乃生於後世今世作善惡者是其本
也那先言譬如人持瓶從牧牛家買乳漣得
漣已復還寄其主言我今還不久其人須更
來還取瓶漣漣以轉作酪買漣家言我持漣
寄卿今反持酪還我牧牛者言是汝故乳今
自轉爲酪兩人因共爭訟相牽詣王前那先

問王言如是誰為直者王言牧牛家為直那先言王何以知王言汝自買漚停置地自轉成酪牧牛家當有何過那先言人生亦譬如是人今世用是名身作善惡乃生於後世今世作善惡者是其本也王復問今那先當復於後世生耶那先報王言用是為問我前說已如使我有恩愛者後世當復生如使我無恩愛者不復生那先言譬如人竭力事王王當知其善使賜其財物其人得物極自施用衣被飲食歡樂自樂其人論議言我有功於王王未曾有賞賜我也那先問王如彼人得賞賜反言未曾得其人語寧可用不王言其人語不可用那先言是故我語王言如使我有恩愛者當復於後世生如使我無恩愛者不復於後世生王言善哉善哉王問那先言

第六

六

卿前所說人名與身何等為名何等為身者那先言今見在為身心所念者為名王復問人何故有名行於後世生而身不行生那先言人身以名前後相連譬如鷄子中汁及與上皮乃成鷄子人名與身相連如是不分也王言善哉王復問那先何等為父者那先言以過去事為父當來事亦為父見在事為無有父王言善哉王復問那先言審為有父不那先言或有父或無有父王復言何等為有父何等為無有父那先言其得道泥洹者為無父未得道當復更死生者為有父人於今世好布施孝於父母於當來世當得其福王言善哉善哉王復問那先言諸以過去事當來事今見在事是三事何所為本者那先言已過去事當來事今見在事愚癡者是其本

也愚癡生即生神神生身身生名名生色色
生六知一為眼知二為耳知三為鼻知四為
口知五為身知六為心知是為六知是六事
皆外向何等為外向眼向色耳向聲鼻向香
口向味身向滑心向貪欲是為六外向名為
沛沛者合沛者知苦知樂從苦樂生恩愛從
恩愛生貪欲從貪欲生有致使生因老從老
因病從病因死從死因哭從哭因憂從憂因
內心痛凡合是諸勤苦合名為人人以是故
生死無有絕時人故本身不可得也那先言
譬如人種五穀生根從根生莖葉實至後得
穀已後年復種得穀甚多那先問王如人種
穀歲歲種穀寧有絕不生時不王言歲歲種
穀無有絕不生時也那先言人生亦如是展
轉相生無有絕時那先言譬如鷄生卵卵生

鷄從卵生卵從鷄生鷄人生死亦如是無有
絕時那先便畫地作車輪問王言今是輪寧
有角無王言正圓無有角那先言佛經說人
生死如車輪展轉相生無有絕時那先言人
從眼萬物色識即覺知是三事合從合生苦
樂從苦樂生恩愛從恩愛生貪欲從貪欲生
因有致使從有致因生從生因作善惡從善惡
便生耳聞聲識即覺知三事合從合生苦樂
從苦樂生恩愛從恩愛生貪欲從貪欲生因
有致使從有致因生從生因作善惡從善惡便
生鼻聞香識即覺知三事合從合生苦樂從
苦樂生恩愛從恩愛生貪欲從貪欲生因有
致使從有致因生從生因作善惡從善惡便生
口得味識即覺知三事合從合生苦樂從苦
樂生恩愛從恩愛生貪欲從貪欲生因有致

從有致因生從因生作善惡從善惡便生身
得細滑識即覺知三事合從合生苦樂從苦
樂生恩愛從恩愛生貪欲從貪欲生因有致
從有致因生從生因作善惡從善惡便生意
有所念識即覺知三事合從合生苦樂從苦
樂生恩愛從恩愛生貪欲從貪欲生因有致
從有致因生從因生作善惡從善惡便生那
先言人展轉相生無有絕王言善哉王復問
那先卿言人生死不可得本不可得本意云
何那先言有本者當不復生有本者當復過
去用是為本王言無本者當不復生見有本
者當過去如是本為未絕耶那先言然皆當
過去王復問那先人生死寧有從旁增益者
不那先問王言世間人及蚊行蠕動之類寧
有從旁增益者不王言我不問那先世間人

及蚊行蠕動之類我但欲問卿人生死本耳
那先言樹木生以栽為本五穀生以穀為本
天下萬物皆各以其類本生人從六情恩愛
為本那先言人有眼有色有識有耳有聲有
識有鼻有香有識有舌有味有識有身有細
滑有識有念有法有識從是生苦樂從苦樂
生恩愛從恩愛生貪欲從貪欲生合是諸苦
乃成為人耳眼耳鼻口身神識念使有致并
合為沛從沛生苦樂從苦樂生恩愛從恩愛
生貪欲從貪欲因生有致從有致因生從生
因老因病從病因死因憂從憂因哭從哭因
内心痛人生如是那先言無眼不見色不覺
不知從不覺不知無有合無有合無有苦樂
無有苦樂便不生恩愛無恩愛不生貪欲無
貪欲無有致無有致不生不老不生不老不

病不死不病不死不愁不哭不哭不哭不內
心痛無是諸苦便度脫得泥洹道無耳無所
聞無鼻無所嗅無口無所味無身無細滑無
識無所念無所念無沛無沛無苦樂無苦樂
無恩愛無恩愛無貪欲無貪欲無胞胎無所
胞胎無所生不生不老不病不病不死
不死不愁不哭不哭不內心痛捐棄諸
苦便得泥洹道王言善哉王復問那先言世
間寧有自然生物無那先言無有自然生物
皆當有所因那先因問王今王所坐殿有人
功夫作之耶自然生乎王言人功作之材椽
出於樹木垣牆泥土出於地那先言人生亦
如是界如和合乃成爲人是故無自然生物
也皆有所因那先言譬如窯家作器取土水
和以爲泥燒作雜器物其泥不能自成爲器

會當須人工有薪火乃成爲器耳世間無有
自然生者也那先語王言譬如筌篥無絃無
柱無人鼓者寧能作聲不王言不能自作聲
那先言如使筌篥有絃有柱有人工鼓者其
聲寧出不王言有聲那先言如是天下無自
然生物皆當有所因那先問王如鑽火燧無
兩木無人鑽者寧能得火不王言不能得火
那先言設有兩木有人鑽之寧能生火不王
言然即生火那先言天下無有自然生物皆
當有所因那先問王言譬如陽燧鈎無人持
之亦無日無天寧能得火那先言如陽燧有
人持之有天有日寧能得火不王言得火那
先言天下無有自然生物皆當有因那先問
王言若人無鏡無明人欲自照寧能自見其
形不王言不能自見那先言如有有鏡有明

有人自照寧能自見形不王言然即能自見
那先言天下無有自然生物皆有所因王言
善哉王復問那先世間人寧爲有人無那先
言世間不能審有人也適當呼誰爲人王言
身中命即爲人不那先問王人身中命能用
眼視色不能用耳聽音聲不能用鼻聞香不
能用舌知味不能用身知細滑不能用意有
所知不王言能那先言今我與王其於殿上
四面有窓自在欲從何窓者寧能見不王言
得見那先言設令人命在身中自在欲從何
孔視耳能以眼視色不能用耳視色不能用
鼻視色不能用口視色不能用身視色不能
用意視色不王言不能那先言設令命在耳
能以耳有所聞不能以耳有所見不能以耳
知香臭不能以耳知味不能以耳知細滑不

衆六

十一

能以耳有所念不那先言設令命在鼻能以
鼻知香臭不能以鼻聞音聲不能以鼻知味
不能以鼻知細滑不能以鼻有所念不那先
言設令命在口能以口知味不能以口有所
見不能以口聽音聲不能以口聞臭香不能
以口知細滑不能以口有所念不那先言設
令命在身中能以身知細滑不能以身有所
見不能以身聽音聲不能以身知臭香不能
以身知味不能以身有所念不那先言設令
命在識能以識有所念不能以識聽音聲不
能以識知臭香不能以識知味不能以識知
細滑不王言不能知也那先言王所語前後
不相副那先言如我與王共在殿上坐徹壞
四窓者視寧廣遠不王言然廣遠那先言設
令命在身中捫眼去之其視寧廣遠不決耳

令大其聽寧能遠不決鼻令大聞香寧能遠不決口令大知味寧能多不副剥皮膚知細滑寧多不決判去意其令寧大不王言不也那先言王亦語前後不相副那先問王言王持藏人來入在王前住王寧覺知在前住不王言知在前那先言持藏者即入王室寧知入室不王言知入室也那先言設令人命在身中人持味著口中能知甜醋酸鹹辛苦王言知之那先言王所語前後不相副也那先言如人沽美酒著大器中急塞一人口倒置酒中令嘗酒其人寧知酒味不王言其不知那先言何以故不知味王言未入口到舌上故不知味那先言王所語前後不相副王言我愚癡智未及是難願相解之那先言人從眼見色神動神動即生苦樂意念合耳鼻

果六

十二

口身意皆同合為意有所念神動神動即生苦樂從苦樂生意從生念展轉相成適無常主王言善哉王復問那先人生眼時眼與神俱生耶那先言然同時俱生王復問眼居前生耶神居前生耶那先言眼居前生神居後生王言眼語神言我所行生處汝當隨我後生相語言兩耶神語眼言汝所生處我當隨汝後生兩相語不那先言兩不相與語王言卿不言同時俱生何以故不相語那先言有四事俱不相語那先自言何等四一為下行二為向門三為行轍四者為數是四事俱不相語王復問何等為下行者那先報王言高山上天雨其水隨流當如何行王言下行那先言後復天雨其水流當復如何行王言當隨前流水處行那先問王言前水寧語後水

言汝當隨我後來後水寧語前水言我當隨
汝處流行前水後水相語言爾不王言水流
各自行前後不相語也那先言眼亦如水眼
不語神言汝當隨我後生神亦不語眼言我
當隨汝後行生也眼與神俱不相語也是名
為下行耳目鼻口身意亦爾王復問何等為
向門者那先言譬如大城都有一門其中有
一人欲出當從何向王言當從門出耳那先
言後復有一人欲出當復從何向出王言故
當從前一人門出耳那先言王前出人寧語
後人言汝當隨我後出後人寧語前人言我
當隨卿所從門出兩人寧相語言爾不王言
前人後人俱不相語也那先言眼亦如門眼
不語神言汝當隨我後生神亦不語眼言我
今當隨汝後生眼與神俱不相語也是為向

門耳鼻喉口身意亦爾王復問那先言何等為
轍行者那先問王言前車行有轍後車行當
從何所行王言後車當從前車轍中行那先
言前車輪寧語後輪言汝當隨我處從後來
後車輪寧語前輪我當隨汝處行寧相語言
爾不王言俱不相語也那先言人亦如是眼
不語神我所生處汝當隨我生神亦不語眼
我當隨卿後生那先言耳鼻喉口身神俱不相
語王復問那先何等為數那先言數者校計
也書疏學問是為數耳目鼻口身神稍稍習
知共合是六事乃為有所知不從一事有所
知也王言善哉王復問那先言人目生時與
苦樂俱生不那先言目與苦樂俱生皆根從
合生王復言何等為合者那先言兩相觸為
合合者譬如兩羊相抵是為合一羊如目一

羊如色合為名沛譬如一手為目一手為色
兩手合為沛譬如兩石一石為目一石為色
兩石合為沛耳目鼻身神皆同合為沛譬如
兩石一石如神一石如志兩石合為沛神志
合如是是名為沛王言善哉王復問那先樂
何等類那先言聚六自覺知為樂那先言譬若人
事國王其人賢善王賜與財物其人得之用
自快樂在所欲為其人自念我事王得賞賜
今得樂樂如是那先言譬如人心念善口言
善身行善行善如是死後得生天上其人於
天上極意自娛樂自念言我在世間時心念
善口言善身行善是故我自致生此間得樂
甚樂是為覺王言善哉王復問那先何等為
覺者那先言從知為覺譬如王有持藏者入
藏室中自視室中自知有若干錢金銀珠王

繒帛雜香色皆知雜處是為覺知王言善哉
王復問那先言人有所念何等類那先言人
有所念因有所作譬如人和毒藥自飲亦復
行飲人身自苦亦復苦他人身那先言譬如
人作惡死後當入泥犁中諸所教者皆入泥
犁中惡人有所念所作言如是王言善哉王
復問那先言何等為內動者那先言志念內
便動王言動行時云何那先言譬如銅銷銅
釜有人往燒之其器有聲舉平有餘音而行
人如是志動念因行那先言燒時為動有餘
音為行王言善哉王復問那先言能合取分
別之不是為合是為智是為念是為意是為
動那先言假令以合不可復分別也那先言
王使宰人作美羹中有水有肉有葱蒜有薑
有鹽豉有糯王勅廚下人言所作美羹如前

取羹中水味來次取肉味來次取葱味來次取薑味來次取鹽豉味來次取糯米來羹以成人寧能一一取羹味與王不王言羹一合以後不能一一別味也那先言諸事亦如是一合不可別也是爲苦樂是爲智是爲動是爲念王言善哉善哉王復問那先言人持目視鹽味寧可別知不那先言王知乃如是耶能持目視知鹽味王言目不知鹽味耶那先言人持舌能知鹽味取不能以目知鹽味也王復言人用舌知味云那先言人皆用舌別知味王言諸鹽味皆當用舌別知耶那先言然諸鹽味皆當用舌別知耳王復問那先言車載鹽牛軛鹽車牛寧能別知鹽味不那先言車牛不能別知知鹽味也王問那先言鹽味寧可稱不那先言王智乃爾能稱鹽味王

問那先言鹽味不可稱也其輕重可稱耳王言善哉王復問那先凡人身中五知作衆事所成耶作一事成五知耶那先言作衆事所成非一事所成也譬如一地五穀當生時各各自生動類人身中五事皆用衆事各所生王言善哉善哉王復問那先世間人頭鬚髮膚面目耳鼻口身體四支手足皆完具何故中有壽命長者中有短命者有多病者中有少病者中有貧者中有富者中有貴者中有賤者中有大士者中有小士者中有端正者中有醜者中有爲人所信者中有爲人所疑者中有明孝者中有愚者何故不同那先言譬如諸樹木果衆中有醋不甜者中有苦者中有辛者中有甜者中有正醋者那先問王言是皆樹木何故不同王言所以不同者其

哉各自異那先言人亦如是心所念者各各異是故今世間人不同耳中有短命者中有長命者中有多病者中有少病者中有富者中有貧者中有貴者中有賤者中有大士者中有小士者中有端正者中有醜者中有語用者中有語不用者中有明者中有愚者那先言是故佛所言隨其人作善惡自當得之中有豪貴者中有貧窮者皆是前世宿命世作善惡各自隨其德得之王言善哉善哉王復問那先言人有欲作善者當前作之耶當後作之乎那先言當居前作之在後作之不能益人也居前作者有益於人那先問王言王渴欲飲時使人掘地作井能赴王渴不王言不赴渴也當居前作井耳那先言人亦如是人所居皆當居前在後作者無益也那先

善

十七

問王王飢時乃使人耕地糞地種穀飢寧用飯耶當豫有儲王言不也當先有儲貯那先言人亦如是當先作善有急乃作善者無益身也那先問王譬如王有怨當臨時出戰鬪王能使人教馬教象教人作戰鬪具乎王言不也當宿有儲貯臨時便可戰鬪臨時教馬教象教人無益也那先言佛經說言人當先自念身作善在後作善無益也那先言王莫棄大道就邪道無效愚人棄善作惡後坐啼哭無所益也人家棄捐忠正就於不正臨死時悔在後王言善哉善哉王復問那先卿曹諸沙門言世間火不如泥犁中火熱也卿曹復言持小石著世間火中至暮不消也卿曹復言極取大石著泥犁火中即消盡是故我不信也卿曹復言人作惡死在泥犁中數千

萬歲其人_不消死是故我重不信是語也那先問王王寧聞見水中有雌蟒雌蛟雌鼈雌蟹懷子以沙石爲食不王言然皆以是爲食那先問王沙石在腹中寧消不王言然皆消那先言其腹中懷子寧復消不王言不消也那先言何以故不消王言相祿獨當然故不消那先言泥犂中人亦如是數千萬歲不消死者其所作罪過未盡故不消死那先問王言雌師子雌虎雌狗雌貓懷子皆肉食噉骨入腹中時寧消不王言皆消盡那先問王言其腹懷子寧復消不王言不消也那先言用何故不消王言獨用祿相故不消也那先言泥犂中人亦如是數千萬歲不消死者泥犂中人所作過惡未解故不消死那先問王言雌牛雌馬雌驢雌麋雌鹿懷子皆食草芻

卷六

十八

爲食不王言然皆以是爲食那先言其芻草寧於腹中消盡不王言皆消盡那先言其腹中子寧消盡不王言不消盡也那先言何故不消盡王言獨以相祿當然故使不消盡那先言泥犂中人亦如是是罪過未盡故不消死那先問王言夫人及長者富家女飲食皆美恣意食食於腹中寧消不王言皆消那先問王言腹中懷子寧消不王言不消也那先言何以故不消王言獨相祿故使不消也那先言泥犂中人亦如是所以數千歲不消死者用先世作惡故未解故不消死那先言人在泥犂中長在泥犂中老過盡乃當死王言善哉王復問那先卿曹諸沙門言天下地皆在水上水在風上風在空上我不信是那先便前取王書水適以三指撮舉之問王言

是中水爲風所持不王言然爲風所持那先
言風持水亦如是王言善哉王復問那先言
泥洹道皆過去無所復有耶那先言泥洹道
無所復有也那先言愚癡之人徑來索內外
身愛坐是故不能得度脫於老病死那先言
智者學道人內外身不著也人無有恩愛無
有恩愛者無貪欲無貪欲者無有胞胎無有
胞胎者不生不老不生不老不病不死不病
不憂不哭不憂不哭不內心痛便得泥洹道
王言善哉王復問那先言諸學道者悉能得
泥洹道不那先言不能悉得泥洹道也正向
善道者學知正事當所奉行者奉行之不當
奉行者遠棄之當所念者念不當所念者棄
之人如是者得泥洹道王言善哉王復問那
先人不得泥洹道者寧知泥洹道爲快不那

先言然雖未得泥洹道由知泥洹道爲快也
王言人未得泥洹道者何以知爲快耶那先
問王言人生未嘗截手足爲痛處王言人雖
未嘗更截手足由知爲痛也那先言何用知
爲痛也王言其人截手足時呻吟用是知爲
痛那先言人亦如是前得泥洹道者轉相語
泥洹道快用是故信之王言善哉王復問那
先那先寧曾見佛不那先言未曾見也王言
那先諸師寧曾見佛不那先言諸師亦不見
佛也如使那先及諸師不見佛者定爲無有
佛也那先問王言王見五百水所合聚處不
王言我不見也那先言王父及太父皆見是
水不王言皆不見也那先言王父及太父皆
不見此五百水合聚處天下定爲無此五百
水所聚處耶王言雖我父及太父皆不見此

水者實有此水那先言雖我諸師不見佛者
其實有佛王言善哉

那先比丘經卷中

第六

二十

音釋

稷徐辭切 哂呼垢切 娉匹正切 蚊主真切
禾秀也 也怒聲也 也娶問也 也蟲行貌
 椽重椽切 窰餘招切 燒陽燧切 樹日燧切
屋椽也 也瓦器也 也取火於日者
 音列 抵典禮切 銷呼玄切 鼓是義切 孺奴
捺也 觸也小盆也 是義切奴
 粘者切 稻之掘 掘渠勿切 身升人切 與申同

那先比丘經卷下

聚七

失譯人名附東晉錄

王復問言無有復勝佛者耶那先言然無有勝佛者王復問何以知爲無有勝佛者那先問王言如人未曾入大海中寧知海水爲大不有五河河有五百小河流入大河一者名恒二者名信他三者名私他四者名諱又五者名施披夷爾五河水晝夜流入海海水亦不增不減那先言王寧能聞知不王言實知那先言以得道人共道說無有能勝佛者是故我信之王言善哉王復問那先何用知無有能勝佛者那先問王造作書師者爲誰王言造書師者名質那先言王寧曾見質不王言質以死久遠未曾見那先言王未曾見質何用知質爲造書師王言持古時書字轉相

教告用是故我知名爲質那先言用是故我曹見佛經戒如見佛無異佛所說經道甚深快人知佛經戒已後便轉相教用是故我知爲無有能勝佛者王復問那先自見佛經道可久行之那先言佛所施教禁經戒甚快當奉行之至老王言善哉王復問那先人死已後身不隨後世生耶那先言人死已後更受新身故身不隨那先言譬如燈中炷更相然故炷續在新炷更然人身如是故身不行更受新身那先問王王小時從師學書讀經不王言然我續念之那先問王王所從師受經書師寧復知本經書耶悉舊得其本經書王言不也師續自知本經書耳那先言人身如此置故更受新身王言善哉王復問那先審爲有智無那先言無有智那先言譬如人盜

他人果竊盜者寧有過無王言有過那先言
初種栽時上無果竊何緣盜者當有過王言
設不種栽何緣有果是故盜者無狀那先言
人亦如是用今世作善惡生於後世更受新
身王言人用是故身行作善惡更新善惡所
在那先言人諸所作善惡隨人如影隨身人
死但亡其身不亡其行譬如然火夜書火滅
其字續在火至復成之今世所作行後世成
如受之如是王言善哉王言那先寧能分別
指視善惡所在不耶那先言不可得知善惡
所在那先問王樹木未有果時言寧能分別
指視言其枝間無有果寧可豫知之不耶王
言不可知那先言人未得道不能豫知善惡
所在王言善哉王復問人當於後世生者寧
能自知不那先言其當生者自知王言何用

知之那先言譬如田家耕種天雨時節其人
寧豫知當得穀不王言然猶知當得穀多那
先言人亦如是人當於後世生豫自知王言
善哉王復問那先審有泥洹無那先言審有
王言那先寧能指示我佛在某處不那先言
不能指示佛在某處佛以般泥洹去不可得
指示指示見處那先言譬如人大火以即
滅其火火寧可復指示知光所在不王言不
可知處那先言佛以般泥洹去不可復知處
王言善哉王復問那先沙門寧自愛其身不
那先言沙門不自愛其身王言如令沙門不
自愛其身者何以故自消息卧欲得安温輒
飲食欲得美善自護視何以故那先問王言
寧曾入戰鬪中不王言然我曾入戰鬪中那
先言在戰鬪中曾爲刀刃箭所中不王言我

曾頗爲刀刃所中那先問王刀刃矛箭瘡奈何王言我以膏藥綿絮裹耳那先問王言王爲愛瘡故以膏藥綿絮裹耶王言我不愛瘡那先言殊不愛瘡者何以持膏藥綿絮裹以護之王言我欲使疾愈耳不愛其瘡那先言沙門亦如是不愛其身雖飲食心不樂不用作美不用作好不用作肌色趣欲支身體奉行佛經戒耳佛經說言人有九孔爲九矛瘡諸孔皆臭處不淨王言善哉王復問那先佛爲審有三十二相八十種好身皆金色有光影耶那先言佛審有三十二相八十種好皆有金色有光影王言佛父母寧復有三十二相八十種好身皆金色有光影耶那先言佛父母無是相王言如使父母無是相者佛亦無是相王復言人生子像其種類父母無有

是相者佛定無是相那先言佛父母雖無是三十二相八十種好身金色者佛審有是相那先問王王曾見蓮華不王言我見之那先言此蓮華生於地長於泥水之中色甚香好寧復像類泥水色不王言不像類地泥水色那先言雖佛父母無是諸相者佛審有是諸相佛生於世間長於世間而不像世間之事王言善哉王復問那先佛審如第七天王梵所行不與婦女交會不那先言然審離於婦女淨潔無瑕穢王言假令佛如第七天王所行者佛爲第七天王梵弟子那先問王第七天王者有念無念王言第七天王梵有念那先言是故第七天王梵及上諸天皆爲佛弟子那先問王言鳥鳴聲何等類王言鳥鳴聲如鴈聲那先言如是鳥爲是鴈弟子各自異

類佛亦如是非第七天王梵弟子王言善哉
王復問那先佛寧悉學知奉行經戒不那先
言佛悉學知奉行經戒王言佛從誰師受經
戒那先言佛無師佛得道時便悉自知諸經
道佛不如諸弟子學知佛所教諸弟子皆當
奉行至老王言善哉王復問那先人父母死
時悲啼哭淚出人有聞佛經亦復悲啼淚出
俱淚出寧有別異不那先言人有父母啼泣
皆感恩愛思念愁憂苦痛此曹憂者愚癡憂
耳其有聞佛經道淚出者皆有慈哀之心念
世間勤苦是故淚出其得福甚大王言善哉
王復問那先以得度脫者未得度脫者有何
等別異那先言人未得度脫者有貪欲之心
人得度脫者無有貪欲之心但欲趣得飯食
支命耳王言我見世間人皆欲快身欲得美

聚七

五

食無有馱足那先言人未得度脫者飯食用
作榮樂好人得度脫者雖飯食不以為樂不
以為甘趣欲支命王言善哉王復問那先人
家有所作念久遠之事不那先言人愁憂時
皆念久遠之事王言用何等念之用志念耶
用念念耶那先問王言寧曾有所學知以後
念之不王言然我曾有所學知以後復忽忘
之那先言王是時無忘耶而忘之乎王言我
時妄念那先言可差王為有象王復問那先
人有所作皆念如甫始有所作今見在所
皆用念知耶那先言已去之事皆用念知之
今見在之事亦用念知之王言如是人但念
去事不能復念新事那先言假令新者有所
作不可念者亦如是王言人新學書技巧為
唐捐耶那先言人新學書畫者有念故令弟

子學者有知是故有念耳王言善哉王復問那先人用幾事生念耶那先言人凡有十六事生念一者久遠所作生念二者新有所學生念三者若有大事生念四者思善生念五者曾所更苦生念六者自思惟生念七者曾雜所作生念八者教人生念九者像生念十者曾有所忘生念十一者因識生念十二者校計生念十三者負債生念十四者一心生念十五者讀書生念十六者曾有所寄更見生念為十六事生一王復問那先何等為念久者那先言佛弟子阿難女弟子優婆夷鳩離單罷念億世宿念時事及餘道人皆能念去世之事如阿難女弟輩甚眾多念此以便生念二王復問何等為新所學生念者那先言如人曾學知校計後復忘之見人校計便

聚七

六

更生念三王復問那先何等為大事生念者那先言譬如太子立為王自念為王豪貴是為大事生念四王復問那先何等為思善生念者那先言譬如為人所請呼極善意賓遇待之其人自念言昔日為其所請呼善意待人是為思善生念五王復問那先何等為更苦生念那先言譬如人曾為人所搥捶閉繫牢獄是為更苦生念六王復問那先言何等為自思惟生念者那先言譬如曾有所見若家室宗親及畜生是為自思惟生念七王復問那先言何等為曾雜所作生念者那先言譬如人名萬物字顏色香臭甜苦念此語事是為雜生念八王復問那先言何等為教人生念者那先言人自喜忘邊人或有者或忘者忘為教人生念九王復問那先言何等為

像生念者那先言人牛馬各自有像類是爲
像生念十王復問那先何等爲曾所忘生念
者那先言譬如人卒有所忘數數獨念得之
是爲曾所忘生念十一王復問那先何等爲
因識生念者那先言學書者能求其字是爲
因識生念十二王復問那先何等爲校計生
念者那先言如人共校計成就悉知策術分
明是爲校計生念十三王復問那先何等爲
負債生念者那先言譬如顧鼓所當債歸是
爲負債生念十四王復問那先何等爲一心
生念者那先言沙門一其心自念所從來生
千億世時事是我爲一其心生念十五王復
問那先何等爲讀書生念者那先言帝王有
久古之書念言某帝某年時書也是爲讀書
生念十六王復問那先何等爲曾有所寄更

見生念者那先言若人有所寄更眼見之便
生念是爲所寄生念王言善哉王復問那先
佛寧悉知去事甫始當來事耶那先言然佛
悉知之王言假令佛悉知諸事者何故不一
時教諸弟子何故稍稍教之那先問王國中
寧有醫師無王言有醫師寧能悉知天下諸
藥不王言能悉識知諸藥那先問王其醫師
治病爲一時與藥稍稍與之王言人未病不
可豫與藥應病乃與藥耳那先言佛雖悉知
去來見在之事亦不可一時悉教天下人當
稍稍授經戒令奉行之耳王言善哉王復問
那先卿曹沙門言人在世間作惡至百歲臨
欲死時念佛死後者皆得生天上我不信是
語復言殺一生死即當入泥犁中我不信是
語那先問王如人持小石置水上石浮耶沒

耶王言其石沒那先言如今持百枚大石置船上其船寧沒不王言不沒那先言船中百枚大石因船故不得没人雖有本惡一時念佛用是故不入泥犁中便得生天上其小石沒者如人作惡不知佛經死後便入泥犁中王言善哉王復問那先卿曹衆七用何等故行學道作沙門那先言我以過去苦現在苦當來苦欲棄是諸苦不欲復受更故行學道作沙門王復問那先苦乃在後世何為豫學道作沙門那先問王王寧有敵國怨家欲相攻擊不王言然有敵國怨家常欲相攻擊也那先問王敵主臨來時王乃作鬪具備守掘塹耶當豫作之乎王言當豫有儲待那先問王用何等故豫作儲待王言備敵來無時故那先問王敵尚未來何故豫備之那先復問王飢

乃田種渴乃掘井耶王言皆當豫作之那先言尚未飢渴何故豫作調度王言善哉王復問那先第七梵天去是幾所那先言甚遠今石大如王殿從第七梵天上墮之六月日乃墮此間地耳王言卿曹諸沙門言得羅漢道如人屈伸臂頃以飛上第七梵天上王言我不信是行數千萬億里何以疾乃爾耶那先問王王本生何國王言我本生大秦國國名阿荔散那先問王阿荔散去是間幾里王言去二千由旬合八萬里那先問王頗曾於此遙念本國中事不王言然恒念本國中事耳那先言王試復更念本國中事曾有所作為者王言我即念已那先言王行八萬里反復何以疾王言善哉王復問那先若有兩人於此俱時死一人上生第七梵天一人上生處

去是七百二十里誰爲先到者那先言兩人俱時到耳王言相去遠近大多何以俱至那先問王試念阿荔國王言我已念之那先復言王試復念罽賓王言我已念之那先問王念是兩國何所疾者王言俱等耳那先言兩人俱死一人生第七梵天上一人生罽賓亦等耳那先問王若有一雙飛鳥一鳥於大樹上止一鳥於小卑樹上止兩鳥俱止誰影先在地者王言其影俱到地耳那先言兩人俱死一人生第七梵天上一人生罽賓亦俱時至耳王言善哉王復問那先人用幾事學知道那先言用七事學知道何等爲七一者念善惡之事二者精進三者樂道四者伏意爲善五者念道六者一心七者適遇無所憎愛王復問那先人用此七事學知道耶那先言

不悉用七事學知道智者持智別知善惡用是一事別知耳王復問那先假令用一事知者何爲說七事那先問王如人持刀著鞘中倚壁刀寧能自有所割截不王言不能有所割截那先言人心雖明會當得是六事共成智耳王言善哉王復問那先人家作善得福大耶作惡得殃大耶那先言人作善得福大作惡得殃小人家作惡日自悔過是故其過日小人家作善日夜自念歡喜是故得福大那先言昔者佛在時其國中有人^{擊七}杻無手足而取蓮華持上佛佛即告諸比丘言此杻手足兒却後九十一劫不復墮入泥犁中畜生薛荔道中得生天上天上壽終復還作人是故我知人作小善得福大作惡其人自悔過日消滅而盡是故我知人作過其殃小王言

善哉王復問那先智者作惡愚人作惡此兩人殃咎誰得多者那先言愚人作惡得殃大智人作惡得殃小王言不如那先言王言我國治法大臣有過則罪之重愚民有過則罪之輕是故智者作惡得殃大愚者作惡得殃小那先問王譬如燒鐵在地一人知爲燒鐵一人不知兩人俱前取燒鐵誰爛手大者耶王言不知者爛手大那先言愚者作惡不能自悔故其殃大智者作惡知不當所爲日自悔過故其殃少王言善哉王復問那先人有能持此身飛行上至第七梵天上及至鬱單越地及所欲至處者不那先言能王言奈何持此身上第七梵天及鬱單越地及所欲至處乎那先問王王寧自念少小時跳戲一丈地不王言我年少時意念欲跳便跳一丈餘

衆七

十一

地那先言得道之人意欲跳至第七梵天上及至鬱單越地者亦爾王言善哉王復問那先卿曹諸沙門言有骨長四千里何等身骨乃長四千里那先問王曾聞大海中有大魚名質身長二萬八千里者不王言然有是我曹聞之那先言如是二萬八千里魚其脇骨長四千里王怪之爲王復問那先卿曹諸沙門說言我能斷喘息之事王言奈何斷喘息氣耶那先問王寧曾聞志不王言我聞之那先言王以爲志在人身中耶王言我以爲志在人身中那先言王以爲愚人不能制其身口者不能持經戒者如此曹人亦不樂其身那先言其學道人能制身口能持經戒能一其心得四禪便能不復喘息耳王言善哉王問那先爲呼言海海爲是水名爲海耶用他

事故言海那先言人所以呼為海者水與鹽參各半是故為海耳王復問那先何以故海悉鹹如鹽味那先言所以海水鹹者淡畜以來久遠及魚鼈蟲多共清便水中是故令鹹耳王言善哉王復問那先人得道以寧能悉思惟深奧眾事不那先言然人得道以能悉思惟深奧之事那先言佛經最深奧知眾事不可稱量眾事皆智平斷之王言善哉王復問那先人神智自然此三事寧同各異那先言人神者主覺智者曉道自然者虛空無有人王復問那先言得人何等為得人者眼視色耳聽聲鼻聞香口知味身知麤輕軟志知善惡之事何所為得人者那先問王如今人能目自視脫矐子去之視寧廣遠不裂大其耳聽聲寧廣遠不決鼻令大其聞香寧多不開

卷七

十二

口令大知味寧多不剝割肌膚寧令信知麤輕軟不拔去其志感念寧多不王言不也那先言佛在所作甚難佛所知甚妙王復問那先所作何等甚難何等甚妙那先言佛言能知人腹中目所見事悉能解之能解目事能解耳事能解鼻事能解口事能解身事能解敗事能解疑事能解所念事能解神事那先言人取海水合之寧能別知口中水是泉水是某流水是某河水王言眾水皆合為一難各別知那先言佛所作為難皆能別知是諸水味今海水見目前之事王尚不能別知今人神不見人身中有六事不可見那先言是故佛解之從心念至目所見從心念至耳所聽從心念至鼻所嗅從心念至口知味從心念至身知苦樂寒溫麤堅從心念有所向佛悉

知分別解之王言善哉那先言夜已半我欲去王即勅傍臣取四端氎布搵置麻油中持以爲炬當送那先歸恭事那先如事我身傍臣皆言受教王言得師如那先作弟子如我可得道疾王諸所問那先輒事事答之王大歡喜王即出中藏好衣直十萬已上那先王語那先從今已去願那先日與八百沙門共於宮中飯食及欲所得皆從王取之那先報王我爲道人略無所欲王言那先當自護亦當護我身那先言何等當自護及護王身王報言恐人論議呼王爲慳那先爲王解諸狐疑而不能賜與恐或人言那先不能解王狐疑故王不賞賜王言那先受者當令我得其福那先亦當護其名王言譬如師子在金檻中猶爲拘閉常有欲望去心今我雖爲國王

在宮省中其意不樂欲棄國去而行學道王語竟那先便起歸佛寺那先適去王竊自念我問那先爲何等事那先爲解我何等事王自念我所問那先莫不解我意者那先歸佛寺亦自念王問我何等事我亦報王何等事那先自念王所問者我亦悉爲解之念此事至天明明日那先被袈裟持鉢直入宮上殿坐王前爲那先作禮已乃却坐王白那那先適去我自念問那先何等語那先報我何等語我復自念所問那先那先莫不解我意者我念是語歡喜安卧至明那先言我行歸舍亦自念王爲問我何等事我亦爲王說何等事我復自念王所問我輒爲解之用是故歡喜至明語竟那先欲去王便起爲那先作禮

那先比丘經卷下

音釋

舞七

十四

諱

呼嫁切

讎

時流切

搯

徒張瓜切

槌

杖擊也

槌

主榮

疔

也切

鞘

仙妙切

薛

芴語也

蒺

也此云

卽

計

搯

手捺物也

